


Biblioteka  
Ojców Kamedulów  
w Bieniszewie







PP Eremitarum Canaldulensium  
Montis Regij prope Vassauian.  
1668 16 May

Dien A. 1.8

Meer in de  
Noord Oost  
Zuid Oost  
Zuid West  
West Noord

REVERENDISSIMO  
ANTISTITI,  
ILLVSTRISSIMO  
S. R. I. PRINCIPI,

IOANNI  
CHRISTOPHORO  
EPISCOPO EYSTADIANO,  
HIREMIAS DREXELIUS  
è Societate IESV.



OSSE cum Deo  
loqui, artem ego  
cœlestem inter pri-  
mas numerandā,  
aut omnium pri-  
mam. Verissimè dixit Augusti-  
nus: Verè novit rectè vivere, qui  
novit rectè orare. a Atque hanc

A 2 artem,

a *Aug. tom. 1. serm. 14. in append. initio  
mihipag. 650.*

## EPISTOLA.

artem, Illustrissime Princeps,  
 Rethoricam cælestem jure me-  
 rito appellamus. E' cælo descen-  
 dit, quæ orantium animos ad  
 Cælum erigit. Oratio humilian-  
 tis se nubes penetrat, & non dis-  
 cedit, donec altissimus aspiciat. *a*  
 Sapienter ac salubriter Annæus  
 oraturum instruens: Sic vive  
 cum hominibus, inquit, tan-  
 quam Deus videat; sic loquere  
 cum DEO, tanquam homines  
 audiant. *b* Vetus Athenodori  
 monitum est: Tunc scito esse  
 te omnibus cupiditatibus solu-  
 tum, cum eò perveneris, ut nihil  
 Deum roges, nisi quod rogare  
 possis palam. *c*

Quantis laboribus, quantis

*a* Eccl. c. 35. v. 21. *b* Seneca epist. 10.  
 fine. *c* Ibid.

## EPISTOLA.

& impensis non pauci copiosè  
ac eleganter loqui didicerunt?  
Minerval grande à suis Isocrates  
exegit.<sup>a</sup>

Cælestis Rethorica minimè  
sumptuosa sine minervali doce-  
tur, aut certè hoc unum in eâ  
docendâ exigitur, *Velle discere.*  
Nec abundat præceptis, ut illa  
forensis, quæ non rarò præce-  
ptionū multitudine discantium  
conatus opplet fastidiis. Retho-  
rica cælestis hanc pænè unicam  
præceptionem identidem instil-  
lat: *Attende quid ores. Vigila, cum*  
*DEO loqueris.* Hæc ferè hujus  
artificii summa est. Hinc nul-  
lus memoriam fatigat, neminis  
captum & intelligentiam exce-  
dit; tota illi traditur, cui ani-  
mus

A 3

<sup>a</sup> Vide hic l. I. c. I. §. 2.



## EPISTOLA.

mus est eam discere.

Atque hanc cælestem Rhetoricam Celsitudini Tuæ inscribere non uno nomine impellor. Episcopos Germaniæ Scriptio-  
nibus meis singillatim salutare jam pridem mihi animus erat. Hunc temporum priorum injuriæ non quidem eripuerunt, id tamen effecerunt, quò minus celeriter hæc cogitatio in opus prodiret. Turbis bellicis utcunque compositis destinatas scriptiones prosequor, jamque sub tui nominis tutelam, Princeps Illustrissime, Cælestis Rhetorica festinat. Ideò hanc de attentè orandi scientiâ Scriptionem Tibi dixerim jure deberi. Vita tua oratio est. Virtus tua, in tali etiam silentio dignam Episcopo  
pa-



## EPISTOLA.

patientiam perorat. De famili-  
liâ tuâ inter nobiliores antiquis-  
simâ penitus fileo, id enim te  
velle scio. Qui mores tuos no-  
runt, symbolum illud, quod  
doctissimus Lipsius sibi assiduè  
usurpârat, Tibi ex asse cōgruum  
assignant: MORIBVS AN-  
TIQVIS, hoc est, candidis &  
germanis, qui non aliud linguâ  
promptum, quàm mente clau-  
sum exhibeant. Quod sentis,  
Præsul Reverendissime, hoc lo-  
queris. Veneranda senectus tua  
sobrietatem mensæ tuæ testatur;  
Gloriosi cani tui sat loquuntur,  
in pectore tuo divinæ eloquen-  
tiæ fontem scaturire. Tempe-  
states superasti, Princeps, profec-  
tò atroces; annos planè turbu-  
lentos intrepidus decurristi. Tul-

## EPISTOLA.

lii verbis hîc uti licebit, Nimbi,  
procellæ, imbres, turbines in  
Germaniæ Episcopos sævierunt;  
tibi minimè pepercerunt hæc  
tempestatum fata. Nec bellis  
tantum & deprædationibus, sed  
& incendiis Eystadianus ager  
tuus est vastatus. Hæc Tuæ Deus  
constanter sumpsit experimenta.  
Ab his cladibus Tua virtus aug-  
mentum cepit & splendorē am-  
pliolem. Nimirum sapiens vin-  
cit adversa quælibet infractus,  
stat erectus sub quovis pondere.  
Non mirum est in tranquillitate  
non concuti: illud admirandum,  
ibi extolli aliquem, ubi alii de-  
primuntur, & ibi stare, ubi plu-  
rimi jacent. Ad hoc culminis  
Celsitudinem Tuam pervenisse  
jam cernimus, & à Tuâ constan-  
tia

## EPISTOLA.

tiâ discimus, virtutem nullis miseriis labefactari posse. Hoc scilicet adversus virtutē possunt calamitates, damna, & injuriæ, quod adversus solem potest nebula. Nimirum homini qui totus à divinis nutibus pender, id quod verè bonū, vereque suum possidet, non potest eripi ab ullo hoste. Hic talis animus divinæ voluntati tam arctè inhærens, non ab humanis judiciis, nec ab eventibus adversis, sed ab arbitriis divinis suam omnem metitur felicitatem. Hoc uno semper tranquillus, quia vult, quod Deus vult. Hic suavissimus cum Deo consensus maximas etiam calamitates suâ perfundit dulcedine. In causâ bonâ etiam & æquâ vinci non grave est divinam vo-

A. 5. . . . .lunta-

## EPISTOLA.

luntatem intuenti. Et hæc animi cum Deo concordia, supra vastationes, incendia, humanas omnes misérias multum eminet, quod in Te, Princeps Magne, veluti effigie vivâ ad imitationem licet contemplari.

Hoc pectori Tuo altè insculptum scimus, amicos DEI adversis identidem exerceri, imò hanc esse notam initæ cum Deo amicitia, atque ut Ludovicus Blosius loquitur, non esse signū certius divinæ ad vitam electionis seu prædestinationis, *a* quàm si quis afflictiones à Deo immixtas non repugnanter & submissè sustineat. Nam quemcumque Deus (eiusdem Scriptoris verba sunt) potioribus donis exornare  
de-  
*a Zodiacus meus signo V. prædestin.*

## EPISTOLA.

decrevit, eum non blandè & molliter lavare, sed totum in mare amaritudinis immergere consuevit. *a* E' divinis oraculis res certa. Aptissimè dixit Angelus mœsto Tobia: quia acceptus eras D E O, necesse fuit, ut tentatio probaret te. *b* Causam paupertatis, mœroris, cæcitaris, aliarum rerum adversarum tradit, quòd placuisset Deo. Hæc talia Celsitudo Tua altâ cogitatione comprehensa, ut scutum ingruentibus telis objicit. Hinc Tua illa tam laudabilis constantia, & in D E V M amor, post tot procelas & turbines immotus. Nec in homines Tuam, quâ licet, beneficentiam subducis. Ingens sem-

A 6

per

*a* Blos. in Instit. spirit. c. 8.

*b* Tobia c. 12. v. 13.

## EPISTOLA.

per & mirè beneficus fuit Tuus  
in minimā Societatem nostram  
affectus. Hinc plurima in nos  
maximaque beneficia emanâ-  
runt. Testantur id etiamnum  
post ignes & ruinas tam Eluaci  
quàm Eystadii prolixæ in nos be-  
nevolentia vestigia & argumen-  
ta. Hunc in nos beneficium affe-  
ctum memori gratoque semper  
animo venerari, cælestis nos  
Rhetorica docet. Non bene  
orare didicit, qui gratus esse ne-  
scit. Et quamvis illa omnia hanc  
Scriptionem Tuæ Celsitudini  
dicandam non persuasissent, id  
tamen unum me maximè movit  
quod hoc unum agas, ut dignè  
cum Deo loquaris. Profanas  
omnes curas exemplo prorsus  
laudando abjecisti, politicum re-  
gimen



## EPISTOLA.

gimen in aliorum humeros rectissime transtulisti, solam illam tuæ salutis tuorumque subditorum curâ religiosissime retinuisse, de cetero passurus potius *Principem*, & non nisi *Episcopum* acturus. Ita jam unicus pænæ ac laudatissimus labor tuus est, æternitati præparare animum, eumque ad decretoriâ ultimam horam sine metu subeundam horis omnibus formare. Liceat dicere, Tu. <sup>o</sup> iagne Princeps, optime capis, nihil æquè prodesse, quàm quiescere, & à minimum cum aliis loqui, secum & cum Deo plurimum. Hinc Tibi jure meritissimo cælestem Rhetoricam censui consecrandam. Hanc artem usu plurimo adeò jam calles, ut eam alios etiam docere

**A 7** possis.

## EPISTOLA.

possis. Ita mitræ Tuæ non nova,  
sed grata reor & pridem assueta  
supplex offero, rogoque, liceat  
Scriptioni huic illustrissimi no-  
minis tui tutelâ frui. Animabit,  
spero, non leviter oratorem cæ-  
lestem, precandi optimum, quod  
in te cernit, exemplum. Tuæ  
Celsitudini Societatem nostram  
omnē, meque unâ submissimè  
commendo. Monachii Calen-  
dis Ianuariis. Anno Christiano  
M. DC. XXXVI.

BENE-

# BENEVOLO LECTORI.



*Ad Rhetoricam te re-  
duco, Lector, non  
illam verbosam, sed  
caelestē ac divinam.  
Multis hominum sa-  
tis est eloquētia, sed parum sapientie.  
Rhetorica caelestis non loqui tantum,  
idq; cum summo Rege, sed & sapere  
docet. Vnde hic appositissimum est  
illud: Orator verus, nisi vir bonus esse  
non potest. Nemo bene orat, qui malè  
vixerit. Hæc duo sese consequuntur  
è vestigio, vitæ puritas, & oran-  
di peritia. Alterum sine altero con-  
stare non potest. Hic omnino veris-  
simum, quod eloquentiæ princeps in  
Rhetoricis docet, Eloquentiam sine  
Sapientiâ esse non posse. Rhetorica cæ-  
lestis*

## AD LECTOREM.

lestis multos, qui disertissimi videbantur, infantissimos ostendit. Eloquentia si sit sola, ut plurimum est perniciosa. Quod Tullius, quod Demosthenes, quod Antonius non negaverint. Eloquentia sine Sapientiâ, fulmen sonorum & dulce aconitum est, plus noxâ habet quàm presidii.

Quare, mi optime Lector, patientem accommoda aurem, & dum vivis, te discipulum esse memineris. Omnis ætatis homines hac schola Rhetorices admittit. Senescamus in hac, ut juvenescamus, ut alios animos, si non annos sumamus, & in meliorem statum renovemur. Tam diu discendum est, inquit Anneus, quamdiu nescias, atq; si proverbio credimus, quamdiu vivas.<sup>a</sup> Hoc enim verè philosophari visum est Soloni, qui de scipso istud

pro-

<sup>a</sup> Seneca epist. 26. initio.

## AD LECTOREM.

pronuntiavit: Assiduè addiscens  
ad senium venio. *Attalus* magnæ  
vir eloquentiæ dicere solebat: Id do-  
centi & discenti debet esse propo-  
situm, ut ille prodesse velit, hic profice-  
re. *Rhetorica* cælestis omnibus prodesse  
plurimum cupit, modò non desint,  
qui proficere velint. *Discamus* ergo,  
dum vivimus. *Dies diei magister est.*  
Posse cum Deo loqui, & attentè,  
precari, eloquens est sapientia &  
scientiarum prima: Et discere, mi  
Lector, & valere te cupio.

INDI-

INDICVLVS  
IN  
RHETORICAM  
CÆLESTEM.  
LIBER PRIMVS.

CAPVT I. Rhetorica cælestis quid sit, & quàm ea lucrosa, utilis ac potens?

CAP. II. Rhetoricam cælestem ab omnibus discendam.

CAP. III. Quale vitium sit in Rhetoricâ cælesti, animi evagatio.

CAP. IV. Evagationum animi, quarum origines sint remotæ?

CAP. V. Evagationum animi, quarum origines sint propinquæ?

CAP. VI. Præparationem ad preces necessariam esse, & quæ sit præparatio remota?

CAP. VII. Quæ propinqua sit ad orationem præparatio?

CAP.



## INDICVLVS.

CAP. VIII. Quid mente aridâ oraturus habeat solatii:documenta.

CAP. IX. Alia quatuor documenta de eodem.

CAP. X. Quot orationis partes?

CAP. XI. Quæ orationis impedimenta sint & vitia?

CAP. XII. Quæ orationis sint ad-  
jumenta?

CAP. XIII. Quatuor oratorio monita.

CAP. XIV. Alia quinque monita prioribus connexa.

CAP. XV. Orationis exauditiæ signa.

## LIBER SECVNDVS.

CAP. I. Orationis assiduitas docetur.

CAP. II. Quâ ratione semper & assidue orandum.

CAP. III. Quid in oratione petendum?

CAP. IV. Quibus modis per orationem trahamur ad Deum.

CAP.

## INDICVLVS.

- CAP. V. Proxilius & ardentius orandum.
- CAP. VI. Quomodo aliqui omnia, alii nihil impetrent orando.
- CAP. VII. Quid mentis oratio, seu meditatio sit, & quàm ea utilis ac necessaria.
- CAP. VIII. Quomodo mente orandum, seu meditandum sit.
- CAP. IX. Quàm utilis ac necessaria sit, orationis & mortificationis mixtura.
- CAP. X. De orationis loco ac tempore, de situ corporis, inter orandum.
- CAP. XI. Quantæ sint efficaciæ orationes complurium, & publicæ.
- CAP. XII. Epilogus & Compendium dictorum omnium.

# APPROBATIO

R. P.

## PROVINCIALIS.

**R**HETORICAM CÆLESTEM,  
quam P. Hieremias Drexelius,  
Societatis nostræ Presbyter, de  
attentè precandi scientiâ scripsit, ab  
aliquot ejusdem Societatis Theolo-  
gis censam probatamque, Ego An-  
tonius VVelser, Societatis IESV per  
Superiorem Germaniam Præpositus  
Provincialis, factâ mihi potestare ab  
admodum R. P. N. Generali Mutio  
Vitelleseo, in lucem dari permitto,  
fidemque manu meâ facio, & more  
Societatis consigno. Monachii Ca-  
lendis Decembris. Anno M. DC. XXXI.

ANTONIUS VVELSER.

SVMMA PRIVILEGII  
REGIS CATHOLICI.

**P**HILIPPVS IV. Hispaniarum  
& Indiarum Rex Catholicus, &  
Potentissimus Belgarum Princeps,  
Diplomate suo sanxit, nequis R. P.  
Hieremiæ Drexelii Societatis  
IESV Sacerdotis Rhetoricam cœ-  
lestem, seu attentè precandi sci-  
tiam, intra novennium præter Ioh-  
nis Cnobbari voluntatem ullo mo-  
do imprimat, aut alibi terrarum  
impressam in Germaniæ Inferioris  
ditiones importet venalémve habeat.  
Qui secus faxit, confiscatione libro-  
rum, & aliâ gravi pœnâ mulctabi-  
tur: uti latius patet in litteris datis  
Bruxellæ 16. Maii, anno 1636.

*Signat*

STEENHUYSE.

# RETHORICA CÆLESTIS

## LIBER PRIMVS.

### CAPVT I.

*Rethorica Cælestis quid sit, & quàm ea lucrosa, utilis, ac potens.*



**P**OLLICITATIONE ditissimâ Christus suos erigens: Ego, inquit, dabo vobis os & sapientiam, cui non poterunt resistere & contradicere omnes adversarii vestri. *a* Geminum promissum, Oris & Sapientiæ, Rhetoricæ & Theologiæ. Non est, quod trepidetis, inquit Servator, ô mei discipuli: Etsi Academia non obieritis ad discendam Theologiam. Scholæ scientias guttatim & non sine laborio à morâ instillant: eas ego vos aliter docebo; p̄mēto temporis infundam. Sed forsit̃ quivis vestrum idem cum Moise obijerit querelæ. Non sum eloquens ab heri & nudius tertius. Absit omnis sollicitudo: Ego dabo vobis os. Nec ista quidem gratia vobis negabitur poterit efferre lingua, quod intellectus conceperit. Ita &  
*a Luc. c. 11. v. 15.* Rhetor.

## 1 RHETORICA CAELESTIS.

Rhetoricam & Theologiam momento sine minervali discetis.

Videte & audite piscatorem Petrum, repente factum Rhetorem & Theologum, ardentissime concionantem. Ore profecto ac Sapiencia pollebat igneus hic concionator. Videte Alexandrinam Virginem Catharinam & Oris pariter & Sapientiae divitem, quae quinquaginta doctissimos viros eam verborum vi strinxit, ut ejuratis Deorum simulachris, pro CHRISTO mortem sanctissima conjuratione tulerint. Ignea prorsus fuerit, necesse est haec facundia, & invicta sapientia, quae tot ac tantis persuasit, non Christum tantummodo profiteri, sed & pro Christo mori.

Stant promissa Christi: Non poterunt resistere & contradicere omnes adversarii gregis Christiani. Nimirum aeterna Sapientia os mutorum aperit, & linguas infantium facit disertas. Neminem ab hac schola provectior aetas aut ingenii tarditas excludit. Serio quisquis discere voluit, iam didicit. Quid ergo discendum? Rhetorica. Nimirum prius os instruamus, quam acquiramus sapientiam. prius loqui quam sapere discamus.

Quae autem haec Rhetorica est? non Tulli, non Aristotelis, non Quintiliani, sed Spiritus sancti. Caelstis haec Rhetorica non est ars scilicet declamandi, sed recte orandi. Cur autem ab omnibus haec discenda sit, jam explicabimus.

Artes



## LIBER I. Cap. I.

3

## §. I.

Artes scientiæque omnes jacebunt tenebris sepultæ, nunquam satis emerfuræ, si desit, quæ in lucem eas educat, Rhetorica. Cassiodori sensu, quicquid in aliâ doctrinâ cõcipitur, ab istâ sub decore profertur. Dictum experientia confirmat. Philosophus, Jurisperitus, Theologus publicè dicturus, aut suam ipsè Rhetoricam expromit, aut orationem ab alio emendicatam adiit, & alienis plumis triumphat cornicula. Doctrinæ aliquid habet, sed nihil eloquentiæ, quâ doctrinam commendat. Sapiencia absconsa, inquit Siracides, & thesaurus invisus; quæ utilitas in utrisque? Magnum gloriæ & virtutis instrumentum fecundia, quâ peritè uti si nōdis, in lucem dabis maximo fructu, quicquid habueris absconditæ sapientiæ. At verus Orator nisi vir bonus esse non potest. Quod ut verum esse intelligas, memineris duarum definitionum, quarum altera Catonis, Ciceronis est altera. Ille; Orator, inquit, est vir bonus, dicendi peritus. Iste autem: Nihil est, inquit, aliud eloquentia, nisi copiosè loquens sapientia. Qui ergo nomen Oratoris, & veram eloquentiæ laudem desiderat, primùm Sapientiæ studeat & Virtuti.

Rhetores & Oratores fuerunt viri sanctissimi. Anno à pariente Virgine ducen-

B

tesimo

a Eccles. cap. 20. vers. 32.

#### 4 RHETORICA CÆLESTIS.

tesimo quinquagesimo. Valeriani & Galienii Imperatorum ævo, Cyprianus Carthaginensis, vir eloquentissimus juxta & sanctissimus, soluta & ligata oratione plurima scripsit. Augustinus Tagaste natus, omnium priscorum Patrum decus & gemma singularis, Rhetoricam Carthagine, Mediolani ac Romæ docuit. Hic laudis aliquid simul & vituperii miscendum. Augustinus, quod ipse de se asserit, sacra Biblia cœpit legere, sed non sine nausea jacentis, ut putabat, & abiectæ dictionis, cui Tulliana & Tertulliana dignitas longè præferenda videbatur: Tumor meus, inquit, refugiebat modum ejus, & acies mea non penetrabat interiora ejus. Veruntamen illa erat, quæ cresceret cum parvulis, sed ego dedignabar esse parvulus, & turgidus fastu, mihi grandis videbar. <sup>a</sup> Illud laudabiliter fecit Augustinus, quod cum ei carmen recitaturum victoriam promitteret Aruspex nescio quis, ille hominis vanitatem detestatus: Nec muscam, inquit, pro me jugules velim: victoriam ego his artibus non emero. Ingenue ac sapienter.

<sup>a</sup> Hieronymus porro Stridonienſis, quantus Rhetor, sed idè vi occultâ flagellatus, quod Ciceronianus magis quàm Christianus esset, Damaso Pontifici ab epistolis fuit. Pontifice mortuo in Palæstinam rediit, Rhetoricâ insignissimè usus. Hinc illi tot codices ab Hieronymo con-

scripti.

2. Auguſt. l. 3. Conſeſſ. 5.

## LIBER I. Cap. I.

scripti. Quantus Rhetor Arnobius Afer,  
qui Diocletiani ævo septemplici volumine  
idololatriam oppugnavit. Arnobii disci-  
pulus Lactantius Firmianus dicendi arti-  
fex peritissimus, plurima libris mandavit.  
Ita constat sanctitate ac eruditione orna-  
tissimos viros fuisse Rhetores, & dicendi  
magistros.

### § 2.

Hæc, mi Lector, in antecessum dici, &  
cælesti Rhetoricæ velut proluisionem præ-  
mitti patere. Cælestem sanè Rhetoricam  
minimè aspernabimur, si profanam tanti  
esse cognoverimus. Rhetorica profectò  
ars lucrosissima, ad farinam plurimum sæ-  
pè contulit. Domitianus Cæsar, Sueton-  
io teste, tam Græco quàm Latino Rhe-  
tori annua centena HS. seu duo millia &  
quingentos philippeos in salarium con-  
stituit.

Isocrates Rhetor, quod Plutarchus me-  
morat, a singulis discipulorum non mi-  
nus accepit quàm mille drachmas, b seu  
centenos philippeos. Habuit autem plures  
quàm centum discipulos: ergo & miner-  
val amplius decem mille philippeis fuit.  
Demosthenes à fortunis egens, mille drach-  
mas solvendo non erat, ducentas obtulit, c  
ut saltem quintam Rhetoricæ partem li-

### B 2

a Plutarch. part. 2. moral. l. de Oratorib. mihi  
pag. 532. b Seu decem minas, hundert  
Eronen/ oder Guldtichaler. c. 20. Eronen.

## 6 RHETORICA CÆLESTIS.

ceret discere. Huic Isocrates: Artem, mi Demosthenes, non in frustra tribuimus, ut bovem Ianiones: nos agimus more illorum, qui bonos pisces totos vendunt. Tibi, si animus est discere, totâ tradituri sumus. Idem eloquentiæ doctor Isocrates orationem unicam viginti talentis, seu mille ducentis philippeis vendidit. <sup>a</sup> Hinc dicendi artificii duo præcipuè sunt objecta. Primû; Minerval, quod à suis exigeret, videri æquo grandius. Ad istud extemplo respondens: Ego verò, inquit, liberaliùs eum remunerabor, qui me docuerit vociferari, & animosè dicere. Alterum quod ei objectum: quî tandem alios loqui doceret, quod ipse nesciret? In promptu & hîc responsio: Cos inquit, scindere non potest, sed cultrum ut scindat, potest acuerè: non aliter ego, eloquentes formo, licet ipse non sim eloquens.

Num igitur non lucrosa eloquentia, quæ orationem unicam tot centenis philippeis vendit?

Gorgias Leontinus Rhetor Atheniensis ad annum ætatis centum annis quinquaginta per-vixit. Defuncto Græci statuum auream posuerunt, & eos dies, quibus orationes illius sunt recitatæ, festos esse voluerunt.

Ævo nostro Ioannes Baptista Regatius sacerdos annis octoginta vixit, annis quadraginta Rhetoricam Veneriis docuit. Rur-  
dedonatus ducentos coronatos annuos à  
Senatu in honorarium accepit. Grande  
donum,

<sup>a</sup> Plin. lib. 7. nat. hist. cap. 30.

# LIBER I. Cap. I.

7

donum, si temporis rationem spectemus. Rhetorica prorsus lucrosissima plurimum ad farinam facit.

Sed & utilissima est, quæ plurimorum caput & vitam servavit. Interrogatus Demosthenes, quid Rhetorica prodesset? respondit: Homini perditio præsentem potest afferre opem. Non sine ratione fingebant prieci, Orpheum ita suaviter vocem nidibus attemperasse, ut cantu musico feras, arbores, saxa traxerit ad conventum. Apologi nucleus hic est: Orpheus vir facundissimus, hominibus barbaris & sparsim habitantibus persuasit, ut convenirent, panegyros celebrarent, leges acciperent, amicitias colerent, æquali jure viverent. Hæc urbium fuerunt exordia, ita homines, quos feras aut saxa credidisses, ad humanum cultum transferunt.

## §. 3.

Sed & potentissima est Rhetorica, quæ hominum animos potenti versat manu. Cicero Romanam curiam, in quam collibuisse, sententiam pertraxit; inde Rex à quibusdam dictus est, quod mentes Senatorum regeret. Demosthenes inter amicos gloriari solebat, non difficile sibi esse, dicendo, causam bonam, malamve, prout vellet, reddere. Id certe satis patuit: nam Athenienses modò arma sumebant, modò eadem ponebant, modò pacem cum Philippo Macedone componebant, modò

■ 3

bellum

## 8 RHETORICA CAELESTIS.

bellum gerebant, prout Demosthenes civium animos huc aut illuc perorando flecebat. Ita Græcis hic orator pacem & bellum ferebat linguâ, alterutrum effusus quod voluisset. Ctesiphon eos in Rhetoricâ progressus fecerat, ut ausus sit dicere, nihil thematis sibi proponendum, de quo non die integro possit disserere.

Imò reverâ potentissima sit Rhetorica necesse est, quæ vel fortissimo ac potentissimo fortior sit ac potentior. Certabant olim inter se tres aulici juvenes, qui Dario Regi à cubilis erant: In lite fuit, quid in orbe fortissimum videretur? Suam quisque sententiam scripto consignavit, illud cervicali regio supposituri. Primus scripsit, Forte est vinum. Alter, Fortior est Rex. Tertius, Fortiores sunt mulieres: super omnia autem vincit veritas. a Atqui Rhetorica ipsam etiam veritatem quantumvis fortissimam suæ potestatis sæpissime facit, & luculento vincit triumpho. Ipsa quidem veritas subinde viribus resumptis exilit, & suos victores vincit, sed sæpè serò & post multas hiemes toleratas emergit. Ita Rhetorica potentissimo potentior.

Sed hoc, inquires, laudis non est, fallacius vincere. Non nego: at hic de laudibili Rhetoricæ potentiâ sermo est. Ergo, quod diximus, Rhetorica lucrosissima, utilissima, potentissima; Rhetorica scientiis & artibus univèrsis grandi adjumento est. Non igitur hanc addiscere recusemus. Sed

obver-

a 3. Esaiæ c. 3. v. 10. & seqq.

## LIBER I. Cap. I.

9

obverfetur animo, quod de Sapientiâ prædicatur: Aperuit os mortuorum, & linguas infantium fecit difertas. *a* Quod & Pfalterius regius affirmat: Ex ore infantium perfecti laudem. *b* Quod & Chriftus confirmans: Confiteor, inquit, tibi Pater, Domine cæli & terræ; quia abscondifti hæc à fapiëntibus & prudentibus, & revelafti ea parvulis. *c* Hanc certè Rhetoricam, de quâ loquimur, nemo perdidit, niſi parvulus, niſi homo modèſti animi, niſi ſubmiſſionis ſtudioſus. Tumor & ſupercilium hæc ſanctiores artes non capiunt.

6. 4.

Adcò autem potens eſt Rhetorica cæleſtis, ut ſemper vincat, triumphet ſemper. Auguſtinus Rhetorum diſertiſſimus, ut Rhetoricæ vim explicaret, his omni ho verbis uſus eſt: Dixit quidam eloquens, & verum dixit, ita dicere debere Rhetorem, ut doceat, ut delectet, ut flectat. Docere neceſſitatis eſt, delectare ſuavitatis, flectere viciæ. Oportet igitur eloquenti Eccleſiaſticum, quando ſciet aliquid, quod agendum eſt, non ſolum docere, ut inſtruat; & delectare, ut teneat; verum etiâ flectere, ut vincat. *d* Verè cæleſtis Rhetorica nō ſolum docet, ſed & tenet, & vincit ipſum Deum.

Lepidum olim inter magiſtrum & diſcipulum  
*B 4*  
*a* *Sap. c. 10. v. 21.* *b* *Pſalm. 8. v. 3.* *c* *Matth. c. 11. v. 25.* *d* *Aug. de doctrinâ Chriſtianâ 4. 4. c. 12. & 13. miſ. pag. 33.*

## IO RHETORICA CALESTIS.

pulum certamen fuit, quod vel forensem  
Rhetoricam tunc etiam cum victa est, posse  
vincere demonstrat. Et quia mihi Lector  
paullatim ad seria initiandus, illam duorum  
Rhetorum pugnam è prisco scriptore recito.

Protagoras Sophista longè multiscius, &  
cum primis Rhetoricæ repertis perfacundus,  
cum suo sibi discipulo Euathlo mercedem  
nimis uberem conditione temerariâ pepigit,  
ut sibi tum demum id argenti daret, si  
primo tirocinio agendi penes iudices  
viciisset. Igitur Euathlus ( auctoris prisci  
verba sunt ) postquàm cuncta illa exorabula  
iudicantium, & decipula adversantium, &  
artificia dicentium, versutus alioquin &  
ingeniatus ad astutiam, facile perdidicit,  
contentus scire, quod concupierat, cœpit  
nolle, quod pepigerat. Sed callidè nec  
tendis moris frustrari magistrum, diutillèque  
nec asserere velle, nec reddere; usque dum  
Protagoras eum ad iudices provocavit, ex-  
positâque conditione, quâ in docendû  
recepserat, anceps argumentum ambifariam  
proposuit. Nam, siue ego vicerò, inquit,  
solvere mercedem debebis, ut condemnatus.  
seu tu viceris, nihilominus reddere debebis,  
ut pactus; quippe qui hanc primam  
causam penes iudices viceris. Ita si vincis,  
in cõditionem incidisti: si vinceris, in  
damnationem. Quid quæris? Ratio conclusa  
iudicibus acriter & invincibiliter videbatur.  
Enimvèd Euathlus, utpote tanti vetera-  
toris perfectissimus discipulus, biceps illud  
argumentum retorfit. Nam si ita est, inquit,  
neutro



LIBER I. Cap. I.

II

neutro modo, quod petis, debeo. Aut enim vinco, & iudicio dimittor; aut vincor, & pacto absolvor, ex quo non debeo mercedē, si hanc primam causam fuero penes iudices victus. Ita me omni modo liberat, si vinco, conditio; si vincor, sententia.

Hinc geminum illud. Erat apud Syracusas vir acuti ingenii & linguæ promptioris, Corax Rhetor; Ab hoc Tisias præceptis Rhetoricis egregiè imbutus, ne magistro cogeretur minerval solvere, interrogavit; Quid esset Rhetorica? Eo respondente, Effectricem esse persuasionum; Tisias sic deserta: orsus: Si tibi, mi Corax, me nihil debere persuasero, nihil debebo, quia non debere persuasi: sin autem non persuasero, nihilominus nihil debebo, quia me persuadendi scientiam non didicisti. Magister hoc argumentum in Tisiam retorquere nisus: Si mihi, ait, mercedē à te deberi persuasero, reddes illam, quia persuasisti non persuasero, eam nihilominus reddes, quia discipulum, qui præceptorem vinceret, erudii.

En forenses Rhetoricam hac & illac victtricem. Multò magis Rhetorica cælestis nunquam non vincit, si velit. Donum orationis nemini Deus denegat. Oratio nulla, modò seria, sine fructu est. Orare modò serio velis, & facti dimidium jam habebis. Cælestis Rhetorica certam habet victoriā, quotiescunque legitimam non detrectat pugnam.

Hic animum adverte, Lector, quicquid

B 5

de

à Madamens. l. 4. floridor, Gellius l. 5. c. 30.

## 12 RHETORICA CÆLESTIS.

de Rhetoricâ forenti diximus ; id omne de oratione, Rhetoricâ cælesti dictû volumus. Hæc illa omnium artium ars lucrosissima & utilissima ; hæc omnium est potentissima. Archidamus olim, Plutarcho teste, interrogatus, Quantum regionis possiderent Spartani ? Quantum, ait ille, contingunt hastâ. Quæsierit quispiam, Quam potens sit hæc Rhetorica, & quousque pertingat. Afferimus. Quousque oratio: ultra nubes, supra sidera, trans cælum, ad ipsum Dei solium ascendit. Oratio humiliantis se nubes penetrabit. *a* In hac autem Rhetoricâ discendâ semper discipuli sumus, nec unquam tam satis condicimus ; in scholâ sumus, quamdiu in vitâ. Discendi finis in cælo est, *b* ibi oratores sunt perfecti. Sed hoc explicatiûs sequenti capite tractandum.

*a Eccl. c. 35. v. 21.*

*b Im Himmelsternet man erst auf.*

## CAPVT II.

*Rhetoricam cælestem ab omnibus discendam.*

**A**postoli primæ quidem simplicitatis viri, & à piscata rudes in Christi contubernium adscripti, aliquoties tamen non levis momenti quæstiones posuerunt. Quales illa sunt: Rabbi quis peccavit, hic, aut parentes eius, ut cæcis nasceretur &c. Quæstio gravis & inter Theologos discens eunda. Ita Christum super excidio Hierosolymæo differrentem distinctè

*a Ioan. c. 9. v. 2.*

*ignosce.*

interrogant : Dic nobis, quando ista fient?  
 & quod signum erit, quando hæc omnia  
 incipient consummari? *a* Quæstio prorsus  
 seria. Christo reditum parante in cælum:  
 Domine, ajunt, si in tempore hoc restitues  
 regnum Israel? *b* Non levis quæstio. Ita  
 duo è discipulis confessum in regno Chri-  
 sti petierunt, mare pro filiis perorante.  
 Petitio nõ infantilis. Quid sublimius petere  
 potuissent? *c* Ita Philippus omnium loco:  
 Domine, inquit, ostende nobis Patrem,  
 & sufficit nobis. *d* Quid petieris majus &  
 & divinius? Ita omnes uno pænè ore flagi-  
 tant. Domine, doce nos orare. *e* Toties re-  
 orantẽ vidimus, toties ut & nos oraremus,  
 hortatus es; vocem igitur præi, & formu-  
 lam trade precandi; doce nos orare.

Cupiunt discipuli à Magistro discere,  
 quomodo cum DEO loquendum sit. Et  
 hæc illa cælestis Rhetorica est, quam sibi  
 nostra dissertatio sumpsit explicandam. De  
 Oratione hic dicendum. Sed ut scripturæ  
 scopus ac finis pateat; compures Orationis  
 partes silentio transibimus. Nec enim  
 nisi summarim trademas, quàm necessa-  
 rium & utile sit orare; nec de multiplici  
 Orationis effectu differemus. Hoc unum  
 formemus exponendum, quid sit *Attenta*  
*Oratio*. Hæc illa divina & cælestis est Rhe-  
 torica, quæ non hominum animos, sed  
 Deum ipsum in suas partes novit trahere.

B 6

Hæc

*a* *Marci cap. 13. vers. 4.* *b* *Actor. cap. 1. v. 6.*

*c* *Matt. cap. 20. v. 21.* *d* *Joan. cap. 14. vers. 8.*

*e* *Luc. cap. 11. v. 1.*

#### 14 RHETORICA CALESTIS.

Hæc nubes penetrat, hæc super astra evol-  
lat, hæc cæli penetralia subit, Deo se  
sistit, nec unquam, quod admirabile, irrito  
conatu causam suam perorat. *a*

Causæ, quæ scripturionem hanc persua-  
serunt, complures sunt. Inter ceteras istæ.  
Prima: Quid scitu magis necessarium,  
quàm scire cum suo Conditore loqui? Pla-  
rima alia tutò licet ignorare, hujus unius  
ignorantia multò damnosissima est.

Altera causa: Omni tempore & in om-  
ni loco, locus est orationi. Sunt aliæ quæ-  
dam actiones honestissimæ, sed non omni  
loco aut tempore conveniunt: Oratio die  
ac nocte, æstate & hieme, festis ac prefe-  
stis diebus, adversâ & prosperâ valetudi-  
ne, domi, foris; in templis & plateis, in  
lecto & extra lectum, tam ante quàm post  
mensam, & sub ipâ mensâ, tam à stantibus  
& jacentibus, tam à juvenibus quàm se-  
nibus; ab omni ætate, sexu, ordine homi-  
num usurpanda est. Pietas ad omnia uti-  
lis est. *b* Quod Hebræus Psalter affirmans:  
Benedicam Dominum, inquit, in omni  
tempore; semper laus ejus in ore meo. *c*  
Ejusdem mentis optimus Regum Iosa-  
phatus: Cum, inquit, ignoremus, quid  
agere debeamus, hoc solum habemus  
reliqum, ut oculos nostros dirigamus ad te. *d*

Vergum

*a* Nichtes Gebete ist nie vmb sonst was ge-  
ghebens.

*b* 1. Tim. cap. 4. v. 8. *c* Psalm. 33. v. 2. *d* 2. Pa-  
salip. 6. 20. v. 12.

LIBER I. Cap. II. 15

Verum nil opus hic testibus, Christi vox est: Quoniam oportet semper orare, & non deficere. *a*

Tertia: Cum animus sit, de primariis Christiani hominis actionibus, de Oratione, Eleemosynâ, Jejunio loqui, Oratio, jure patem, sibi principem locum vindicat. Huc me non leviter, sincerè fateor, Augustinus impulit, qui paucis plurima maximâque Orationis elogia complexus: Verè, inquit, rectè novit vivere, qui rectè novit orare. *b*

Jacobus Granadus nostri ævi Theologus, duplex divinæ ad gloriam prædestinationis signum statuit. Primum est, propositum nunquam lethaliter delinquendi. Alterum, diligentia & attentio in oratione. *c* En divinam, cælestem Rhetoricam, quæ non facundos solum & disertos, sed & beatos facit. Cur autem hæc Rhetorica sit ab omnibus discenda, nunc docebimus.

6. 1.

Rhetorica forensis, ut capite superiori diximus, singulare præsidium est artium & scientiarum omnium. Parum est scire, nisi scias & eloqui quod sciveris. Oratio, cælestis Rhetorica omnium humanarum actionum, primarium, singularissimum auxilium. Iacent & frigent omnia, ubi oratio decst.

B 7

Com.

*a* Luc. c. 12. v. 1. *b* Aug. tom. 1. serm. 14. in Append. initio, mibi pag. 650. *c* Granad. tom. 2. in 1. p. D. Thom. mibi pag. 703. med.

## 16 RHETORICA CALESTIS.

Commendatissimus mos est proborum hominum, qui quoties soli sunt, & elapsæ horæ signum audiunt, mox in genua ruunt, & oratiunculâ brevi felicem obitum à Deo petunt. Quod alibi docuimus, & rectissime fieri, & maximo precantis bono. Quod Deus anno millesimo sexcentesimo decimo quarto confirmavit argumēto non obscuro. Eo namque anno Conimbricæ (civitas est Lusitanicæ, Doctorum domicilium) quidam sub serum vesperem in insidus capitalem hostem operiebatur. Animus erat transeuntem glande ferreâ salutare, & sclopo trahere incautum. Sed sefellit destinatio. Nam alter recepti moris retinens, audito horæ pulsū repentē constitit oraturus, nec ad illud loci punctum pervenit, quod insidiatores oculi sibi designarant. Ita hic interitum effugit non pugnando, sed precando. *b.* Inde hic mos Conimbricæ longè confirmatior est, singulis horis Matrem Domini statâ precatiunculâ venerari. Pias ad omnia utilis. Nihil laboris, nihil actionis est, quod non condiat & juvet oratio. In tenebris scientiæ omnes errabunt, nisi faciem eis praebeant oratio. Hoc divinae providentiæ decretum est, gratias non largiri, nisi eas desiderantibus, & petentibus. Hinc Christus Samaritidis: Si sciretis, inquit, donum Dei, tu forsitan petisses ab eo. *c* Palines fecunda non

*a* In Trismegisto lib. 2. cap. 4. §. 2. *b* Antonius Balinghemus de lacuat. Orationibus lib. 3. s. 6. mibi pag 268. *c* Ioan. c. 4. v. 10.



# 18 RHETORICA CAELESTIS.

Ædificat in aëre, qui studia tractat sine crebra oratione.

Franciscus Suarezius è Societate I E S V sacerdos, grandia viginti volumina illustrandæ Theologiæ in lucem dedit. Vir iste dicere solebat, malle se omnis eruditionis per tot annos quæsitæ facere jacturam, quàm solitas precandi ac meditandi horas intermittere. Eam ob causam horariæ precatiōni matutinae, licet aliud traherent occupationes urgentissimæ, defuit nunquam. Maturiùs etiam ceteris ante solem surgere solebat, ut tantò liberaliùs orationi tempus impenderet: Ita lucem & noctem præibat oratio, totius ferè diei comes. Interdum si studiis inhærenti quæstio perdifficilis & implicata occurreret, ad Christi crucifixi pedes, quem sibi animo vivum efformarat, se supplicem abjiciebat impetrando lumini: si etiamnum dubius hæreret, preces producebat, & ardentius orabat. <sup>a</sup> Ut sciamus; Vera sapientia descendit è cælo, non effoditur ingenii acumine. Ambis sapientian? cælum pulsa, & pete illam. Rhetorica cælestis facilè quidvis à cælo impetrat.

§. 2.

Altera causa, cur Rhetorica cælestis à nemine non discenda, quando summi viri, optimi Rhetores, peritissimi Oratores fuerunt. In forensi Rhetoricâ excelluerunt

Cypria-

*a* Mortuus est P. Franc. Suarez, anno 1617.  
die 23, Septemb,



Cyprianus, Augustinus, Hieronymus, Ambrosius, Lactantius in Rhetoricâ celesti, non ijs solum, quos modò nominavi, sed omnes omnino sancti homine emine-  
runt. E tot centenis millibu sanctorum hominum nec unicuique quidem est nomina-  
re, qui hoc orationis studium neglexerit. Omnes ajo fuisse Oratore optimo, diser-  
tissimos, qui non suam tantum sed & orbis totius causam egerunt felicissimè.

Dicere solebant veteres: Nullus Rhetor perfectus. Nec adhuc, ait Seneca, ulli con-  
tingit, ut totam contingeret: satis felix est, qui in aliquâ eius parte receptus est. Quod de forensi, idem de Rhetoricâ celesti asse-  
rendum. Nemo unquam eò sanctimonie progre-  
ssus est, ut dicere auderet: Precandi artem ad unguem calleo; cum Deo loqui exactè didici. Hic omnes subinde hallucina-  
mur, & artis, quam haussimus, oblivisci-  
mur. Ideirò assidue discendum, & nun-  
quam non orandum. Priscis, si qui seduli-  
tatem amassent, nulla dies sine lectione trans-  
ibat. Maiorem in precando assiduitatem  
exigens Cyprianus Christianis, inquit, nul-  
la hora transeat sine oratione. Si quidem  
oraturi semper in cælo, & gratias acturi  
Deo, hic quoque orare, & gratias agere  
non desinamus. a Pari sensu Augustinus:  
Meditatio, inquit, præsentis vitæ nostræ in  
laude Dei esse debet, quia exultatio sempi-  
terna futuræ nostræ vitæ, laus Dei erit. Et  
nemo potest idoneus fieri futuræ vitæ, qui

le

a Cyprianus de Oratione Dominicâ.

## 20 RHETORICA CÆLESTIS.

se ad illam modò non exercuerit. Modò ergo laudamus Deum, sed & rogamus Deum. Laus nostra lætitiā habet, oratio genitum. Promissum est enim nobis aliquid, quod nondum habemus; & quia verax est qui promissit, in spe gaudemus; quia tamen nondum habemus, in desiderio gemimus, & Oremus & gemamus.

### §. 3.

Tertia cāssa, quare ars orandi tam sedulò discenda; quia cælestis hæc Rhetorica est lucrosissima, & statuat nobis auream in cælo locat, quæ diutius profectò stabit, quàm illa Gorgiæ Leontini ab Atheniensibus posita. Quæ porrò lucrosa sit cælestis Rhetorica, divus Bonaventura explicans; Quicumque, ait, horā lucratur homo oratione devotā plus, quàm valeat totus mundus. *b* Grande lucrū unicā comparandum horulā. Non nescit hoc diabolus; quapropter omnem movet lapidem, ut vel oraturum ab oratione ad alia trahat, vel jam orantem in oratione turbet. Fidem faciet Rufinus Aquileiensis, qui de Macario Alexandrino juniore hæc narrat.

Nocte quādam personatus daemon ad Macarii tuguriolum pulsans: Abba Macari, surge, & eamus, inquit, ad collectam, ubi Fratres precando vigilias agunt. Macarius fallacias cacodæmonis subodoratus:

O men-

*a Aug. tom. 8. in Ps. 148. initio, mihi pag. 708.*

*b Bonav. l. de perfect. vita cap. 5.*

## LIBER I. Cap. II. 27

O mendacissime impostor, ait, quid tibi societatis aut negotii est in collectâ & cœtu sanctorum? Cui dæmon blandè: Quasi verò nescias, inquit, mi Macari, nullam monachorum congregationem, collectam nullam sine nobis institui? Veni denique, & videbis quā non inanis sit nostra opera. Ad quæ Macariis Imperet & b Dominus, inquit, immanè dæmon. Mox sese in preces abiciens, id anxie cupivit scire, num verum esset, quod mendaciorum faber gloriaretur. Abiit ergo ad collectam, ubi ceteri Fratres vgilis sacris operabantur. Hic denud rogavit Deum, liceret veritatem penitus nosse. Et eni toto templo discursantes vidit puerulos Æthiopes, qui mirā celeritate velut volitanda huc illuc ferebantur. Illic autem moris erat, sedentibus cunctis, psalmum ab uno pronuntiari, ceteris vel audientibus vel respondentibus. Hic Æthiopes parvuli vago discursu occupatissimi, sedentibus alludebant, & si cuius oculos compressissent digitis, mox ille nictare ac dormire incipiebat: si cui digitum in os immerfissent, inerrissime oscitare faciebant. Vbi verò post Psalmum ad orationem se projecissent Fratres, Æthiopuli illi singulos percutiebant, & huic quidem feminam adstantem repræsentabant, huic fabros lignarios & cæmentarios ante animum statuebant, isti cenulam struētam ante oculos proponebant, apud alios alia efformabant. Quæcumque verò demones diverso luxu effuxissent, id

orapz

## 22 RHETORICA CÆLESTIS.

orantes animo & cogitatione versabant. A nonnullis tamen, ubi horum aliquid tentassent, vigilantī constantiā repulsi prosternebantur, ita ut juxta hos nec consistere, nec transire illos auderent. At verò aliis longè debilioribus largissimè illudebant, tergum & cervices eorum persultabant, sic eos sibi, non orationi, attentos faciebant. Hæc cernens Macarius altum ingemuit, & erumpentibus lacrimis: Respice, ait, ô Domine: ne sileas, neque mitigeris Deus. Exurge, & dispergantur inimici tui, & fugiant à facie tuâ, quoniam anima nostra repletur illusionibus. Secundum preces ad explorandam certius veritatem, singulos seorsum evocans, mansuetè ac suaviter interrogavit, an nullæ inter precandum de ædificiis cogitationes occurrissent, an non instituendum iter, aut parandam mensam aliudve negotium peragendū cogitassent? Fatentes habuit reos. Singuli pro se quisque non negrunt, ita rem habere, prout interrogasset. Hic dilucidè compertum est, vanas vagasque cogitationes, psalmorum aut orationis tempore, à diabolis obtrudi, & ingeri; ab iis autem, qui omni custodiâ cor suum servarent, teterrimos Æthiôpas vilaudatissimā repelli. Deo namque conjuncta mens & precibus intenta nihil alienum, nil turpe, nil superfluum aut prævum recipit. Hinc ingens & inæstimabile lucrum Rhetoricæ cælestis. Firma est veritatis promissio: Omnia quæcumque oran-

tes

. 6. 4.

Quarta causa: Rhetorica cælestis nemini non utilissima. Hoc sciamus; nullas omnino preces, & nec brevissimam quidem oratiunculam, quæ quidem hoc nomine censenda sit, incassum fundi. Non impetramus, quod petimus? ceterum vel minimam quavis precatiunculam plurimum meremur, & plus (utar Bonaventuræ verbis) quam totus valeat mundus.

Clarissime Augustinus: Si ergo, inquit, tu invocas Deum; securus esto, exaudiris: pertinet ad istum versum: *Et multum misericors omnibus invocantibus te.* b Noli ergo dicere: Illud mihi non dedit: Redi ad cor tuum, & conscientiam tuam libera; interroga, parcere illi noli. Si verè Deum invocasti, certus esto, quia id fortè quod volebas temporaliter, idèd non dedit, quia tibi non proderat. Ac dicetur in hoc Cor vestrum, fratres, Cor Christianum, Cor fidele, ne ineptis tristes facti, veluti fraudati desiderii vestris, ire in indignationem contra Deum. Est qui exaudit, ne dubitetis orare; qui autem exaudit, intus manet. c Age jam, inquit Chrysostomus, & illud exponamus vobis, quam multis Sanctis datum sit, deprecationis præsidio servare, non solum gentes ac civitates; verum etiam orbem

a Marci c. 11. v. 24. b Psal 8. v. 5.

c Aug. tom. 8. in ps. 85. mihi pag. 385.

## 24 RHETORICA CALESTIS

orbem universum. In mentione verò deprecationis primus occurrit Paulus, ille insatiabilis Dei cultor, ille custos orbis terrarum, qui per deprecationem ac assiduam obsecrationem omnes gentes salvas fecit, semper illud dicens nobis: Hujus rei gratiâ flecto genua mea ad Patrem Domini nostri Iesu Christi. *a*

Cum Carolus V. Imperator Augustissimus provinciam Peruanam sibi reconciliandam cuperet, nobilem illum Gascam huic negotio destinavit, eique complures chartas, sed puras & à scripturâ vacuas, solo nomine suo notatas *b* dedit, eo consilio, ut quisquis pro Regium aut munus peteret, si illud in chartâ virgine perscripsisset, jam impetrâset. Hâc tantâ tamque facili gratiâ rebelles animi in concordiam reducti. Christus ingeniosam hanc artem usurpans, & paginam puram regio nomine signatam nobis offerens: Amen, amen dico vobis, ait, si quid petieritis Patrem in nomine meo, dabit vobis. *c* En virginem chartam, vos in eâ quidquid placuerit, perscribite, & illud jam impetrastis. Nihil est, quod obtinere non possit oratio. Oratio igitur longè utilissima.

Ajunt Theologi cum Aquinate Doctore, Providentiam divinam ante omne ævum constituisse orationem, ut instrumentum præcipuum ad exquenda Numi-

III

*a* Chrys. tom. 5. l. 2. de orando Deo, mihi pag. 594. *b* Italica charta bianca dicitur, *c* Ioan. 8. 16. v. 23.

LIBER I. Cap. II. 25

nis decreta; apertè id asserens Gregorius: Obiineri, ait, nequaquam possunt, quæ prædestinata non fuerunt: sed et, quæ sancti viri orando efficiunt, ita prædestinata sunt, ut precibus obtineantur, quatenus postulando mereantur accipere, quod eis omnipotens Deus ante sæcula disposuit donare. *a* Non propter hoc oramus, inquit beatus Thomas, ut divinam dispositionem immutemus, sed ut impetremus, quod Deus disposuit per orationes esse implendum. *b* Deus plurimum gratiarum nobis impertiri cupit, sed rogatus.

§. 4.

Quinta causa: Oratio, seu Rhetorica excellentis, potentissimè persuadere novit. Deum ligat, qui sincerè orat. Dilucidissimè Christus: Si, ait, manseritis in me, quodcumque volueritis, petetis, & fiet vobis. *c* Quod ab ore Domini Ioannes Apostolus excipiens: Quidquid petierimus, inquit, accipiemus ab eo. *d* Et scimus, quia audit nos, quicquid petierimus. Cùm Moses in supercilio montis preces Deo allegaret, Deus se velut ligatum clamans: Dimitte me, inquit, ut irascatur furor meus contra eos. *e* Dum oras, ligas me; sine igitur, ut his vinculis exolutus, manu liberâ contumaces percutiam. En rerum omnium præpotente Deo

poten-

*a* Greg. l. 1. Dial. cap. 8. med. *b* S. Thom. 2. 2. quæst. 83. art. 2. c. Ioan. c. 15. v. 7. *d* 1. Ioan. c. 3. v. 22. & c. 5. v. 15. *e* Exodi c. 32. v. 10.

## 26 RHETORICA CÆLESTIS.

potentior est oratio. Hæc Deum vincit, & prohibet irasci: hæc ægris valetudinem, hæc vitam reddit mortuis.

Tiburtius martyr jam comploratum funus oratione à tumulo revocavit. Dum enim casu per plateas incederet, hominem ab alto lapsum reperit. Hic membra omnia miserabili ruinâ ita obriverat, ut parentum luctus non aliud quàm sepulturam circumspiceret. At martyr flentibus: Sinite, ait, hominem verbo alloquar; fortassis recipiet sanitatem. Et confestim animo erecto juxta jacentem in genua procumbens, Orationem Dominicam & Symbolum tractum recitavit. Mox homo depositus, incolu. Nimirum oculi Domini sup: justos, & aures ejus in preces eorum. <sup>b</sup>

De optimo Hebræorum judice Regum fasti hoc testantur; Audivit Samuel omnia verba populi, & locutus est ea in auribus Domini. <sup>c</sup> Videte, obsecro, sicut Samuelis preces dicuntur esse in auribus Domini, ad ostendendam Samuelis cum Deo familiaritatem; ita Domini aures dicuntur esse in precibus justorum, ad significandam Dei in illos liberalitatem. Id expendens Massiliensis præsul Salvianus: Quod, inquit, Scriptura ait, aures Domini semper esse in precibus justorum, non audientia tantum Dei, sed quædam quasi obedientia Dei designatur. Quasi Deus adeo promptus sit ad

<sup>a</sup> Baron. tom. 2. Anno 286. num. II.

<sup>b</sup> Psal. 33, v. 16, c. 1. Reg. c. 8. v. 21.



ad audiendas suorum preces, ut non modò audire, sed etiam obedire, non modò quod petunt, concedere, sed etiam quod imperant, velle facere videatur. Vtinam tam promptè nos Deo, quàm nobis Deus, obediamus. Quàm beati essemus omnes, addit Salvianus, si quàm promptam erga nos Dei audientiam legimus, tam promptè ipsi Deum audire vellemus. *a*

Quanta hæc orationis potentia, Deum sibi habere obedientem! Talis erat oratio beatorum Dominici & Francisci, qui plerumque statim, quod petissent, factam viderūt. Talis Bernardi, qui tot ægris panem confectum præparandum præcepit. Talis Francisci de! . . . . . pedes tulit illotos, & cū tunc rectè nō negaret portitor, calcavit fluvii terga in famulatum subeunte naturā. Talis Elisabethæ Principis, quæ uni suorum aulicorum vehementissimum de noxis dolorem impetravit. Talis Scholasticæ virginis, quæ cælum ut subitas pluvias effunderet, exoravit. Tales hodièque sunt orationes amicorum Dei; vni Deo faciunt, quod petunt, impetratum auferunt.

Diogenes Philosophus oratores vocitabat ter homines. *b* Nam uti eum, qui nec faciendus, nec humanus, nec doctus est, hominem esse negamus; ita is qui & disertus, & effabilis, & eruditus est, ter homo dici potest. At profectò quisquis rectè

C

orare  
*a* Salvian. l. 2. de providentiâ Dei sub initio.  
*b* Τριπλάκιος.

## 28 RHETORICA CÆLESTIS.

orare novit, & facundiam, & humanitatē, & doctrinam insigniter ostendit, proinde ter homo dici poterit, ut qui non solum cum hominibus, sed & cum Angelis, cum divinis omnibus, cum Deo loqui didicerit, Rex Pyrrus gloriari solebat, plures urbes imperio suo additas oratione Cyneæ Legati, quàm suis armis. Oratio Christiani vera, & cælum expugnat, & Deum ligat.

Æquissimum igitur est, ut cælestē hanc Rhetoricam, quæ non solum lucrosissima & utilissima, sed & potentissima est, nemo non summis studiis condiscat. De oratione longè veritatis quàm de pecuniâ dixerim: Orationi obediunt omnia.

### CAPUT III.

*Quale vitium in Rhetoricâ cælesti sit animi evagatio?*

**G**Erardus in Pannoniâ Cannadiensis a Antistes templa complura condidit, & quantum facultates permiserant, ornavit. Hic ipse in æde D. Georgii aram posuit Matri Domini, cui thuribulum argenteum & duos senes assignavit, qui singulis horis Catholico ritu thus adolerent, ut caeremoniis istis precandi studium tantò magis incalesceret.

Regius vates cælestium oratorum disertissimus David, Dirigatur, inquit, oratio mea sicut incensum in conspectu tuo: &

Tam

a De quo Zach. Lippeloo 24. Septemb.

b Psal. 140. v. 2.

LIBER I. Cap. III. 25

Tam succinctè quàm artificiosè complexus est hoc carmine Rex Hæbreus, quidquid oratio attendit exigit. Primum est thymiana ipsum, thus, galbanū, onyx, statæ mastiche. Oratio, si vera sit, Fidem, Humilitatem, Charitatem, Fiduciam, Patientiam poscit.

Alterum; Thymiana templo sacrum erat, in Sancta Sanctorum inferendum. Humanus animus templum est, & Dei domus. Tarsensis Ecclesiastes id affirmans: Templum Dei sanctum est; inquit, quod estis vos. \* In hujus templi adytis thymiana orationis incendendum.

Tertium; Summus Sacerdos thymiana obtulit. Omnes nostræ actiones & orationes omnem promerendi & impetrandi vim obtinent ab humanæ gentis summo Pontifice Christo. Hinc Ecclesia rectissimè orationibus omnibus clausulam hanc apponit: *Per Christum Dominum nostrum.*

Quartum, Thymiana ignis animat. Si carbonēs non vivant & candeant, nullus emergit odor, etsi plenas thuris manus in eas excutias; ita prorsus oratio frigida, oratio nulla est, quam ignis Spiritus non accendit; si desit ardor orantis, deest anima orationis.

Quintum; *Dirigatur*, inquit, *oratio mea, sicut incensum.* Ante omnia sit orantis finis sincerus, intentio recta, jugis attentio. Est, qui orat, ut spectatores aut laudatores

C 2 habeat:

a 1. Cor. c. 3. v. 16. & seq. & c. 6. v. 19. & 2. Cor. c. 6. v. 16.

30 RHETORICA CAELESTIS.

habeat: Est, qui orat, dum aliò mens evolat: est, qui orat, & interim ab oratione aliena tractat; horum oratio reverà non dirigitur, sed ut fumus à vento avehitur, & dissipatur.

Cùm igitur decretum nobis sit agere de oratione attentà, hoc quidem capite explicabimus, quid sit animi evagatio, malæ orationis principium.

§. I.

De oratione locuturi, principio, putem, rectè quærimus: *Quid est oratio?* Damascenus ad quæsi nem: Oratio, inquit, est mentis elevatio ad Deum. *a* Vnicus nobis Augustinus pro recto sit, qui ad rem: Oratio tua, inquit, locutio est ad Deum: Quando legis, Deus tibi loquitur; quando oras, cum Deo loqueris. *b* Igitur oratio est animæ cum Deo colloquium & conversatio.

Balthasar Alvarezius vir admodùm religiosus, orandi actionem describens, dicere solebat: Orare, est spiritum suum ad Deum elevare, ei que res suas omnes familiariter, magnæque cum reverentiâ communicare; & majori cum fiducia quàm ullus filius erga matrem suam habere potest: & ibi omnia sua, pretiosa & vilia, parva & magna cum suo magistro ac Domino conferre; cor suum aperire, illudque totum ita effundere, ut nihil intus remaneat; illi bona

*a Damasc. l. 3. de fide c. 4.*

*b Aug. in psal. 85. mihi pag. 385.*

& mal  
& requ  
cum  
Atque  
dent  
consp  
ut ole  
cogita  
velut  
evagati  
Oratio  
mine  
effic  
ac fin  
illud  
stingue  
tem in  
mendare  
nare, p  
halitum  
t. d. seip  
sentiant  
cum, sed  
trusque  
Se.  
cum De  
m. nec  
quor  
sim pul  
clarum  
tissimum  
suz nar

a In unâ  
171. b

& mala, peccata & desideria, labores tuos & requiem aperiendo, sicuti solet amicus eum amico cui fidit. *a*

Atque hoc est, quod codices divini fua-  
dent, effundere sicut aquam cor suum in  
conspectu Domini. Ut aquam, ajunt, non  
ut oleum, cujus pars adhæret vasi. Ergo  
cogitationes omnes, cor totum à seipso  
velut emigret in Deum. Si sic precaremur,  
evagationes animi non metuendæ forent.  
Oratio è cordis penetralibus emergēs, ho-  
mines latens, soli Deo patens, gratissima, &  
efficacissima est. Hæc doce simplicissime  
ac sincerissime cum Deo agere, & arcanum  
illud colloquium optimis affectionibus di-  
stinguere. Plurimum refert vel semel sal-  
tem in die, ratione quæ dixi, se Deo com-  
mendare suam, divinæ voluntati aggluti-  
nare, perseverantiam ad supremum usque  
halitum efflagitare. Hic talis Orator quo-  
tidie seipso melior evadet. Quicquid de illo  
sentiant homines, seu delirum, sive iracun-  
dum, seu fatuum judicent, gratus Deo san-  
ctusque erit.

Sed obsecro, duos optimos Oratores  
cum Deo loquentes attendamus, Abraha-  
mum & David Regem. Abrahamus: Lo-  
quor, inquit, ad Dominum meum, cum  
sim pulvis & cinis. *b* Exordium sanè præ-  
clarum, & conciliandæ benevolentiae ap-  
tissimum. Sed audiamus quam dictioni  
suz narrationem, quam confirmationem

C 3

attem-

*a* In vita Balih. *Alvar. cap. 25. §. 1. mihi pag.*  
*171. b Gen. c. 18. v. 27.*

attemperarit. Descenderunt volucres super cadavera (inquit sacer historicus) & abigebat eas Abraham. *a* Quid hoc rei? Quod novum istud dicendi genus, victimam ab avibus tueri? En Rhetor iste in actu exercito, ut scholæ loquuntur, & reipsâ monstrat, quid in oratione maximè necessariū sit, nimirum aves infestas pelleré, animum ab evagationibus defendere. Pessimè sacrificat, incassum orat, qui in has curas non vigilat.

Rex David in divinis colloquiis pænè assiduus: invenit servus tuus cor suum, inquit, ut oraret ad te oratione hac. *b* Animus meus varie huc illuc vagatus diu non fuit domi, veluti columba socias secuta & seducta. Tandem rediit ad suum columbarium hæc avis, mens mea malè peregrinata domum repetiit. Quando igitur meipsum inveni, nunc orabo, nunc colloquar cum Deo: nam inveni cor meum, quod à me fugere solet, sed ego velut fugitivum sequor, & domum reduco.

## § 2.

Divinus Rhetoricæ Magister Christus aluberrimè præcipiens: Tu autem, inquit, cum oraveris, intra in cubiculum tuum, & clauso ostio ora patrem tuum in abscondito. *c* Aperto sanè ostio, vana & otiosa est oratio. Si ad pectoris tui conclave liber omnibus pateat ingressus, cessa orare, cessa,

*a* Gen. c. 15. v. 11.

*b* 2. Reg. c. 7. v. 27. *c* Matth. c. 6. v. 6.

aut

ut pr  
orand  
stinus  
strum  
scienti  
consci  
minus  
cessat  
nerit,  
strâ po  
cordis  
quia er  
claud-  
bolo.  
tende  
claud-  
dere c  
habet  
eupis al  
times al  
moris e  
contra e  
modo in  
piend  
gehenn  
intrat.  
intrat.  
lium di  
aterni  
Ergo  
in ipis  
mo inte  
a Ephes.  
unhi p

ut prius fores obscura ostio clauso docet  
 orandum præceptor è cælo. Ad rem Augu-  
 stinus: Cubile nostrum est, inquit, cor no-  
 strum: ibi tumultum patimur malæ con-  
 scientiæ, & ibi requiescimus, quando bona  
 conscientia est. Ibi est cubile, ubi nos Do-  
 minus I E S V S jubet orare. Tentator non  
 cessat pulsare, ut irrumpat; si clausum inve-  
 nerit, transit. Idè Apostolus, quia in no-  
 strâ potestate est ostium claudere, ostium  
 cordis non parietis, ibi enim & cubiculum:  
 quia ergo in nostrâ potestate est hoc osti-  
 um claudere. Neque desis, inquit, locum dia-  
 bolo. <sup>a</sup> Et enim si intravit & per te let, at-  
 tende, quia tu negligenter clausisti, aut  
 claudere neglexisti. Quid est autem clau-  
 dere ostium? Hoc ostium tanquam duas  
 habet valvas, cupiditatis, & timoris. Aut  
 cupis aliquid terrenum, & hac intrat; aut  
 times aliquid terrenum, & hac intrat. Ti-  
 moris ergo & cupiditatis ianuam clau-  
 de contra diabolum, aperi ad Christum. Quo-  
 modo ipsas valvas aperis ad Christum? cu-  
 piendo regnum cælorum, timendo ignem  
 gehennarum. Per cupiditatē sæculi diabolus  
 intrat, per desiderium vitæ æternæ Christus  
 intrat. Per timorem pœnarum tempora-  
 lium diabolus intrat, per timorem ignis  
 æterni Christus intrat. <sup>b</sup>

Ergo Deus, ut idem Augustinus asserit,  
 in ipsis rationalis animæ secretis, qui ho-  
 mo interior vocatur, quærendus & de-

C 4

precan-

a Ephes. c. 4. v. 27. b Aug. tom. 8. in psal. 24.  
 mihi pag. 107. & in ps. 141. pag. 669.

# 34 RHETORICA CAELESTIS.

precandus est. Sacrificate sacrificium iustitiæ, & sperate in Domino. *a* Vbi putas sacrificium iustitiæ sacrificari, nisi in templo mentis, & in cubilibus cordis. Vbi autem sacrificandū est, ibi & orandum. *b* Foris autem diximus, esse omnia temporalia & visibilia, quæ per ostium, id est, per carnalem sensum in cogitationes nostras penetrant, & turba vanorum phantasmatum orantibus obstrepunt. Claudendū est ergo ostium, id est, carnali sensui resistendum, ut oratio spiritualis dirigatur ad Patrem, quæ sit in intimis cordis. *c* Idem asserunt, quotquot è præceptoris huius scholâ prodierūt.

Ita Moses in rupe Taboreâ ad arcanam cum Christo colloquutionem admissus: Cum, ait, quæsieris ibi Dominum Deum tuum, inuenies eum: si tamen toto corde quæsieris eum, & totâ tribulatione animæ tuæ. *d* Ita Hieremias vates Numinis vicem exhibens: Queretis me, ait, & inuenietis, cum quæseritis me in toto corde vestro. *e* Ita & Principes Apostoli Petrus & Paulus præcipiunt: Orationi instate, vigilantes in eâ. *f* Estote prudentes & vigilate in orationibus. *g* Res maximi momenti, ea propter tam seriò commendata & præcepta.

Quid Oratio sit, satis liquet: Quid autem est mentis évagatio? Inanis, ut videtur, quæ-

- a* Psal. 4. v. 6. *b* Aug. tom. 1. l. de Magistro c. 1. pag. 232. *c* Idem tom. 4. l. 2. de serm. Dom. in Monte, c. 3. pag. 347. *d* Deut. c. 4. v. 29. *e* Hierem. c. 29. v. 13. *f* Coloss. c. 4. v. 2. *g* 1. Petri c. 4. v. 7.

quæ  
non ta  
nun  
cont  
Logi  
est he  
ajunt  
logi,  
cum,  
perma  
Si gle  
re præ  
monti  
terræ  
manu  
Deo a  
cipitan  
volvete

Quid  
Mobil  
aris qu  
timus n  
viâ n  
Fuit  
ita ab  
dentem  
submiss  
ni un  
CHRIS  
al: erus  
dem in



quæstio. Sed hujus generis plura sunt, quæ non tam quæruntur ut ignota, quàm ponuntur ut magis observanda. Hominem contemplamur oculis, & tamen quærît Logica & Physica, quærît Theologia: Quid est homo? Philosophi, animal rationale ajunt esse hominem. Longè aliter Theologi, quibus homo est ipsa inconstantia, cum, lobo teste, nunquam in eodem statu permaneat.

Si globus in summo monte incipiat ruerre præcipitem cursum non sistit, dum ad montis radices devenerit; at verò globus terræ immisus, nil fugæ molitur: cor humanum volubili globo simillimum, nisi Deo altius se se immergat, cadendi ac præcipitandi finē non inveniet; usque & usque volvetur præcipiti fugâ.

## §. 3.

Quid igitur est in precibus evagatio? Mobilitas & inconstantia animi. Incipimus quidem cum Deo loqui; mox avertimus nos, & cum catello aut aliâ re obviâ pueriliter jocamur.

Fuit pictor, qui hanc animi evagationem ita subjecit oculis: Christum in cruce pendentem pinxerat. Ante hunc duo quidam submissis genibus precabantur. Ex ore primi unica eâque recta linea ibat linea ad CHRISI I creentum latus. Ab ore autem alterius plures excurrabant lineæ, ista quidem in campos, ubi missis, venatus, agricultura;

cultura; illa in cellam vinariam descende-  
bat, ubi vinum, butyrum, pomi genus va-  
rium, hæc subibat hypocautum, ubi cum  
liberis uxor; alia stabulum penetrabat ad  
equos; una etiam museum ingrediebatur  
ad syngraphas, codicillos, numarias tessē-  
ras, & aliasque litteras lustrandas.

En, quæso, maximam orantium diversi-  
tatem. Primus ille, non malus Rhetor, ora-  
tioni cœpæ inharebat, nec interruptum  
deserebat opus: *b* Christum cogitabat,  
Christum orabat, Christus omne illius pe-  
ctus occupabat. At verò alter domi non  
erat, cor suum non habebat apud se; diver-  
sis quinq; locis agebat, Rhetor pessimus  
pessima illius oratio. Non enim aves, uti  
Abraham, abigebat; cor suum, uti David,  
non inveniebat. Hinc vel oculis fit fides,  
quàm grave sit vitium, mentis inter pre-  
candum evagatio.

Hinc etiam facillimum erit intelligere,  
quàm diversâ ratione Dominicam oratio-  
nem pronuntiemus. Sicut, qui eam per sal-  
tus proferant, quædam transiliendo, alia  
prætermittendo:

In Brabantia, quod vetus scriptor me-  
morat, cacodæmon virginem Nivellanam  
miserè ac diu vexavit. Interrogatus hospes  
hic orcinus, num orationem Dominicam  
nôsset? Optimè agebat, scio. Ergo, recita,  
dixerunt, qui adstabant. Audite saltantem  
Rhetorem, ita precabatur diabolus: Pater  
noster

*a* *In den Schude: Gewalts: Werckbrisen.*

*b* *Er biene beym Text.*

noster in cælis, nomen tuum, fiat voluntas  
& in terrâ, panem quotidianum hodie, de-  
bita nostra debitoribus nostris, nos à ma-  
lo. Dixit & unâ cachinnum tollens: Ecce,  
inquit, ita vos orationem vestram dicere  
soletis. *a*

Istudne, Christiani, patimur, sic à dæmo-  
ne nos rideri, nec injuriâ? Sunt, qui ora-  
tionum verba celerrimè percurrant, sylla-  
bas extremas devorent, integras subinde  
voces glutiant, nec tam orent, quàm mul-  
ta simul deblat rent. Tractum, ô boni, &  
linguâ non præcipitante precandum. Sed  
hos suo loco tangemus.

Sunt, qui precibus sancta infanda mi-  
sceant. Orationem Dominicam auri amans  
& avarus sic recitat: Pater noster qui es in  
cælis. *Nindūne adest, qui pecuniam tulerit?*  
*b* Sanctificetur nomen tuum. *Vsura*  
*quincunx nimis exigua est; bes centesima pla-*  
*cer.* *c* Adveniat regnum tuum. *Adjecto ta-*  
*men bono pignore.* *d* Fiat voluntas tua sicut  
in cælo & in terrâ. *Nimis multum devorat*  
*mea familia.* *e* Panem nostrū quotidianum  
da nobis hodie. *His sumptibus diu tolerandis*  
*vix ero.* *f* Dimitte nobis debita nostra, sicut

&

*a* *Caesar Heiberb. l. 3. c. 6. de miracul. sui avi.*

*b* *Ist der mit dem Gelde noch nicht da?*

*c* *Fünff per cento ist zu wenig. Acht von*  
*hundert passieren.* *d* *Ein gutes Vnder-*  
*pfande muß darbey seyn.* *e* *Es gehet mir*  
*zu vort auff im Hauß.* *f* *Wie kan ich so*  
*die lāng erschwingen.*

38 RHETORICA CALESTIS.

& nos dimittimus debitoribus nostris. *Illum hostem meum in malum possumam crucem.* a Et ne nos inducas in tentationem. *Crai apud generum meum conviva ero, ita parcam vino meo.* b *Que hæc oratio, quinam intercalares versus ite?*

Histalibus suspiriis & gemitibus preces nostras distinguimus.

§. 4.

Narrat Humbertus, fuisse hominē bonæ mentis. Hic cūm fortē fortunā templum transiret a sin., vchens, descendit, & jumentū ad templi fore: alligato, ingressus est, ut iter suum impensius DeO commendaret. Dum precatur, antequam orationem dominicam semel duntaxat absolveret, pluri la occurrunt à precibus aliena. Illud præcipue: Quid si aliquis jumentum solvat, & clam abducat? quomodo viæ reliquum confecerim? sed & illud cogitavit: Me miserum, asinus meus precari me non finit. Egressus igitur hoc jam egit, ut asinum venderet. Satiū esse ratus asino eare, quā offensum habere Deum. c

Isidorus Pelusiota hominem illum censet audacissimum, qui Deum patrem appellat, & nil minis facit, quā quod decet filium

a Ey an Galgen mit dem Bößwiche.

b Morgen ist ich zu Gast auß / erspar also ein seidlın Wein.

c Humbert. in Reg. S. Augst. c. 5.

filium. Dicit quidem: *Sanctificetur nomen tuum*; ille ipse tamen quotidie, & horis pæne singulis divinū nomen verbo violat. *Adveniat regnum tuum*; cogitationes interrim imparissimas, Venerem & orcum olentes, in animo nutrit. *Fiat voluntas tua*. Ipse nihilominus sui sensus & cerebri homo vix unquam vult, quod vult Deus. *Panem nostrum quotidianum da nobis hodie*; cū tamen insatiabilis sit vorago, nec victum querat, sed opes & divitias, & datis à Deo utatur contra Deum. *Dimitte nobis debita nostra, sicut & nos dimittimus*. Impudentissimus mortalium veniam, cū, ipse inexorabilis perstat, & vel digitulo ictus, ignem vomit, gladium stringit, patibulum minatur, in minima sevit injurias. *Et ne nos inducas in tentationem, sed libera nos à malo*. Risum teneamus amici: hic homo vult à malo liberari, nullam interim mali aut peccati occasionem vitat. Non nescit, quo loco pudentia, quo sobrietas, quo castitas periculum adest, id tamen non declinat: Ludit & jocosur cum Deo. Ita oramus, & simul nescio quæ somniamus: Psalmo percurrimus, orationem Dominicam al quoque tes raptim convolvimus. *Quæra*, quis non immeritò: *Quid orâsti?* Nescimas ipi, imò dubitamus, an dixerimus, quæ diximus.

Adversus hos oratores Deus jam olim gravissimè questus per Isaiam: *Appropinquat propius iste ore suo, inquit, & labiis suis glorificat me, cor autem ejus longè est à me* a Christus Dei filius idem per Mat-

40 RHETORICA CAELSTIS.

thæum quæritur: Populus hic labris me honorat, cor autem eorum longè est à me. *a* Luscinia inter complures cervos non potest placere cantu, lingua inter tot animi evagationes, placere non potest oratu.

Fit nonnunquam in pagis, ut unicus ludimoderator inter duos tresve solùm puerulos stet ad grande pulpitem, sacerdoti respondeat, hymnum Angelorum, & Apostolorum symbolum cantet. Hem quàm insuavis Musica! sed longè insuavior est illa, eùm lingua sola labris tantùm adjuvantibus orat, aut cantat; lingua velut organum Musicum est, addendum cor, aliàs rusticanus ille labiorum ac linguæ concentus, Deo minimè probabitur.

§. 5.

Miratur è purpurato senatu Bellarminus Theologus, quomodo DEVS rem tam indignam toleret: Ecce, inquit, loquimur cum Deo; & statim ab imaginatione ad alia cogitanda tracti, tergum Deo vertimus. Quis nostratium dominorum ferret famulos suos secum loquentes, continuò se neglecto ad famulandum cum conservis averti? *b*

Idem admiratus Augustinus: Tolerat Deus, inquit, tot corda precantium, & diversas res cogitantium: omitto dicere, & noxias; omitto dicere aliquando perversas &

*a* Matth. c. 5. v. 8. *b* Bellarm in *Ascens. mentu in Deum gradu* 14. & 2. *mibi pag.* 321.

& inimicas Deo : ipsas superfluas cogitare, injuria est ejus, cum quo loqui cæperas. Oratio tua locutio est ad Deum. *a* Attentionem Deus & diligentiam in rebus omnibus amat, maximè verò in precibus. Quis enim est homo, ait idem Augustinus, cum quo si amicus ejus cæperit colloqui, & noluerit ille respondere colloquutioni ejus, & viderit eum averti à se, & aliud loqui ad alium, qui hoc ferat? Aut si fortè interpellas judicem, & constituas eum loco, ut te audiat, & subito, cum ad eum loqueris, dimittas eum, & incipias fabulari cum amico tuo, quando te tolerat? *b* Vir quidam sanctus seipsum admiratus : Ah Domine, inquit, quantum patior, cum stans in oratione cogito de cælestibus, & statim se mihi offert integer cogitationum carnalium exercitus?

Ideirò quod Ephrem monet : *c* Arguat seipsum homo ; & ipse sibi dicat : Vis loqui cum Deo ? attende sis, Vis audiri ? teipsum prius, quid loquaris, audi. Nec sic properes, ne frustra ores.

Turpissimum est, si quis profiteatur se scribam, versus tamen flexuosos & curvos pingat, plurimas lituras faciat, chartâ atramento spargat, multa eradat, & pænè plura deleat, quàm scribat. Hic scriba imperitissimus, est homo in oratione non attentus. En lineas curvas & inæquales, en caracte-

res

*a* Aug. tom. 8. in Psalm. 85. ante medium mihi pag. 385. *b* Idem ibid. *c* Ephr. tom. 2. de panopliâ spiritali.

## 42 RHETORICA CAELESTIS.

res deformes, en tot alienas, tot impuras cogitationes, en tuam orantis oscitantiam; nam dum oras modò circumspicis, modò garris, modò dormis, sic magnam partem deles, aut eradis, quod scribis.

Monitum vetus & optimum est: Agenda bene age. *a* Quod hic cum primis valeat Vis orare? rectè ora. Non linguam solùm, sed & animum ad preces evoca. Augustinus id præclarè docens: Cùm laudatis Deum, inquit, toti laudate, cantet vox, cantet vita, cantent facta. Toti Deum laudate. Noli bonæ cantilenæ tuæ obstrepere moribus malis. Oratio bona, sed mala est evagatio in oratione. Idem Cyprianus seriò commendans: Incumbere, inquit, ad preces toto corde debemus; nec quicquam tunc animus, quàm id solùm cogitet, quod precatur. *Quæ* autem segnities est alienari, & capi ineptis cogitationibus & profanis, cùm Dominum deprecaris, quasi sit aliud, quod magis debeas cogitare, quàm quod eum Deo loquaris? vis Deum esse memorem tui, cùm tu ipse memor tui non sis? *b* Maxima pars orationis, attentio.

*a* Was du thuen wilt / das thue recht.

*b* Cypr., l. de orat.



## CAPVT IV.

*Evagationum animi quam origines  
sint remota?*

**H**Ebræus vates Elias (quod Regum  
fasti memorant) cum Baalis sacrifi-  
culis, sacrificando certans, ædifica-  
vit altare in nomine Domini, fecitque  
aquæ ductum in circuitu altaris, in quo  
ligna composuit, divisitque membratim  
bovem lignis imponendam, iussitque om-  
nem victimam perfundi aquis tertium. Ip-  
se demum Elias holocaustum oratione ani-  
mans: Domine Deus, inquit, ostende ho-  
die, quia tu es Deus Israel, & ego servus  
tuus. Exaudi me. Domine, exaudi me. **a**  
Mox ignis supernè ruit, & victimam cum  
lignis & saxis consumpsit. Hoc altari Eliæ  
academia quædam pro insignibus suis uti-  
tur, cum inscriptione LITATVR. Inferius  
adiectæ vocales, NON ALIVNDE.

Hæc profectum imagine oratio, de quâ lo-  
quimur, insignis pro oculos constituitur,  
Cor hominis cunctis est altare. Ligna, præ-  
paratio ad orationem. Victimæ, oratio ipsa.  
Defluentes aquæ, cogitationes alienæ, sed  
repulsæ. Ignis, orandi ardor. Hinc è cælo æ-  
census aquas exsorbet. Ita LITATVR b  
consumptis Evagationum aquis. Diximus  
superiori capite, quid sit animi Evagatio,  
seu

**a 3. Reg. c. 18. v. 32. & seqq. b. Hoc est, perso-  
næ sacrificatur.**

#### 44 RHETORICA CÆLESTIS.

seu usitatâ voce, Distractio. Iam porrò illarum quinque origines, quas vocant, remotas, declarabimus.

§. 3.

Mentis inter orandum evagationes, minus quidem venustâ, sed cerè propriâ voce *Distractiões* dicimus. Hæ namque sunt, quæ miseram mentem, velut Metium Suffetum quadrigis in mille partes distrahunt. Hoc igitur minus Latinum, sed huic rei magis cōgruum vocabulum non aspernabimur.

Prima igitur Distractiōnum origo, *Sollicitudines & Cura*. Quisquis voluntatem suam non integrè conformat ad divinam, vix unquam sine distractiōnum vehementi fremitu orabit. Is quidem non inquietus tantum atque sollicitus, sed & anxius, Deo nō satis nec ex integro fidet, omnia suis laboribus tribuet, semper agens & satagens, aliis atque aliis curis semper exæstuans. Hinc oratio minimè attenta.

Christus verè cælestis Rhetor, contra sollicitudinum tumultus septemplici argumento pugnat per Matthæū Evangelistam. Demum concludens: Nolite ergo, inquit, solliciti esse. *a* Idē ingerens Paulus: Nihil, inquit, solliciti sitis, sed in omni oratione & obsecratione petitiones vestræ innotescant apud Deum. *b* Non vos morbi, non egestas, non infamia, non carceres, non

exilium,

*a* Matth. c. 6. v. 31. *b* Philip. c. 4. v. 6.

LIBER I. Cap. IV. 45

exilium, non ipsa mors angat. Et ejus rei causam apponit: Dominus enim prope est. Immortalis remuneratio, æternitas beatissima brevi se vestris infundet brachiis. Hæc curas pellat, & animum erigat ad futura. Plurima levissimum quid est, & volat etiam, cum vento agitur: at pluma madefacta & levitatem perdit & volatum: sic & animus humanus in altum evolare, cælum petere facillimus, cum autem curis & sollicitudinibus vanis madent, cum cibum & potum, vestem & habitationem assidue cogitat, volare desinit. jamque miserè prægravatus in terrâ repit. Idcirco Christus providè monens: Attend te vobis, inquit, ne fortè graventur corda vestra in crapulâ & ebrietate, & curis hujus vite. *b* Aut orare non sinunt, aut non bene.

Corb. acensi monacho Leonardo, dum oraret, serpens in sinum correpsit. Hinc ille usque adeo non expavit, ut immobilis persisteret, dum precum finem fecisset. Precibus finitis tortuosum insidiatorem ultro allocutus: Quid tibi vis hospes, agebat, quid in me liceat à Domino accepisti, exere, tuæ me potestati non subducam. At anguis sicuti orantem non terruit, sic etiam pati omnia paratum non læsit.

Voluntas humana cum divinâ conformis, & animus Deo fideus non unum tantummodò colubrū, sed totum colubrorum agmen faciliè contemnit; sollicitudinum &

cura-

*a* Vide Cassianum Collat. l. 9. c. 4.

LUC. 6. 21. v. 34.

# 46 RHETORICA CALESTIS.

curarum morsibus nunquam conficitur, omnem enim sollicitudinem & curam projecit in eum, cui fidit, quem adorat.

f. 2.

Altera distinctionum origo, est *Otium*, quod duplex. Aut nihil agere, aut agere, quod pejus sit Otio. Occupati nobis nunquam videmur, cum longè sanctiùs feriamur. Est, cum tempus ad templum vocat, at nos ne nihil agere videamur, chartis ludere, per fenestras prospicere, transientes numerare, aut otiosissimè confabulari, vel calicem ducere, ac poculis certare instituimus. Et hæc negotia dicimus. Teste Cassiano priscorum Ascetarum in Ægypto dictum solenne fuerat: Qui laborat, ab uno diabolo; otiosus à sexcentis, ab innumeris diabolis exagitur. *a* Chrysostomus super instituendâ oratione differens: Non dormientibus nobis, inquit, dat auxilium Deus, sed laborantibus. Nam adiutor non est otiosi, sed ejus qui ipse quoque operatur. *b* Ad orationem rectè perficiendam singulari opus est gratiâ quam Deus cessatoribus, ludionibus, fabulatoribus, saltatoribus largiri non potest.

Salomon otiositatis malum ostensurus; Per agrum hominis pigri, ait, transivi, & per vineam viri stulti, & ecce totum repleverant urticæ, & operuerant superficië

*a* Cassian. l. 10. Collat. sac. c. 23. *b* Chrys. hom. 21. in epist. ad Ephes. in fine.

ejus spinæ. *a* Mens hominis otiosi velut hortus incultissimus lappas, lolium, urticas, adulterina semina, gramen inexpugnabile; herbas sterilissimas gignit. Et quomodo tandem hic homo rectè orabit? Nimirum, cum dormirent homines, venit inimicus homo, & superseminavit Zazania. *b* Vbi otium, ibi satanæ lucrum maximum; otiosus, diaboli theatrum.

Optimè dixit Cassianus: Mens otiosi nihil aliud cogitare novit, quàm de escis ac ventre. *c* Experimento autem probatum est, acedia impugnationem, non declinando, sed resistendo superandam.

Veteri apologo fertur rusticus cum curru & bobus luto altius hæsisse. Hic miser circumspicere, caput scabere, malum fortunam accusare, adjutrices manus expectare, pectus plangere, demum in genua ruere, & dextram Herculis implorare. Adfuit vocatus Hercules, sed hominem increpitans: O piger, inquit, sic currum non extrahes: Abi, manus admolire, boves urge, currum promove; ita dii aderunt vocati, & juvabunt; pigros non juvant.

Non solis profectò precibus agitur, laborandum est; neque verò solis laboribus quicquam proficitur; precandum est. Pigre otiosi, & rectè orare nullâ unquam amicitia poterunt conjungi. Iurati hostes sunt otium & oratio.

Ad otium spectant cognata duo vitia:

Intern-

*a* Prov. c. 24. v. 30. *b* Matth. c. 13. v. 25.

*c* Cassian. l. 10. Collat. sacr. c. 6. med.

48 RHETORICA CAELESTIS.

Intemperans sonnis, & neglectus ordo. Ques corporis permanenda, sed moderata; prolixior somnus nec salubris, nec honestus. Optatum pbulum est pigritiæ, in multam lucem iterare. Nec praeclarum aliquid expectes ab honore somni amante. Quot horarum somnus permitti possit, ætas & valetudo interroganda. Eadem lex omnibus non potest figi. Sapientum hæcienus sententia fuit, septem horarum spatium, veram somni mensuram esse homini adulto. Heu miseri! vix quartam partem vitæ nostræ vivimus: si dematur quod mensæ, quod relaxationi, quod colloquiis, otio, lusibus, sereno conceditur, vix demum pars quarta vitæ remanebit, a lta vir octogenarius viginti annis vixisse dici poterit.

Idcirco somnus & animi relaxatio, non quantum placet, sed quantum satis est, idque ad dimensionem adhibenda. Nam uti de pecuniis malè vel bene expensis, ita & de his ratio reddenda est Deo. Pessimè ratiocinor, si dicam: Mea est hæc pecunia, prout volo, eam expendo. Nec multò rectius dixerim: Mihi dormio, mihi vigilo, ergo quantum lubet, dormiam. Fatuum enthymema. Nam uti jactura est, aliquot florenos dilapidare, ita dispendium est pecuniariâ jacturâ gravius, aliquot horas superfluo somno perdere. Brevi aderit iudex, qui imperet: Redde rationem villicationis tuæ.

Alte-

a Vide Prodrum Aternitatis c. 1. §. 36.

Alter  
ordo &  
nistrada  
ac neces  
ri, stat  
cubium  
canand  
dum.  
gnat.  
facit or  
Rex  
tentus  
ces effu  
dixi tib  
conite  
Princip  
coris ad  
tribus t  
sa, &  
Dei  
Ergo  
deratio  
gunus.

Terti  
negatio  
raone  
audite  
re, &  
quit, o  
plurimi

a Psalm.  
v. 10

LIBER I. Cap. IV. 49

Alterum, quod otio faver, neglectus ordo & confusio est. In re familiari administrandâ non pulchrum tantum, sed & utile ac necessarium est, suo quævis tempore fieri, statæ sint horæ, quibus surgendum & cubitum eundem, quibus prandendum & cœnandum, quibus laborandum & orandum. Vbi ordo exulat, ibi nec oratio regnat. Immoderatio vitæ non solum malam facit orationem, sed sæpe nullam.

Rex David gravissimis regni negotiis attentus, de die nihilominus septies in preces effusus; *Septies*, inquit, in die laudem dixi tibi. *a* Sed & mediâ nocte surgebat ad confiteandum Domino. *b* Daniel è summis Principibus regis Darii, suis potissimum curis administrabat regnum, nihilominus tribus temporibus in die flectebat genua sua, & adorabat, confitebaturque coram Deo suo, sicut & antè facere consueverat. *c* Ergo cui curæ ac cordi est oratio, immoderationem vitæ oderit & otium. Sed pergamus.

§. 3.

Tertia distractionum origo est, *Confusa negotiorum moles*. Diabolus hac in re Pharaonem annulat. Aegyptius rex iste cum audisset Israël's populum sacrificia cogitare, & abitum moliri: Opprimantur, inquit, operibus. *d* Ad hunc omnino modum plurimi merguntur luto, & occupationum mole

*a* Psal. 118. v. 164. *b* Ibid. v. 64. *c* Dan. c. 6. v. 10, *d* Exod. c. 5. v. 6.

50 RHETORICA CALESTIS.

mole sic obruuntur, ut aut tempus, aut cer-  
tè animum non habeant orandi. Hinc illæ  
voces eorum: orent monachi; crebris ego  
precibus invigilare non possum. <sup>a</sup> Ita tres  
illi ad epulum grande invitat. se adeò non  
vacare aiebant, ut nec epulo quidem inter-  
esse permillum duxerint. Huic quidem bo-  
ves, isti villa, uxor tertio tantum temporis  
non videbatur permittere, ut ad instructis-  
simam cenam se sifteret. Non aliter illi, qui  
rarius orant, seipsos divinis colloquiis ex-  
cludunt, paulatim non nisi terram & car-  
nem sapiunt, in rebus salutis insensiles  
sunt, homines aridissimi, qui licet in tem-  
plo sint, eis tamen fabulari suavius est,  
quàm precari. His jure merito quotidie oc-  
cinendum: Quid prodest homini, si mun-  
dum universum lucretur., animæ verò suæ  
detrimentum patiatur? Aut quam dabit ho-  
mo commutat. orem pro animâ suâ? <sup>b</sup> Et si  
horis singulis philippeos decem lucrari  
queat, quid tum? veniet horula, quæ om-  
nem negotiorum molem & quicquid lucri  
congestum excutiet manibus, velis nolis  
vacandum est morti: nisi fortè tu solus ne-  
gotiorum mole sis repulsurus mortem? sed  
constat hæcenus mortaliū nemini defuisse  
spatium moriendi. Negotia igitur sic tra-  
ctanda sunt, prout nos divinus Paulus in-  
struit. Hoc itaque dico, fratres, tempus bre-  
ve est: reliquum est, ut qui utuntur hoc  
mundo, tanquam non utantur, & qui  
emunt,

<sup>a</sup> Ich kan dem ding nit abwarten.

<sup>b</sup> Matth. c. 16. v. 26.



emunt, tanquam non possidentes. *a* Homines ejusmodi πολυπράγμονες, & omnia agentes sapientius cogitent, quod Dominus suæ hospitæ dixit: Martha, Martha, sollicita es, & turbaris erga plurima. Porro unum est necessarium. *b* Finem scilicet sibi præstitutum assequi, & per Dei laudes ad Deum ascendere.

Supremus rex non nisi ob graviorē causam ingeminat voces. Moſen, cūm ille totus in pascuis conquirendis eſſet, compellavit: *Moſes, Moſes*. Samuelem ſopore merſum inſclamavit, *Samuel, Samuel*. Saulum ad cædes properantem duplicatâ voce corripuit, *Saule, Saule*; ita Chriſtus Mattham ab operoſâ nimium ſollicitudine revocans: Martha, Martha, inquit, turbaris erga plurima. Sollicitudo non vexat ſolum, ſed & ſuffocat; non vult Deus iis animum impendi, quæ ipſe non imperat. Sed hoc mihi munus, inquit, commiſit Deus, hoc onus ipſe impoſuit.

Cave Deum falſò accuſes, quòd ille in has negotiorum voragineſ te adduxerit: tu tibi ipſe dux fuiſti.

Ezechielem olim Angelus in aquas perduxerat, quæ primo ingreſſu talos, deinde genua, umbilicum denique contigerant. Hic vetuit eum cæleſtis ductor progredi, & ſeduxit illum, & convertit ad ripam torrentis. *c* Si te, quiſquis es, occupationum tuarum aquæ, ad uſque umbilicum ſepeliant,

D

ohe

*a* 1. Cor. c. 7. v. 29. & ſeqq. *b* Luc. c. 10, v. 41. & 42, *c* Ezech. c. 47. v. 6.

ohē satis est: si pleramque omnem diem negotiis assignes, non adēdō reclamabimus; sin autem nihil orationi, nihil Deo tribuas, ohē nimis exiguum est. Hęc demonis ingeniola vafrities est, quos otio non potest, negotiis à Deo avertit.

Ioannes Cassianus immodicas occupationes perstringens: Probatissimus seniorum, inquit, cuiusdam fratris cellam transiit, viditque astantem illi æthiopē. Hi duo iunctis confertisque manibus saxum gravi malleo contundebant. Monachus aliquoties malleum ponere, & ad orationem redire cogitārat, cūm eum æthiops denuō ad opus animans injuriam laboris non sentire jessit. Miratus senex impigerrimam diaboli vafritiem, & istud ipsum tugurium ingressus: Quid operis, ait, hīc urges? Cui monachus: Durissimum, inquit, hoc saxum aptamus fabricæ, vixque illud secare potuimus. Has voces senex continuō excipiens: Bene dixisti, ait, vix potuimus. Nam solus non eras, cūm illud caderes. Et unā exposuit, quem vidisset ejus operis adstare socium, monuitque gravissimē ne sua seria ludo, ne orationem labori, nec cælum posthaberet tartaro. \* Laborandum quidem, sed absque orationis dispendio; ita deinceps Martham ageret, ne Magdalenam excluderet. Suum omnibus tribuendum tempus. Subinde nimios labores tam esse noxios, quāam nullos.

Et videte lacrymabilem Salomonis ruinam. Post extitū templum, nescio, quas  
a *Cassian. coll. 9. c. 6. initio.* mo-

mo  
regi  
solu  
vagu  
posit  
& De  
ta cog  
vata.  
Que  
teip  
vires  
Altera  
tis om  
has ill  
ita di  
subtra  
a Sa

Quar  
fabula  
admod  
perdit  
tus pre  
rit. Ple  
fabula  
menten  
dum t  
quia  
quis si  
sed mar  
pauis  
sterfas

molitiones alias exorsus, domum saltus, regium pratorium, custodiam armorum solum orbi admirandum struxit. Accessit vagus feminarum amor: his curis extra se positus conscientiae rationes conturbavit, & Dei gustum amisit. Hinc sensus multa cogitans ac depressus, & anima aggravata. 4

Quocirca duas tibi ulnas porrigo: unâ te ipsum & injunctum tibi munus, ad tuas vires & ad animi tui salutem commetire. Altera aeternitatis ulna est, hâc rebus creatis omnibus studiosè applica. O quantum has illa excedit! vide igitur, ut tuos labores ita dispenses, ne orationis pensum Deo subtrahas, & beatam aeternitatem perdas.

a Sap. c. 9. v. 15.

§. 4.

Quarta distractionum origo, sunt *Confabulationes & colloquia supervacanea*. Quem admodum nobile ugentum odorem perdit, si pyxidi operculum desit, ita spiritus precum evanescit, ubi os sine lege garrat. Plerumque frigent orationes, ubi calêt fabulae & vani sermones. Si otium humanâ mentem sic afficit, ut ea penitus ad orandum torpeat, quanto magis prava colloquia preces turbabunt & impedient? Si quis supplicum advolvatur tibi ad genua, sed manibus attrectet sord. dissimis, quas paullo antè merferit luto, & necdum absterfas adferat, ceremoniâ us adhibiturus &

D 2

factu-

54 RHETORICA CÆLESTIS.

facturus delicia, quis hunc talem oratorem à se non repellat? Hoc Chrysostomus explicatissimè tradens: orandum quidem tibi est, inquit, sed non sordido, neque ita deturpato. Ingenisse, largas effunde lacrymas, misericorditer pauperibus de tuis offeras, si injuriatus cupiam es, satisfacias abundè, reconcilia te illi, & ne magis oratione tuâ Deus irretetur, deterge linguam oraturus. Nam si quis pedes tuos manibus stercore sordidatis tangeret supplicando, non modò non exaudires, verùm etiam calcibus expelleres. Quomodò igitur ad hoc modo Deum orares? nam qui orat, quasi manu linguâ utitur, qua genua Dei supplicando attingit. Nolite igitur illam nâcigare, ne Deus ad vos dicat: Si multiplicaveritis deprecationem, non exaudiam vos. Magis igitur quàm pupillam oculi linguam tuam custodias. <sup>a</sup>

Non minùs praeclarè dixit Beda: Multum juvat orationis puritatè, si in omni loco vel tempore, nos ab actibus temperemus illicitis: si temper ab otiosis sermocinationibus auditum pariter castigemus & linguâ: quæcunque enim sapius agere, loqui, vel audire solemus, eadem necesse est, sapius ad animum, quati solitam propriamque recurrant ad sedè: & sicut sues immunda volubra, columbæ limpida solèt frequentare fluentia; sic animum cogitatione impuræ inquinant, sanctæ ad orationem excitant <sup>b</sup>

Vt

<sup>a</sup> Chrysf. rom. 2. hom. 52. in c. 15. Math. mihi pag. 386. <sup>b</sup> Beda de templo Salomon

Vt igitur rectè colloquaris cum Deo, cave præmittas prava cum hominibus colloquia. Nam talis in ipsâ eris oratione, qualis ante ipsam fueris. Quod Cassianus insigniter executus: Quidquid ante orationis horam, inquit, anima nostra conceperit, necesse est, ut orantibus nobis per ingestionem recordationis occurrat. Quamobrem quales orantes volumus inveniri, tales nos ante orationis tempus præparare debemus. Ex præcedente enim statu mens atque animus in supplicatione formatur. Et idcirco quidquid orantibus nobis volumus, ut irrepat, ante orationem de abditis nostri pectoris extrudere studeamus. & Evagantium cogitationum mater, confabulatio.

2. *Cass. coll. 9. c. 3. med.*

§. 5.

Quinta distractionum origo, *Animi amaritudo, ira, tristitia, odium, similesque vitiosi affectus.* Pura oratio mel est à celo, ut igitur huic melli sit locus, fel expue. Augustinus dicere solebat: Vides, quia cor tuum vas plenum est felle; ideo si cupias id impleri melle, necessarium est, ut prius effundas omne fel. Os plenum pulte, loqui non potest, cor plenum amaritudine non potest orare.

Incredibile dictu est, quàm noxium sit valetudini, mensam accumbere, & cibos sumere, dum vel gravior tristitia, aut inflammator ira, aut potentior cuiuscumque mali-

D 3 . . . gnior

gniorque affectus hominē exercet, eo namque tempore alimentum transit in venenū, & quod cibus esse creditur, virus est. Tunc igitur longē satius, impransum & incenatum perdurare, quā corpus opplere cibo mox transiture in toxicum.

Haud aliter animus affectione deteriore occupatus, seu illum ira & excandescencia, seu moestitia, seu ambitio, seu libido, sive avaritia, sive alia eum amaritudo inficiat, non sine noxā orabit. Cū enim oratio sit animæ resectio, amaritudine vacet animus, si sit nutriendus. Propterea Christus affectu simili laborantem ab altari removens: Relinque, ait, ibi munus tuum ante altare, & vade prius reconciliari fratri tuo. <sup>a</sup> Animus tali amaritudine infectus nil bonę orationis stillabit. Vis alimelle? fel prius evome. Pone iram, libidinem abdica, teque ab omni amaritudine expurga. Quod & Paulus graviter præcipiens: Volo viros, inquit, orare in omni loco, levantes puras manus, sine irā & disceptatione. <sup>b</sup> Non bene conveniunt, nec in unā sede morantur oratio pura, & affectio malignā. Nequit curari vulnus, dum aut glans plumbea, aut ferri cuspis, aut integrum telum hæret in vulnere; hæc prius extrahantur, dein cataplasma parti læsæ accomodetur: ita etiam si vel apicula reliquerit aculeum in membro, quod fauciat, aculeus antè auferendus, quā illiniendum oleum: pari prorsus modo, quādiu amaritudo ulla cor infederit, tam-

<sup>a</sup> Matth. c. 5. v. 25, b 1, Tim. c. 2. v. 8.

tamdiu fragrantissimum orationis unguentum nil proderit. Puræ manus in oratione levandæ sine irâ & disceptatione.

Quisquis igitur rectè orare desiderat, vanas sollicitudines repellat, otium fugiat, negotiorum mole se opprimi non sinat, optimas horas non gerris & nugis frangat, animum ab omni maligniore affectu liberum adferat. Ita LITATVR, Hæc sacra his constant impendiis.

## CAPVT V.

*Evagationum animi quanam origines sint propinqua.*

**L**Vcianus tam suorum irrisor, quàm Christianorum, fingit Deum supremum Iovem, ad ingentem cæli fenestram horâ unâ quotidie adfidere, sui que copiam facere, dicturis partibus aut aliquid rogaturis. Quisquis opportunam hanc horam aucupari novit, & suam facere, quicquid rogat, impetrat; qui horâ hanc neglexerit, verba precésque incassum fundit. Cùm autem Iupiter non certam servet horam, incerta verò sit hominibus ignota, inde fit, ut paucissimarum preces sint ratæ. Ita priscei hoc fabularum involucro sapienter monuerunt, horis omnibus orandum, quando non constet, quâ horâ Deus statuerit aures orantibus dare.

Deus noster Rex cæli & terræ horis omnibus, interdiu noctuq; paratissimas nobis

dat aures, nec tantum audit quod petimus, sed & petitionibus nostris annuit, modò non noxia petamus, nec inhonesta. Porro illud præcipue nobis spectandum, ut loco Deum opportuno adeamus. Hoc aio: locuturus cum Deo, Deum sibi statuatur præsentissimū, nec ab eo quem rogat, oculos unquam, quantum fieri potest, amoveat. Hic impetrandi modus est opportunissimus: hoc oculis divinis placet. Atqui hoc oratio minus attendit nequaquam observat, hinc iure fert repulsam. De oratione hac cœpimus verba facere. Explicatum est, quid oratio, quid in oratione distractio, quæ distractionum remota sint origines. Nunc porro quotuplex distractio, & quæ distractionum propinquæ sint origines, explicandum.

## 6. 2.

**A** Theologis passim triplex statuitur evagatio seu distractio, Invita, Negligens, Voluntaria. Prima dicitur *Invita*, cum orantem aliæ quidem atque aliæ cogitationes turbant, sed invitum & reluctantem. Nam hic talis quam primum animadvertit in animum suum cogitationes à precibus alienas insperere, mox eas repellit & excutit, nec sine dolore ac gemitu. Non facile peccat, qui tam sedulo adversus satanæ suggestiones vigilat.

Illa *Negligens* vocatur, cum quis oscitanter orat. & remisso animo, cogitationū suarum pessimus custos. Quod inde fit, quando  
animum

animu  
rius  
ut hæ  
plo de  
det & g  
rūm h  
cio ta  
modò  
grave  
jam in  
dissim  
tumq  
que d  
luc u  
Non  
& oer  
rede  
quide  
fugit  
gitur  
distr  
dormi  
illas  
vetat  
conat  
auten  
gravi  
Ter  
pend  
sed in  
mus  
nes se  
sed ill

a Rom



animum ad preces non præparat, neque seri-  
 rius est, in re tam seriâ, non enim laborat,  
 ut hæc precum impedimēta rejiciat. Exem-  
 plo demonstratur id, quod dicimus. Ad-  
 det agroto famulus, qui muscas abigat. Ve-  
 rùm hic muscarum Vaspasianus a sub offi-  
 cio tam leni paullatim niectare incipit, &  
 modò muscarum flabellum tollit, modò  
 graves oculos claudit, & toto annuit vultu;  
 jam iterum mover brachium, sed langu-  
 dissimo conatu, jam iterum dormitat, to-  
 tumque ruit oppressum somno caput; jam-  
 que denuò evigilat, & flabellū concutit, ve-  
 lut uno spiritu jugulaturus omnes muscas.  
 Non diu durat hic impetus, brevè & manus,  
 & oculi, & caput in somnum desluunt, ita  
 redeunt muscæ, unde fuerant abactæ. Hic  
 quidem fugat muscas, & non fugat; officio  
 fungitur, sed pigerrimè, adeoque non fun-  
 gitur: ita prorsus qui orat, nec tamen in  
 distractiones impigrè pugnat; ita bonus  
 dormitat Homerus, & modò has, modò  
 illas cogitationes in animum illabi non  
 vetat: resistit subinde aliquantulum, sed  
 conatu flaccido & inertis: ita vincitur. Quò  
 autem est major hæc negligentia, tantò  
 gravior, ea tamen plerumque non letalis.

Tertia distractio dicitur *Voluntaria*, cùm  
 pænè sola garrit lingua, mens domi nō est,  
 sed in omnes Orbis partes evagatur. Pessi-  
 mus hic orator alienas quidem cogitatio-  
 nes sentit, sed non rejicit; videt hostem,  
 sed illi sese non opponit: diaboli suggestio-

D 5 nes

a Romanus hic Caesar muscas configere solebat.

## 60 RHETORICA CÆLESTIS.

nes satis advertit, sed eas non excutit; cum Deo loqui & orare creditur, sed ille cum quib. suis transeuntibus fabulatur: Hoc grave delictum est, & naturâ suâ letale. Quisquis enim sic orat, quid oret ignorat, atque sic debitam Deo reverentiam negat. Hinc Theologorum scito, qui die festo tam alienus à precibus, aut in his tam vagus rei divinæ interest, aut preces ex debito recitandas sic fundit, obligationi non satisfacit. Atque hæ distractionû differentiæ sunt. Origines earum propinquas subjungimus.

### §. 2.

Prima distractionum propinqua origo est, *Licentia exteriorum sensuum, præcipue oculorum.* Attentè orare non cogitat, qui oculos non cohibet dum orat: Nam sicut

*Incustoditum caprat ovile lupus:*

ita prorsus incustoditam nõ difficulter expugnat mentem diabolus. Et quomodo cogitationes intra cæcellos coërceri poterūt, si emissi oculi toto oberrēt templo? Præceptum Domini est: *Clauso ostio, ora Patrem tuum.* Parum est ostium claudere cubuli, si non etiam claudas januam animi. Christus à cruce rediivus ad discipulos suos ingressus est, sed januis clausis. Gemini oculi duo cordis ostiola sunt; si cupis, ut cor tuum subeat divina gratia, para hospitium, & gemina claudes ostiola. Non aliâ lege Christum impetrabis hospitem.

a *Matth. c. 6. v. 6.*

Sed

Sed  
6 anni  
lani an  
sua vel  
evolare  
iles ha  
est, an  
cla. da  
ab lani  
tus, q  
Deo lo  
Hic op  
natur  
do, me  
Cur  
breiæ  
seors b  
molaru  
trare it  
que fl  
exempl  
quisq  
ctus ex  
non i  
sensu  
anima  
trinsec  
Pr. sc  
Aman  
surdus  
oculos  
imagin

a Rog  
v. 14

LIBER I. Cap. V. 61

Sed ô curiositas, ô humanæ gentis vitiû,  
ô animi levitas, ô nobilis ad omnem petu-  
lantiam præsultrix! Vos oculos quaquâver-  
sus velut pyrobolos & nitratos radios, &  
evolare fientis, turpi magisterio. Non mis-  
siles hos ignes poscit oratio. Cùm orandum  
est, animus ignescat, & in altum evolet:  
claudantur oculi, & intra suas se caveas  
abdant, tunc enim mens tantò cernit acu-  
tius, quantò minus cernunt oculi. Elias cû  
Deo locuturus, *Operuit vultum suum pallio.* b  
Hic optimus orantis habitus est, velo, quod  
natura dedit, operire oculos. Nihil viden-  
do, melius videntis, quem adoramus.

Cur Deus, obsecro, Arcam à Noëmo fa-  
brefactam, tam intrinsecus, quàm extrin-  
secus bitumine liniiri voluit? c Ne fortè ri-  
mularum aliquid reperirent aquæ & pene-  
trarent. In mundo velut in diluvio, mediis-  
que fluctibus versamur; heu quantum prav  
exempli auribus, quantum oculis haurimus;  
quisquis Noemum imitari, & diluvii flu-  
ctus evadere, Deoque se conjungere cupit?  
non interiores tantùm, sed & exteriore  
sensus solertissimè custodiat; arcam suam  
animam suam bitumine divini timoris in-  
trinsecus & extrinsecus liniat.

Prisci Patres in Ægypto dicere solebant:  
Amans orationis homo, cæcus, mutus &  
surdus sit. Cæcus sit, ut vel clausos habeat  
oculos, dum orat, vel in Christi aliæve sacræ  
immagine defixos. Mutus sit, ut nullos peni-

D. 6. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

a Regell. b 3. Reg. c. 19. v. 13. c Genes. c. 6.  
v. 14.

## 62 RHETORICA CAELESTIS.

tus sermones cum homine misceat, dum Deum alloquitur: turpissimum est, & intolerabile, colloquia divina confabulationibus humanis confundere. Surdus, ut quod vel domi, vel in templo importuni strepitus est, velut non audiendo transmittat.

### 6. 3.

Alterâ distractionum propinquior origo est, *Libertas & licentia sensuum interiorum*, Intellectus, Voluntatis, & Memoria; maxime verò imaginationis, & phantasia. Maximæ artis est, phantasiam velut canem rabiosum, aut draconem alatum alligare vinculis, & stringere catenam. Imaginatio plurimum oranti nocet, si non rationis legibus veluti clathris cohibeatur. Quâ de re, si quisquam, præclarissimè Bernardus: Mul-  
tarum, inquit, rerum imagines & phantasias clausis oculis video, easque invitus tolero. Inde est, quod sæpe mihi nocuit mortifera delectatio, quæ ex recordatione præteritorum peccatorum nasci solet, sed maxime ex recordatione libidinis. Hæc enim pestis, quod præ ceteris vitiis est mihi familiarior, ed ad nocendum proclivior, & ad repellendum difficilior. Nam cum eam repellere volo, nolenti mihi se ingerit blandè onerosa, displicendo placens, & placendo displicens. Subtiliter intrat, & mentem occupat, & nisi subito repellatur, allicit, & incendit, & quasi virus pestilentiae, per totum corpus paulatim se diffundit. Cogitationes  
pravas

pravas multiplicat, affectiones malas generat, delectatione illicitâ mentem afficit, & ad consensum pravitatis animum inflectit, omnesque animæ virtutes corrumpit. Hâc peste cum adstrictus teneor, divelli ab eâ vix possum, quoniam stimulos ejus confiteri aut nescio, aut erubescio: tam subtiles & turpes sunt:

Addit: Audi ergo, piissime Deus, confessionem meam, & respice ad pietatem tuam. Audi, quàm sæpe de memoriâ meâ te expulit irruens turba plurimarum cogitationum, quæ velut plebs ad aliquod spectaculum solent effluere in cor meum. Ad secularia revocant, mundana inferunt, voluptuaria ingerunt, illecebrosa contextunt, ipsoque in tempore, quo levare mentem meam ad te paro, inanibus cogitationibus infectus, ad terrena plerumque dejicior: cogitanda cogito, & cogitata recogito, & eadem iterum atque iterum replicare non cesso. Ita mens mea semper mobilis & numquam stabilis, semper vaga & velut ebria, per diversa distrahitur. Graviter pecco, cum cor meum derelinquo, quoniam gravis jactura est, quæ per negligentiam fit. Ita peccandi consuetudine etiam cum nescio, pecco, & cor meum, cor vanum per infinita deducitur, & in multa desideria dividitur.

Nostras hîc agit partes Bernardus, & velut in theatro graphicè repræsentat hominem negligenter orantem. In quo plu-

FINITIM

2 Bern. l. de interior. dem. c. 29. mihi p. 1073.

64 RHETORICA CALESTIS.

rimum semper delinquit imaginatio. Hæc instar vagi pueri est, qui dum in cathedrâ Magister Tullium aut Maronem prælegit, ipse interim cucurbitas, & quidquid vult augurum, pingit; præceptoris dicta surdis transmittit auribus: ita imaginatio nugas diversissimas solet pingere, dum animus orationi studet vacare. Astringe certis vinculis imaginationem, si fructuosam cupis esse orationem.

§. 4.

Tertia distractionum propinquior origo, *Actiones orationi non congruæ.* Qui facit sub oratione, quod eam turbet ac impediat, is hoc agit, ut mentem ab orationis sensu abducatur. In multis actiones hominis & curæ dividi possunt. Fuerunt, qui septem simul amanuensibus & scribis dictarent, fuerunt qui pluribus: Equitare simul & fabulari, non incommodè plurimi sciunt. Ipsi meis oculis spectavi hominem, qui simul & fistulam inflaret, & tympana pulsaret, & libum manducaret. Sunt, qui tonsori simul & negotiis dare operam possunt. Ex archimagiris non nemo est, qui duas pultes eodem coquat pultario. <sup>a</sup> Sunt, qui audire simul & scribere nōrunt. Sunt è furaci Mercurii tribu, qui nō imperitè simul & furari, & humanissimè colloqui sciant, sunt, qui eruditè simul & canere, & orga-

<sup>nis</sup>  
a Zwanz Muesß in einer Pfannen kochen / ist eintunst.

nis ludere didicerint. At verò preces fundere, ejus generis labor est, ut vix ullos alios labores unà secum exerceri velit. Orare ac simul circumspicere, orare & simul cum alio fabulari, litteras legere, dicenti attendere, nunquam nisi pessimè coniunguntur; hæc uno eodemque tempore simul fieri non possunt.

Germanorum mos est in pagis, & verò etiam in urbibus, inter opifices & tenuioris fortunæ homines, pulsem avenaceam & hoc ritu comedere. Illud, quod dixi, avenaceam pulmentum, in mensæ plano ponitur, hoc ferculum tripus ferrea sed gracilis inumbrat, quæ catinum lacte plenum sustentat. Qui mensam accumbunt, vicibus mutatis cochlear jam avenaceâ pulte, jam lacte mergunt, *b* ut si fortè pulvis quid hæreat in gutture, lac habeat pro vehiculo. Haud aliter orant aliqui, dum cochlearis loco utuntur lingua, sed eâ modò Deum, modò alloquuntur homine miserabili vicissitudine, modò precatorium libellum, modò alienam formam aspiciunt alternatis obtutibus. Atqui hoc est Deum injuriâ afficere, aliis pernicioso exemplo, sibi ipsi nocere nil impetrando, nisi iustissimam reprehensionem. Nullius pretii hæc oratio est. Ergo quod sæpius monebimus, cum oras, totus ora, & actiones alias orationi adversarias procul amovere. Plurimū facit, qui,

*a* Ein gesottnen Haber sampt einer Milch auff einem Dreyfuß. *b* Ein Schuß unnd den andern.

66 RHETORICA CÆLESTIS.

qui, quod faciendum est, bene facit; satis laborat, qui rectè orat.

At subinde in templo sumus, sed orare non libet. Non nimium hic urgebo fastidientem. Hoc moneo, figat oculos in imagine piâ, sacras ceremonias expendat, Ecclesiæ cantum attendat.

Hic pace vestrâ dixerim, & Musici, nunc templis cantâdi genus dominatur novum, sed exorbitans, concisum, saltariorum, & parùm profectò religiosum, theatro aut choreo a convenientius quàm templo. Artificium quærimus, & perditiâ priscum precandi ac cantandi studium; curiositati consulimus, sed reverà negligimus pietatem. Quid enim novitia hæc & tripudians cantandi ratio, nisi comœdia est, in quâ cantores, veluti actores sunt, quorum modò unus prodit, modò duo, modò simul prodeunt omnes, & modulatis vocibus colloquuntur; mox iterum unus triumphat solus, ceteris brevî secuturis. Quòd si cantores nec ab arte, nec à voce multum commendati sint, & nihilominùs novos hos cantandi dialogos sectari velint, insuavem prorsus Musicam efficiant. *b*

Crebræ sunt in Italiâ comœdiæ, quæ voce tantùm modulatâ, soloque cantu peraguntur: his simillimus est hic musteus cantandi modus, qui specie rarioris artificii,

*a* **Tanzboden.** *b* Non omnem novæ inventionis Musicam damnamus, sed eam potissimùm, quæ quod imitari cupit, imitari tamē nescit, artis aut vocum penuriâ.

sacris  
nov  
ut ea  
cere  
Musici  
ter (&  
sed e  
stidi  
seco  
sacra  
vinus  
quæ e  
gante  
quid  
cleus  
sunt  
est cl  
re;  
sympl  
talibe  
quod  
A  
nus  
anim  
citha  
rinc  
aut q  
voco  
Ita &  
man  
do se  
aera  
Ea

a r. Co



sacris ædibus infert comœdias. Adeone nova omnia tam pulchra sunt & honesta, ut ea iure omnibus & ubique debeant placere? Fuerunt ævo superiore præstantissimi Musici, sed reverà, vel vobis testibus si aliter (& liceat dicere) religiosius cecinerunt: sed eorum libros Musicos vestrum jam fastidium pridem sepelivit. Reviviscat, obsecro, saltem aliquid priscae religiositatis in sacrâ Musicâ. Quod si cordi est & curæ divinus honor, hoc agite viri, hoc laborate, ut quæ cantantur, verba, simul etiam intelligantur. Quid mihi varius in templo sonus, quid multiplex concentus, si desit ei nucleus, si sensum & verba, quæ concentu sunt instillanda, percipere nequeam? Aliud est choreis, aliud Christianis sacris accinere; illis satis est symphonia, in his etiam symphonix sensus desideratur. Nimirum talibus flabellis excitanda est pietas, ut quod canitur, etiam cogitetur.

Æquissimum hæc Ecclesiæ votum divinus Paulus approbans: Quæ, inquit, sine animâ sunt vocem dantia, sive tibia, sive cithara, nisi distinctionem sonituum dederint, quomodo sciatur id, quod canitur, aut quod citharizatur? etenim si incertam vocem det tuba, quis se parabit ad bellum? Ita & vos per linguam (*per cantum*) nisi manifestum sermonem dederitis, quomodo sciatur, id quod dicitur? eritis enim in aëra loquentes. ■

Ea igitur sit templorum Musica, quæ  
oratio-

orationem non turbet, sed excitet & accendat.

## §. 5.

Exposuimus distractionum origines; rem oculis nunc subiciemus. Bernardus, quem paullo antè diximus, matutinis precibus intererat magno religionis sensu. Hic illi Deus cernenda objecit, quæ nullius oculis patebant. Vidit vir sanctus iuxta singulos suorum stantem Angelum, qui tantâ scribebat accuratione, ut videretur nec vculam, nec syllabam omissurus, quam non solerter exciperet. Omnium tamen Angeli diversâ prorsus ratione scribebant. Hi quidem auro exarabant verba; isti argento; aliqui atramento; quidam etiam aquâ characteres non conspicuos formabant. Alii demum Angeli nil penitus scribebant, sed ex toto feriabantur.

Hæc autem interpretatio visi est. Quorum Angeli pingebant auro, ii hoc uno desiderio æstuabant, quàm integerrimè Deo servire; hoc scilicet agebant, quod agebant, hoc cogitabant, quod cantabant. Bernardo teste, Tunc veraciter oramus, quôdo aliunde non cogitamus. Illorum verò Angeli scribebant argento, quorum intentio in divinis servitiis erat sincerissima: minis quidem prioribus ardebant in divino cultu, sed tamen ardebant. Quæ Deus omnia ad libellam habet examinata. Atramento utebantur Angeli apud eos, quorum voluntas non aded prava fuerat, actiones autem non

a Bern. l. de Inter. domo. c. 48.

ab

ab an  
bant.  
ii des  
tumuli  
te aliò  
ganun  
dit in  
res A  
vanis  
nesciei  
nihilor  
refl  
quem  
Hic  
plum  
modo  
num  
omai  
funt in  
fover  
fateri  
bi sug  
pore  
Aliud  
verba  
attend  
tus, o  
ciens,  
& perf  
peccat  
Cor  
a Nequ  
abgel  
med. m

LIBER I. Cap. V. 69

ab ardore animi, sed à consuetudine prodibant. Apud quos Angeli scribebant aquâ, ii desides, & aut somno, aut cogitationum tumultu pleni, in ideo erant corpore, mente aliò evagabantur. Mens eorum sicut organum Musicum, & quod symphoniam perdit in frigore. Illi denique quorum tutelares Angeli à scriptione penitus vacabant, vanis ac noxiis cogitationibus pleni, non nesciebant, se à precibus aliena cogitare, nihilominus huic cogitationum æstui non resistebant: cor eorum longè fuerat ab eo, quem lingua nominabat.

Hic iure quis nostrum examinet seipsum: Quid tuuscribit Angelus, aut quomodo scribit? num argento, num auro, num attramento, aut fortassis aquâ, num omnino feriat? Quæ tuæ cogitationes sunt inter precandum? quomodo bonas foves, quomodo repellis malas? An non fateri cogeris ac dicere, quod Bernardus tibi suggerit dicendum? In choro sum corpore, & in aliquo negotio sum corde. Aliud canto, & aliud cogito. Psalmodiæ verba profero, & psalmodiæ sensum non attendo: sed mente vagus, habitu dissolutus, oculis attonitus huc & illuc prospiciens, quæcunque ibi geruntur, perlustro & perspicio. Væ mihi, quia ibi pecco, ubi peccata emendare debeo. b

Cor hominis puticula carnis exigua est, quæ  
a Negat das nie gestimbe / oder in der tâtte  
abgetossen. b Bern. de Inter. domo c. 33.  
med. mihi pag. 1076.

## 70 RHETORICA CAELESTIS.

quæ vix falconi sufficiat in prandium, huic tamen cordi, prò totus non sufficit orbis! Multi de se dixerint: Alas non habeo, volare tamen non cesso, corde solo in omnes orbis partes excurreo, imaginatione & phantasiâ ubique prævolante.

Hos animi vagos excursus; hos mentis domesticos tumultus optimè Bernardus exprimens: Sæpe, ait, aliquâ injuriâ commotus, meis cogitationibus & tumultibus in corde premor, hincque sollicitus & cæcus occasione vindictæ, de acceptâ injuriâ tumeo. Consilia multiplico, & nihil aliud nisi jurgia quæ adsunt, corde præfugio, præsentem video (*ea vis imaginationis est*) absentibus contradico, intra memetipsum contumelias profero, & recipio, receptis autem durius respondeo. Cùmque qui obviat, nullus adsit, rixas in corde propono, insidias invidentium discutio, & quæcunque contra me movere possunt, penso, exquiro, quid respondeam, & cùm nullam rem teneam, litigo vacuus labore: sicque diem in otium, noctem verò in cogitationem verto, torpeo ab utili opere, quoniam fatigor illicitâ cogitatione; ita mens secum interiùs pugnat, cùm menti homo repugnat. Hæc omnia imaginatio, & phantasia scelerum incentrix, incredibiliter auger. Ideò Bernardus prioribus dictis adjungens: In corde, inquit, servo depicta ea quæ feci, ideò temporalium rerum tumultus in corde versare non cesso, cùm vaco, operor. In cogitatione enim comedo cùm  
 jejuno,

ieiuno, loquor cum taceo, irascor, cum sum  
tranquillus, corpus requiescit, & animus  
huc illucque discurrit. *a*

*a Bern. l. de Conscientiâ mihi pag. 1100.*

## §. 6.

Hic triplex Documentum studiosius ob-  
servandum. Primum est. Tantò ardentius  
orandum, quantò vehementius distractio-  
nes urgent. Perinde uti fieri solet, cum ca-  
lum omne cietur tonitru, quantò enim  
tunc saevior est tempesta, tantò copiosior  
est æris campani pulsus. *a* Augustinus mul-  
torum languidissimis precibus ingemiscens:  
Quàm multi, ait, deprecantur Deum, nec  
sentiant Deum, nec bene cogitant de Deo.  
Sonum deprecationis habere possint, vo-  
cem habere non possunt, quia ibi vita non  
est. *b* Æsonans, aut cymbalum tinniens,  
homo orans, nec mentem orationi appli-  
cans; sat vocis & verborum, non sat attentio-  
nis, nec satis bonorum desideriorum habet.

Alterum Documentum. Consideran-  
da est innumera multitudo Angelorum  
Deo semper assidentium. Canit Daniel:  
Millia millium ministrabant ei, & decies  
millies centena millia assistebant ei. *c* Co-  
gites tecum mi homo: Sat in cælo aulico-  
rum habet Deus, à quibus laudetur: & ego  
homunculus vilissimus prorepero, cupioque,

*a* Je zorniger das Wetter ist / je ernstlicher  
seutet man zum Wetter.

*b* Aug. tom. 8. in Ps. 139. c Dan. c. 7, v. 10.

## 72 RHETORICA CÆLESTIS.

ut ad dictionem meam rex cæli attendat, & ego ipse non attendo ad ea, quæ dico.

Noſtrates aſulas, obſecro, inſpiciamus, & Legatorum in iis orationes. Stat Princeps auditurus, adest in obſequium Principis tot nobiliſſimorum hominũ corona, prodit legatus, attentio ſumma, incipit ſari, dicendo progreditur, ſolum oculis gerit Principem, ad cauſſam verò ſibi commiſſam attentiſſimus, nihil niſi ex preparato & verbis conceptiſſimis proloquitur.

Et nos quid? & quomodo? Prodimus locuturi cum Deo, quem milia millium & decies centena millia Angelorum cingunt, quorum vel unus Imperatoribus omnibus præferendus eſt, nos tanẽ tam frigide, tam remiſſe ac ſegniter cauſſam noſtram agimus, velut eam ultro prodituri. Heu quàm in rem noſtram non vigilamus! Hic aſſiduẽ, ſi uſpiam clamandum, ATTEN- DITE.

Tertium. A territas perpetuò cogitanda eſt, ita mens facilius ſe vinciri patietur. Quem enim modò adoramus, cum totis æternitatibus laudare cupimus. Hæc horâ, inquit Bernardus, quâ oras, ô quanti cum Deo loquuntur, cùmque in ſe ſeipſis amplexantur? Tu verò æternitatis immemor, in his delectaris, quæ pereunt & tranſeunt, & tecum manere non poſſunt. Quàm multi jam æternitatem inchoârunt, quibus ſi daretur hæc horula ad agendam poenitentiam, quàm ardentibus votis ante aras ſe proſternerent orantes, ſuſpirantes, ploran-  
tes

res  
hic  
reat  
ſolto  
Hæc  
tran  
ligit  
mob  
tion  
gauc  
num  
a C  
b B

Prep

N  
verit  
cere,  
eluv  
ſtitu  
ſacri  
eſt U  
Fit  
Itas  
ſas, c  
ſatur  
eicque  
hoc  
a G

LIBER I. Cap. VI. 73

res ad impetrandam misericordiam; & tu hic veluti jocularis? Si amor non teneat, terreat timor. Animæ mors est, inquit Chrysostomus, non provolvi ad Dei genua. <sup>a</sup> Hæc autem, eodem Bernardo teste, vera est tranquillitas, cùm tota mens in seipsâ colligitur, & in uno Æternitatis desiderio immobiliter figitur. Debet proinde fluctuationem cordis restringere, & ad unius veri gaudii desiderium, cogitationû & affectionum motus colligere. <sup>b</sup>

<sup>a</sup> Chrys. tom. 5. l. 1. de orando Deo.

<sup>b</sup> Bern. de Inter. domo. c. 40. & c. 63.

CAPVT VI.

*Preparationem ad præcepta necessariam esse, & que sit preparatio remota.*

**N**Oëmus Arcæ fabricator, carcerem pænæ annum, cum pauculis suorum inter feras toleravit, sepultus veriùs quàm mortuus. Vbi ex hoc seu carcere, seu sepulchro in auras emerfit, Orbis eluvione finitâ, sacrificium aëstori suo instituit. Id Deo plurimùm placuisse, codices sacri testantur hoc encomio: Odoratusque est Dominus odorem suavitatis. <sup>a</sup>

Fit nonnunquam, ut Codrus aliquis aut Irus famelicus, culinam opulentam ingressus, carnis esse odorem, dum ea veru versatur ad ignem, totis hauriat naribus, dicatque: hoc mihi thymiama gratissimum, hoc mihi thus, hoc stacte & casia est.

<sup>a</sup> Gen. c. 8. v. 21.

Dùm.

74 RHETORICA CAELESTIS.

Dumque has narium delicias avidè trahit, pasci videtur ac refici.

Tam acceptum Deo fuerat Noëmi sacrificium, ut ipsum etiam odorem illi us tanquam optimum laudarit, & quasi attraxerit: Odoratus est Dominus odorem suavitatis. Ne miremur; summo se studio Noëmus præparavit ad has religiones obeundas. Nam ædificavit Noë altare Domino, & tollens de cunctis pecoribus & volucribus mundis, obtulit holocausta super altare. *a* Hic multâ opus fuerat industriâ & præparatione, tam in aræ structurâ, quam in delectu animalium.

Verùm Christianæ gentis sacrificium est, Oratio; hæc autem bona non erit, si desit ei præparatio, de quâ duo nunc exequamur; primò necessariam esse omnino præparationem: Deinde, quæ remota sit præparatio, exponemus.

*a Gen. c. 8. v. 21.*

6. 1.

Oraturus se præparet, aut malè orabit. Quod Siracides fidelissimè monens: Ante orationem, inquit, præpara animam tuam, & noli esse quali homo, qui tentat Deum. *a* Quis citharædus fidibus canit, & fides non prius temperat? Quis in confessu gravium virorum perorat imparatus? Non inertos orationi, quæ immediatè funditur. *b* Chrysostomi

*a Eccl. c. 18. v. 23.*

*b* Hat weter Händ noch Jüis / was ynbedacht sam geredt wurd:



LIBER I. Cap. VI. 75

costomi monitu. a Vide, quis roges ? quem roges ? & quid roges ? Quis ? homo vermiculus, pulvis, umbra, nihil. Quem ? Deum, cæl terræque Dominum, qui potest & animam & corpus perdere in gehennam. b Quid ? & animi & corporis salutem, beatitudinem æternam.

Plurarchus censet à Numâ rege monitum illud profectum : *Adoraturi sedent.* Sedere, est omnem animo seditionem, ac tumultum cogitationum excludere, & uni Deo, cum quo loquendum, attendere. Ita David rex sedet coram Domino. c Prisci sacra facturi per præconem promulgari jubebant : HOC AGE. Quo dicto tam sacerdos quàm quivis alius sacræ operaturus monebatur, id seriò ageret, quod agendum esset.

Deus olim Moſen ad colloquium evocaturus Ascende, inquit, ad Dominum tu & Aaron, & Nadab, & Abiu, & septuaginta senes ex Israël, & adorabitis procul. Solusque Moſes ascendet ad Dominum, & illi non appropinquabunt; nec populus ascendet cum eo. Surrexerunt Moſes, & Iosue minister ejus : ascendensque Moſes in montem, senioribus ait : Expectate hic, donec revertamur ad vos. Cùmque ascendisset Moſes, operuit nubes montem, & habitavit gloria Domini super Sinai, regens illum nube sex diebus : septimo autem die voca-

E

vit

a Chrysoſt. tom. 2. hom. 9. in Matth. initio. mihi pag. 1015. b Matth. c. 10. v. 28. c 2. Reg. c. 7. v. 18.

76 RHETORICA CALESTIS.

vit eum de medio caliginis. *a* Ne Moſen cum Deo collocaturū conites turbarent, relinquantur à tergo; inſuper omnia involvuntur tenebris, ut tantò n.ens collectior fit, quantò minùs oculis permiſſum pluribus occupari.

Orator coram Turcarum Imperatore cauſſam acturus, per plurima conclavia deducitur, in ſingulis geſtu ſupplici, ſubmiſſis humi genibus, reverentiam tanquam adverſus Imperatorem præſentem adhibere cogitur, ſi quidem ad Imperatorias aures admitti velit. Et nos abſque omni præparatione irruimus locuturi cum Deo, verè quaſi homines, qui tentant Deum.

Hac de re Thomas Aquinas graviter pronuntians his iſſis verbis: Ille, inquit, qui ante orationem animam ſuam non præparat, dimittendo ſi quid adverſum aliquem habet, vel aliàs ad devotionem ſe non diſponendo, non facit, quod in ſe eſt, ut exaudiatur à Deo, & ideo quaſi interpretativè tentat Deum. Vnde etiam huiusmodi tentatio irreligioſitatis ſpecies eſt. *b* Deus ſingulorum hac in re conatum penitiſſimè ſcrutatur: Præparationem cordis eorum audivit auris tua Domine. *c* Quiſquis imparatus orat, homo eſt, quaſi qui Deum tentat. Præcepit ergo Deus, ut præces inituri, ad illas nos præpararemus.

Orare, omnium laborum reverà graviſſimus

*a* Exodi c. 24. v. 1. & 2. & v. 13. ac ſeqq.

*b* 8. Thom. 2.2. q. 97. art. 3. ad 2.

*c* Pſal. 10. v. 17.

mus, & maximè serius labor est. Sunt plurimi labores, qui sanè non magnâ egent preparatione. Faber malleum aut liniam, sutor cheleam<sup>a</sup> & subulam capit; sartor acum & filum, tonsor pectine<sup>n</sup> arripit & forcipem; comesturus cochlear, bibiturus calice<sup>n</sup> sumit, ita quivis horum ad suum laborem satis accinctus est. At verò precaturus, nequaquam satis ad precandum paratus est, si libellum sumat precatorium. Industriâ hîc majore opus est & paratu. Pilâ ludere, equum agitare, librum lectitare, quâ horâ vis, potes: orare amplioris est moliminis.

Sunt quædam laborum genera, quæ cibo non præmissò difficillimè peraguntur. Zythep<sup>sæ</sup>, cùm triticum tostam versant, <sup>b</sup> ante lucem prandeat, aut jentant; messores antequam falcem insegerem mittaat, matutino prandio labores fulciunt. Orationem ordiri cogitas? præpara animam, & noli esse quasi homo, qui tentat Deum. Beatus Abbas Agathon dicere solebat: Alius alio labore robustior, omnium robustissimus est, orare. Sic est profectò. Idèd Siracides: Præpara, inquit, præpara animam tuam ad orationem, ut ea par sit tam serio labori. Quæcirca omni modo ad orandam opus est præparatione. Nam quales, ut Cassianus loquitur, orantes volumus inveniri, tales nos esse oportet ante tempus orandi. <sup>c</sup>

F 2

Præ-

<sup>a</sup> Drat. <sup>b</sup> Die Bierbrenn wann sie das Maß ruhren. <sup>c</sup> Cass. l. 1. o. <sup>f</sup>aurat. coliat. c. 14.

Præparationem porrò duplicem statimur: Remotam & propinquam. Remota gemino hoc scito explicari potest: *Cave picem, & Non neglige vestem.* Duo hæc oranti necessaria. Primum est: Cave picem. Cur ea sit caverda, causam Ecclesiasticus assignat: Qui tetigerit picem, inquinabitur ab eâ. <sup>a</sup> Multum fecerit, qui manu picem tractaverit, & manum à sordibus servaverit immunem. Atqui beatus Paulus levare vult puras manus in oratione. Ideirò quisquis cupit seridè orare, nulli rei creatæ cor suum sinat adhærescere: liberrimus sit orantis animus, non auro, non hominum ulli agglutinus. Perinde ut esse solet unius dieculæ aut noctis hospes. Est subinde diversorium vile, mensa tenuis, lectus rigidus, cetera omnia incommoda: id autem hospes tantopere non curat; seipsum his solari solet. Tolleremus hæc nocte unicâ, cras alibi, & forsan meliori loco erimus. <sup>b</sup> Quod si diversor hospitium reperiat lautum, mensam instructam, selecta fercula, nobile vinum, mollem lectum, cauponè humanum, suavem somnum, nihilominus die altero rationes poseit, & iter ad destinatū locum convertens: Vale hospes, inquit, vale hospitium. Et illum, & illud laudamus, sed aliò tendimus. Hæc aliter Christianus Orator tam e' peditæ mentis sit, ut solum suspiret

<sup>a</sup> *Ecclesi. 1. 13. v. 1.* <sup>b</sup> *con-*  
<sup>b</sup> *Sicut hic morgen anderstwo.*

conditorem : Quod si mens hominis , ulli conditæ rei adhæreat affixa, illud ipsum cui adhæret, sub oratione recurret, & orantem turbabit. Dominicum illud longè certissimum : Vbi est thesaurus tuus, ibi est & cor tuum. *a* Quod amas, hoc cogitas, cum oras. Excute amorem, & excussisti cogitationem.

Fuit sacerdos, quod Theologus narrat, qui domi suæ convivium celebraturus, cocto pretiosiores pisces non sine anxietate sollicitudine præ cæteris commendavit, industriâ singulari coquendos. Hæc una piscium parandorum cura, mille curarum prægnans mater, convivatorem in plurimas cogitationes distraxit, ne fortè cocus pipere aut sale nimio, aut forsan nimis exiguo condiret pisces, ne aut nimis diu admoverentur igni, aut æquo citius subtraherentur, ne jurè nimium largo aut non grato perfunderentur. Interim ad rem divinam abiit sacerdos, sed mente vagus, corde aridus, curis distractus, culinâmersus. Dum actione mediâ est, quæ ex ælo calente & igneos poscebat affectus, ille deproperare verba, nec cogitare aliud, quàm suæ culinæ pisces: nec tamen ejuscemodi cogitationes cohibere. Ergo adest fuliginosus ex orco cocus, & cacalum ab igne raptum cum piscibus ad aram deferens: O coce, inquit, non presbyter: en pisces, en salem, condi ut lubet. Sic irrisâ sacerdotis supervacaneâ curâ, evanuit. *b* Si hæc cacadæmoni potestas sapius

*a* Matth. c. 6. v. 20.

E 3

con-

*b* Ioan. Maior in speculo, mihi pag. 586.

80 RHETORICA CÆLESTIS.

côcederetur, quoties diversa hæc exclamaret: ô amator, ô mercator, ô caupo. ô venator, ô argentarie, ô equiso, a quid jam Veneris aut Mercurii sacra, quid vinum aut pecuniam, quid equos aut canes animo verfas? Memento cum Rege te loqui, non Hispaniæ, sed cæli & terræ. At hæc, inquis, dum oro, identidem recurrunt. Tu ipse in causâ es: cur antequam orares, his rebus animum affixisti? quid mirum, si jam avel-  
li non possis?

a D Kramer/ D Hofteuschler/ D Butler/ &c.

§. 3.

Isidorus Pelusiota humanæ socordiæ succensens: Rifu, inquit, profectò dignus es, mi homo (quem ego quo nomine appellem; nescio, dum stuporem tuum reprehendo) quando precaris: Confige timore tuo carnes meas. Eorum enim est hæc precatio, quæ quod in se est, conferunt, & jejunant, & suâ sorte contenti, parvôque beati vivunt, eaque ratione carnis exultantem lasciviam calligant, & compefcunt, quique cælitus opem & auxilium suæ exercitationi mitti postulant. At illis minimè convenit, qui, quemadmodum tu facis, crapulâ in modicâ corpus saginant, & variis deliciis petulantiam tantùm abest, ut repriment, ut potiùs excitent cuticulâ bene curatâ.

Addit idem. Omnes homines ita sunt affecti, ut illis studeant & opitulari, & attendere, quos viderint nequaquam dormientes, neque ignaviæ deditos; sed qui  
ipfi

ipsi se præparant, & instruunt, & prompti sunt ad officii partes peragendas. Tu horum nihil facis, & tamen clamas: Confige timore tuo carnes meas. Quia igitur fronte tu postulare audes, ut dum ipse dormis, nullaque salutis tue curâ tangeris, insuperabile auxiliû celeste ad te advolet? Cumq; voto tuo frustraris, id ægrè fers. Præcedant itaque ea, quæ tuarum sunt partium, quæque à te exiguntur, & tunc demum ea, quæ sunt auxilii divini, subsequantur. *a*

Qui rogat, quæ facere non vult, non solum homines, sed ipsum quoque Iudicem hominum conatur fallere. Tu ergo rebus perituris noli cor apponere. Religiosissimus scriptor hoc ipsam monitum instillans: Esto purus, inquit, & liber ab intus, sine alicujus creaturæ implicamento. Oportet te esse nudum, & purum cor gerere: si vis vacare & videre, quàm suavis sit Dominus. *b* Observa illud, quod moneris, liber esse *sine alicujus creaturæ implicamento*. Si patiaris maligniore affectu vel unico te implicari, jam actum est, jam victus es, sexcentas tibi cogitationes ingeret, dum oras, unicuique hic affectus, nisi eum prius represseris, quàm ores.

Narrat Cassianus integerrimum senem Machetem, eam à Deo gratiam impetrâsse, ut etiam si sacra colloquia diem noctemque totam protraherentur, à somno tamen nunquam expugnaretur; quàm primum

E 4

sermo-

*a* *Isid. l. 4. epist. epist. 2. 4. & 17.*

*b* *Thom. de Kemp. l. 2. lmit. Christi; c 8.*

## 82 RHETORICA CALESTIS.

sermone misceretur vani, protinus in somnum solveretur. Ad hunc ipsum senem Machetem grandis epistolarum fasciculus à parentibus & cognatis è provinciâ Pontimissus est, cum per quindecim annos utrimque silètiū tenuisset. Hic senex apud se deliberans: Quantarum, inquit, cogitationum tumultus hæc mihi lectio concitabit, cum intellexero, quid parentes agant, quid cognati, quid noti alii. Et ista me vel ad inane gaudium, vel ad inutile tristitiam impellent. Et quot diebus tot nugarum memoria orationis tenorem interturbabit? Quanto tempore tot ingestarum rerum velut offam soporiferam dirigere non potero? Quanto labore tranquillitatē per hæc perditam non reparabo? admissis vel semel tot politicorum hominum sermonibus, occursabunt ea omnia, quæ pridem deserui, notorum vultus animo inhærebunt: & nunquid incesset me desiderium ad eos revivendi, & colloquendi cum ipsis? Quid demum juverit, solo mundum corpore deseruisse, si ad eundem animo recurram? Heu quam malè reviviscit, qui bene fuerat mundo mortuus! Hæc secum volvens: Quid diu, inquit, hæreo? quin unâ liturâ deleo tot turbatrices epistolas. Dixit, & fasciculū prout ligatus erat, in ignem projiciens: Ite, inquit, cogitationes patriæ, hic pariter ardet. Mea pluris interest attētè orare, quàm tot vanis salutationibus attendere. Hoc certè Machetes fortiore fecit dexterâ, quàm fuerit illa Mutij ardenti faculo admoda.

a *Cassian. l. 5. inslit. c. 32.*

Gem



LIBER I. Cap. VI. 83

Geminum prorsus in beato Ignatio, Societatis IESV Parente, cernere est. In cubiculo clausis foribus orantē janitor accessit, litterarum fascem traditurus: Semel iterūque pulsanti nihil responsū est. Cū molestus esse pergeret, & crebris more consueto fores obtunderet. Ignatius pandens ostium: Ecquid, mi frater, ait, tibi vis? Cui janitor: En litteras, Pater; qui eas huc tulit, è patriā tuā decebat allatas. Et unā litterarum fascem in manus patri tradidit. Huic Ignatius: Bene est, ait, & mox ostio iterum clauso, quidquid epistolarum fuit in proximum caminum (hiemis erat) cremandum generosissimā manu abiecit, & cōtinuò ad interruptam orationem rediit.

Ergo cave picem, & à rebus creatis, quantum potes, animum avelle, ut is, tantò evolet sublimius, quantò minus ab infimis detinetur.

a. Ribaden, l. 5. vit. S. Ignatii c. 1. propius finē.

§. 4.

Alterum præparationis remotæ documentum: *Non negligē vestem.* Qui orare instituit, amicus Dei sit, & gratiæ divinæ cyclade privatus non sit. Quis enim hostem capitalem benevolē audiat? Est, qui mihi supplicet, sed ego illum cane peius & angue odi, quid impetrabit hic orator? odium auget. Eodem modo cubiculum aliquis, aut templū ingreditur laudaturus Deum, & petiturus quippiam à Deo. Heus bone,  
E s. quid

84 RHETORICA CÆLESTIS.

quid agas, vide. Num in gratiâ es? vox divina te ferit: Nomen habes, quod vivas, & mortuus es. *a* Amici prius sumus: tolle impium adversus me bellum, & mecum in gratiam redi, dein ad sis laudaturus, aut petiturus aliquid à me. Non est speciosa laus in ore peccatoris. *b* Oratio grata est, sed ab amico, non ab hoste. Quemadmodum non conveniunt scabiosæ manus, & aurei in digitis annuli; pileus pertusus & plumis ornatus; sacculus holosericus & caprei in connumuli, *c* pretiosissimum vinum è malis puniceis expressum & picata lignea capendo, *d* curvæ ac repandæ tibiæ, & ocreæ candidæ: ita non est speciosa laus in ore peccatoris. Psallite Domino sancti ejus: *e* non hostes ejus. Nam rectos decet collaudatio. *f* Nam ob causam in lege præscriptæ sacrificium pro peccato ceteris premiti solitum *g* Ita sentiens Alphonsus Tostatus Præsul Abulensis: Ut Deo, inquit, accepta sint posteriora sacrificia, oportet, ut illud primum præmittatur, tanquam dispositio ad alia. *h*

Ita prorsus non consultum tantummodo, sed & necessarium, ut oraturus, delicti tamen sibi conscius in se dolorem concitet, per actum contritionis, ut vocant hoc modo: *Mi Deus, ego te summum bonum offendi, sed doleo ex animo: ignosce, Fermissimè*  
*statuo*

*a* Apoc. c. 3. v. 1. *b* Eccli. c. 15. v. 9.

*c* Rufenhaller. *d* Verpichte hütztune Biersstih. *e* Psal. 29. v. 5. *f* Psal. 32. v. 1.

*g* Exod. c. 5. v. 7. & 8. *h* Abul. q. 9. in Exod.

*statuo non peccare amplius. Aut brevissimum illud usurpandum: Deus propitius esto mihi peccatori* a Qui tale quid precibus præmittit, vestem non negligit, sed sui accusationem velut togam induit. Et reverà iustus, Salomone teste, prior est accusator sui. b

Est genus colubrorum, qui venenum ponunt, cum fontem adeunt ad extinguendam sitim: Non aliter qui ad CHRISTVM misericordiæ fontem properat, virus peccati prius excutiat, & tum demum bibat: sic impetrabit, quod rogaverit. Clemens Alexandrinus hoc ipsam explicans: Precatio, inquit, cum Deo conversatio & colloquio est, ac proinde inter familiares & amicos fieri debet, & supponere, deletam offensam. c Rectos decet collaudatio. Quod ille ab utero cæcus confirmans: Scimus, inquit, quia peccatores Deus non audit: sed si quis Dei cultor est, & voluntatem ejus facit, hunc exaudit. d Et tamen, dices publicanum audiit. Non negamus; audit: sed publicanus vestem, de qua loquimur, non neglexit, sui accusatione se vestivit, ita qui hostis Dei fuerat, amicus ab oratione.

Ideirò ante omnia veniam suis erroribus deprecetur, & seipsum accusando, divinæ gratiæ vestem induat, qui cum Deo in sermonem venire desiderat. Quod celestis magister docens: Si manseritis, inquit, in me, & verba mea in vobis man-

serint, a Luc. c. 18. v. 13. b Prov. c. 18. v. 17.

c Clem. l. 7. Strom. d Ioan. c. 9. v. 31.

86 RHETORICA CALESTIS.

serint, quodcunque volueritis, petetis, & fiet vobis. *a*

Atque geminum hoc documentum oratori Christiano damus: *Picem caveat, & vestem non negligat.* Cor suum nulli creatæ rei agglutinari sinat, & apud supremum Numen semper in gratiâ esse contendat. Ante orationem præparet animam suam, & non sit quasi homo, qui tentat Deum. Quantò accuratior fuerit præparatio, tantò attentior erit oratio.

*a Ioan. c. 15. v. 7.*

CAPVT VII.

*Que propinqua sit ad orationem præparatio.*

**C**ultus divinus apud Hebræos sacrificiis maximè constabat, de quibus ipsi diversa decem miracula commemorant. Primum festis diebus innumera vis hominum confluxit, & tamen nullus unquam exclusus se questus est: sacrum hoc hospitium admisit omnes. Alterum, cum starent, se comprimebant, cum verò delictorum confessionem ritu suo ederent, & in terram procumberent, nihilominus quatuor cubitorum spatium nemini negatum. Tertium, sacrificiorum sub dio institutorum ignis nunquam pluviis extinctus. Quartum, sacrificiorum fumus nunquam à vento sic dissipatus est, quin rectâ nubes peteret. Quintum, Sacerdotem summum  
nullo

nullo expiationis die, sinister aut malus eventus impedit. Sextum, in propositionis ac primitiarum panibus nihil unquam vitii deprehensum. Septimum, nulla feminarum, quæ uterum ferret, carnis sanctificatæ nauseam sensit. Octavum. Caro sanctificata nunquam fœtoris aliquid contraxit. Nonum, in eo, quo victimæ mactabantur loco, nullæ cernebantur muscæ. Decimum, nemo sacrificantium à serpente aut scorpione læsus est.

Hæc Iudæi jactant, sed certè non commovent. Hæc fabulæ Christianis auribus fidentem non faciunt. Contrarium è vatibus Hebræis discimus. Dilucidè rex David: Sacrificium, inquit, & oblationem noluisti; holocaustum pro peccato non postulasti, *a* Quoniam si voluisses sacrificium dedissem utique; holocaustis non delectaberis. Sacrificium Deo, spiritus contribulatus; cor contritum & humiliatum Deus non despicies. *b* Simillimè locutus Baruch: Anima, inquit, quæ tristis est, super magnitudine mali, & incedit curva, & infirma, & oculi deficientes (*nimirum lacrymis, jejuniis, vigiliis exhausti*) & anima esuriens dat tibi gloriam, & justitiam Domino. *c* Spiritus est Deus, & eos, qui adorant eum, in spiritu & veritate oportet adorare. *d* Oratio humilientis se nubes penetrat. *e*

Hæc Christianæ gentis sacrificia sunt, pura,

*a* Psal. 39. v. 7. *b* Psal. 50. v. 18. & 19.

*c* Baruch. c. 2. v. 18. *d* Ioan. c. 4. v. 24.

*e* Eccli. c. 35. v. 21.

88 RHETORICA CALESTIS.

pura, humilis, & ardens oratio. Quæ autem ad orationem remota sit præparatio, capite superiori exposuimus, jam ordinis ratio poseit, de præparatione, ut eam vocamus, propinquâ disserere.

6. I.

Primum propinquæ præparationis membrum est, *Puritas animi*. Diacostides, nobilis gemma & magnarum virium est, sed eas omnes in ore cadaveris amittit. Talis reverà est oratio, gemma pretiosa, sed in ore hominis impuri vim omnem perdit. Siracides canit: Non est speciosa laus in ore peccatoris. a

Liberum, quod suprà diximus, ac purum sit cor oratoris Christiani. Optimè dixit Augustinus: Munda tantum cubiculum cordis, ubi fueris, ubicunque oraveris intus est, qui exaudit, intus in secreto. b Cui subscribens Bernardus: Oratio, inquit, cordis est, non labiorum. Neque enim verba deprecantis Deus intendit, sed orantis cor aspiciat. c

Cùm Core, Dathan & Abiron, ceterique proceres Hebræi, numero ducenti quinquaginta, secessionem fecissent à Mose, jamque starent, thura offerrent, & odores spargerent, terra horrendum repente contremuit, & undante superficie non secus quam pelagus vento fluctuans, populum

a Eccli. c. 15. v. 9. b Aug. tom. 9 tract. 10. in  
Leam. c. 2. c Bern. l. de Inter. domo, c. 48.

universum terruit. Immani mox sonitu  
 eliso, quæ seditiosi tendebant, solum hiatu  
 horribili subsidit, & eodem momento non  
 tantum ducentos quinquaginta viros, sed  
 & uxores eorum ac liberos, omnemque  
 familiam absorpsit, descenderuntque vivi  
 in infernum, operiti humo, & perierunt de  
 medio multitudinis. <sup>a</sup> Subiatis in hunc  
 modum profanis, hiatus ille ita rursus  
 clausus est, ut ne vestigium quidem ejus  
 superesset. Quid, obsecro, Deum ad in-  
 dignationem tantam commovit, ut in tot  
 capita sui populi tam prodigiali strage ani-  
 madverteret? num ei thas, num ignis, aut  
 thuribula displicuerunt? non odores, non  
 prunæ, sed nec thuribulum, sed cor thura  
 offerentium displicuit D E O. Pessima fuit  
 oratio rebellium ac seditiosorum hominû,  
 quorum mentem contumax superbia infe-  
 cerat. Tam nõ placuerunt hæ preces, ut nec  
 finem illarum Deus expectarit, quin gravi-  
 ter vindicaret in perduelles hos oratores.  
 Bias Prienæus, cum in naufragii discrimi-  
 ne, inter scelestos ac deploratæ vitæ ho-  
 mines esset, illique deos ob sospitatem de-  
 precarentur: Silere, ait, ne dii nos hîc esse  
 sentiant. Ita Dathanio, Abironi & asseclis  
 dici potuisset: Tacete & abstinete his sa-  
 crificiis: non placebit Deo nec thus sele-  
 ctissimum, nec thuribulum aureum, si cor  
 sit superbum aut lascivum. Ergo, mi Chri-  
 stiane, ut orationem tuam commendes, cor  
 tuum ab omnibus sordibus expurga.

Alleg.

90 RHETORICA CAELESTIS.

Alterum est, *Proposium firmum*, adversus omnes futuras distractiones. Abrahamus in illo itinere maestissimo, quod ad montem Moria confecit, ubi Isaac filius erat immolandus, methodum orandi optimam demonstravit. Nam ubi afflictissimus hic parens ad montis radices stetit, provido consilio ad servos comites versus; Vos, inquit, expectate hic cum asino: ego autem & puer illuc usque properantes, postquam adoraverimus, revertemur ad vos. *a* Prudentissime. Ita prorsus oratorem Christianum agere convenit. Iumenta, famuli, comites ceteri, & quidquid impedimentorum est, à tergo relinquendum. Dimitte vana vanis, tu animum intende D E O, & solus age cum solo. Ita Moses solus ad Dominum ascendens, & parè idem, quod Abrahamus, imperans: Expectate hic, ait, donec revertamur ad vos. *b* Ita & ipse Christus, in itinere tristissimo ad clivum olivarum, suorum octo, in villam Gethsemani reliquit, & tribus solum comitibus ad locum cruentae luctae contendit. Sed ubi orandi locum iam oculis designasset, tres etiam illos comites à se amandans: Sedete hic, ait, donec vadam illuc, & orem. Et ipse avulsus est ab eis, quantum jactus est lapidis, & positus genibus orabat. *c* Ostendit hoc loco Dominus IESVS, quo proposito preces ordiamur. Docuitq; exemplo, quod iusserrat: Tu autem cum oraveris, intra in cubiculum.

Gen. c. 22. v. 5. *b* Exod. c. 24. v. 14.  
Matth. c. 26. v. 36. & Luc. c. 22. v. 41.



culum tuum, & clauso ostio ora patrem tuum. & Omnibus tunc aliis cogitationibus & curis valedicendum; plebs ista tumultuans tunc animo excludenda, & quamvis ea fores obundet, ac iterum & iterum, iterumque pulset, rogétque admitti, nihilo minus in oratione perdurandum, nec animi ostium ante orationis finem referandum. Ita quis apud se statuatur, priusquam orare incipiat.

a *Matth. c. 6. v. 6.*

§. 2.

Tertium, *Divine gratiæ petitio.* Evangelium cogitationum turba, seditiosa plebs simillima est. Hæc eo subinde fertur impetu, ut vel custoditas etiam fores effringat & perrumpat. Haud aliter seditiosarum distractionum vulgus, in orantis mentem irruit, & clandestinis omnia tumultibus miscet. Quando igitur humanæ vires hæc parùm opitulantur, Deus in auxilium vocandus est: Iuva, Domine, & tumultuantes animi mei turbas compone, excita precandi spiritum in me servo tuo; impera ventis & mari, & erit tranquillitas magna.

Ecclesia hic præit, suoque nos exemplo docet, ante omnem orationem divinum subsidium implorare. Nam ea in omnibus statis precationibus, hoc ducit principium: Deus in adiutorium meum intende, Domine ad adjuvandum me festina. Nec aliter matutinos hymnos orditur, quam illis Psaltæ verbis: Domine, labia mea aperies, &

92 RHETORICA CAEſTIS.

& os meum annuntiabit laudem tuam. Ed spectat ſolenne illud: *Surſum corda.* Quod Cyprianus explicans: Sacerdos inquit, præſatione præparat fratrum mentes, dicendo, *Surſum corda.* Ut dum reſpondet plebs; *Habemus ad Dominum*, admoneatur ſe nihil aliud, quàm Dominum cogitare debere. *a* Auguſtinus, quò ſincerius divinis intenderet, hoc ipſum poſtulans: Libera me, Deus meus, exclamat, a multiloquio, quod patior in animã meã miſerã, in conſpectu tuo. *b*

Quintũ præparationis propinquæ membrum eſt, *Præſentia Dei*, orantis animo valide impreſſa. Cum abſentibus non loquimur, niſi per epistoſas: ſi loqui placeat cum Deo, priùs præſentem cogitemus. Ut autem in precibus animi faſtidium vitemus, ſubin ſe qui orat, mente ſubvolet in cælum, & mediù Angelorum ante Dei ſolium ſe poſternat, & ita cauſam ſuam exponat: aut Chriſtum velut ante ſe ſtantem aſpiciat: Deum certè præſentem, quocunque tandem modo, veneretur. Salomon ad id hortatur: In omnibus viis tuis, ait, cogita illum, & ipſe diriget grefſus tuos. *c* Nimirum iſtud ſcederis Deus cum ſuis amicis inquit: Si tu ſive ores, ſive labores, mihi tuos ſemper adicias oculos, & ego tibi meos viciffim ſemper oculos, ſeu oranti ſeu laboranti affigam, & omnes grefſus tuos dirigam; qui tetigerit te, tanget pupillam oculi

*a* Cyp. de orat. Dominicã. *b* Auguſt. l. 15. de Trin. ſine. *c* Prov. c. 3. v. 6.

LIBER I. Cap. VII. 93

oculi mei. Hoc Sionis rex David, suamet confirmavit experiētiā. Hinc illius hæ voces: Providebam Dominum in conspectu meo semper, quoniam à dextris est mihi, ne commovear. *a* Quemadmodum ego ad Deum, sic ille ad me oculos adiecit. Beatæ Senensii Catharinæ Christus dixisse memoratur: Filia, memor esto mei, & ego memor ero tui. Hæc suavissimā vicissitudine suos sibi devincit Deus.

*a Psalm, 15. v. 8.*

§. 3.

Cum Christus à suo funere rediivus in cælum abiisset è monte, in eodem visi duo Angeli, qui dicerent: Viri Galilæi, quid statis aspicientes in cælum? *a* Cur oculos sollicitudine tantā erigitis ad sidera, an obliiti, quod valedicturus vobis magister dixit: Ecce ego vobiscum sum usque ad cōsummationem sæculi? *b* Nos subinde altos ad cælum gemitus emittimus, perinde si Deus à nobis procul sit. Quid hoc, ô viri, quid aspicitis in cælum? Hic ipsissimus, hæc totus est Deus, ubi oratis in ore vestro, in oculis vestris, quin & in corde vestro præsentissimus est.

Reverà si hæc talia cogitatione paullulū profundiore perpenderemus, in precibus longè attentiores essemus. Quisque sibi diceret: Hic tuus est iudex, intus in corde tuo sedet attendens, non tantum

quid

*a Act. c. 1. v. 11, b Sunt ultima verba c. 28.*

*Matthæi.*

94 RHETORICA CALESTIS.

quid dicas, sed & quid cogites. Attende tibi, nusquam non deprehensus es. Nam, ut Theologi sentiunt, Deus ubique locorum, & in omnibus rebus creatis perfectius est, quam anima sit in corpore. Admiranda prorsus est inter animam & corpus copulatio & adhaesio, quam Philosophorum scholæ nunquam satis explicarint. Non nescimus, totum animum in toto esse corpore, sed & totum in digituli extremo; Deus autem in rebus, quas condidit, perfectius praesens existit. Vbi autem non est, ut Augustinus loquitur, qui ubique praesens est? Non essem Deus meus, non omnino essem, nisi esses in me. <sup>a</sup> Cur igitur, cum oramus, non ad hunc unum respicimus? cur non uni huic intendimus? Quid vagamur miseri? & extra nos abimus in tot labyrinthos & fallacias?

Mira memorat beatus Nilus de viro quopiam sancto (fortassis ille ipse is fuit) qui duas hebdomades continujs panem precibus exegit. Indignissimè id tulerunt caecodæmones, atque ut tantam orandi constantiam saltem turbarent, si non frangerent, floream <sup>b</sup> rapuerunt, cui virum sanctum imposuerunt, & illum velut avenam vanno eventilârunt: <sup>c</sup> & tamen tantopere turbare non valuerunt, ut preces abrumperet impatientiâ. Et qui tandem id fieri potuit? Vir ille sanctus non manu libellum,

<sup>a</sup> Aug. rom. 8. in psalm. 75.

<sup>b</sup> Rude textum ejancu.

<sup>c</sup> Ist ein Spil den Jäcklin schutzen.

non  
Dei  
ad h  
nullis  
prolu

Ba  
Data  
coru  
data  
Cae  
fals  
bil  
tiff  
rem  
Prin  
con  
actore  
per  
rideat  
Si qu  
teros  
tur,  
bo, n  
noti  
nem  
fent  
quid  
Semu  
rius  
Thon  
molit

non orbiculos precatorios versavit, sed Deum in pectore suo præsentem adoravit, ad hunc unum oculos adiecit, quod diaboli nullis molitionibus nec serijs, nec ludicris, prohibere potuerunt.

## 6. 4.

Basilii magnus à simili rem explicat. Datur actio comica; aliquot millia spectatorum sunt. Ita Romæ ante aliquot annos data est Tragedia Crispus, Constantini Cæsaris filius, quem pater jugulari iussit ob falsam accusationem Novercæ. Egere nobilissimi, modos Musicos, fecere præstantissimi; ter data semper placuit. Spectatorem habuit & summum Pontificem. Ita Principes, Reges, Imperatores, quandoque comédias spectant. Hic plerique omnes actores, ut tali se probent spectatori, cum penè unum observant, num attendat, num rideat, num actionem sibi placere ostendat. Si quem fortè memoria deficiat, aut is ceteroquin gestu delinquat, vix scenâ digreditur, & mox ab aliis percunctatur. dic, amabo, num Princeps, num Rex errorem meum notasse videatur? Actione verò jam finita, neminem audies interrogantem, dic, quid sentit de actionibus sartor ille Claudius, quid pistor vicinus noster? qui placuimus Samueli fabro ferrario? num Ionas arcularius largiter risit? quid plausus tulimus à Thomâ sutore? an nos laudavit Silvester molitor? Hæc equidem nemo quærit, aut cerè

certè infans vel fatuus: sed illud indagare satagunt actores, num placuerint principi, num princeps riserit, & actionem probârit, quis iudicio principis omnium optimè egerit, quod si principem habeant laudatorem, aliorum omnium vituperia nihili faciunt: sin unico huic neminem actorum placuisse resciant, omnes demittunt auriculas, ut iniquæ mentis asellus, cum gravius doiso subit onus. *a* Tanti sit vel unicus ejusmodi spectator.

Merissima est comœdia, omnis vita nostra, dum vivimus in theatro agimus. Oramus: velut in scenam prodimus coram Deo recitaturi, quod pietas dictaverit. Cur autem non unum atque unicui hunc spectatorem nostrum aspicimus? Malè oramus? cur huic uni atque unico displicere non formidamus? nonne iste considerat vias nostras, & omnes gressus nostros dinumerat? *b* Quidquid oculorū nobis est, in hunc spectatorem nostrum avertamus:

*Speculator adstat desuper*

*Qui nos diebus omnibus*

*Atq; nosque nostros prospicit*

*A luce primâ in vesp̃erum. c*

Divus Basilus, quem dixi, rem scitu dignam inter rogans: Quomodo, ait, obtinebit quis, ut in oratione sensus ejus non vagentur? Responsum ab eodem audiamus: si certus sit ante oculos Domini se stare. Dei præsentiam in omni omnino loco paucissimis

*a* Horat. l. i. serm. sat. 9. initio. *b* Job c. 31. v. 4. *c* Hymnus Ecclesiæ Fer. 5. in Laudib.

mis sic describimus: Rex quispian præsens est in toto regno suo, sed solum per potentiam; unicum dictat epistolium, aut mandatum, mox illud omne regnum pervolat eum imperio. Idem rex in palatio suo est per præsentiam. Hic ejus aula, hic regia est. At verò hic ipse rex in conclavi suo, suoque solio est per essentiam & existentiam, ut scholæ loquuntur. Progrediamur ab his infimis. Deus ubique locorum tam per potentiam, quàm per præsentiam, & essentiam præsentissimus est. Non est ullum locum designare vel acús apice, ubi Deus non intimè sit præsens. Quocircà summis ac quotidianis studiis, nos ipsos eò perducere conitiamur, ut in omni prorsus actione, præcipuè verò in oratione, præsentiam Dei attendamus & veneremur.

Hoc certè Deus à nobis exigit, hoc vult, hoc præcipit. Sic imperatum est Abrahamo: Ambula coram me, & esto perfectus. <sup>a</sup> Sicut ego te, ita tu me semper respice. In eam rem Deus animum humanum multò celerimum fecit, qui vel ventorum alas longè præverteret, & eo, quò vellet, momento ad suum se verteret cōditorem. Corpus hominis tardigradum ac testudineum est; pedetentim & per gradus de loco in locum movetur; animus puncto temporis ad Deum pervolat. Quocircà sedulò cogitemus oraturi: Deus videt, Deus audit, Deus punit.

<sup>a</sup> Gen. c. 17. v. 1.

## CAPVT VIII.

*Quid mente aridâ oraturus habeat solatis,  
Documenta quinque.*

**N**obilissimus inter Græcos Oratores Pericles, ad dicendum à populo sapius lacessitus, negavit se id facturum, quòd imparatus esset. Prudenter prorsus. Nam uti Stobæus loquitur, *a* Cogitatio est fons orationis: ubi nulla, vel indolita præcedit cogitatio, ibi nulla, vel stulta sequitur oratio.

Hinc & Demosthenes Epici opprobranti, quòd tanto studio meditaretur ad concionem proferendam. Erubescerem, aiebat, optimo jure, si mihi ac Reipublicæ cupiens prodesse, dicerem ex tempore. Ideò postridie dicturus ad populum, nocte præcedente totâ vigilabat, ut tantò paratior prodiret, quantò exactiùs fuisset dicenda meditatus. Cùmque Pythas illi objiceret, sententias ejus olere oleum, sobriè ac sapienter respondit: Melius est, ut mea olei, quàm ut oleant vinum.

Si tantum meditationis ac studii jure adhibendum, ut peritè loquamur cum populo, quid non faciendum, ut piè loquamur cum D E O? Quam ob causam, quæ remota, quæ propinqua præparatio ad orationem adhibenda sit, exposuimus.

Sed est, qui objiciat, vix fieri posse, ut oraturus cogitationes suas sic vinciat, quin  
*a Stob. serm. 27.* evolens



evolent etiam nolente Domino. Id enim Bernardum, id alios sanctissimos viros sepius expertos esse, sat constat: & ipsi contra seipfos hoc questi sunt. Deinde qui potest fieri, ajunt, ut homo tot profanis meris negotiis, tot seriis obrutus curis, tam attentam instituat orationem; cor vel invito se suffuratur, & domo profugit: & hinc dissipata oratio: Respondemus: Hebræus rex David gravissimis regni geminati curis intentus sollicitum se regem præstitit, non minis tamen attentum Oratorem egit. An non auditus est dicere, & scribere, & canere: Oculi mei semper ad Dominum. Benedicam Dominum in omni tempore, semper laus ejus in ore meo: Providebam Dominum in conspectu meo semper? Si ergo rex, cui duplex regnum, Israël & Iuda fuit administrandum, nihilominus velut infimum mancipium, pervigili oculo Dominicos nutus observavit, dies noctesque ad imperantem Heri digitum abiit, rediit: quid nos mendiculos par est facere? Quod si pro viribus committamur cogitatione dissipatas colligere, nec tamen conatui res succedit, cor aridum, sterile, vagum permaneat, nec solatii quidquam suppetat; calum æneum, terra verò sit ferrea. quid hic faciendum? Animus nequaquam despondendus, & in eam rem explicabimus, cur Deus sic nobiscum agat, & quid solatii capiendum in tantâ mentis ariditate.

## §. I.

Vaticinatur scriptor ille religiosissimus, Et quamdiu vixeris, inquit, mutabilitati subjectus eris, etiam nolens, ut modò lætus, modò tristis, modò pacatus, modò turbatus, nunc devotus, nunc indevotus; nunc studiosus, nunc acediosus; nunc gravis, nunc levis inveniaris. Sed stat super hæc mutabilia sapiens, & bene doctus in spiritu, non attendens, quid in se sentiat, vel quâ parte flet ventus instabilitatis, sed ut tota intentio mentis ejus ad debitum & optimum proficiat finem. <sup>a</sup> Non ergo turbetur cor tuum; non aliter hæc vita ducitur.

Idem evenire solet in oratione, quæ nonnunquam sine cælesti succo, sine igne, sine omni solatio insulsa, flaccens, languida, frigida, planè lignea videtur, sexcētis insuper distractionibus adeò est impedita, ut cælestes illæ sentiantur minæ: sit cælum, quod supra te est, æneum; & terra, quam calcas, ferrea. <sup>b</sup> Idem in aliis actionibus contingit, cum quis sibi labruscas, & pruna silvestria videtur mādere, et tam insuave ac acerbum est, quicquid agit, aut cognat. Quid hic auxilium? Quædam accuratius & ordine hic notanda.

Primum: *Vera vite sanctimonialia, hanc solatiorum dulcedinem nequaquam expetit*, cum sine

<sup>a</sup> Thom. de Kemp. imit. Christi, l. 3. c. 33.

<sup>b</sup> Levit. c. 16. v. 19. & Deut. c. 28. v. 23.

<sup>c</sup> Schlee vnd vnzejtge Trauben.

siue illâ nervosior longè sit & robustior. Orare nolle, nisi voluptati sit oratio, aut nisi ad eam animi ardor impellat, nimis delicatæ mentis est. Sensilis illa pietas amygdalinum lac est, quod Deus, cui vult, & quando vult, affundit, veluti

*Teneris immulgens ubera labrii. a*

Cùm ergo suavis orandi gustus instillatur; Deo gratias: cùm subtrahitur & negatur, iterum Deo gratias. Siquidem eum hominem non inter infantes numerat, cui lac negat, & cibum præbet robustorum.

*Devotionis* nomen, nos passim creberri-  
mè usurpamus, sed revera vim ejus, & ve-  
rum significatum ignoramus. Ea porrò ve-  
rissima est devotio, seipsum divinæ volun-  
tati devotissimum, hoc est, ad omnia eum  
agenda, tum patienda promptissimum of-  
ferre. Quod præclare Ludovicus Blosius  
exponens Vera devotio, inquit, in sui ip-  
sius submissione, resignatione, abnegatio-  
ne ac nihili pensione sita est potius, quàm  
in sensibili sapore & dulcedine. Certè mul-  
tis ad salutem utilis est ariditas, amari-  
tudinèque cordis sentire, quàm affectuo-  
sa desideria & suavitatem. Ille Deo valdè  
placet, qui in ipsâ sterilitate, paupertatèque  
suâ internâ, humiliter dicere novit: *Domine*,  
*licet ego immundus sim, & omni conso-*  
*lacione indignus, te tamen non derelinquam, sed*  
*desolatus libenter ero, juxta tuum beneplaci-*  
*tum & permissionem.* Nimis infidelis DEO est,  
qui, quando Deus eum consolatur, Deo ser-

F 2

VITE

a Virgil. l. II. *Aneid.* medio.

102 RHETORICA CALESTIS.

vire vult sed quando spirituali consolatione destituitur, mox à Deo recedit, & illicita solatia perquirat. Si tibi oranti, aut sacrificanti, aut divina meditati, aut sacræ lectioni insistenti, aut quodvis aliud sanctum opus facienti, deest sapiens ille devotionis affectus, perge tamen in incæptis, & plium concipiens desiderium placendi Deo, offer ei cordis tui sterilitatē ac laborem in laudem æternam. Sic enim ipsa ariditas, quam perfers, non minùs erit illi grata, quàm internæ dulcedinis affluentia imò verò fortè gratior. Rationalis siquidem devotio longè certior, ipsique Domino acceptior est, quàm devotio sensibilis. Est autem devotio rationalis, quando quis quodlibet peccatum odit, & execratur, promptaque voluntate Deum colit, & ea, quæ Deo placere cognoscit, strenuè complectitur, & peragit. Si hanc devotionem habes, nihil decedet merced tuæ, etiamsi illam alteram non habeas. a

Sanè vera perfectio non in perceptione magnæ dulcedinis, neque in consolationis affluentia consistit, sed in hoc sita est, ut quis seipsum & omnia pro Dei amore relinquat a que abneget, & voluntate propria in voluntatem Dei integrè transfusa, liber tranquillùsque in omnibus quæ sibi obveniunt, permaneat, ac Deo adhaereat. Nonnulli se perisè putant, quando sensibili devotione privantur: & rursus se

San-

a Iudov Blosius spec. spirituali c. 14. mihi pag. 63. Et Canone Vita spir. c. 26. pag. 21.

Sanctis, Deoque acceptissimos esse credunt, quando illam accipiunt: sed falluntur & errant. Plerumque enim Deus ibi per gratiam suam maximè sentitur; & sepe homini melior est ariditas cordis, quàm esset profusissima abundantia suavitatis. Nam in ariditate, & sterilitate homo clariùs agnoscit, se ex se nihil posse. Porro suavitas illa conceditur etiam his, qui pessimè vivunt. Certa sanctitas & devotio est æqualis illa promptitudo animi, quàm quis paratus est servire Deo, non minùs in adversis quàm in prosperis. *a* Vera igitur verissima devotio est, bona voluntas, quàm homo paratum se offert ad cultum, honorem & beneplacitum Dei. *b*

*a* Idem in *instit spirit. c. 7. mhi pag. 365.*

*b* Et in *brevi reg. p. 428.*

## §. 2.

Alterum, quod hac in re observandum, *Divina voluntatis decretum.* Hic dixeris, o si nòsim, divinæ voluntatis esse, ariditate ac distractionibus me turbari, nec verbum contrà mutirem. At verò, ut censeo, Deus vult, ut attentè orem: ego autem flaccidus, vagus, frigidus, successu parè nullo preces inco: & istud me angit. Non nego, velle Deum, ut attentà sit oratio nostra, vult tamen etiam, ut id quod in oratione patimur inviti, inhærentes nobis nævos eluat. Hinc amaritudo, tristitia distractio, ariditas, exilium animi, calum æneum,

F 3 terra

terra ferrea, quid nisi delictorū nostrorū poenae sunt? Deus abscondit vultum suum, & negat, se domi esse. Ne miremur, aut indignemur; nos prius hunc lusum cum Deo lulimus. Deus frequenter ad pectoris nostri januam pulsat; nemo audit, nemo aperit, nemo admittit. Vices igitur reddit, & pariat. Agamus Deo gratias, qui tam elementer in nos animadvertit.

Ioannes Avila peritus rerum spirituum magister, dicere solebat: O si nō ssemus, quā contemptibile sit, non tantū quod terrenum est, sed etiam quod caeleste, si absit Dei voluntas; cū ē diverso tā vile nihil sit, quin pretiosissimum fiat, si Dei voluntas non deſit. Inde fieret, ut pro se quisque promptē diceret; millies conducibilis est, amaro eſſe corde, si Deus velit, quā affluere solatiis, si istud non placeat Deo. Quocirca, mi Domine, ab eā parte, quā ego tam aride, tam vagae, ac frigidae mentis sum causa, vehementer doleo: à quā verò tu poenam hanc in noxarum mearum supplicium irrogas, eam libentissimè subibo.

Hac humanae voluntatis cum divinā conjunctio majoris est promeriti, quā attentissima oratio.

Tertium: *Ariditatem mentis & evagationem, sanctissimi quique viri perpessi sunt.* Antonius, Franciscus, Bernardus, alii se homines esse hac in re senserunt: Sanctissimus rex David seipsum lugens: Anima mea, inquit, sicut terra sine aquā tibi. a Vti ager à  
a Psalm. 142. v. 6. multo

# LIBER I. Cap. VIII. 105

multo tempore non rigatus pluviis, æstu-  
hiat & supplicat cælo, sic animus meus sic-  
citate inarescit. Eandem de seipso habuit  
querelam Bernardus: Exaruit cor meum,  
coagulatum est sicut lac, factum est sicut  
terra sine aqua, nec compungi ad lacrymas  
queo, tanta est duritia cordis. Non sapit  
psalmus, non legere libet, non orare dele-  
ctat, meditationes solitas non invenio. Vbi  
mentis serenitas & pax?

Si amicis primæ admissiōis hæc eve-  
niunt, quid miramur nos neutiquam pri-  
marios Dei amicos, his miseris involvi?  
Christus rarissimè suos in amœnum Pa-  
boreæ rupis verticē, sed quotidie in Gol-  
gothæum montem solet educere: nec sem-  
per amygdalinum lac, sed mordax sinapi,  
& felleum acetum præbet in potum. *b* Ec-  
nunc quidem solatur, nunc terret; nunc in-  
visit, nunc deserit; modò dejicit, modò ite-  
rum erigit dejectum, prout æternæ sapien-  
tiæ visum in rem hominis esse.

Virum religiosum memorant complu-  
res annos optimis moribus fuisse, & ne-  
mini non magis quàm sibi met satisfecisse.  
Devenit is tandem ad tam mæstam animi  
siccitatem, ut quidquid ageret, tristissimum  
tædium sentiret, ut nec oratio, nec lectio,  
nec meditatio, nec horum quidquam ei sa-  
peret, omnia insuavia, fellea erant omnia.  
Interim alios vidit alacres, & bono esse  
animo. Noctē igitur opportuna sibi sumi-

psal. F 4. psit,

*a* Bern, serm. 54. in Cant. pag. 728.

*b* Fletum sacchara sinapi.

psi, quâ a me imaginem Christi crucifixi se  
 abiciens non sine lacrymis, ita precari cœ-  
 pit: Hactenus sanè credidi, mi Domine ni-  
 hil magis tibi convenire, quàm in omnes  
 bonum ac facilitè esse. Sed en, ego jam tot an-  
 nis tibi servio pro viribus, acerba prorsus  
 & plurima passus. Si cui alteri domino tan-  
 tum obsequii detulissèm, plus gratiæ, puto,  
 redderet. Alii solatiis perfunduntur; ego  
 desertissimus sum, nec quò me vertam, lat  
 scio. Dixit, & toto templo velut jam jam  
 ruituro, fragor ingens intonuit. Dum ille  
 anxius circûspicit, en adest horribili aspe-  
 ctu vir, qui perticam ferream librans in-  
 trepidantè, humo illum affixit. Iacuit miser  
 in mortuum, velut rotâ contusus, & maxi-  
 mis doloribus oppressus. Mandè qui oedem  
 ingrediebantur ex more cantaturi, semine-  
 cem reppererunt. Mox ad nosocomium  
 detulerunt, ubi tribus hebdomadibus maxi-  
 mos tulit dolores, nec ei quisquam inservi-  
 re potuit, nisi obstructis naribus, aded  
 tetrum odorem halabat. Resumptis non-  
 nihil viribus, cùm repere potiùs quàm in-  
 cedere posset, ad eundem se locum confer-  
 re statuit, ut ibi sanaretur vulnus, ubi fuisset  
 influctum. Ergo ad Christum in cruce  
 pendentem redit madentibus oculis, cul-  
 pam & fateatur, & deprecatur. Dum orat,  
 hanc sibi vocem audire visus est: Verme vi-  
 liorem te judica: & scias solatium humi-  
 litate quærèdum, non expostulatione. Hoc  
 ita cautum fecit, ut vitam deinceps religio-  
 sissimam

a Krantenstueben.



firmam egerit. 4 Discamus alieno malo sapere, nec cum Deo unquam vel affectu-  
simi expostulare. Dicamus cum Iobo: Quis  
ei dicere potest: cur ita facis? b

a *Annales Patrum Dominicanorum.*

b *Iob c. 9. v. 12.*

§. 3.

Quartum: *Cognitionem sui parit animus  
solatus destitutus.* Etenim qui sese in oratio-  
ne tam vagum, tam siccum, & frigidum de-  
prehendit, istud non immerito sibi occinit:  
Vides, qui sis, quantæ virtutis, quàm san-  
ctus? aridissimum lignum, frigidissimum  
saxum es, quod nisi Deus benignissimâ  
manu contingat, nec guttula solidæ pieta-  
tis è saxo hoc defluit.

Quod si cum sensu & prolixè sapius ora-  
remus, homines multæ orationis, & pænè  
jam sancti nobis ipsis videremur. Quando  
autem nostra cum Deo colloquia tam je-  
juna sunt & exsucca, nostram ipsi tam oris,  
quàm cordis inopiam erubescimus, & sic  
arrogantiæ alas submittimus.

Quâ de re beatus Gregorius eximie: Sæ-  
pe, inquit, gratiæ donum est, quod quis irâ  
deputat: & sepe divinæ districtiōis ira est,  
quod gratiâ iudicat. Nam plerumque gra-  
tiam æstimat dona virtutum, & tamen de  
eisdem donis elatus corrumpitur: plerumque  
velut iram metuit adversa tentationum,  
& tamen eisdem tentationibus pressus ad  
virtutum custodiâ cautior exurgit. Sicque

# 108 RHETORICA CAELSTIS.

fit, ut animus Deo altius inhæreat, unde se à Deo profundius cecidisse suspirat. Homo igitur ab internis gaudiis expulsus, clausas contra se januas secreti spiritualis aspiciat, atque ad semetipsum foras projectus in carne gemat, & cæcitatæ suæ damna considerans dicat: Si venerit ad me, non videbo eum: si abierit, non intelligam eum. <sup>a</sup>

Rationem de occulto Dei consilio querere, nihil est aliud, quàm contra ejus consilium superbire. Cum ergo factoris causa non deprehenditur, restat, ut sub factis illius cum humilitate taceatur; quia nequaquam sufficit sensus carnis, ut secreta penetret majestatis. Qui ergo in factis Dei rationem non videt, infirmitatem suam considerans, cur non videat rationem videt. Unde & per Paulum dicitur: O homo tu quis es, ut respondeas Deo? nunquid dicit figmentum ei, qui se finxit: Quid me fecisti sic? an non habet potestatem figulus lutum, ex eadem massâ facere aliud quidem vas in honorem, aliud verò in contumeliam? <sup>b</sup> Quo autem se cernit figmentum divini operis, eo semetipsum redarguit, ne contra manum resultet operantis: quia qui benignè, quod non erat, fecit, quod est injustè non deserit. <sup>c</sup>

Quintum: Animi sine solatijs destitutio, est animi eruditio: Qui non est tentatus quid sciet? <sup>d</sup> sic vires acquirimus, sic in ætatem,

<sup>a</sup> Job c. 9. v. 11. <sup>b</sup> Rom. c. 9. v. 20. & 21.

<sup>c</sup> Gregor. l. 9. mor. c. 7. & 9. <sup>d</sup> Eccles. c. 34. v. 8.

tem adultam roboramur, cum etiam hoc genere tentationis exercemur. Revera quod Paulus dixit, virtus in infirmitate perficitur. Et addidit. Libenter igitur gloriabor in infirmitatibus meis, ut inhabitet in me virtus Christi. Propter quod placeo mihi in infirmitatibus. & Inter aves aliasque animantes admirabile prorsus & civilem jus est; quamdiu pulli deplumes sunt & involucres, cibum à parentibus velut præmansum accipiunt. At verò pullos jam plumantes, ad volandum provocant parentes, perinde si eis dicerent: Vos ipsi iam victum quærite; plumas habetis; utimini: sic Deus naturæ auctor & gratiæ, cum suis tanquam cum pullis agit, ad volandum provocat, ne semper sub maternis alis hæreant, nus evolent, victum sibi quærent; pati discant, solatijs carere assuescant, seipso contemnere, & verò etiam odisse sciant. Hæc veræ devotionis indicia, hæc generosi amoris argumenta sunt: nec enim verus amor est, qui fortis non est: Deus suis cunas subducit, & à lacte depellit, cibo solido pascendos. De infirmioribus illi, & etiamnum infantibus, quibus mulsimum antelac propinandum est, Paulus queritur; Facti estis, quibus lacte opus sit, non solido cibo, imbecilles ad audiendum b

De Isaac Moyses hunc in modum loquitur: Crevit puer & ab lactatus est, fecit Abraham gradum convivii in die ab lactationis ejus. o

F &amp;

Die

a 2. Cor. c. 12. v. 9. & 10. b Hebr. c. 5. v. 12,  
c Gen. c. 21. v. 8.

## 110 RHETORICA CAELESTIS.

Die natali, cum omnia gaudiis exsonarent, nihil convivii sapiens Abraham celebravit, illo autem die, quo infans ademptum sibi lac flebat, epulum convivis datum est. Ita cælitæ gaudent, cum vident hominem à lacte depulsum, solatiis exutum, miseriis obrutum, calamitatibus depressum, nihilominus à divinâ voluntate non dissentientem, tranquillè ac toleranter omnia ferentem. Hunc talem DEVS inter constantes amicos suos numerat, hunc erudit ut filium. Quod Isaïas confirmans : Quem docebit scientiam, inquit, & quem intelligere faciet auditum? Ablactatos à lacte, avulsos ab uberibus. Eos videlicet, qui omni voluptati non solum temporali, sed & spiritali nuntium remiserunt Christi amore.

Ioannes Taulerus ecclesiastes optimus narrat, ad se venisse sæpius, qui dicerent: Malè secum agi, turbari se, atque affligi hinc tentationibus, illinc calamitatibus, vitam omnem acerbam esse. His ille solitus est respondere: Bono animo, viri, in tantâ difficultate res non est, ac putatis. Est sanè, aiebant, in maxmâ: sed nos ipsi in culpâ sumus. Quibus iterum Taulerus: Quisquis ejus mali culpam sustineat: id, quod patiendû est, crux est, quam Deus humeris vestris imposuit: hanc crucem, sive socordia vestra, sive malitia aliena fabricarit, non multum id refert, vos illam patienter ferite: imò & Deo gratias agite, & voluntati divinæ quàm integerrimè vos ipsos committite. Sed enim, inquiebant, cor in nobis siccum

siccum  
Quo  
cum  
credi  
est,  
Cum  
ite;  
con  
navi  
rare  
laud  
H  
est,  
anim  
tium  
Hoc  
quis  
desi  
obse  
mus  
tuli  
omne  
etun  
Chr  
tes.  
capit  
a Ep

Ple  
D

LIBER I. Cap. IX. III

siccum, impatiens, ac vagum experimur. Quibus ecclesiastes ille: Hoc ipsum, ajebat, cum verâ resignatione tolerate. Istud, mihi credite, salubrius, longéque vobis utilius est, quàm si sensu vestro devotissimi sitis. Cùm tranquillum est mare, ars naucleri latet; in tempestate se prodit. Tunc vela contrahere, aut explicare, clavum tenere, navim gubernare, fortunam indastriâ superare, vim venti arte vincere, hoc demum laudabile est.

Hoc raræ artis, hoc Christianæ virtutis est, ad eam æquanimitem pervenisse, ut animo dicas: Hoc mihi summum sit solatium propter Deum omni carere solatio. Hoc est, nuges & alimenta infantilia reliquisse, a lacte remotum esse, uberibus ali desisse; hoc est suis militare stipendiis, quod obsequium Deo gratissimum est. Crescimus igitur, & desinamus esse adolescentuli quasi lactantes, donec occurramus omnes in unitatem fidei, in virum perfectum, in mensuram ætatis plenitudinis Christi, ut jam non simus parvuli fluctuantes. Crescamus in illo per omnia, qui est caput Christus. a  
a Ephes. c. 4. v. 13.

CAPVT IX.

*Alia quatuor Documenta de eodem.*

Plè veréque dictum cenſeo : apud Deum valet non magnus clamor, sed magnus

## 112 RHETORICA CAELESTIS.

magnus amor: & magis Deo placet oratio fortis, quàm oratio dulcis. Quod superiore capite cœpimus declarare. Vt igitur cœpta pertexamus, reliqua hujus rei documenta subiiciamus, ut potius orare fortiter cupiamus, quàm dulciter.

### S. 1.

Sextum igitur sit documentum: *Hic experimentis nos Deus inspicit.* Quod Moses Israël dixit: Tentat vos Dominus Deus vester, ut palàm fiat, utrum diligatis eum an non, in toto corde, & in totâ animâ vestrâ. *a* Non rarò Deus homini suavitatem omnem & gustum orationis meliorem adimit, ut experimentũ de illo sumatur, num ollæ tantũ & mensæ amicus sit, an ob suum duntaxat commodum conditori suo seruiat. Salomon amicos illos ollares & patinarios, à certis & fidelibus secernens: Omni tempore diligit, qui amicus est, inquit, & frater in angustiis comprobatur. *b* Adversa omnia scit, mera esse tentamenta.

Queri possit, cur Hebræus rex David ardente pectore suum illud ingeminârit: *Paratũ cor meum, Deus, paratũ cor meum.* *c* En Hierosolymæum hunc principem paratissimum, non ad secunda tantũ & prospera, sed etiam & æquè paratum ad aduersa & aspera. Nimirum vefci didicit, non tantũ dominico, niveo, filigino, prima-

xio,

*a* Deut. c. 13. v. 3. *b* Prov. c. 17. v. 17.  
*c* Psal. 56. v. 8.

rio, sed etiam gregario, atro, squaroso, sordido, etiam hordaceo, mucido, surfuraceo ac confusaneo pane : exercitati jam oris, validorum dentium, & gulæ nequaquam fuit delicatæ : deinde seu saccaro panem, seu sale aspergeres, modò à Dominicâ veniret manu, æquè gratus fuisset. Paratum cor illius, paratum, paratissimum ad omnia, solatiis juxta, ac ærumnis, a Deo non avelendum.

Fuit hujus animi constans Dei amicus, & qui primæ admissionis videri potuit. Hic candidè fastus : iam annis, inquit, quadraginta Christo conditori servio, assiduè orationibus, & tamen sine ullo interiore gustu & consolatione. Hoc mihi unum est suave, facere quod possum. Hoc unum pariter molestum est & affligit, cùm viribus non respondeo, cùm quod possum facere, non conor.

Hic vir suis expensis, & in orbe hoc gratis Deo servit, præmium laboris, loco meliore recepturus. Nam gratis Deo nemo servit.

Septimum : *Altissima Dei providentia*, quæ quosdam hominum annis compluribus, alios per omnem vitam solatiis destituit. Cur autem? Tu quis es, ô homo, qui Deum interrogas, & ab eo facti rationem poscas? hæc inter mortales nunquam investigabimus. Longissimè plerumque aberrant conjecturæ nostræ. Hæc nobis indeprehensibilia sunt.

Si Astrologos & fastorum Scriptores.  
a Calendermacher. inter.

#### II 4 RHETORICA CAELESTIS.

interroges, cur anno millesimo sexcentesimo vigesimo octavo, mensem Augustum adeò laudârint, & omnem in eo siderum conjunctionem felicissimâ vaticinati sint, cum tamen totus ille mensis ob continuas pænè pluvias plorabundus, horridus, infelix fuerit: September verò, quem ipsi damnârunt ut tristem ac lacrymabundum, ceteros omnes serenitate aëris superârît? si quæras, inquam, quid hoc causâ? unde pronuntiata fuerint tam fallacia? Habent, quo se tueantur Astrologi; dicunt: Nos non omnia cæli arcana scimus. Itânè? exteriorē cæli faciem non satis dignoscimus, quantò minùs, quæ cælum celat, arcanissima arcana rimabimur? cur Deus hunc hominem hoc modo, illum longè diverso tractet, nos nunquam penetrabimus. Hoc scimus, justissima esse Dei judicia, sed occulta. Altissima est Dei providentia, quam nos pumiliones nunquam attingemus, veritice quantumvis erecto.

De hac Dei providentiâ, deque divinis permissionibus insigniter Augustinus: Noli ergo mirari, ait, permittit Deus, & judicio permittit: permittit & mensurâ, numero, pondere permittit. Apud illum non est iniquitas, tu tantum ad eum pertine. In ipso spem pone, ipse sit adiutor tuus, salutare tuum. Refugium tuum ipse est, & non te finit tentari suprâ quàm potes ferre, sed faciet cum tentatione etiam exitum, ut possis sustinere, ut, quod te finit pati tentationem, potestas ejus sit. quod non finit



finis ultra in te fieri, quam potes ferre, misericordia ejus sit.

Sed hanc ipsam Dei providentiam uberius explicans: Qui sunt, ait, recti corde? Qui omnia, quaecunque in hac vitâ patiuntur, non ea tribuunt insipientiâ, sed consilio Dei ad medicinam suam, nec præsumunt de justitiâ suâ, ut putent se injustè pati, quod patiuntur: aut idè esse Deum injustum, quia non plura patitur, qui plus peccat. Hæc sæpe dicimus. aliquid sētis, sive secundum corpus, sive secundum dispendiū rei familiaris: sive per orbitatem aliquam charissimorum tuorum: noli respicere eos, quos nōsti iniquiores te. Non enim fortè audes dicere justum te, sed nōsti peiores te, & florere in istis, & nō flagellari, ut displiceat tibi consiliū Dei, & dicas: Ecce, pata, peccator sum. & propterea flagellor: quare ille non flagellatur, cujus novi tanta flagitia? Quantumcunque mali fecerim ego, nunquid ego tantum feci, quantum ille? distortum est cor tuum. Quàm bonus Deus Isiaël, sed rectis corde. Tui autem labuntur pedes, quia zelas in peccatores, patrem peccatorum intuens. Sine curare: novit Deus, quid agat, qui vulnus novit. Non secatur alius. Quid si desperatur? Quid si propterea tu secaris, quia non desperaris? patere ergo, quidquid pateris recto corde, novit Deus, quid tibi donet, quid tibi subtrahat. Quod tibi donat, ad consolationem valeat, non ad corruptionem, & quod tibi

2 Aug. in Ps 61. mihi pag. 257. fine Psalmi.

216 RHETORICA CÆLESTIS.

tibi subtrahit, ad tolerantiam valeat, non ad blasphemiam. Si autem blasphemias, & displicet tibi Deus, & tu tibi places, perverso corde & distorto es: & hoc penus, quia cor Dei vis corrigere ad cor tuum, ut hoc ille faciat, quod tu vis, cum tu debeas facere, quod ille vult. Quid ergo? vis detorquere cor Dei, quod semper rectum est, ad pravitatem cordis tui? Quamto melius ad rectitudinem DEI corrigis cor tuum? nonne hoc te docuit Dominus tuus, de cujus passione modo loquebamur? nonne infirmitatem tuam portabat, quando dixit: Tristis est anima mea usque ad mortem?<sup>a</sup>

Refert Ludovicus Blosius, Birgittam sanctissimam viduam a Christo interrogatam. Cur turbaris & sollicita es, filia? Respondit illa: Diversis ac noxiis cogitationibus affligor: insuper tui me iudicii terror percellit. Cui Dominus: Hæc, inquit, mea est iustitia, ut sicut prius delectabar in mundi vanitatibus contra voluntatē meam, ita nunc molestæ tibi sint. perversæ cogitationes contra voluntatem tuam. Iudicium meum time, sed moderatè. Et scias cogitationes pravas, quibus mens reluctatur, & detestatur illas, purgationem esse animi, & coronam. Si eas prohibere non possis, tolera, & animo iis obnitere. Et quamvis illis non consentias, time nihilominus, ne inde superbias. Quicumque stat, solius Dei virtute stat. & Vt igitur homo intelligat imbecillitatem suam, quam habet à seipso, &

<sup>a</sup> Idem in ps 63. mihi pag. 266.

b. Blos. Monil spirit. c. 4. medio.

for.

fortitudinem meam, quam à me accipit, necessarium est, ut quandoque permittatur pravis cogitationibus pulsari, quibus, si non consentiat, efficiuntur mentis expiatio, & custodia virtutum. Et quamvis ex sint amarissimæ toleratu, animum tamen perfanant, & præparant æternitati beatæ quæ sine amaritudinibus non obtinetur. ¶ Necessarium non est ut semper dulce sit, quod est utile: Plerumque sit contrarium, ut salubre sit quod est insuave.

a *Idem ibid.*

§. 2.

Octavum, *Christi cohortatio*. Ludovicus Blossius, quem dixi, hominem celesti solatio carentem, erigit his omnino verbis: Caveat is, qui orat, ne volutariè ac datâ operâ, per gravem negligentiam inter orandû mente distrahatur: caveat item, ne orationem propterea deferat, quòd in eâ nullam fortè consolationē sentit. Sanè sicut mentis distractio, quæ præter voluntatem orantis accidit, fructum & utilitatem orationis non tollit, ita nec cordis ariditas, dñ adest bona voluntas. Nam quod Birgittæ viduæ, hoc & Gertrudi virginì à Domino est dictum seriâ cohortatione: Vellen, electis meis persuasum esse, quòd eorum bona exercitia & opera mihi omnino placeant, quando ipsi serviunt expensis suis. Illi autem expe isis suis mihi servitium præstant, qui licet saporem devotionis minimè sentiant, fideliter tamen, ut possunt, orationes,

# 118 RHETORICA CALESTIS.

& alia pia exercitia sua peragunt, confidētes de pietate mea, quod ego illa libenter & grātē suscipiam. Plerique sunt, quibus, si sapor & consolatio interna concederetur, non eis prodesset ad salutem, & meritum ipsorum valde minueretur.

Sed & illa Christi cohortatio studiosius expendenda est: scito, filia, quod anima perseverans in humili fidelique oratione, adipiscitur omnē virtutē. Vnde nullo modo orationis studiū nēgligendū aut omit-tendum est, propter aliqua adversantia, si-ve ea procedant ab illusione satanæ, si-ve à fragilitate propriā, si-ve à cogitationibus immundis. Frequenter enim diabolus ora-tionis tempore, animam variis imaginibus & phantasmatibus magis infestare co-natur, quā extra tempus orationis. Et tunc calidē suggerit oranti, quod talis oratio nil ipsi profit. cū alia cogitare nō debeat, quā illa, quæ orat. Hoc autem malignus hostis perfadere nititur, ut is, qui orat, tedium mentis incurrat, atque ita exercitium orationis omitat, quæ est armatura fortissima adversus omnes ini-micos. O quantum animæ utilis, & mihi grata est ea oratio, quæ in utilitatis pro-priæ, & bonitatis meæ cognitione peragi-tur cum charitate.

Nimirum hoc optimæ orationis genus est, extremam vtilitatem suam agnoscere, & summam DEI bonitatem extollere.

Sed

2 En orationis optima paradigma. Blos. Monil. spirit. c. 3.

Sed eadem illa, quam diximus, Gertrudis virgo è caelo didicit, orationis veræ & devotæ verba, nobilissimis gémis aut floribus vernantissimis esse similia : sin oratio negligentior sit, & sine curâ, qualem plerumque sola extorquet consuetudo, tum illius verba floribus marcidis, & gemmis obscuris non dissimilia censerî. Cùmque eadem virgo Gertrudis oculos non multas, ducentes vices ad salutandû Dominum IESVM pronuntiasset, intellexit singulas ejusmodi salutationes esse instar organi musici : tum verò suavissimam edi symphoniam, si vera non desit devotio, quam esse, affirmavimus, promptissimam in divinis obsequiis voluntatem. Sed pergitur.

## §. 2.

*Nonum, Hominis solida devotio.* Hic cum Bernardo vociferor Sit tibi IESVS semper in corde, & nunquam imago Crucifixi ab animo tuo recedat. Hic tibi sit cibus & potus, dulcedo & consolatio tua, mel tuum, desiderium tuum; lectio tua, & meditatio tua; vita & mors, & Resurrectio Domini IESV. Tu modò hunc Dominû cum orientibus dynastis sollicitus quære, e iam si non semper ducem habeas stellam. Sidus, quod tribus illis ab oriente regibus facem præferebat, subinde se subduxit, mox iterum sublime claravit iter. Vtrumque regis viatoribus utile, utrumque DEI beneficiû fuit. Nam ortu primo sese spectan-  
dum

dum offerens, causam dedit inquirendi novi regis & adorandi cum oculis se negavit, ad Christi cunabula diligentissime indaganda impulit, cum autem denud praecundo viam monstraret, gaudium geminavit.

*Tu ne cede malo, sed contra audentior ito, a* etiamsi caelestem hunc anteaambulonem aliquoties è conspectu amittas. Qui solatiis divinis fruitur, futuro se paret, & illud lobi meditetur: *Quis mihi tribuat, ut sim* juxta menses pristinos, secundum dies, quibus Deus custodiebat me? quando splendebat lucerna ejus super caput meum, & ad lumen ejus ambulabam in tenebris? *Qui* solatiis divinis destituitur, nihilominus cum psalte regio canat: *Etsi ambula-* vero in medio umbræ mortis, non timebo mala, quoniam tu mecum es. *c* *Boao* animo, stella, quæ latet, iterum se visendam exhibebit, & igneo viam firmate signabit.

Quod si oculos è caelo spectamus in terram: fertilis ager non censetur, qui letas segetes minimè pollicetur, nisi liberalissime stercoretur. Secundum solum in fruges exuberat, etsi rariis & parvis simo rigetur, siccitatis & æstus patiens, multo cum fenore refundit, quidquid accipit. Hoc boni agri, hoc fecundi horti est. Ita prorsus homo divinæ voluntati verè conformis & devotus, etiamsi modicum solatii sentiat, tamque à Deo, quam ab hominibus desertus videatur, nihilominus, quod potest, facit, bonarum actionum solitum tenorem

*a* Virg. l. 6 *Aeneid* post init.

*b* c. 29. v. 8. *c* Psal. 23. v. 4.

non

non intermittit, suo vivit succo; quantif-  
cunque demum calamitatibus urgeatur,  
Deo fidelis perstat. H. berno nobiliori fru-  
mento gratum est, gelu durari terram, tan-  
tò enim altiores capit radices, quantò ma-  
gis gelatur solum: serenum semper & mite  
cælum, segetes in herbam evocat præmatu-  
rè, non sine certo damno. Pari modo ani-  
mus humanus non æstates solum, sed &  
hiemes expectet; durandus est utroq; tem-  
pestatis genere; neque enim solatis tan-  
tùm mulcendus, sed & mæroribus strin-  
gendus est: cùm cælum ridet, ac favet, Dei  
misericordiam; cùm tonat, & fulminat,  
Dei justitiam, suam verò infantiam & mi-  
seriam agnoscat.

## S. 4.

Hic tamen duo quædam nò ignoremus.  
Primum est, ad eos hæc monita non spe-  
ctare, qui, quod possunt, non faciunt, qui  
animum ad orationem non præparant, nec  
viribus suis respondent, quorum conatus  
aut nullus, aut planè languidus est: Hi va-  
nissimè jactant. Ita Deus vult, qui mentem  
meam in oratione distrahi permittit: quid  
ego possum? O bone, hoc Deus non vult,  
ut, quod possumus, non faciamus, nec co-  
nemur rectè orare. Conatus es? fecisti,  
quod potuisti? & tamen oratio non succe-  
dit? Iam dic, quæsi, & non inveni illi;  
vocavi, & nò respondit mihi. Ergo, si ve-  
lis, ô Domine, ut cor meum sit aridum ac  
vagum,

a Cantic. c. 5. v. 6,

## 122 RHETORICA CAELESTIS.

vagum, & ego muscis abigendis sim occupatus, Fiat voluntas tua; non idèò misericordiae divinae ostium pulsare, aut in humilitate me subicere omittam, imò iam utrumque faciam constantius.

Videte, obsecro, quâ ratione nostri etiam navi, & ornamento nobis sint & adiumento. Cespitare, labi, corruiere, nonnunquam expedit, si constantiâ majori & submissiōne assurgamus. Bene cecidit, qui humilior surrexit, feliciter lapsus est, qui jam cautior incedit, non sine lucro corruit, qui se robustior iam levavit.

Alterum est, quod hîc observemus. Non idèò non orandum, aut ab oratione cessandum, si distractiones & secitas mentē occuparint. Est enim fortassis, qui quærat, an non consultius videatur, ab oratione tunc penitus cessare, cū cogitationes adèò tumultuantur. Respondemus, plerumque non esse consultius, nam eâ ratione victor evaderet cacodæmon, ut qui homini parata in se tela rapuisset. Sat pulchra diabolo victoria est, orationis tedium immisisse. Tu igitur orare perge. Multum dat, qui dat, quod habet, qui sibi nihil retinet, quî nihil, quod est in se, omittit.

Quid fiet agro, qui nihil cibi admittere sustinet, cū nihil appetentiæ sentiat? saltem aliquid eduli sumat, tamen non appetat, dū scilicet appetitus sensim redeat. Idem in precibus observandum. Et docet experientia, eum qui orationem vel cum mediocri attentione ac diligentiâ perseve-

rat,

rat.  
Qu  
in  
Sic  
mus  
C  
nun  
qu  
tò  
ora  
cog  
nè  
ora  
gis  
mei  
edu  
min  
tam  
V  
tior  
qui  
ed  
fiss  
mis  
dat  
und  
sed  
sed  
orat  
cere  
Deo  
a Ec  
c Gen



rat, longè meliùs finire quàm cœperit. Quod Ecclesiastes significans: Melior est, inquit, finis orationis quàm principium. *a* Sic enim orandum est, ut etiamsi cœperimus frigidi, orando tamen incaleamus.

Cæcus, qui Domini IESV medicam manum implorabat, in viâ Hericho versus, quò magis vetabât turbæ, ne clamaret, tantò ipse contentiùs clamabat. Ita prorsus orantibus agendum etiamsi vanissimarum cogitationum vulgus minetur, & importunè silentium imperet, non tamen ideo ab oratione cessandum. Nos verò multò magis clamemus: IESV, fili David, miserere mei. Domine, canis sum; sed & catelli edunt de micis, quæ cadunt de mensâ dominorum suorum. *b* Domine non dimitte me, nisi benedixeris mihi. *c*

Viator, quò ventum experitur vehementiorem, eò vestes arctiùs sibi apprimit; ita qui orat, quò insultus patitur graviores, eò ardentius divinam opẽ implorat. In densissimis tenebris, in fluctibus profundissimis, Deum adiutorem suum comprehendat arctissimè. Eluctabitur jam sepultus undis. Vita talis non est quidem suavis, sed est fidelis: oratio talis non est dulcis, sed est fortis, quæ omnes illas delicatas orationes longissimè superat. Conemur facere, quod possumus: cetera committamus Deo: speremus in eo, & ipse faciet. *d*  
*a* Eccles. c. 7. v. 9. *b* Matth. c. 15. v. 27.  
*c* Gen. c. 32. v. 26. *d* Psalm. 36. v. 5.

## CAPVT X.

*Quot orationis partes.*

**V**Ir oppiddò eruditus, Iuriconsultissimus, & maximi nominis toto Imperio Romano, dicere solebat: Nos Germani (liceat dicere) prudenter, sed periculose factui, filios nostros in regiones exterarum amandamus ingenti sumptu, & sæpè cum iacturâ pudicitiae, nonnunquam etiam vitæ. Quis harum peregrinationum finis? ut diversa nationum idiomata condiscant. Fac fieri? Quid inde? Cùm redeunt, linguam patriam & vernaculam ignorant; germanicè loqui nesciunt, cum infantibus bîbutiunt.

Sunt, quos Mithridatis cognatos dixeris, qui linguarum plurimarum periti, cum diuersissimis nationibus sermocinari queant. Principes affari, Legationes obire, Gallos, Italos, Britannos, Vngaros, Hispanos suâ quamvis nationem peculiari linguâ salutare nōrunt. Pulchrum hoc, & commendandum.

Enimverò dicite, hi linguarum tam gnari, cum Deo quo loquuntur sermone, num patrio & nativo, an peregrino? Certè alius hic stilus, alia lingua, alia est Rhetorica. Heu quàm multa scimus, quorum ignorantia utilior esset ac sanctor. Nā, sæpè, cùm plurima didicerimus, orare nescimus. O igitur, Domine, doce nos orare.

Diximus duplici superiori capite, discipu-

lum cœlestis Rhetoricæ minimè terri oportere, licet dicendo irraucescat, etsi vox & memoria hæreat, quamvis in oratione aridus, vagus, frigidus sit, neque enim hæc certa mali oratoris signa esse. Nunc sequitur, quod Rhetoricæ primum est: Quot sint partes orationis? Quatuor numerantur; Exordium, Narratio, Confirmatio, Epilogus, seu Peroratio. Totidem omnino partes ad orationem Christianam pertinent, idcirco ea nunc explicabimus.

6. 11.

Pars orationis prima est Exordium, quod apud oratorem Christianum est, *Humilitas*. Salomon hac in re testis locupletissimus: Iustus, inquit, prior est accusator sui. *a* Omnes, putem, qui de oratione præceptones tradunt, illud singulariter instillant, *O atio sit Humilu*. Ita quid mirum sit Humilitas sit verum orationis principium. Apertè Siracides: Oratio humiliantis se, inquit, nubes penetrabit, & donec propinquet, non consolabitur: & non discedet, donec altissimus aspiciat. *b* Quod si miseriarum nostrarum avilum inspicimus, non difficilis vobis videbitur Humilitatis virtus. Ne quanta hominis vilitas, imo quam grande illius nihil inest? Homo corruptionis speculum, in hac lletatis exemplum, temporis spoliū, fortunæ ludibrium, putredinis sepulchrum, avolans umbra, umbræ sonitum,

G 2

popina

*a* Prov. c. 18. v. 17. *b* Eccli. c. 35. v. 21.

## 126 RHETORICA CAELESTIS.

popina vermium, lacertorum epulum, cal-  
mitatis simulacrum, inconstantiae prodi-  
gium, invidiae theatrum, statera momen-  
tum, vitiorum habitaculum, morborum  
atrium, autumnii fœnum, mortis manci-  
pium, vanitas vanitatum, pulvis, cinis, nihil-  
lum, & hic tam bellus homo superbiat,  
cujus intellectus tenebricosus, voluntas  
pertinax, memoria vaga; cujus imaginatio  
inquietissima, sensus exteriores curiosissi-  
mi, caro ad otium & omnem nequitiam  
prœmissa est, & tamen hic ipse superbiat,  
qui causas submittendi se habet innume-  
ras?

Quid de illo equite sentiendum, qui fra-  
ctis viribus & equitandi imperitus, equum  
insuper habet contumacem, duri oris, ce-  
spitatore, pavidum, sternacè, sed & ephip-  
pium sessori non habile, retinaculum ac  
frenum vix ullius usus sunt, & quod acce-  
dit, via montosa, aspera, subiectis præcipi-  
tiis periculosissima. Talis omnino eques  
est homo, cujus appetitus irascibilis, quem  
vocant, & concupiscibilis, equus ille refra-  
ctarius & indomitus, quem Ratio regat, sed  
heu quàm illa debilis est, & imminutis vi-  
ribus: propositum loco freni sit, plerumque  
tamen imbecille ac invalidum est. Mundus  
præceptis plenus, miserrimi hujus equitis  
iter periculosissimum reddit. Denique tam  
miseri sumus à nobis ipsis, ut nec unico  
quidem puriore desiderio in DEVM fera-  
mur, nisi hoc ipsum Deus suggerat. Non  
enim

2 Vide Prologum *Aeternitatis*, c. I. §. 2.

enim  
nobis  
mus  
nostr  
tulatr  
gratit  
præst  
firmi  
sentit  
elefia  
Deus  
interit  
ad ver  
vū cog  
virtu  
nos i  
depri  
abyss  
Ac  
quā la  
mend  
te rog  
bus te  
præse  
mend  
quide  
lauda  
mend  
& nle  
los e  
elicia  
Ar  
2. Co  
gesti

enim sufficientes sumus cogitare aliquid à nobis. a Sponte nostrâ labimur, & cadimus, sed nequaquam assurgimus sponte nostrâ. Actum est de nobis, ni Deus opitulatricem manum porrigat. Absit divina gratia, & perimus. Nulla virtutum officia præstamus, ni certis Deus adminiculis infirmitatem nostram confirmet. Vitiolorum sentina, & ipsa sumus fragilitas. Hinc Ecclesia nos orare docet in hunc modum: *Deus, qui conspicias omni nos virtute destitui, interius exteriusque custodi, ut ab omnibus adversitatibus muniamur in corpore, & à pravâ cogitationibus mundemur in mente.* b Verè virtute omni destituimur, & hoc est, quod nos in Humilitatem submittat, & jure deprimat; vilicatis nostræ impenetrabilis abyssus.

Accedit immensa DEI majestas, cum quâ loquendum est oranti. Quis, obsecro, mendicorum adedò insani, ut stipem in ponte rogaturus, melioribus, quas habet, vestibus se amicit, philippeos & aureos manu præferat, nummorum copiam jactet? talis mendicus erat Phariseus. Ascenderat hic quidem orare; noluit Deum rogare, sed se laudare, insuper & roganti insultare. Hoc mendici non solent; centones monstrant & ulcera, ut non tantum aures, sed & oculos expugnent, & aliquid nummularum eliciant.

Aristippus seriæ frontis Philosophus,  
G 3 Laërtio

a 2. Corint. c. 3. v. 5. b Dominica 2. Quadragesima.

128 RHETORICA CALESTIS.

Laërtio teste, a Dionysium regem Siculum pro amico deprecaturus accesserat. Sed irritæ cadebant preces. Ille ad regis pedes advolutus, demum, quod petiit, impetravit. Hoc ut Philosopho indecorum non nemo reprehendit. Cui Aristippus: Rectè, inquit, à me id factum censeo, nam Dionysius aures in pedibus habet. Benignissimus Deus exoratu neutiquam difficilis est, de eo tamen non iniquè dixerimus: Aures habet in pedibus qui impetrare cupit, quod rogat, in genua procumbat, ad pedes se abjiciat. Exordiū orationis Christianæ Humilitas: quantò humiliùs oras, tantò certius impetras. Hoc orandi artificium non ignorans latro: Domine, inquit, memento mei, cùm veneris in regnum tuum depredationibus & latrociniis inferos sum merisus, idèd summam interpretabor gratiam, si solam obtinuero mei memoriam. Non hanc tantùm, sed & paradysum obtinuit, quia submissè rogavit.

Beatam Terefam in Hispaniis sanctissimam feminam, ajunt, Humilitatis non tantùm summam admiratricem, sed ejus etiam virtutis perstudiosam fuisse, dicereque solitam, Dominum IESVM ejusdem amore incredibili teneri. Cur autem tantus Humilitatis cultor & amator existeret, hanc esse rationem, aiebat, quòd amaret ipse veritatem, Humilitas autem aliud non sit, quàm veritas, dum scilicet agnoscimus, quòd parùm reverà simus, & nihil penitus, à nobis ipsis boni habeamus. Nihil ad hæc  
a Laërt. l. 2. c. 8. esse

esse asserbat, quod Deum tam celeriter ac facile vincat, alliciat, & in preces flectat, quàm Humilitatem. Hac quippe invitante & impellente, illum in materna viscera descendisse, & per hanc à nobis illum in animas nostras vel crine capitis pellicendum: tum etiam qui plus habuerit Humilitatis, plus etiam Dei habere; qui verò illius minus, etiam huius minus habiturum: neque enim intelligere se posse, quomodo vel sine Humilitate amor, vel sine amore haberi possit Humilitas. Ceterùm illà improbat Humilitatem, quæ donorum à Deo in dies receptorum cognitionem nobis aufert. Salutare quippe est eadem cognovisse, simul tamen etiam agnoscere, ea nos minimè promeruisse: si enim dona hæc non agnoscantur, animus inerc & torpidus manebit, & nihil heroico ausu aggrediatur. Illà quoque vituperabat Humilitatem, quæ ab orationis studio nos avocaret, quando scilicet fictà quādam submissione nos indignos dicimus, qui corā præsentē Deo versemur. Sic & illam damnabat humilitatem, quæ animum in bonarum actionū exercitio vel turbat, vel certè reddit languidum. *a* Vera Humilitas non impedit, sed accendit orationem. Quod illa castissima matronarum Iudith asseverans: Humilium & mansuetorum semper tibi placuit deprecatio. *b*

Mulier Syrophænistæ Humilitatis insigniter

G 4

*a* Franc. Ribera Theologus, in vitâ S. Tereſæ l. 5. c. 16, in fine. *b* Iudith c. 9. v. 16.

130 RHETORICA CALESTIS.

gniter gnara, quia catello se conferri sub-  
missè tulit, à Christo quidquid voluit, ob-  
tinuit: Propter hunc sermonem, ait Do-  
minus, vade, exiit dæmonium à filiâ tuâ. *a*  
Cor contritum & humiliatum Deus non  
despiciet, *b* Qui semper respexit in oratio-  
nem Humilium, & non spreuit preces eo-  
rum. *c*

Offa sine liquamine & sine sale, *d* oratio  
sine Humilitate, cibus planè insulsus & fa-  
tuus. Semper Deo placuit Humilium de-  
precatio. Atque hæc pars prima orationis  
est.

*a* Marcic. 7. v. 29. *b* Psalm. 50. v. 19. *c* Et  
Psalm. 101. v. 18.

*d* Ungesatzne vnd vngeschmätzne Supp.

§. 2.

Pars altera, Narratio, sive orationis *At-  
tentio*. Hæc triplex est, ad verba, ad verbo-  
rum sensum, seu significata, ad Deum. Op-  
tima videtur ea, quæ verborum sensum spe-  
ctat. Rex sanctissimus David sæpius hor-  
tatur: Psallite Deo nostro, psallite: Psallite  
regi nostro, psallite. Quoniam rex omnis  
terræ Deus. psallite sapienter. *a* Verba pau-  
cula, sed centum conciones sunt parandæ  
attentioni.

Vtilissimum judico è sacris bibliis sele-  
ctiores aliquot sententias semper in prom-  
ptu habere, ad omnia adversa tantò fortius  
excipienda, ad omnia vitia tantò animo-  
sius fugienda, ad virtutem quamcunque  
tantò studiosius exercendam. Exempli  
gratiâ:

*a* Psalm. 46. v. 7.



gratiâ: Serio precaturus seipsum his verbis  
 extimulet: *Psalle sapienter, quoniam rex om-  
 nis terra Deus, psalle sapienter.* Saltem has  
 duas voculas animo verset: *Psalle sapienter.*  
 Orare vis? agedum fac, quod facis, & rectè  
 ora, Euge quid cantes, attende.

Eruditè Cassiodorus: Non solùm can-  
 tantes, inquit, sed etiam intelligentes psal-  
 lere debemus. Nemo enim sapienter facit,  
 quod non intelligit. *a* Hæc Bernardus ap-  
 positissimè confirmans: Magnam, inquit,  
 injuriam Deo facio, cùm illum precor, ut  
 meam precem audiat, quam ego, qui fun-  
 do, non audio. Deprecor illum, ut mihi  
 intendat, ego verò nec mihi, nec illi inten-  
 do. Quod deterius est, inutilia & immun-  
 da in corde versando, fœtorem horribilem  
 ejus aspectibus ingero. *b* Eodem prorsus  
 modo Cyprianus: Quomodo, inquit, te au-  
 diri à Deo postules, cùm teipsum non au-  
 dias. Vis Deum esse memorem tui, quan-  
 do rogas, cùm tu ipse memor tui non sis?  
 Hoc planè est vigilare oculis, & corde dor-  
 mire, cùm contrà facere debeat Christia-  
 nus, dormire oculis, & corde vigilare. *c*

Idem hic Claravallensis Abbas, ut suos  
 ad vigilantem attentionem excitet: Credi-  
 mus, inquit, Angelos sanctos adstare oran-  
 tibus, offerre Deo preces & vota hominū,  
 ubi tamen sine irâ & disceptatione levari  
 puras manus perspexerint. Probat hoc An-  
 gelus,

G s

*a* Cassiodor, in dictum Psalmum.

*b* Bernar. l. de Animâ c. 8. mihi pag. 1057.

*c* Cyprian. de orat. Domin.

gelus, ita loquens ad Tobiam: Quando orabas cum lacrymis, & sepeliebas mortuos, & derelinquebas prandium tuum: & mortuos abscondebas per diem in domo tuâ, & nocte sepeliebas eos, ego obtuli orationem tuam Domino. <sup>a</sup> Nam quod psallentibus quoque dignanter admisceri sancti Angeli soleant, quid eo manifestius, quod Psalmista ait. Prævenierunt Principes conjuncti psallentibus. Vnde & dicebat: In conspectu Angelorum psallam tibi DEVS meus. Doleo proinde aliquos vestrum gravi in sacris vigiliis deprimi somno, nec celi cives revereri, sed in præsentia Principum tanquam mortuos apparere. Vereor, ne vestram desidiam quandoque abominantes cum indignatione recedant; & incipiat unusquisque vestrum serò cum gemitu dicere Deo: longè fecisti notos à me, posuerunt me abominationem sibi.

Dico ergo his, qui ejusmodi sunt: Maledictus, qui opus Dei facit negligenter. <sup>b</sup> Dicit quoque non ego, sed Dominus: utinam te calidum aut frigidum invenissem! sed quia te tepidum inveni, incipiam te evomere ex ore meo. Ea propter attendite Principes vestros, cum statis ad orandum vel psallendum, & state cum reverentia: psallite sapienter. Cibus in ore, psalmus in corde sapit. <sup>c</sup>

Qui orat, & attentionem non curat,  
cibum

<sup>a</sup> Tob. c. 12. v. 12. <sup>b</sup> Scriptit. fraudulenter. <sup>c</sup> Hierem. c. 48. v. 10. <sup>c</sup> Bern. serm. 7. in Cant. post med. mibi pag. 575.

cibum non mandit, sed integrum devorat, cum insigni nocumēto valetudinis. Littera occidit, si eam absque spiritūs documento glutieris. Sed addit Bernardus: Vnde vos monco, dilectissimi, purè semper & strenuè divinis interesse laudibus. Strenuè quidè, ut sicut reverenter, ita & alacriter Domino assilatis non pigri, non somnolenti, non oscitantes, non parcentes vocibus, non præcidentes verba dimidia, & non integra transilientes, non fractis & remissis vocibus muliebre quiddam balbà de nare sonantes, sed virili (ut dignum est) & sonitu & affectu voces sancti spiritūs depromentes. Purè verò ut nihil aliud dum psallitis, quàm quod psallitis, cogitetis. Spiritus sanctus illà horà gratum non recipit, quidquid aliud, quàm debes, neglecto eo quod debes, obtuleris. *b*

Idcirco pars altera orationis accurata est attentio, quæ narrationem faciat planam, & minimè salebrosam. Quisquis, ait Augustinus, in superficie colit Deum, magis placere vult hominibus. *c* Oratores attentos vult Deus. Maledictus, qui opus Dei facit negligenter.

*a* Hac o viri Religiosi, obsecro, servemus, seu psallamus, seu oremus. *b* Bern. serm. 47. in Cant. pag. 708. *c* August. in Psal. 65. mibi pag. 277.

§. 3.

Pars tertia orationis Confirmatio, sive: *Fiducia*. Humilitas docet sibi ipsi semper *G G* diffidere

diffidere; ut autem in omnibus Deo fidamus, docet Fiducia. Hanc virtutem summè necessariam oranti asserēs Iacobus Christi discipulus: Postulet autem in fide, inquit, nihil hæsitans. Qui enim hæsitat, similis est fluctui maris, qui à vento movetur & circumfertur. Non ergo æstimet homo ille, quòd accipiat aliquid à Domino. *a*

Hebræis olim ter in anno ad tabernaculum orationis undique conveniendū fuit desertis domibus. Ne quis verò interim rei familiari malè metueret, Deus illis securitatem ab omni periculo promittens: Nullus, inquit, insidiabitur terræ tuæ ascendente te, & apparente in conspectu Domini DEI tui ter in anno. *b* Hoc ed factum, ut dum orationi vacarent, Deo ex toto fiderent, qui & domorum custodiam, & omnem ipsorum salutem in se recepisset.

Orbis Servator Christus hæc ipsam fiduciam nobis quàm commendatissimam esse desiderans: Omnia, inquit, quæcunque orantes petitis, credite, quia accipietis, & evenient vobis. *c* En apertissimum Domini promissum, & necdum in Deo perfectissimè fidimus? necdum quæ petimus, certò accepturos credimus? Actum est de nobis, si tantis testibus negemus fidem. Hæ pollicitationes divinæ sunt, fallere nequeunt. Rectè, & ad Theologiæ normam dicitur: Mensura credendi, est mensura impetrandi. Quantò capacius fiduciæ vas adferimus, tantò

*a* Iacob c. i. v. 6. 7. 8. *b* Exod. c. 34. v. 24.

*c* Marci c. 11. v. 24.

tantò p'ius orando impetramus. Et enluculentissimum ejus rei paradigma. Videte mihi tria prorsus disparia orantium vasa, quorum aliud alio capacius. Iairus synagogæ princeps, amplum & capax fiduciæ vas attulit: amplius & capacius porrexit Hæmorrhoißa sanguinis profluvio laborans: amplissimum ac capacissimum divino fonti subjecit Centurio. Magnæ in Christum fiduciæ Iairus fuerat, qui valetudinem aut vitam filiæ restituendam credebat, sed Christi præsentiam ad id necessariam censebat. Hinc deprecabatur eum multum, dicens: Quoniam filia mea in extremis est: veni, impone manus super eam, ut salva sit, & vivat. *a* Magna fiducia & amplum vas. Sed majus Hæmorrhoißæ, & amplius vas, quod attulit. Siquidem certò persuasa dixit: Si vel vestimentum ejus attigero, salva ero. *b* Non protensam manū, sed solum vestis attactum ambiebat. Attigit; & sanitatem continuò acquisivit. Fiducia hæc nonnihil cōfirmatior fuit priori. At verò Centurio vas fiduciæ ad Christum detulit capacissimum. Non Domini præsentiam, non manum imponendam, non vestem contingendam exigit, sed fiduciā ingenti: Dic tantum verbo, inquit, & sanabitur puer meus. Miratus summam hanc fiduciam cælestis Medicus: Non inveni, ait, tantam fidem in Israël. Et mox ad Centurionem versus: Vade, inquit, & sicut credidisti, fiat tibi. Dictum factum.

G 7

Et

*a* Marc. 5. v. 23. *b* Ibid. v. 28.

136 RHETORICA CAELESTIS.

Et sanatus est puer illâ horâ. *a* Quando major fiducia orantis, tantò efficacior oratio. Fiducia in Deum potentissimè persuadet Deo, quod perorando rogat. Credite, quia accipietis, ait Dominus, omnia quæcunque orantes petitis Fide Deo, cum precaris, & nunquã irritò successu precaberis. Revela Domino viam tuam, & spera in eo, & ipse faciet *b* Effunde corã Deo cor tuum ingenti fiduciã : & ipse providebit, ipse faciet. Quid faciet ? officium suum te juvando, modò tu tuum facias in illũ sperando.

*c* Agrotabat Rex Ezechias : de vitã jam conclamãrant Medici ; Isaias mortem jam denuntiaverat. Nihilominus rex fiduciã plenus, abscessã licet omni spe humanã, *Convertit faciem suam ad parietem, & oravit ad Dominum.* *c* Tantopere placuit Deo hæc tanta fiducia, ut mortis sententiã mox rescissã, insuper quindecim vitæ annos adiecerit. Hæc vitæ gratiã Ezechias illustri facinore, novãque in Deum fiduciã institit venerari. Æ vo illo liber à Salomone scriptus summo pretio habebatur, ex eo namque facilis & obvia cuivis morbo medicina promebatur. *d* Hinc spes in DEVM apud nõnullos debilitari & evanescere cernebatur. Quod optimus rex ægrè ferens, ut humanæ d' fidentie nervos incideret, eum librum flammis sepeliri iussit. Voluit nimirũ Ezechias ut deinceps agrotantes animum & oculos, omnẽque spem salutis in Deo

defi-  
*a* Matth. c. 8. v. 8. & aliis seqq. *b* Psal. 36. v. 5.  
*c* 4. Reg. c. 20. v. 2. *d* Isidorus Clariss.

desigerent. Deo in omnibus fidendum.

Lantfrancus, vir sanctior nescias an eruditior, cum liberam etiamnum vitam ageret, faceretque iter nullâ adhuc religione devinctus, in prædones incidit. Hi eum omni viatico & vestibus spoliârunt. Atque ut impunè hoc facerent, spoliati oculos velârunt, eumque manibus post terga revinctis in senticetum prorsus avium sedaxerunt, ne voce suppetias inclinare posset: cleméntiæ fuit non abstulisse vitam, quæ tamen non videbatur eâ ratione diutius servari posse. Quid enim faceret Lantfrancus, quid consilii caperet, quod se verteret, quod iret velatis oculis, manibus ligatis, voce non quidem interclusâ, sed quæ ad viatorum neminem pertingeret! Ergo auxilium omne desperandum, ergo fame moriendum, aut feris in prædam occurrendum. Iamque nox appetebat, quæ spem omnem præcidere videbatur: avii dumeti horror & mors anxium animum terrebant. Nec jam videri poterat aliud concessum, quàm sortem suam acerbè lamentari, nullis tamen auditoribus, nisi cautibus, saxi, arboribus. Quando igitur hoc unum restabat, hominem non exiit vir iste desertissimus, & ipse sibi lessum cecinit, seipsum velut mortuum deploravit. Deinde ad Deum versus: O Domine Iesu, inquit, tantos in discendis litteris expendi sumptus, & necdum orare scio. Mi amantissime Deus, tu unus superes auxiliator, extremâ necessitate laborantē adjuva. Vitam antea actâ, sanctè polliceor,

### 138 RHETORICA CÆLESTIS.

polliceor, emendabo, & tibi soli serviam, a te solo servatus. Dixit, nec tamen mox Angelus adfuit qui hominem in viam reduceret. Durior est in suos nonnunquam Deus, experitur illos, nec statim juvat, tametsi staverit juvare. Ita huic viro incenato, victo, in tesquis deviis, sub dio miserimè pernoctandū fuit. Aurorā redeunte, jamque vicino sole audit Lantfracus hominum transeuntium strepitus. Clamavit igitur, quantis potuit viribus. Vocem secuti viatores mox adfuerunt, & solverūt ligatum. Ille jam liber & in viam reductus, non differendum censuit, quod exequi statuerat. Eam ob causam: Quæso vos, inquit, in cœnobium pauperrimum me ducite. Duxerunt. Hic Lantfracus sanctitatis rudimenta jacere Humilitate; vilissima quæque munia obire, focum struere, scutellas eluere, culinæ sordes converrere, aliorum calceos extergere, nullam obsequii vilitatem abhorrere, assiduis sese orationibus exercere, atque his gradibus ad sanctimoniam illustrem tendere.

Nos fiduciam hoc loco sumamus imitandam, quā ille vir sanctus in extremis angustii divinam opem impetravit. Omnia quæcunque orantes petimus, si credimus, Deoque fidimus, accipiemus.

#### § 4.

Pars orationis quarta, Peroratio, seu, *Patiens perseverantia*. Ea duplex est. Prima, cum



cùm quis uno eodémque tempore orationem produens perseverat. Ita Christus in colle Olivario, ubi eandem orationem ter repetiisset, Factus in agoniâ prolixius orabat; & tribus prope horis, ut aliquorum fert sententia. Altera cùm à DEO quid petitur non vno solùm alteróve mense, sed annis compluribus. Vtraque hæc perseverantia necessaria est. Ita nos Christus diversis cohortationibus instruens: Petite, inquit, quærite, pulsate. Si amicus amicum mediâ nocte conveniat, & panes hospiti apponendos petat, etiamsi alter cunctetur, & fores jam obferatas, domesticos jam quieti datos, se verò surgere non posse obiiciat; si tamen alter pulsare, & rogare panes non cesset, demum importunitate precum & perseverantiâ è lecto excutiet amicum, qui victus petitione crebrius repetitâ surget, dabitque panes, quotquot voluerit. Et ego dico vobis, ait Dominus, petite, & accipietis, quærite, & invenietis, pulsate, & aperietur vobis. Omnis enim, qui petit, accipit; & qui quærit, invenit, & pulsanti aperietur. *b* Eodé spectat illa Domini parabola. Iudex erat civicus, Dei hominûmque contemptor. Hunc vidua crebris obsecrationibus cõpellabat, ut sibi ab adversarij tutam agere liceret. Multo tempore surdis fuit auribus iudex. Tandem tam crebro rogatu fatigatus: Etsi, aiebat, ipse secum, nec Deum, nec homines reverear, quia tamen hæc vidua mihi toties molesta

*a* Luc. c. 22. v. 23. *b* Luc. c. 11. v. 9. & 10.

# 140 RHETORICA CAELESTIS.

maleſta eit, ius illi dicā, eāque ab adverſario vindictatum ibo. Deus autem ait Servator, non faciet vindictam electorum ſuorum clamantium ad ſe die ac nocte? *a*

Persuaderi vult Deus, & velut cogi fideliffimā precum perfeverantiā Hinc Ephremo Syro teſte, illud ſatanæ opus eſt, ut cogitationes orantis in infinita iaculetur, nec ſinat hominem in eā perſiſſe & poſtulatione, quam impetrare contendit. Novit quippe, quod ſi perfeveret deprecans, exaudiet eum qui fecit illū, etſi innumerabilia peccata admiferit. *b* Ita ſatanas occupatiſſimus eſt, omnēque movet lapidem, ut impediat, turbet, ſubruat & evertat precandi conſtantiam. Hic hoſtis,

————— Cui nomina mille,

Mille nocendi artes, ————— *c*

nihil non tentat, eo ſine ut qui orat, faſtidium concipiat, & omnem animum prolixū orandi obſiciat. Agnoſce ſatanæ voces: Quid agis, hæc eadem toties ingeminando eſcit utique, Deus, quid tibi deſit, quid te affligat. Satis eſt ſemel iterūque ſuam Deo neceſſitatē expoſuiſſe. Scriptum eſt enim: *Antequam* clament, ego exaudia, adhuc illis loquentibus ego audiam. *d*

Itane Scripturas loqueris, argutor nequiſſime? Rurſum ſcriptum eſt: *Quoniam* oportet ſemper orare, & non deficere. *e*

Rurſum

*a* Luc. c. 18. v. 2. & ſeqq.

*b* S. Ephrem in Pan.

*c* Virg. l. 6. *Aeneid.* ante med. d. *Iſa.* c. 65. v. 24.

*e* Luc. c. 18. v. 1.

Rursum scriptum est : Si ille perseveraverit pulsans, dico vobis, etsi non dabit illi surgens eò quòd amicus eius sit, propter importunitatē tamen eius surget, & dabit illi panes, quotquot habet necessarios. *a* Rursum scriptum est: Ii omnes erant perseverantes unanimiter in oratione. *b* Ergo vade retro satana, quoniam non sapis, quæ Dei sunt. *c* Deus vel ided sapiissime cunctatur dare quod postulatur, ut tantò perseverantior sit oratio, quantò tardior est impetratio. Virtutis est sic esse importunum. Si quidem hæc precum importunitas, delinifica illa suada est, quæ summæ Rationi Deo facillimè, quod vult, persuadet.

Quando igitur non possumus nescire, id omni modo cacodæmonem moliri, ut si orationem non impedire, saltē orandi perseverantiam possit auferre. Tantò igitur importuniùs orandum ac pertinaciùs, quantò vel Deus cunctantior nos audit, vel diabolus tumultuosior nos invadit. Ejus animi lobus: Etiam si, inquit occiderit me, in ipso sperabo. *d* Non sinam me supplicem à divino solio avelli, spe plenissimus, usque & usque obsecrationes meas iterabo. Eiusdem emmo mens Hieronymus: Memini me clamantem, ait, diem crebrò junxisse cum nocte, nec priùs à rectoris cessasse verberibus, quàm rediret Domino imperante tranquillitas. *e*

Nimi-

*a* Luc. c. 11. v. 8. *b* Actor. c. 1. v. 14. *c* Marc. c. 8. v. 23. *d* Job c. 13. v. 25. *e* Hieronym. ad Eustoch.

## 142 RHETORICA CALESTIS.

Nimirum quo altius effodiendo fonti terra egeritur, tantò aqua copiosior invenitur.

Ad hanc ipsam orandi perseverantiam Chrysostomus impellens: Plerumque, ait, torpescimus & resiliamus, nisi statim exaudiamur: propterea oro, ut ex his eruditi, non ægrè feramus, neque segniores fiamus, si non statim audiamur. Fortassis enim Dominus continuam nostram sedulitatem sapienter exercens ita differt, volens ut mercedem quoque patientiæ recipiamus. Et quia ipse tempus scit, quando nobis utile est assequi, quod quærimus. Ergo assidui simus in divinis precibus, si quando aliquid à Deo petierimus. Perseverantia orantis balista validissima. 4

Hæ quatuor sunt orationis partes: Exordii locum *Humilitas*, Narrationis *Attentio*, Confirmationis *Fiducia*, Epilogi locum obtinet *Perseverantia*. Feliciter perorat, qui in oratione perseverat.

a Chrysost. tom. 1. hom. 49. in Genes. mibi pag. 342.

## CAPVT XI.

*Quæ orationis impedimenta sint, & vitia.*

**H**ospes opulentus, & ut fit, plenus fastidii, in hospitium paganum è viâ divertit. Pauculi homines illic fuerant, qui rem hospitis curarent, muscæ quæ vexarent, innumera. Ægrè tulit fastidiosus

diosus diversitor, tot sibi nō vocatos adesse convivas, & cū videri veller facietior, tandem ad cauponem: Heus caupo, inquit, tot muscis impudentibus sanè convivis se paratam mensam instrue, ego symbolas pro omnibus persolvam. Caupo magis veste & loco quàm ingenio rusticus, urbanè prorsus hospiti moroso respondit: Mi Domine, tu modò convivas hos jube accumbere, ego cibum præbebo gratis.<sup>a</sup>

Reverà specimen dabit imperii planè admirandi, qui muscarum agmen ad unam mensam ita composuerit, ut quietè ac modestè accumbant. Non minis eum ut insignissimum oratorem venerabimur, qui cogitationum suarum dominus, imperio non sterili & vano, eas intra certos limites coercuerit, qui justè efficaci præceperit: *Huc usque & non ultra*. Dixerat olim Ecclesiastes: Muscæ morientes perdunt suavitatem unguenti.<sup>b</sup>

Cogitationes inquietæ ac turbulentæ cor humanum in diversa distrahentes, non minis importunæ sunt orantibus, quàm muscæ convivantibus. De his Gregorius: Cogitationes superflue, inquit, suavitatem spiritûs perdunt, quoniam integritate ejus perfrui non permittunt.<sup>c</sup> Dicuntur autem ejusmodi muscæ morientes, non solùm quia orationis suavitatem & gratiam exterminant, sed etiam licèt utiles futurae videantur,

<sup>a</sup> Mein Herr/ lasses nur nider sitzen/ so will ich ihnen die Zech schencken.

<sup>b</sup> Eccl.c.10.v.1. c Greg.c.18.Moral.c.25.

## 144 RHETORICA CAELESTIS.

deantur, cum occurrunt, post orationem tamen non magis fructuosæ, quam res mortuæ deprehenduntur. Simulacra illa, quæ in oratione spem magnæ utilitatis offerunt, oratione finitâ sic evanescent, ut trunca & inutilia cadavera relinquantur. Muscæ morientes perdunt unguentum orationis. Quæ autem ratione sint ejiciendæ, suprâ demonstratum. Nunc porro dicendum, quæ potissimum impedimenta sint & vitia orationis.

## §. I.

Primum orationis impedimentum est, *Solatium aut gaudium à rebus creatis emendicatum.* Nec medicus, nec chirurgus in illas ades vocari solent, in quibus omnes sano sint corpore. Siquidem malagmata non nisi læsis membris imponuntur. In eam domum consolator & vinus non mittitur, quæ solatis humanis & gaudiis vanis pascitur. Ad eos Paracletus venit, quos in luctu ac mœrentes invenit. Salomonis consilium est. Date siceram mœrentibus, & vinum his, qui anaro sunt animo. bibant, & obliviscantur egestatis suæ, & de loris sui non recordentur amplius. a Bernardus divini solatii optimus estimator: Pretiosa est, inquit, divina consolatio, nec omnino tribuitur admittentibus alienam. Iulielix tu Esau, qui dixisti: Num unam tantum benedictionem habes pater? Quantò melius erat dicere cum Prophetâ: Vnam petii à  
a Prov. c. 31, v. 6. & 7. Do.

Domino, hanc requi am. a Indignus enim benedictione celesti convincitur, qui eam dubio quærit affectu, aliud sibi refugium parans. *b*

Hebræus populus annonam à celo non accepit, manna non collegit, quæ diu farinâ Ægyptiâ victitavit. Hæc consumptâ victus depluit è nubibus. Quamdiu solatiis aut gaudiis vanis nutrimur, tandem jure destituimur divinis. Rara est mixtura profani & divini solatii. Nos equidem cupere-  
remus & hoc & illo frui. Cuticulam curamus sedulo, & vanæ voluptatis mel lingimus avidissime, simul tamen etiam dulcedinem celo distillantem ineruditâ gulâ poscimus. Varias & divinas voluptates eodem vase claudere difficile est. Aves, quæ volant & natant, inter immundas à Mose numerantur; turbidâ voluptatis aquâ natâre, & simul in precibus ad Deum evolare velle, immundæ avis argumentum est.

Nemo se fallat; uti nulla luci & tenebris, sic nulla celo & fluxarum rerum illecebris societas est. Continuis dissiliis in homine luctantur caro & spiritus qui parti adhæret uni, bellum indicit alteri; oderit carnem, qui amore dignum censet spiritum. Hoc Hebræus rex David perspicacissime observavit Hinc illæ voces: Re-ruit consolari anima mea: me nor fui Dei, & delectatus sum. Scio equidem ad stomachum meum non fore dominicum vinum, celestes delicias, si

*a* Psalm. 26. v. 4. *b* Bern. in illud. Ecce nos reliquimus, &c. mihi pag. 1016. *c* Ps. 76. v. 4.

146 RHETORICA CAELESTIS.

devorem melleas mundi placentas. Hinc Augustini monitum est: Relinque omnia, ut invenias omnia! Tantò melior erit tua oratio, quantò vita tua fuerit à rebus fluxis abstractior.

6. 2.

Alterum orationis impedimentum *Curiositas*, ô Curiositas, ô verè vitium humanæ gentis! Curiositatem rectè dixeris non quidem vitiorum summum, sed ad summa notissimam ducem. Curiositas otiosorum hominum princeps negotium est. Hi non solum omnia nòsse cupiunt, sed in aliorum sermones & actiones, imò in ipsas pænè cogitationes indagant. Multa legere venustæ dictionis gratiâ, vel solâ sciendi appetentiâ, meræ curiositatis est. Anselmus hanc vitiorum ducem depingens: Curiositas, inquit, est studium perscrutandi ea, quæ scire nulla est utilitas. Quidquid à curiositate velut à matre prodit, plurimum orationem impedit. Oratio velut somnus lenissimus quovis strepitu turbatur & abrumpitur. Hinc sacra Salomonis carmina suum sponsæ soporem toties defendunt: ne suscitetis, neque evigilare faciatis dilectam, donec ipsa velit: orationem ipsius, dum finierit, ne interrompите.

Antonium magnum orantem sol sæpius impediit. Solebat vir sanctissimus sole vespertino ad tergum occumbente, omnem reliquam noctem orâdo pervigilare, ita ut  
matuti-



matutinus sol in orantis os sese infundens, eodem quo reliquerat situ, cum Deo colloquentem deprehenderet. Hoc ægrè ferēs Antonius, & in solem excandescens: Quid sol me impedis, clamabat, qui jam ad hoc oriris, ut me a veri luminis claritate abstrahas. Hæc eum, inquit Cassianus, in fervore spiritus proclamantem audivimus. *a* Nox ei tota velut unicum, sed dulce ac paullo productius suspirium fuit. Hic omne cor suum in paternos Dei sinus effundebat; hic omnem mundum pedibus calcans cum conditore mundi colloquium miscebat suavissimum.

Apud hos tales oratores licet discere, quomodo victā curiositate omnis mens humana in Dei manus se transfundat. Curiositas hamus diaboli ad quævis trahit vitia. Bethsamitæ, quod Regum fasti memorant, non pietate moti, sed curiositate, viderunt arcam, gavisī sunt, quod vidissent. *b* Hæc una curiositas tantopere Deo displicuit, ut virorum principum septuaginta, hominū verò plebejorum quinquaginta millia puniverit morte. Percussit Dominus de viris Bethsamitibus, eò quod vidissent arcam Domini, & percussit de populo septuaginta viros, & quinquaginta millia plebs. *c* Leve prorsus & puerile videbatur delictum, id tamen maximum excepit supplicium.

Illā verò pessima curiositas est, quæ in  
H vitam

*a* Cass. collat. 9. c. 31. *b* 1. Reg. c. 6. v. 13.  
*c* Ibid. v. 19.

148 RHETORICA CAELESTIS.

vitam meretque alienos oculatissima in-  
 quirat. Curiosissime mortalium, quid vides  
 festucam in oculo fratris tui, & trabem in  
 oculo tuo non vides? a Labeculâ in alienâ  
 facie curioso digito notas, & in tuâ sordi-  
 dissimum autorem non accusas; in aliis  
 damnas morum navulos, in teipso robusta  
 vitia lippiendo transis. Pondus & pondus,  
 mensura & mensura, utrumque abomina-  
 bile est apud Deum. b Quidquid tu agis,  
 sancte hypocrita, grandi mensurâ, ingenti  
 supercilio, pondere verborum magno ex-  
 celsandum & commendandum est: quod  
 alii agunt, hoc curiositas tua gracili men-  
 surâ, levi pondere vituperat; mensura hac  
 genuina, duplex hoc pondus apud Deum  
 est abominabile.

Erinaceum Lex Hebræa vetus ut im-  
 mundum anin al damnavit. Hoc si tanga-  
 tur, foris aculeatus globus tangenti, at in-  
 tus sibi ipsi contractis pedibus mollis pul-  
 pa est: ita isti curiosi indagatores sibi ipsis  
 propitii ac blandi, asperi sunt aliis & rigi-  
 di: quod inquirunt, vident, audiunt, malè  
 ac levorsum interpretantur, sui ipsorum mi-  
 tissimi non censores sed laudatores. Ho-  
 rum miserrima prorsus conditio est, qui  
 quidquid alienum est, in malignam inter-  
 pretantur partem, & cum dicta factaque  
 damnare non possint, damnant animum soli  
 Deo apertum.

Abrahamo sepulchreti jus à filiis Heth  
 cepturo responsum est: Sepeli in mortuum

a Matth. c. 7. v. 3. b Prov. c. 20. v. 10.

*tuum.* a Hoc curiosis illis indagatoribus ac perquisitoribus omnibus inculcandum est: *Sepeli tu tuum mortuum; tuum, tuum.* Nos temerarii modestæ nimiam curiositatis esse censemus de actionibus exterioribus sententiam ferre, ad cogitationes, ad intima animorum proposita, ad abditissimas pectoris intentiones soli Deo notas decurrimus, & alienos mortuos sepelimus. Hunc prodigum, illum præparcum, hunc & avarum; fastuosum illum, hunc nimis humilem, istum iracundum, hunc nimis plumbeum & ignavum judicamus. Hæc quotidiana sunt; mille audias ejuscemodi judicia. O curiose, nimium & temerarie vespillo, quid vivos sepelis? *tu tuum sepeli mortuum:* tuis intende, quod tui muneris est cura, quid aliena scrutaris? Quid funera nihil ad te spectantia deploras? tu tuum plora, & sepeli mortuum. Memineris, te Christianum esse, non civem Atheniensem curiositati natū. De quibus Paulus, Athenienses autem omnes & advenæ hospites, ad nihil aliud vacabant, nisi aut dicere, aut audire aliquid novi. *b* Hinc suos commonefaciens: Audivimus, ait, inter vos quosdam ambulantes inquietè, nihil operantes, sed curiose agentes. *c* Hæc maxima orantium impedimenta sunt, hæc orationis alas incidunt. Aut igitur curiositatem vita, aut oratoris nomen perdidisti.

a *Gen. c. 23. v. 6.* b *Actor. c. 17. v. 21.*

c *2. Thess. c. 3. v. 11.*

## §. 3.

Tertium orationis impedimentū, *Animi duritia*: quæ duplex est, illa in pauperes, hæc in inimicos & hostes. Durus & asper animus in pauperes omnem orationis fructum eripit. Locupletissimus testis Salomon: Qui obdurat aurem suam, inquit, ad clamorem pauperis, & ipse clamabit, & non exaudietur. <sup>a</sup> Mentionem inicit Hebræus psalter aspidis surdæ & obdurantis aures suas. <sup>b</sup> Hæc enim, quod Augustinus nos docet, ne carminum incantamenta percipiat, auriculam unam terræ admovet, alteram converso sylvæ oppilat. hunc ipsum exercet astum pecuniæ amans, qui hanc quidem aurem monetæ suæ applicat, quæminimè minuendam, sed assidue augendam censet, alteram aurem obserat vanâ futuri sollicitudine: quid ego, ait, in alios tam largus sim, fortassis ipse penuriâ premendus? quid filiis meis, quid hæredibus relinquam, si ærariolum meum tam maturè dissipem?

En surdam aspidem! Ita pauperum clamores obstructis auribus excludit. Huic pro candâ est vivēdi neta. Hæc enim cura plerumque distinet, cruciatque deparcos, ne sibi ante obitum desint necessaria, vel ne filii tenuitatem patrimonii accusent. Quisquis igitur sic aures obdurat, clamabit & ipse, & non exaudietur. Par pari referet Deus,

<sup>a</sup> Prov. c. 21. v. 13. <sup>b</sup> Psal. 57. v. 6.

## LIBER Cap. I. XI. 151

Deus, & velut in os obijciat: sicut me sapius famelicâ pauperis voce clamantē non audiisti, ita nec ego te quantumcunque clames, audiam. Ad ravim usque clama, non audio: Auxilium, fidem, & opem meam implora, non audio: Misericordiam & liberalitatem meam invoca, non audio, quia nec tu me audisti clamantem ad te; tuas tibi vices refero. Monui & prædixi.

Vlysses, ut in apologis est, sociorum aures adversus Sirenium voces cerâ muniit. Hoc Vlyssis ingenium, opulenti sed avari Eucliones æmulantur, qui flebiles egenorum preces, libellosque supplices ceratis ostiis excludant. Cera eliquato jam melle arida & insuavis, ditiorum illiberalem, durum, immitem, asperumque animum in egenos aptè notat. Vis igitur, cūm clamaveris, audiri? Tu quoque clamantes audi: Cave ullum è paupertinâ tribu præfractè rejicias. Tibi dictum puta, quod filio injunxit Tobias: Noli avertere faciem tuam ab ullo paupere: ita enim fiet, ut nec à te avertatur facies Domini. \*

Sed alia est animi durities in adversarios & hostes. Frustra orat, qui suis obrectatoribus & inimicis veniam negat. Apertissime præcipit Siracides: *Relinque proximo tuo nocenti te: & tunc deprecanti tibi peccata solventur.* Intelligis hoc & capis? & an, quod juberis, factururus es? Inssanis causas Siracides adjungit: *Homo homini reservat iram, & à Deo quarit medelam?* Nondum hæc capis, & necdum ignoscis omnibus,  
 a Tob. c. 4. v. 7. H 3 qui

152 RHETORICA CÆLESTIS.

qui te laferunt? Audi ab eodem plura: *In hominem simile sibi non habet misericordiam, & de peccatu suo deprecatur?* Non satis hæc luculenter dicta? vis luculentiora? Idem divinus monitor addit: *Ipsæ, dñ caro sit, referuat iram, & propitiationem petit à Deo? quis exorabit pro delictu illius? memento novissimo- rum, & desine inimicari.* a Etiamnum deliberas, an inimicis tuis ignoscas? num cupis clariora, his clarissimis? En ipsum tibi solem meridianum statuo. Christus dilucidissimè: Cum, inquit, stabitis ad orandum, dimittite, si quid habetis adversus aliquem, ut & Pater vester, qui in cælis est, dimittat vobis peccata vestra. Quod si vos non dimiseritis, nec Pater vester, qui in cælis est, dimittet vobis peccata vestra. b

Hæc ipso sole clariora sunt. Aut igitur inimicis veniam non negi, aut non ora, sic enim frustrâ orabis. Quod magister è cælo confirmans: Si offers munus tuum ad altare, inquit, & ibi recordatus fueris, quia frater tuus habet aliquid adversum te: relinque ibi munus tuum ante altare, & vade prius reconciliari fratri tuo: & tunc venies offeres munus tuum. c Nam, ut scias, homicidarum munera Deo non sunt accepta. Atqui homicida est, qui od. in animo velut cruentam siccam exacuit. Ioannes Apostolus expressissimè. Omnis, inquit, qui odit fratrem suum, homicida est: & scitis, quoniam omnis homicida non habet vitam æternam. d

a *Eccli. c. 28. v. 2. & seqq.* æter-  
b *Marci c. 11. v. 25. & seqq.*  
c *Matth. c. 5. v. 24. & 25.*

æternam in semetipso manentem. *a* Affe-  
ctū & animo certè homicidii coquit, qui  
odium admittit. Ita Hieronymus: Cū ho-  
micidium, inquit, ex odio sæpe nascatur;  
quicumq; odit, etiamsi necdum gladi per-  
cusserit, tamen homicida est. Nam odium  
est desiderium homicidii plenum. Hinc ple-  
rumque qui averso & hostili est animo, si  
adversarium vel parvulo cochleari posset  
submergere, hoc sibi balneum iucundum  
ac utile censeret. Igitur oraturus Deum,  
exue homicidam, & indue Christianum.  
Quod & Augustinus crebrò inculcans:  
Odisti fratrem, inquit, & securus ambulas,  
& concordare non vis? non agnoscis, quare  
tibi spatium dederit Deus? Ecce jam homi-  
cida es, & adhuc vivis? O quicumque ille  
es, attendis, quid tibi fecerit homo, & non  
attendis, quid tu feceris Deo? quare non  
dimittis homini parum, ut tibi Deus di-  
gnetur dimittere multum? *b*

Et quomodo, dic fides, orationem Do-  
minicam recitas, si veniam inimico negas?  
num totam proferis totam, inquis, profero.  
Nihil ergo verborum retices? nil, ais, reti-  
ceo, dico liberè. Dimitte nobis debita no-  
stra, sicut & nos dimittimus debitoribus  
nostris. Tūc ista? ergo impudentissimè  
mentiris, & tu ipse collum laqueo in-  
duis, quando debita tuis debitoribus non  
dimittis.

Quapropter & Augustinus seriò te in-  
terrogas: Ne, inquit, ignoscas inimico,  
*a* *1. Ioan. 4. 3. v. 15.* C 4 devia-  
*b* *Aug. serm. 5 de S. Stephano.*

#### 154 RHETORICA CALESTIS.

deviabis à Christo? Dimitte illi veniam, ne dum fratri tuo negas misericordiam, tibi claudas Patris indulgentiam. *a* Iudicium enim sine misericordia illi, qui non fecerit misericordiam. *b* Hæc Augustinus monitis prolixioribus confirmans: Interrogate, inquit, quando rogatis Deum, corda vestra; videte, quomodo transmittatis verbum istum: Dimitte nobis debita nostra, sicut & nos dimittimus debitoribus nostris, Non eris orans, nisi ista dicas; si alia dicas, non te exaudit ille, quia non ipse tibi dictavit lursperitus, quem misit. Necesse est ergo, ut & quando verba nostra dicimus in oratione, secundum ipsam dicamus; & quando ipsa verba dicimus, bene intelligamus, quod dicimus, quia manifestam illam Deus esse voluit. Si ergo non oraveritis, spem non habebitis, si aliter quàm magister docuit, oraveritis, non exaudiemini; aut si in oratione mentiti fueritis, non impetrabitis. Ergo & orandum & verum dicendum est: & sic orandum est, quomodo ille docuit. Velis nolis quotidie dicturus es: Dimitte nobis debita nostra, sicut & nos dimittimus debitoribus nostris. Vis securus dicere? fac, quod dicis. *c*

Chrysostomus DEI personam induens: Quo pacto vis, inquit, ut ea, quæ in me peccasti, dimittam, qui illorum, quæ in te deliquis proximus, cupis atque oras, ut ultor

*a* Aug. tom. 10. serm. 27. & eod. 10. ser. 182.

*b* de Temp. mihi pag. 342. *b* lac. c. 2. v. 13.

*c* Idem Aug. 10. 8. in Ps. 103. mihi pag. 485.



ultor existam? a Quapropter aut orare desine, aut omnibus inimicis tuis offensionis veniam impertire.

a Chrys.hom. 5. in epist. 1. ad Tim.

## §. 4.

Quartum orationis impedimentum; *Orantu immunditia*. Monoculus, Philostrato teste, lautissimum instituit sacrificium, sed dignus non est habitus, qui vel placeret, vel oculum reciperet. a Oratio nobile sacrificium, sed à luscioso vel lippiente, aut caco animo non acceptum. Qui orat, & animum quacunq; noxâ letali inquinatum non prius emaculat, indignationem potius quàm favorem provocat. Orationes, inquit Chrysostomus, puræ esse non possunt, si fœda sit anima, quæ parit eas. b Et obsecro, qui tandem possit grata esse oratio illa, si orator omni orbatus sit gratiâ? Istud à re simili discamus. Præfidens & nimium temeraria sit hominis illius audacia, qui rogaturus aliquid, eum optimatem adit, cui sese multò exosissimum esse non nescit. Mortalium audacissime, hunc tibi Dominum prius in amicum concilia, deinde, quod cupis, roga. Ita prorsus, quomodo is preces suas Deo gratas fore somniaverit qui gratiam omnem perdidit?

Sed unde hoc sciam, inquis, me in gratiâ esse? Tu tuam interroga conscientiam,

H 5

mm

a Philostrat. in Apollon. l. 1. c. 7.

c Chrys. tom. 5. hom. 36. mihi pag. 233.

# 156 RHETORICA CÆLESTIS.

num ea delicti gravioris te accuset. Suum illa vulnus non dissimulabit, si lesa sit. Quapropter consultissimum est, Actum contritionis, *a* quem vocant, precationibus aliis præmittere, ad animum contractis sordibus expiandum. Quod tunc præcipere faciendum, si nobis vel minimum suspecti sumus de offensione DEO illatâ. Hic prima vox orantis sit; *Miserere mei Deus*, aut, *Deus propitius esto mihi peccatori*. Divinus psalter compendiosè rem explicans: Iniquitatem, inquit, si aspexi in corde meo, non exaudiet Dominus. *b* Non ignoro, si peccatum vel blandioribus solum oculis salutem, Deus me orantem vultu non benevolo respiciet. Ab amicis saluari vult, aut ab iis certè, qui prius inimicitias ponunt, quàm Deum patrem suum appellent.

Isaias vates Hebræis castæ orationis culpam omnem Israëlitis sceleribus impingens: Peccata vestra, inquit, absconderunt faciem ejus à vobis, ne exaudiret. *c* Aures divinas, quo minis preces vestras audiant, delicta vestra obferant. Audit Deus, sed non aversos à se. Hoc ipsum malum Hieremias deflens: Nos, ait, iniquè egimus, & ad iracundiam provocavimus: idcirco tu inexorabilis es. *d* Hæc illa nubes est, quæ inter Deum & hominem opponitur, ne transeat oratio. *e* Hæc densa nubila sunt, commissa

crimi-

*a* Hunc Lector in Horologio meo descriptum & explicatum invenies Hora 1 Diei.

*b* Psal. 65. v. 18. *c* Isai. c. 52. v. 2.

*d* Hier. Thren. c. 3. v. 42. *e* Ibid. v. 44.

crimina, quæ ascendunt è corde pravo, velut ex uliginosâ & palustri terrâ. Verùm ex atris his nubilis tonitrua, grâdines, fulmina prorumpunt, è peccatis ira, indignatio & furor Dei nascitur. Hoc is singulartiter nec sine formidine considerandum, qui sæpius quidem moniti, nihilominus ad genium vivunt, & animo suo non obsequi, nefas ducunt. Nec tamen omnem pietatis sensum in se volunt credi extinctum. Hos Salvianus acriter constringēs: Quæ oratio est, inquit, ut doleamus nos non audiri? Deo, cùm ipsi Deum non audiamus; & susurremus non respici à Deo terras, cùm ipsi non respiciamus ad cælum? & molestum sit despici à Domino preces nostras, cùm præcepta ejus despiciantur à nobis? Fac nos pares Domino nostro esse, quis est justæ querimoniæ locus, hoc pati quemquam quod fecerit? salvo eo quod probare facile possum, nequaquam nos pati illa, quæ facimus, & mitius multò nobiscum Deum agere, quàm nos cum Deo. <sup>a</sup>

Exploratissimum nobis sit, quod Salomon pronuntiat: Qui declinat aures suas, ne audiat legem, oratio ejus erit execrabilis. <sup>b</sup> Et qui obdurat aurem suam ad clamorem pauperis, & ipse clamabit, & non exaudietur. <sup>c</sup> Hoc igitur semper obversetur animo: *Audi audiendus*. Vis propitium Dominum? sis attentus famulus. Alioquin idem Salomon Dei jussu tibi occinet:

H 6 Invo-

<sup>a</sup> Salvian. l. 3. de Provid. Dei, mihi pag. 24.

<sup>b</sup> Prov. c. 28, v. 9, c. *ibid.* c. 21, v. 13.

## 158 RHETORICA CALESTIS.

Invocabunt me , & non exaudiam : Mand  
 confurgent, & non invenient me, eò quòd  
 exosa n habuerint disciplinam , & timo-  
 rem Domini non susceperint. *a* Iure meri-  
 to patieris, quod facis. Non audis? nec igitur  
 audiendus es. Par pari referetur. Tu  
 monita spernis, conciones negligis, repre-  
 hensionem nullam admittis: Tu quoque  
 spernèris, ne dubita, negligèris, & ad Dei  
 conspectum non admittèris. Non audiens  
 non audieris: opposuisti nubem, ne transi-  
 ret oratio. Ut igitur Deus preces nostras  
 audiat, nos leges Dei audiamus: ut nostras  
 nobis condonet noxas, nos cunctas inimi-  
 cis nostris ignoscamus injurias; ut nostros  
 supplices libellos admittat, nos quoque  
 aduentiũ pauperum desideria excipiamus.  
 Hæc pari procedũt passu. Audi audiendus.  
*a Prov.c.2.v.28.*

## CAPVT XII.

*Quæ orationis sint adjumenta:*

**A**VGUSTO narrat Suetonius tam deli-  
 catas & teretes fuisse aures, ut ver-  
 ba odisset obsoletiora, & sermo-  
 nem amaret purum & elegantem, qui sen-  
 tentiam quàm apertissimè declararet. Ideò  
 nonnullos cùm amicorum eum cognato-  
 rum suorum, festivis salibus perstrinxit.  
 Agrippinam neptē laudavit ob ingenium,  
 sed opus est, aiebat, te dare operam, ne mo-  
 lestè loquaris. Marcum Antonium, qui  
 Ora-

LIBER I. Cap. XII. 159

Oratoris nomen affectabat, falsè notabat, velut ea scribentem, quæ homines mirentur potius, quàm intelligant. Mecænatem virum ceterà eruditum, & sibi perquàm familiarem, sed stylo lascivientem, delicias parùm viriles sectantem, verbis quæsitis, & ad venustatem compositis nimium exuberantem, facerè epistolà irrisit. Hanc porrò epistolæ clausulam adjecit: Vale mel gentium, ebur ex Hetruriâ, laser Aretinum, adamas supernas, Tyberinum margaritum, &c. His jocis amici orationem nimium cincinnatam exagitans, voces ac sententias ineptas, fæctores appellare solitus est. Sic ut forensi Rhetoricæ colores sui sunt, sua illi lumina, sed scienter iis utendum est.

Eodem prorsus modo habet suos & Cælestis Rhetorica colores, habet sua quoque lumina, sed opus est, ut iis orator christianus peritè sciat uti. Capite superiori orationis impedimenta ac vitia proposuimus, nunc ejusdem adjumenta, colores ac lumina proponemus.

§. 1.

Primus orationis color, *Gratiarum actio*. Metuendum valde, ne plurimi hominum, grandi ære alieno laborent, ob solum grati animi defectum. Innumeris quotidie beneficiis à Deo afficimur, sed heu rara & frigida est gratiarum actio. A Deo nobis corpus, animus, corporis, animi bona, valetudo, facultates, eruditio, tot præsentis vitæ

commoda, tot futura certissima promissa sunt. Quid nos? leprosi sumus, sanamur sed meritam benefactori gratiam non persolvimus. Reverà grandis culpa, tantòque vulgatioꝝ, quantò minus à tot ingratis hominibus æstimatur. Verissimè dixit Seneca. Inter plurima maximaque vitia nullum est frequentius, quàm ingrati animi. Adeò autem hoc turpe vitium est, ut de ingratis etiam ingrati conqueràtur, cum interim hoc omnibus hæreat, quod omnibus displicet. Non solum ingratus est, qui beneficium accepisse se negat, quod accepit, sed etiam qui dissimulat; ingratiissimus omnium, qui oblitus est. Et dubium sit, utrum pejorem vocemus, an eum, apud quem gratia benefic. i intercidit, an illum, apud quem etiam memoria.

Vitiosi oculi sunt, qui lucem reformidant; cæci, qui non vident. Nimiùm ingratus est, qui, quod in primâ parte animi positum esse debuit, & semper occurrere, ita seposuit & abiecit, ut in ignorantiam veiretur: apparet illum non sepe de reddendo cogitasse, cui obrepfit oblivio.

In finitis nominibus Deo sumus obstricti, & nihilominus tot beneficiorum memoriam flagitiosè perdimus. Nulla profectò sit oratio, quæ gratiarum actione careat. Et mente & ore assidue versanda sunt illa verba *Deo gratias: Benedixus Deus in æternum: Te Deum laudamus: Benedicam Dominum in omni tempore, semper, laus ejus*

in ore meo. a *Consitemini Domino, quoniam bonus, quoniam in eternū misericordia eius.* b  
 Assidua gratiarum actio mirè placet Deo, qui turbam ingratorum odit, aversatur, & arcet. Et multa sanè beneficia Deus non confert, ne conferat in ingratos. E contra, rio eos, qui suo se benefactori memores sistunt, beneficiis obruit. Nam qui primo beneficio gratias egit, secundum promeruit. Ita donis dona cumulatur. Quapropter omnis oratio, simul etiam sit gratiarum actio. Ut accipias, ora: quia iam accepisti, gratias age. Hoc expressissime Paulus præcipiens. In omni oratione, inquit, & obsecratione cum gratiarum actione petitiones vestrae innotescant apud Deum. c

Sal germanicum & planè pretiosum aroma tanti usūs est; ut cibus penè omnibus condiendis adhibeatur. Muscula, carnes, olera, piltes, rapa, pinis ipse ciborum optimus saliens est. Hoc nobis aroma præ Indiarum omni saccharo, pipe, cinnamo est: ii verò cibi, qui aromate hoc perspergi nolunt, minus salubres iudicandi. Ejus indolis est omne pomi genus. d Cibus vel idèd superbus: sed certè malignus, quòd aroma nobilissimum aspernetur. Oratio ut cibus est, Deo gratissimus, qui nisi sale perspergatur, insalsus erit & ingratus. Quo sensu Chrysostomus. Omnis, inquit, oratio nostra gratiarum actione non careat. Qui non

a *Psalm 33. v. 1.* b *Et Psalm. 135. v. 1.*  
 c *Philip. c 4. v 6.*

• Das Dps salzt man nit.

non semper Deo gratias agit, prohibet quasi Deo, ne sibi ampliùs benefaciat, quasi diceret, Cessa, Domine, cessa benefacere, nam & ego cesso gratias agere.

Rex Hebræus David in divinas laudes mirificè accensus: Repleatur, inquit, os meum laude: ut cantem gloriam tuam, totâ die magnitudinem tuam. In te cantatio mea semper. *a* Paratissimus est horis omnibus Deum laudare, Deo gratias agere, totâ die magnitudinē Dei extollere. Quod Augustinus explicans: Quid est, inquit, totâ die hoc est, sine intermissione laudare. In prosperis, quia tu Deus, consolaris; in adversis, quia corrigis. Antequam essem, quia me fecisti; cū essem, quia salutem dedisti. Cū peccāssē, quia ignovisti; cū conversus essem, quia adjuvisti; cū perseverāssē, quia coronasti. *b*

Augustini dictis Chrysostomus accedens: Optima, inquit, beneficiorum custos est ipsa beneficiorum memoria, & perpetua confessio gratiarum. Admoneo vos, ut Dominum semper benedicatis. Si venerint mala, benedicite, & dissolventur mala. Si prospera venerint, benedicite & perseverabunt bona prospera. Iugiter sibi subvenire facit, cui collatū beneficiū ante oculos semper assistit. *c* Quod observans rex David: Quoniam, ait, misericordia tua ante oculos meos est. *d* Idcirco in omni oratione petitiones

*a* Psal. 70. v. 7. & 8. *b* Aug. in psal. 70. mihi pag. 308. *c* Chrys. hom. 25. in Matth. & tract. de Symb. *d* Psal. 25. v. 3



tiones nostræ innotescant apud Deum cum gratiarum actione. Rhetoricæ celestis color optimus, gratiarum actio.

## 6. 2.

Alter Rhetoricæ color, *Orationis & omnium, quæ in oratione Deo proponuntur, cum Christi promeritis conjunctio*. Ecclesia hic exemplo præit, quæ orationes omnes hac solemnî clausulâ consignat. Per Christum Dominum nostrum. Ita orationes & actiones nostræ Christi orationibus & actionibus conjunctæ unum quid sunt, veluti cum aliquot aquæ guttulæ vini dolio miscentur.

Ludovicus Blosius luculento testimonio, quæ diximus, confirmat. Hæc ipsa scriptoris verba sunt: Cum Gertrudis virgo in opere quodam magnam sentiens difficultatem diceret Deo Patri: *Domine, hoc apud offero tibi in laudem eternam, per unicum Filium tuum, in virtute Spiritus sancti*, intellexit, quodd quidquid pie offertur Patri per Filiû, illud mirificè supra humanâ æstimationem nobilitatur, & redditur Deo Patri acceptû. Quemadmodû viride vel aureum apparet, quidquid per vitrum aut gemmam viridis aureive coloris cõspicitur. Exemplo res demonstratur: Cum quis in ediam tolerat, aut stipem erogat, ita Deum alloquatur: Pater æterne, hic ego unicam fero guttulam, sed eam in mare meritorum Christi

a Blos. Monil. spirit. c. 3. fine.

164 RHETORICA CÆLESTIS.

Christi Filii tui consilio: placeat tibi, oro; hæc mea oblatio. Aut brevius. Hanc ego abstinentiam, hanc eleemosynam, hunc ego laborem meum cum Domini IESV promeritis conjungo. *a*

Tali affectu hominis, tali pretio Christi Salvatoris oblata Deo, nō possunt nō plurimum placere. Sic vilissimæ actiones nostræ, sic omnes, quas toleramus miseriæ, actionibus & doloribus Christi copulatæ summam induunt dignitatem. Sic aurum fit è plumbo, sic vini generositatem aqua obinet, sic vitæ gemmæ pretium acquirit, ita frigus in saluberrimum calorem transit, ita lutum in fragrantissimum thius mutat, ita terra sordes thesauris cæli sociatæ, inter cælestes gazas numerantur.

Hanc nostrarum cum Christi actionibus conjunctionem Paulus explicatissimè commendans: Omne, inquit, quodcumque facitis, in verbo & opere, omnia in nomine Domini nostri Iesu Christi facite, gratias agentes Deo & Patri per ipsum. *b* Atque hic secundus est Rhetoricæ cælestis color, nostrarum cum Christi actionibus ac promeritis conjunctio.

*a* Plures ejusmodi formulas vide in meâ

*Amusi Rectæ Intentionis l. 2. c. 2. §. 7.*

*b* Coloss. 3. 2. 17.

§. 3.

Tertius est, *Eleemosyna, & venia inimicis data.* Inter impedimenta orationis & vitia,

vitia, *Duritiem cordis* tertio loco numeravimus. Hic illi color oppositus est, qui & veniam adve. sariis, & monetam manu benignâ tribuit egenis. Vis, inquit Augustinus, orationem tuam volare ad Deum? fac illi duas alas, jejunium & eleemosynam. Altera iam facta est ala, si ignoscis delinquenti, & donas egenti.<sup>a</sup>

Iacob iam tumulo vicinus, filiis fatalem testulum cingentibus, tabellas testamentarias conscribens, & cuius filiorum debitam partem assignans, demum ad Iosephum versus: En ego morior, inquit, & erit Deus vobiscum, redacetque vos ad terram Patrum vestrorum. *Vi autem nostrâ quàm ego te semper charum habuerim*, do tibi partem unam extra fratres tuos, quam tulli de manu Amorrhæi in gladio & arcu meo.<sup>b</sup>

Quis obsecro hic gladius, quis arcus iste? Iacob vir simplex & rectus habitans in tabernaculis, quando unquam gladium strinxit? ecquando armis usus est? E Chanaan in Mesopotamiam properans, solo armatus bacillo transit Iordanem. Unde igitur illi hæc præda gladio & arcu comparata? Chaldeus interp. es sic verba componit: Quam tibi de manu Amorrhæi, oratione meâ & deprecatione. En gladium Iacobi, en arcum. Tunc autem gladium strinxit, tunc arcum intendit, cum

<sup>a</sup> Aug. in Ps. 42. sine omnino.

<sup>b</sup> Gen. c. 48. v. 21. & 22.

# 166 RHETORICA CALESTIS.

cum pro hoste capitali Esau oravit. Ita quidem Iacob pugnavit. Hinc Ephrem Syrus: Si inter orandum, inquit, animum vagari permittas, eris, velut qui tenet quidē arcum, verū sagittam contra adversarium dirigere nequit, illam in vanum nullā certā intentione emittens.

Verū, oratio apud Deum ed est efficacior, quod magis offensus fuerat orator ab his, pro quibus orat. Orantis enim patientia, vim confert orationi. Quem ad contumelias tacentem nemo audit, cum benevolentissimē audit Deus in oratione deprecantem. Hominis patientis deprecatio non fert repulsam. Mittitur à Deo Propheta, qui regis Ieroboami sacrilegia reprehenderet. Irato rege violentam manum extendente, *suhitò exaruit manus ejus, nec valuit eam retrahere ad se. a* Sed orante illicò Propheta, reversa est manus regis ad eum, & facta est sicut priùs. Cur impius rex à poenā ob tam gravem culpam irrogatā tam citò liberatur? Prophetę injuriam patientis oratio intervenit. Ostendit Propheta mansuetudinem, ait Theodoretus. & Deus clementiam: nam petiit, & Deus dedit medelam. *b*

Cū olim Deus efficacissimam sibi quę gratissimam orationē laudare instituisset, Moſis & Samuelis orationes memorans: Si steterit Moſes, & Samuel coram me, inquit, non est anima mea ad populū istum. *c*

Hic

*a* 3. Reg. c. 13. v. 4. & 6.

*b* Theodor. quæst. 42. *c* Hierem. c. 15. v. 1.

## LIBER I. Cap. XII. 167

Hic Gregorius quæstionem ponens : Quid est, inquit, quod Moses & Samuel ceteris Patribus in postulatione præferuntur? Nisi quod hi duo tantummodò in cunctâ Testamento veteris serie, pro inimicis suis leguntur orâsse. Vnus à populo lapidibus impetitur, & tamen pro lapidatoribus suis Dominum deprecatur. Alter ex principatu eicitur; & tamen rogatus ut Deum exoraret, fatetur dicens : Absit à me peccatum, quod minus cessem orare pro vobis. *a* Gratiissima & efficacissima oratio pro inimicis orare.

Censeat Theologus talibus illis horis quibus terrarum orbis se tenebris involutum obstupuit, Christum in cruce jam sublimem, ita quidem siluisse, ut toto eo tempore tacitus orârit ad Patrem. Quale autem huius orationis posuit exordium? Pater dimitte illis, quia nesciunt, quid faciunt. Veniam hostibus rogavit, sed & militibus, à quibus crucifixus, vestes suas veluti eleemosynas distribuit. Cruentâ hanc trabem Christi resuspice. En tuum hic gladium, en arcum tuum. Huic tu sagittas, si quas habes, impone & eiaculari; nunquâ errabunt ille, omnia penetrabunt, cor ipsum cælestis Patris referabunt. Sed vide hunc tuum gladium ita stringas, hunc arcum tui ita intendas, ut hostes tuos attingas & vulneres, sed prout suos Iacob, suos Christus attigit, & vulneravit. Iacob pro Esau inimico, Christus pro crucifixoribus hostibus oravit. Hæc amanti sunt vulnera. Pater dimitte illis.

*a* Greg. hom, 27. in Evang. & l. 9. moral. c. 9.

illis. Et vos, ô Christiani, dimitte, & dimitte minime eadē quippe mensurā remetietur vobis. *a* Quasi mensura divini amoris magnitudinē suā mutuetur à iudicio humano! ut tantum sperare quisque debeat à DEO, quantum in alios contulerit, & eandem expectare delicti veniam, quā erogaverit, modo per omnia eodem. Sed nōne æternā oblivione delictum omne sepeliri, nullāque illius memoriam in offensi animo relidere volumus? Quod igitur ab alio in causā nostrā fieri optamus, id in aliorum delictis faciamus, memores illius: Prout vultis, ut faciant vobis homines, & vos facite illis similiter. *b* Memores & illius: Quod ab alio oderis fieri tibi, vide, ne tu aliquando alteri facias. *c* Quæ enim non facimus, an non nos ipsos in dies damnamus, orantes, Dimitte nobis debita nostra, sicut & nos dimittimus debitoribus nostris? Nos non dimittimus; non ergo dimitte. Post injuriam non admittimus ullam in amicitiam; nec tu nos admittite. Excludimus post delictum in nos ab omni familiaritate nostrā, exclude & tu à tuā. Non fidimus; non fide. Non credimus illis nostrā; non crede nobis tuā. Non facimus illos socios bonorum & honorum nostrorum; nec tu facias nos tuorum. Nos debitores nostros ad Leonem, ad crucem postulamus; tu quoque nos, qui tui debitores sumus, Leoni & cruci obice. Non parcimus; non

parce.

*a* Luc. c. 6. v. 37. & 38. *b* Luc. eod. c. v. 31.

*c* Tob. c. 4. v. 16.

parce. Nos sententiâ nostrâ inimicos nostros ad inferos damnamus; quid restat Domine, quàm ut nos etiam eodem deturbes? Hæ vestræ, Christiani, orationes sunt.

Aut ergo dimittite, aut vestris ipsi sententiis perite. Si preces placet fundere non irritas, videte, (quod Augustinus monuit) ut geminas habeat alas oratio; ignoscere delinquenti, donare egenti; veniam hosti, monetam pauperi. Hæc Augustinus discretissimè pro suggestu non solum explicans, sed altè animo infigens & identidem inculcans: Ecce, inquit, post sermonem sit Missa catechumenis. Manebant fideles; venietur ad locum orationis. Scitis, quod accessuri sumus, quid prius Deo dicturi sumus? Dimitte nobis debita nostra: sicut & nos dimittimus debitoribus nostris. Agite, ut dimittatis, agite. Venietis enim ad ista verba orationis, quomodo ea dicitis, quomodo nō dicitis? Postremò interrogo, dicitis, an non dicitis? odisti, & dicis? Respondetis mihi, ego non dico. Oras, & non dicis? odisti, & dicis? oras, & non dicis? Citò respondeo Ergo si dicis, mentiris: si non dicis, nihil mereris. Observa te, attende te. Modò es oraturus, dimitte ex toto corde. Litigare vis cum inimico tuo, prius litiga cum corde tuo. Litiga, inquam, litiga cum corde tuo. Dic cordi tuo: Noli odisse. Illud autem cor tuum, animus tuus odit adhuc. Dic animo tuo, noli odisse. Quomodo orabo, quomodo dicam, Dimitte nobis debita nostra?

# 170 RHETORICA CALESTIS.

nostra? possum quidē hoc dicere, sed quod sequitur, quomodo dicam? sicut & nos? Quid? sicut & nos dimittimus. Vbi est fides? Fac quod dicis, sicut & nos. Sed non vult dimittere anima tua, & contristatur, quia dicis ei: Noli odisse. Responde illi: quare tristis es anima mea, & quare conturbas me? Quare tristis es? Noli odisse, nec perdas me. Quare conturbas me? Spera in Deū. Langue, anhelas, & agitudine sauciaris. non potes tibi tollere odium. Spera in Deum, medicus est, pro te pepēdit in ligno nondum est vindicatus. Quid vis vindicari? Idē enim odisti, ut vindiceris. Vide pendentem Dominum tuum, vide pendentem, & tibi de ligno tanquam de tribunali præcipientem. Vide pendentem, & tibi languenti de suo sanguine n. medicamentum facientem. Vide pendentem, si vindicari vis. Vindicari vis? vide pendentem audi præcipientem, Pater ignosce illis, quia nesciūt, quid faciūt. Sed potuit hoc Christus, dicis mihi, ego non possum. Ego enim homo sum, ille Deus: homo ego, homo ille, Deus homo, Deus ergo ut quid homo, si nō corrigitur homo? ed ecce tibi loquor, ô homo, multum est ad te imitari Dominum tuum, attende Stephanum conservum tuum. Certē Stephanus sanctus, homo erat, an Deus? homo erat, planē homo erat: hoc erat quod tu. Sed quod fecit, non fecit, nisi donante illo, quem rogas & tu. Ecce quid est requiescere, pro inimicis orare. a

Hic  
a Aug. 10. 10 serm. 237. de temp. c. 8. & 9. mi-  
bi pag. 385.

H  
ing  
nio  
nio  
nos  
nam  
orat  
mos  
adju  
Sira  
in fi  
omn  
dun  
ad l  
gno  
Sa  
plo  
Cur  
rant  
ro,  
olea  
lo n  
tio i  
mife  
diam  
te, &  
cū  
bis L  
tieri  
fron  
a Tob  
b Ec



## §. 4.

Hic unicum illud & aureum sexcenties ingeminandum: Bona est oratio cum jejuniō & eleemosynā. *a* Ventri meui à jejuniō? saltem oculos pande, & refice jejunos pauperes. Inediam refugis? eleemosynam saltem tuis precibus junge. Bona est oratio, bona est, optima est, sed cum eleemosynā. Hæc enim non tantum orationem adjuvat, sed & ipsa orat. Quod testatus Siracides: Conclude, inquit, eleemosynam in sinu pauperis, & hæc pro te exorabit ab omni malo. *b* Adeo namque ad impetrandum potens est, ut etiam te tacente clamet ad Deum, & impetret, quæ tibi Deus cognoverit expedire.

Salomon ad ingressum oraculi in templo gemina fecit ostiola è lignis oleaginis. Cur non è lignis Setim, quæ cariem ignorant, cur non è cedro? Imò cur non ex auro, cum id loci religio posceret? Rectè oleam adhibuit, ut orationis locus symbolo misericordiæ insigniretur: ut enim oratio impetret, misericordia persuadet. Beati misericordes, quoniam & ipsi misericordiam consequentur. Hinc illud Christi: Date, & dabitur vobis. *c* Date vos pauperibus, cum panem aut vestem petunt, & dabit vobis Deus, cum æternam beatitudinem petieritis. Quod si his minima negatis; quæ fronte, quo jure maxima Deum rogatis? *a* Tob. c. 12. v. 8.

I

Eadem

*b* Eccli. c. 29. v. 15, *c* Luc. c. 6. v. 38.

172 RHETORICA CÆLESTIS.

Eâdem quippe mensurâ, quâ mensi fueritis, remetietur vobis : Vos pauperes non auditis, nec vos Deus audiet æqualissimâ prorsus mensurâ. Quod Chrysostomus instillans : Cum, inquit, defeceris orans, & non acceperis, cogita, quoties pauperem audisti petentem, & non exaudisti. Et tu quidem hoc ex crudelitate facis, Deus autem ex benignitate, <sup>a</sup> imò ex iustitiâ.

Ita igitur orationi eleemosynam iunge, ut tibi liceat hoc modo precari : Domine, ego cum ipsa sim miseria, pauperes tuos exaudivi ; tu cum ipsa sis misericordia, non exaudies me pauperem?

Exaudiëris, certus esto, eâdem mensurâ, quâ mensus es, remetietur tibi : Danti dabitur. Conclufisti in sinu pauperis eleemosynam, & hæc pro te ab omni malo exorabit.

<sup>a</sup> Chrys. hom. 79 ad populum.

§. 5.

Quartus Rhetoricæ cælestis color, *Resignatio*, quam vocant, seu, Indifferentia & Convenientia cum divinâ voluntate.

Christum è monte descendentem homo leprosus, prono corpore adorans: Domine, agebat, si vis, potes me mundare. <sup>a</sup> Brevissima quidem oratio, sed perfectissima. Tantum habuerunt momenti, gemina solum syllabulæ illæ : SI VIS. Aded exacta est precandi hæc formula, ut eam ipsam Christus Dominus in summis angoribus obser-

vans

<sup>a</sup> Matth. c. 8. v. 3.

LIBER I. Cap. XII. 173

vans dixerit: Pater, si vis, transfer calicem istum à me. *a* Hæc eadem omnium orationum nostrarum sit clausula, *Domine si vis*. Diversissimæ sunt orationes nostræ, prout variant calamitates nostræ. Est, qui oret: Domine in morbo sum, totius corporis doloribus oppressus, libera me. Bona oratio, si ei non desit clausula, *SI VIS*. Alius precatur: Deus fons omnium thesaurorum, extrema me paupertas conficit, tu tantum victui meo tribue necessaria. Oratio licita, modò pauperculus hic addat: *Domine si vis*. Plurimi sic orant: Pro tuo honore, Deus, honores & dignitates quero: ad tuam gloriam hoc illudve munus expeto: jube consequar, quod ambio. Orationem hanc non damnamus, modò clausulam ei orator minerit hanc apponere; *Domine, si vis*. Non nemo sic orat: Vxorem ducere decrevi, sed à nummis, formâ, virtutibus egenam nolle. Tu Deus qui nuptiale foras in paradiso sanxisti, da divitem, da formosam, da virtute præditam. Non iniquæ sunt hæc preces, sed maximè his addendum: *Domine, si vis*. Quam multi doctrinam & eruditionem variam petunt, malè petituri, nisi & hunc epilogum adjungant: *Domine, si vis*. Est, qui cum psalterio regio vociferetur: Eripe me de manu inimicorum meorum, & à persequentibus me. *b* Sed & huic precationi addendum, quod addidit psalter: In manibus tuis sortes meæ. Hoc est, ego, Domine, paratus sum in utrumque, prout

I 2

*a* Luc. 22. v. 42. *b* Ps. 37. v. 16.

prout tibi visum fuerit : Si vis, potes me saluum inimicis meis subducere, si vis, potes me iis proterendum relinquere. Quæcunque fors è manu tuâ prodierit, mihi placebit. Scis, Domine, quàm nec ipsum mihi cælum, nec ipsa quidem placeret beatitudo contra tuam voluntatē, quantò minus mea, vel alterius valetudo poterit placere, si me vel alterū valere tibi displiceat? Domine, si vis, fiat, quod oro. Sin autem nolis, non fiat, obsecro, non fiat, quod peto. Melius est, repulsam pati, te volente, quàm votorum summam assequi, nolente te. Si vis, Domine, & prout vis, ita fiant omnia.

Preciosissimus hic orationis color est, & qui nostris pictoribus ultramarinum dicitur. <sup>a</sup> Absque indifferentiâ & resignatione nulla potest placere oratio.

Quæsierat olim quispiam è socio divi Francisci, Æg dio : Quid tandem faciendum sibi censeret, quod DEO gratissimum foret? Ægidius ut erat festivæ sanctitatis, canere incæpit: Unus uni, unus uni. Hæsit nonnihil alter, & fastus est, se non assequi hoc responsi genus. Cui Ægidius: Tu, inquit, unicam habes animam, hanc unico Deo sine omni impedimento, ita integrè ac indifferenter trade, tanquam tu solus & DEVS in orbe sint. Quidquid tu DEVM rogaveris, & quidquid tibi Deus concesserit, hoc animo quàm resignatissi-

mo

<sup>a</sup> Ciu nintzigs Loth vmb 40. Thaler/ vor Zeiten vmb 100. Golderonen.

mo accepta. a Hæc pretiosa est oratio.

Hanc resignationis virtutem Religiosus Ecclesiastes insigniter ob oculos ponens: Vitâ, inquit, & doctrinâ suâ Dominus id in nobis efficere voluit, & intendit, ut libero, resignato, ac immobili ferre discamus animo, si ab aliis fallaces ac seductores vocemur, seu alia quâlibet verborum in nos cogerantur jacula & injuriæ; quibus bonæ famæ & existimationis nostræ vitietur integritas: si præterea non verbis tantum, sed operibus quoque infestemur, si corporis nobis subtrahantur necessaria, si non solum temporalia, quibus carere non possumus, nobis denegentur, sed ipsis quoque corporibus nostris injuria inferatur, & læsio, cui infirmitas succedat, aut alia quævis pœna, seu dolor irrogetur, quæ iisdem corporibus nostris molestiam possint adducere. Si præterea omnes actus nostros meliori, quo possumus, modo perficiamus, & ipsos nihilominus alii quàm pessimè interpretentur. Insuper ut hæc non solum ab hominibus feramus æquanimiter, sed ipsa quoque Domini flagella patienter toleremus, si nobis præsentis suæ consolationem subtrahat, adeoque se à nobis elonget, ac si inter ipsum & nos murus sit interpositus: & si in labore & angustiis nostris, pro solatio & ope ad ipsum venientibus talem se nobis exhibeat, velut si oculos ad nostri occludat occursum, neque videre, neque

I 3

audire

a Chronicon S. Francisci parte 2. l. 7. c. 20. msh  
pag. 271.

176 RHETORICA CAELESTIS. !

audire nos volēs, ſoloſque nos in afflictio-  
nibus, ac miſeriis noſtris certare ſinat, ſicut  
& ipſe à patre ſuo relictus fuit. In his om-  
nibus in ejus nos divinitate abſcondere de-  
bemus, ut in ipſâ noſtrâ deſolatione im-  
mobiles permanentes, in nullâ mortali  
creaturâ vel negotio ſolacium quæramus,  
niſi in illo duntaxat verbo, quod & Chri-  
ſtus ipſe dicebat: *a* Fiat voluntas tua. *b*

Quocirca breviffima hæc clauſula, *Sivis*  
*Domine*, tam venuſtus, quàm gratus ora-  
tionis color eſt.

*a* Matth. c. 26. v. 42. *b* Taulerus in Inſtitut.  
c. 15. mihi pag. 35.

§. 6.

Quintus orationis color eſt, *Animi cla-*  
*mor*. Hec aſſiduum fuit psalmographo He-  
breo, vociferari precando & clamare. Hinc  
illud ſexcenties ingeminat, voce meâ ad  
Dominum clamavi. Ad te, Domine, cla-  
mabo. Ad te, Domine clamavi totâ die.  
Clamavi in toto corde meo, exaudi me,  
Domine. *a* Scio equidẽ, Domine, quàm duo  
hæc ſeſe fideliter conſequantur, homo toto  
corde clamans, & DEVS exaudieſ: ubi cla-  
mor precantis tam ſerius, ibi promptiffi-  
mus annuentis aſſenſus. Hinc David de  
omni corde ſuo laudavit Dominum. *b*

Hinc rectè dixit Gregorius: Tanto mi-  
nùs quis clamat, quantò minùs deſide-  
rat.

*a* Pſal. 3. v. 5. Pſ. 27. v. 1. Pſ. 81. v. 10. Pſ. 118,  
v. 145. *b* Eccleſ. c. 47. v. 10.

rat. Consideremus hic, obsecro, tria fratrum paria, Abelem & Cainum, Gallum & Iulianum, Pharisaum & Publicanum. Hos duos etiam inter fratres numero, quos Christi concio societate tam arcta copulavit.

Abel & Cain orârunt ambo, sed effectus dissimillimo. Respexit Dominus ad Abel, & ad munera ejus. Ad Cain autem & ad munera ejus non respexit. <sup>a</sup> Quid causæ dixerimus fuisse? suum uterque sacrificiū perfecit, Deum uterque invocavit: non placuit uterque. In Abelem conijciuntur oculi, avertuntur à Caino. Quid tandem causæ? Abel utique oravit seriò; clamavit in toto corde suo, litavit Domino, & perlitavit. At verò Cain remissiore animo, non id quod optimum habuit, sed vilius aliquid de fructibus terræ adolevit: sed Abel, quod reperit selectissimum de primogenitis gregis sui, & de adipibus eorū obtulit: <sup>b</sup> in toto corde suo clamavit. Hinc ad Abelis, non ad Caini dona Dominus respexit. Atque ut Symmachus & Aquila loquuntur, *Delectatus est*. Quo autem id signo Deus huculentum fecit? igne cælitus demisso in Abelis, non in Cain sacrificiū. Ita præsei Patres Cyprianus, Cyrillus, Hieronymus, Chrysostomus, Theodotion asserunt, quorum verba sunt: Inflammavit Dominus super Abel, & sacrificium ejus, super Cain autem non inflammavit. Hæc nobis bono erunt hac ratione.

I 4

Quando.

<sup>a</sup> Genes. c. 4. v. 4. & 5. <sup>b</sup> Ibid.

Quando nos orationem animo remisso ac frigido non solum incœperimus, sed eodem etiam finierimus, in nos ipsos rectè pronuntiabimus: Non inflammavit Dominus super me & sacrificium meum. Sed & causam addamus: Non Abel, non David, sed Cain fui; non clamavi in toto corde meo.

Gallus & Iulianus fratres Constantii Imperatoris filii, ambo clerici, sed sibi dissimillimi. Quales autem ipsi, talis erat & oratio ipsorum. Hi fratres duo à fundamentis ædem sancti Mamantis struere cœperunt, sumptus & operas partiti. Quidquid Gallus ædificavit, stabile fuit. Quod Iulianus cœdedit, totum corruit, ipsis etiam fundamentis è terrâ velut indigna bundâ eiectionis. Quid causæ tam disparis successus in unâ eademque structurâ? Iulianus ex asse nequam nõ clamavit in toto corde suo, Christianum simulavit, dum diadema & purpuram obtinuit Dei perduellis. Idcirco non inflammavit Dominus super sacrificium & preces hominis tam insigniter improbi. At verò Gallus Iuliani frater optimo animo utens, summâ fide, clamavit in toto corde suo. Propterea super sacrificium illius inflammavit Dominus, hujus ædificium surrexit, hunc Deus exaudivit. Tanti est in toto corde suo clamare ad Dominum.

Pharisæus & Publicanus eodem tempore, in eodem templo preces planè impares iniecerunt. Pharisæus aded non clama-



vit in toto corde suo, adeò non serius oravit, ut nec oraverit quid dē, ut ingeniosè dixerit Augustinus: Quid Phariseus rogaverit DEVM, quare in verbis eius, & nihil invenies. Ascendit orare, noluit Deum rogare, sed se laudare. *a* Siquidem Lucas articulatè: Phariseus stans, inquit, hæc apud se orabat. *b* Hęc oratio non nubes penetrabat, sed domini sui gratulabundo sinu se occultabat.

In uno aliquo nosocomii hypocausto ægrotorum complurium diversi gemitus & suspiria eduntur, nec alia ferè auditur musica, quàm illa miserabilis ah ah, heu heu, oh oh. Nosocomus etsi ad mensam illius hypocausti sedeat, & plorabiles illas voces audiat, non tamen se loco movet, non surgit, illud animo volvens: iam assueverunt aures meæ huic musicæ, nec manū hæc quiritationes petunt: Quòd si ægrotorum aliquis clamare incipiat, *luate, obsecro, juvate*, tunc loco surgit, & ad ægrum accurrit, auxiliarem manum commodaturus. Haud aliter Deus nobiscum agit, nos homunculi miseri dum vivimus, in nosocomio sumus variis afflicti morbis, variis pressi ærumnis, diversis ingemiscetes cladibus plurimum laboramus. Hinc gemitus & suspiria, hinc preces & obsecrationes multæ, sed non æquè multi clamores audiuntur. Paratus est Deus velut nosocomus accurrere & auxiliari, sed non cujusvis vocibus mo-

I s . . . . . vetur

*a* Aug. rom. 10. serm. 36. de verbis Dom. cir ea  
*med. b* Luc. c. 18. v. 11.

180 RHETORICA CÆLESTIS.

vetur, non quasvis exaudit preces: clamoribus, hoc est, valdè seriis ac fervidis precationibus ad opem ferendam persuadetur. Ergo contende vocem, clama, mi æger, clama, clama, & juvaberis.

At verò Publicanus, ut verbis Augustini loquamur, pœnas de seipso exigebat, proptereà Deus confitenti parcebat. Nam peccatusuum percutiebat, clamabat in toto corde suo.

Atque hic serius est orandi modus: Clamemus in toto corde nostro, & effundamus sicut aquam cor nostrum, ante conspectum Domini. *a* Ita haud dubiè David, ita Daniel, ita Iudith, ita Susanna, ita tot alii orârunt; clamârunt in toto corde suo. Qui inter nos ore compresso muginatur & mustat, cum ut in mores delinquentem corripimus hac voce: Clariùs, clariùs; pande os. Tu verò pande cor, quisquis oras, nec orasserid; vociferare, & clama in toto corde tuo, & inflammabit Dominus super sacrificiũ tuum. Fervor devotionis est animæ lingua, sine hac muta est anima.

Hebraeus rex David: Elevaverũt, inquit, flumina vocem suam. *b* Res creatæ omnes modo, quo possunt, clamant, & laudant Deum. Nos homines rationis compotes, non patiamur, obsecro, nos clamando vinci, clamemus in toto corde nostro. Cum hominibus subinde fabulari licet: colloquium cum Deo, negotiorum summum est, cum curâ semper & serid institundũ.

Hinc

*a* Thren. c. 2. v. 19. *b* Ps. 92. v. 3.

LIBER I. Cap. XIII. 181

Hinc rectè dixit Hieronymus. Malo unum psalmum cum hilaritate mentis decantare, quàm totum psalterium cum torpore, fastidio, & acedia.

CAPVT XIII.

*Quatuor oraturo monita.*

**D**EVS olim ut rem grandem pollicitus : Faciam, inquit, mirabilem in die illâ terram Gessen, in quâ populus meus est, ut non sint ibi muscæ. Contrà minatur toti Ægypto: Immittam in te omne genus muscarum, & implebuntur domus Ægyptiorum muscis diversi generis. Exiguum & vile animalculum musca, sed grande fuit ac miserabile supplicium à muscis ita cruciari.

Qui orat, & cogitationibus vagis non singulari studio repugnat, miser est Ægyptius, de quo verissimè dicatur: *Impleta est domus illius muscu diversi generis.*

Qui verò eâ orant animi contentione, ut tumultuanti cogitationum turbæ pro viribus resistent, mentemque ad Deum ardentè erigât, hi sanè inter Ægyptios idololatrias non numerandi veniunt, è populo Dei sunt, in domibus eorum muscæ non sunt. Atque hinc, quales sint, noscuntur: Facta est mirabilis terra Gessen, ut non sint ibi muscæ.

I 6 De

à-Exod. c. 8. v. 21, & 22.

De hoc muscarum examine coërcendâ hæctenus locuti sumus. Nunc porrò tam hoc quàm sequenti capite præceptiones seu monita novem subjiciemus illis perpendenda, qui suum cum Deo spiritum cupiunt conjungere; qui conantur, ut supra demonstratum est, in toto corde suo clamare.

## §. I.

Monitum primum: Oratio inambulans & vaga, sterilis est labor. Veniâ tuâ, mi homo, quæserim ex te, cum cubiculum aut templum ingrederis, quid facere cogitas? Orare, inquis: Ergo rectè ora. Hæc agendi norma, si in ullo negotio, in isthoc certè valeat: Quod facere vis, fac bene. Nam oratio tam segnis & incustodita, nihil impetrat, imò nec oratio quidem est, sed vanus & inanis sermo, flumen verborum, sed non pisculentum. Qui sic orat, Deum potiùs irridet, quàm ut laudet. Quod Basilus Magnus astrués: a Divinum auxilium, inquit, est implorandum non remissè, nec mente huc vel illuc evagante: talis enim non solum non impetrabit, quod petit, sed Deum magis irritabit, Aliquam ejus causâ subjiciens Bonaventura: Valde indecens est, ait, ut quis cum Deo loquatur ore, & aliud meditetur corde. Nō afficitur erga Deum, qui aliud cogitat, aliud loquitur.

a Basil. serm. cujus inscriptio est, *Institutio ad vitam perfectam, & de orando Deo: post med.*

LIBER I. Cap. XIII. 183

tur. a Quid talis oratio impetret, quæ nec quidem rogare novit? Siracides ad architecturam respicias: Unus ædificans, ait, & unus destruens, quid eis prodest nisi labor? b Haud aliter, si ædificet lingua, cor destruat, labor est iste illissimus. Hoc igitur versetur in corde, quod profertur ab ore.

Monitum secundum. Oratio vaga & inambulans, nō sterilis tantū, sed & noxius labor. Ejusmodi namque oratio non solum nihil impetrat, sed & nocumentū adfert. Augustino teste, Oratio justi clavis est cæli, ascendit precatio, & descendit Dei miseratio. Hæc autē cæli clavem pravè detorquet, quisquis orat, interim tamen quid oret, ipsemet ignorat. Vnde triplex oranti damnum. seram destruxit, clavem fregit, locum non aperuit: c Ita prorsus, qui animo in oratione tam vagus fuit, tempus perdidit, Deum offendit, cælum non reſeravit. Pulcherrimè dixit & verissimè Augustinus: Oratio oranti est præsidium, Deo sacrificium, dæmoni flagellum. Quod si nullus sit orantis ardor, nulla attentio, ver-  
tamur, & cantemus: Oratio oranti est nocumentum, Deo ludibrium, dæmoni gaudium.

Importuni profectō & miseri locutores sunt, qui garriunt, & blaterant ut ebrii, aut

I 7

ut

a Bonav. l. de perfect. vitæ, c. 15.

b Eccli. c. 34. v. 28. c Verub den Schlüssel.  
Chrysost. serm. 2. de Eliâ: Clavis cæli sit sermo  
Eliæ sanctissimi. Iubet enim & claudatur  
cælum; orat postmodum & aperitur.

# 184 RHETORICA CAESTIS.

ut irati, aut etiam ut limphatici & infani. Ebbriis lingua in udo est; hinc verba lapsantia merguntur luto. Iratis lingua felle ac veneno natat; hinc verba virulenta mortem propinant. Lingua phreneticis in igne est; hinc verba furiata volant & flammea. Etsi ebrius, iratus, fanaticus toto die loquantur, nihil promovent, quod enim diutius garriunt, tantò minis proficiunt. Talis omnino est, qui ignorat, quid orando dicat; temulentus, fremebundus, rabiosus fabulator est, & tamen audet coram supremo Rege verba facere: quod plus loquitur, plus offendit; lingua illius fel & ignem vomit. Nec placere potest tam insolens futilitas.

Oscas Israël's ruinam deflens: Lappa, inquit, in tabernaculis eorum; sacrificium eorum quasi panis lugentium, omnes, qui comedent eum, contaminabuntur. Panis lugentium, panis sordibus, cinere sparsus & obductus est. Nauseat Deus tam immundos panes. Sed & illud Prophetæ perpendendum: Lappæ in tabernaculis eorum. Lappa hamatum lolii genus est, vestibus adhærens. Homo ad preces imparatus, alia omnia quàm quod facit, cogitans, hamatis vepribus, tribulis & lappis plenus est; Deū nihilominus ad colloquium audet evocare. Non placat iram hæc oratio, sed provocat. Oratio incustodita labor noxius.

a *Osec. 9. v. 4. & 6.*

6. 4.

Monitum tertium: Orare maxima hominibus

minis est dignitas. Hominem Deus honore summo afficit, cum illum & quoties & quamdiu vult, secum colloqui permittit. Ingrediamur aulas, obsecro, & obstupescemus tantum argenti & auri effundi ad propitias Principum aures impetrandas. *a* Quandoque non hebdomades solum, sed menses, sed & annos totos expectandum est, dum Principis conclave & aures pateant oratione acturo. Ad Deum immensæ majestatis Dominum omni horâ, momentis omnibus patet aditus. Rex cæli nunquam non propitias & vacivas habet aures. Importunitatis hic nemo infimulatur. Gravior est, qui frequentior, & importunior. Adeste terræ vermiculi, prorepite scarabæoli, accurrite homunculi miscelli; liberrimum vobis est cum conditore vestro colloquium. Nec est, quod vel causæ vestræ vel facundiæ quidquam diffidatis: quò simplicius perorabitis, hoc melius, modò non frigeat, aut exeret oratio vestra: modò eum, quem rogatis, ex oculis non vestrâ sponte amittatis. Cassiodorus id asserens: Ad penetralia judicis, ait, precator admittitur, & nullus inde respuitur nisi qui tepidus invenitur. *b*

Chrysostomus hanc hominis cum Deo suo colloquentis tantam dignitatē expendens, sic ratiocinatur. Nos quidem Angelis dissimillimi, eodem tamen jure, imò meliori, quantū ad hoc, vivimus; nam illi, dum orant, faciem & pedes convelant, nos

ulcera

*a* Vmb gnädige Hödientz. *b* Cassiod. in psalm.

## 186 RHETORICA CALESTIS.

ulcera nostra & quidquid in nobis fœdum est, detegimus, & magnâ fiduciâ Deo adstamus velut intimi domestici. Verba Chrysostomi sunt : Quantæ dignitatis sit hominem cum D E O miscere sermonem, neminem latet. Ceterùm eam dignitatem oratione consequi, nemo prorsus valeat: quandoquidem hic honos etiam Angelorum superat majestatem : quod ipsi probè intelligentes, apud Prophetas describuntur omnes multo cum tremore, laudes & cultum Domino offerentes, facies quidem ac pedes ob ingentem reverentiam tegentes, volatu verò, dum non valent in quiete manere, magnum tremorem declarantes : nimirum & nos illud interim docentes, ut tantisper dum oramus, humanæ naturæ obliviscamur, sed occupati mentis alacritate simul & tremore, nihil respiciamus rerum præsentium, sed existimemus nos in Angelorum medio consistere, idemque sacrificium cum illis peragere. Nam in reliquis multum discriminis est inter conditionem illorum, & nostram: sive naturam expendas, sive vivendi genus, sive sapientiam, sive intelligentiam, sive quidquid aliquis recensere possit. Ceterùm orare commune est opus Angelorum pariter & hominum, neque quidquam interest inter nostram naturâ, & illorum, duntaxat quod attinet ad deprecationem. Hæc te separat ab mutis animantibus, hæc te sociat Angelis: quin facillè fiet, ut quis in illorum civitatem transferatur, in illorum vitam & consor-



consortium, ad illorum honorem, utilitatem, sapientiam & intelligentiam, qui per omnem vitam precibus ac divino cultui vacare studuerit.<sup>a</sup>

Orare, seu loqui cum Deo summæ non solum utilitatis, sed & dignitatis est.

DEVS olim cum Mose locuturus, quantum ceremoniarum & moræ voluit præmitti? Spectabat Moses ardentem rubum, & accedere festinabat, sed repressis audit: Ne appropies huc; solve calceamentum de pedibus tuis, locus enim, in quo stas, terra sancta est. Et abscondit Moses faciem suam, non enim audebat aspicere contra Deum. <sup>b</sup> Cùm tamen Angelus tantùm cum Mose sit locutus, Dei autem nomen præ se tulerit, quia personam Dei sustinebat. <sup>c</sup> Nos autem sine ceremoniis, & sine morâ, quocunque volumus momento, cum Deo loquimur. Orare summa hominis est dignitas.

<sup>a</sup> Chrys. tom. 5. de orando Deo l. 2. initio mihi pag. 591. <sup>b</sup> Exodi c. 3. v. 5. & 6.

<sup>c</sup> Communis Theologorum sententia est, omnes Dei apparitiones in veteri Testamento factas per Angelos. De Mose clarissimè Actor. c. 7. v. 30. Apparuit illi in deserto montis Sina Angelus in igne flamma rubi.

## §. 3.

Monitum quartum: Enunciata priscorum Patrum expendenda. Quid, quæso, sæpius, quid gravius & constantius sanctissimi

simi scriptores inculcârunt? orationem attentam. Ex omni sanctorum Patrum numero, tres solum hîc sisto : Augustinum, Chrysostomum, Bernardum. Augustinus ad excitandum segniter orantium torporem: Multi, ait, languescunt in orando, & in novitate suæ conversionis ferventer orant, postea languidè, postea frigidè, postea negligenter. Quasi securi fiunt. Vigilat hostis, dormis tu? Ego non deficiamus in oratione. Ille quod concessurus est, etsi differt, non aufert. Securi de pollicitatione ipsius non deficiamus orando, & hoc ex beneficio ipsius est. Propterea dixit: Benedictus Deus meus, qui non amovit deprecationem meam, & misericordiam suam à me. Cùm videris non à te amotam deprecationem tuam, securus esto, quia non est à te amota misericordia ejus. Quamdiu ergo hîc sumus, hoc rogemus Deum, ut non à nobis amoveat deprecationem nostram, & misericordiam suam; id est, ut perseveranter oremus, & perseveranter misereatur. *a*

Non est locus, ubi non sit DEVS. Cùm autem oras, clamas non voce, sed mente. Nam & tacentes exaudit Deus; nec queritur locus, sed sensus, sed spiritus. Hieremias in carcere confortatur. Daniel inter leones exultat. Tres pueri in flammarum medio tripudiant. Iob nudus & ulcerosus in sterquilinio triumphat. Isaias Deum in atrocissimo supplicio laudat. Stephanus

Dei

*a Aug. tom. 8. in ps. 65. fine, mihi pag. 278.*

LIBER I. Cap. XIII. 189

Dei filium inter saxorum nimbos prospētat. Paradisum in cruce latro impetrat. Non est locus, ubi non sit Deus. Benedicamus igitur Dominum, in omni loco, & in omni tempore.

Chrysostomus orantis intentionem insigniter extimulans: Omnes quidem oramus, inquit, sed non omnes in conspectu Domini. Etenim cum corpore in terrā prostrato, & ore frustra delirante, mens ubique per domum ac forum circumvagatur, quo ore talis posset dicere, quod oraverit in conspectu Domini? Nam in conspectu Dei orat, quī orat undequaque colligens suam mentē, nihil habens cum terrā commercii, sed ad ipsum Deum totus commigrans, omni cogitatione humanā ab animo depulsā.

Idem Constantinopolitanus præsul: Iubet Christus, inquit, ut anima interiorem ingrediatur intellectum, quando orat, ut nihil cogitet, nisi de quo orat, & quem orat, ut claudat ostium sensūs sui carnalis, ut omnes cogitationes carnales, & sollicitudines foras excludat. Si autem orans de carnalibus rebus cogitaveris, non introisti in interiorem intellectum, nec clausisti sensūs ostium: & ideo tacitē cum cogitationibus superfluis anima loquens, orationis perdit tempus & fructum. Secundum hoc & illud superius intelligi potest. In mediā enim synagogā orat, qui in medio

multi-  
a. Chrys. tom. 1. hom. de fide Anna, ante med.  
mih. pag. 491.

multiitudinis malorum cogitationum orat, undique mundialibus sollicitudinibus circumdatus. Quando enim orans cogitat de uxore, de filiis, de mancipiis, de domo, de possessionibus, de pecoribus, de militiâ, de lucro, de capsis, & aliis, quæ sunt innumerabilia, quæ super eor incautè orantis ascendunt, nonne tibi videtur hæc synagoga malorum? omnes enim istæ variæ species cogitationum, diversi sunt immundi spiritus. Quomodo ergo non in mediâ synagogâ orat anima tua, quando tot secum immundos spiritus habuerit spectatores & colloquente? *b*

Hæc à se dicta Chrysostomus explicatissimè confirmans: Tu, inquit, non audis orationem tuam, & dominum vis audire precem tuam? Flexi, inquis, genua. Curvâsti quidem genua intus, sed mens tua foris prius vagabatur. Corpus tuum intus, sed sensus foris; os quidem loquebatur, sed mens usuras cogitabat, possessionum redditus supputabat, descriptiones domorum videbat, amicorum verba volvebat, negligentias intuebatur famulorum, parasitorum urbanitates ridebat, mulierum specie considerabat. Diabolus enim, cum sit astutus, scit, quoniam in tempore orationis grandia postulemus, & sapius impetremus, impedire festinat improvidas mentes. Hinc cum ad orationem venimus, cogitationum nos opprimunt nubes, ut nos

avocent,

a *De Cistâ, loculû, marsupii* b *Chrys. tom. 2. hom. 13. in c. 5. Matth. mihi pag. 737.*

LIBER I. Cap. XIII. 191

avocent, & sine fructu efficiant. Labia solummodò moventur, mens autem sine fructu est, & aures ejus surdæ sunt. *a*

Bernardus cum Chrysostomo ad idem institutum collineans: Vbicunque, ait, fueris, intra te ipsum ora. Si longè fueris ab oratorio, noli quærere locum, quoniam tu ipse locus es. Si fueris in lecto, aut in alio loco, ora; & ibi est templum. Frequenter orandum, & flexo corpore mens est erigenda ad Deum. Sicut enim nullum est momentum, quo homo non utatur, vel fruatur Dei bonitate & misericordiâ, sic nullum debet esse momentum, quo eum præsentem non habeat in memoria *b*

Sed est non nemo, qui conqueratur cum Bernardo, dicatque: Nihil est in me corde meo fugacius; quod quotiens me deserit, & per pravas cogitationes diffinit, totiens Deum offendit. Cor meum, cor vanum, vagum & instabile, dum suo ducitur arbitrio, & divino caret consilio, in seipso non potest consistere, sed omni mobili mobilius per infinita distrahitur, & hac atque illac per innumera discurret. Et dū per diversa requiem quærît, non invenit, sed in labore miserum, à requie vacuum manet: sibi non concordat, à se dissonat, à se resistit, voluntates alternat, consilia mutat: ædificat

*a* Idem hom. 17. in Matth. mihi pag. 1037.

*b* S. Bernardus lib. de Anima cap. 6. mihi pag. 1056. Ibid. cap. 7. Et de modo orandi pag. 1131. & serm. 86, & ult. in Cantico sine.

192 RHETORICA CÆLESTIS.

ficat nova, destruit vetera, destructa reedificat, eadem iterum atque iterum alio & alio modo mutat & ordinat, quia vult, & non vult, & nunquam in eodem statu permanet. *a*

Ergo cubiculum tuum intra, mentem erige, corpus deprime, & ora patrem tuum in abscondito: orationi junge meditationem. Nam per orationem illuminatur meditatio, & in meditatione exardescit oratio. Quid enim homini prodest, si per meditationem, quæ agenda sunt, videat, nisi orationis auxilio, & Dei gratiâ ad ea obtinenda convalescat? Non autem rectè oras, si præter Deum aliquid quæras, quoniam in ipso sunt omnia. Ibi remedia vulnerum, ibi subsidia necessitatum, ibi denique quidquid accipere vel habere hominibus expedit, quidquid decet, quidquid oportet. *b* Hæc priscorum Patrum monita sunt. Sed omnia hæc unicâ Chrysostomi voculâ consignamus. Os illud aureum in Liturgiâ suâ populum attentionis commonefaciens, vocem hanc unicam pro veteri ritu proclamabat, ATTENDAMVS. Hostis orationem turbaturus vigilat, & nos dormimus? Attendamus.

*a* Idem ibid. l. de Animâ c. 9. de instabilitate cordis humani, pag. 1057. Job. 14. v. 2.

*b* Chrysostom. 5. in Liturgiâ mihi pag 1178.

## CAPVT XIV.

*Alia quinque monita prioribus connexa.*

**D**iscipulus Domini Iacobus, modum precandi præcellentissimum suggerit his omnino verbis : Appropinquate Deo, & appropinquabit vobis.<sup>a</sup> Sed sunt nonnulla, quæ nos remorentur. Homo deformis, quò speculo est vicinior, eò etiam est deformior. Speculum enim sine fuco verax suam cuique deformitatem aut formam liberrimè repræsentat. Ita nos deformitati nostræ malè metuimus, ne si Deo totius universi speculo propinquemus, tantò appareamus foediores, quantò sumus DEO propiores. Nec ignoramus, tantò evidentiorum esse indocti hominis infantiam, quantò is cum viro egregiè docto diutius agit : Ita homo ipsa infantia, tantò apparet stultior, quantò divinæ sapientiæ sit propinquior. Eam ob causam Mathois abbas, Pelagio teste, dicere solebat : Quantum homo Deo appropinquaverit, tantum se peccatorem videbit.<sup>b</sup>

Ideo Isaias vates cum dixisset : Vidi Dominum sedentem super solium excelsum. Mox addidit Vir pollutus labiis ego sum.<sup>c</sup> Neque cameli hanc speculorum candidam reprehensionem ignorant, idèò aquas pellicidas a gerrimè ingrediuntur, ne aquæ limpida planities gibbam animalis deformitatem

<sup>a</sup> Iac. c. 4. v. 8. <sup>b</sup> Pelag. libello 13. n. 28. <sup>c</sup> Is. c. 6. v. 1. & 5.

194 RHETORICA CÆLESTIS.

mitatem monstret : ita nos impuri Deum sanctitatis fontem refugimus.

Sed contrà hortatur nos vates regius, & suaviter impellens : Accedite, inquit, ad eum, & illuminamini. Et facies vestræ non confundentur. 4 Audete, & Deum prece supplici accedite; non solum vos humaniter excipiet, sed & oculorum nebulas absterget. Solatio reserit & gaudio. Accedite, & illuminamini. Accedite, operæ non pernitebit. Hoc speculum tantò vos formosiores faciet & lætiores, quantò habueris viciniore.

Capite superiori exposuimus quatuor documenta, quæ impellant & urgeant, ut accedamus, & appropinquemus Deo. Nunc alia quinque prioribus connexa subjungemus.

a Ps. 33. v. 6.

6. 1.

Monitum quintum. Ardor sanctorum hominum orantium inspiciendus. Evolve res gestas Divorum omnium, & in omnibus singulare orandi studium admiraberis. Quam vigilans & serius in orando de seipso David ennuntiat : Deprecatus sum faciem tuam in toto corde meo. 4 Eorum qui ardentè precati sunt, catalogum hinc texere, infinitæ sit operæ. Nos ignotiores nominabimus. Vir sanctus Isaac, tres dies, totidemque noctes continuis precibus exegit. Hunc virum beatus Gregorius

lau.

a Ps. 118. v. 58.



LIBER I. Cap. XIV. 195

laudans : Quem , inquit , multi nostrum  
noverunt. *a* Idem cum Isaaco fecit Sisinnius  
Abbas , qui triduum totum perpetuatis  
precibus occupavit : quo quidem  
tempore nunquam sedit. Beatus Reinerus ,  
voluntario quidem se damnans carcere ,  
quæ tamen animi salutem spectant cum  
iis , qui ad se ventitabant , sedulo tra-  
ctabat ; carnibus nunquam vesceretur , sin-  
gulis diebus Veneris pane solo & aquâ  
inediam tolerabat , quovis dominico & fe-  
sto die , cælesti pane refici volebat , lorica  
nudo pectori appressam assidue gestabat ,  
nunquam nisi asseri , aut nudæ humo in-  
dormiebat. Vir iste adeo rigidæ vitæ , quo-  
tidie trecenties toto corpore in terram  
projectus orabat. Obiit demum Osnaburgi ,  
anno millesimo , ducentesimo trigesimo se-  
ptimo , ubi annis viginti duobus latuit in-  
clusus. Beatus Appollonius , Palladio &  
Ruffino testibus , in Thebaide quingentos  
Monachos velut Provincialis præses gu-  
bernavit. Hic vir centies interdum & centies  
noctu , submissis semper genibus oravit. *b*  
Arsenius omni Sabbato ad cadentem solis  
cursum , ad ejusdem reditum in oratione  
perseveravit. Taceo alios innumeros , qui oran-  
do vim omnem diaboli eliserunt.

Narrat Ioannes Subdiaconus à Iuliano  
apostatâ Imperatore , cum in Persas move-  
ret , diabolum loco tabellarii in occiden-  
tem missum explorandis rebus. Verum

K

aliger

*a* Gregor. l. 3. Dial. c. 14.

*b* Ruffin. Aquil. c. 7. Pallad. c. 52.

aliger hic nuntius decem diebus hæsit, & iter suum expedire nequit. Moram precibus iniecit Publius Monachus, qui, ut Christianis laborantibus subveniret, diebus noctibusque decem panè continuis clamavit ad Deum. Ita rediit ex Orco tabellarius, conatu irritò, effectu nullo: nec negavit importunissimis clamoribus nescio cuius homuncionis se impeditum. Huic Iulianus in reditu caput auferendum minatus est, ipse suum pauldò post amisit. <sup>a</sup>

Ardens & constans orandi studium in Sanctis omnibus videre est. Hinc Chrysostomus liberè pronuntians: Cùm, inquit, videro quempiam non amantem orandi studium, nec hujus rei fervidâ vehementique curâ teneri, continuò mihi palàm est, eum nihil egregiæ dotis in animo possidere. Rursus ubi quem conspexero, insatiabiliter adhærentem cultui divino, idque in summis damnis numerantem, si non continenter oraverit, conjecto talem omnis virtutis firmum esse meditatorem ac Dei templum.

Quisquis non orat Deum, nec diurno colloquio cupit assiduè frui, is mortuus est, & vitâ carens, expersque sanæ mentis. Quemadmodû enim corpus hoc nostrum, si non adsit anima, profectò mortuum est ac foetidum: sic anima nisi seipsam incitet ad orandum, mortua est, & graviter olens. <sup>b</sup> Interioris hominis vita, oratio.

Hanc

<sup>a</sup> Iean. Subdiaconus libell. 2. n. 12. <sup>b</sup> Chryf. tom. 5. l. 1. de orando Deum, mihi pag. 588.

Hanc ob causam nemo sanctorum hominum fuit, qui non totum animum, omnemque curam ad orandi studium adjunxerit. Quot reges & reginæ, omnes Davidis psalmos centum quinquaginta, aut preces canonicas quotidie recitarunt? Quot hominum Religiosorum nostro ævo sunt, qui præter statas orandi vices, quotidie quinque aut sex horas precationi tacitæ impendunt?

Stephanus Capunsachus quotidie quatuor horas post cenam orationi dedit. b Consalvus Mederius quotidie sex horas soli cælestium rerum meditationi attribuit. c Antonius Criminalis quotidie trigesies flexis genibus prolixius oravit. Sebastianus Barradius sacrum facturum duarum aut trium horarum præparationem præmisit. Eo enim precandi studio ferebatur, divinis colloquiis sic assuetus, ut in extremo senio quotidie duodecim horas orationi daret. Obiit Conimbricæ millesimo sexcentesimo decimo quinto. d Franciscus Suarezius Granatensis, qui Theologiæ illustrandæ supra 20. bene grandia volumina conscripsit, quotidie se flagris castigavit, semel duntaxat de die corpus alimoniam refecit, non minus orationi, quam studiis deditus fuit, in omni dubio ad orationis subsidium confugit. Et inde factus est, male se omnium eorum, quæ unquâ didicisset

K 2

jactu.

a Oratio mentalis vulgò dicitur.

b Historia Societatis IESV l. 10. c. 78.

c Eadem l. 12. n. 66. d Die 14. Aprilis.

sacturam facere, quàm vel unicam consue-  
a meditationis horam negligere. Obiit  
Olisiponæ anno millesimo, sexcentesimo  
decimo septimo. a

Quot millia, utriusque sexûs hodièque  
complures horas in singulos dies precibus  
impendunt, quot millia pleramque diem  
orando agunt? cur nos alii ad hoc orandi  
studium tam segnes? si conaremur nôsse  
Deum, faceremus quod ipsi, & magno af-  
fectu colloquia divina frequentaremus.  
Quàm verè dixit beatus Ignatius: O Do-  
m ne, utinam te nôssent homines! Qui  
Deû novit, Dei colloquium assiduè ambit.  
a *Hi omnes Societatis IESV Sacerdotes fue-*  
*runt.*

## §. 2.

Monitum sextum. Exemplum tot beata-  
rum mentium imitandum. Opus Angelo-  
rum Oratio, dicebant prisci: Daniel He-  
bræus vates subtilissimis oculis cælestem  
curiam contemplatus. Millia millium, in-  
quit, ministrabant ei, & decies millies cen-  
tena millia assistebant ei. a Multò plures  
esse Angelos Cyrillus Hierosolymitanus  
asserit, sed eos numero illo designari, quem  
nostra intelligentia meliùs assequeretur.  
Igitur oraturus cogitet, & seipsum his tali-  
bus admoneat: Attende tibi, coram eo  
principe locuturus ades, quem tot centena  
millia, quem tot milliones Angelorû cin-  
gunt: cave linguâ titubes, cave mente ex-  
cidas,

a *Dan. 6. 7. v. 10.*

**LIBER I. Cap. XIV. 199**

eidas, aut aliena inferas sermoni. Heu quàm in hoc negotio cæci sumus, in ceteris oculatissimi!

Regem, obsecro, cogitemus, quem in amplissimo conclavi maxima virorum Nobilium, Baronum, Comitum corona cingit, & hic unico loquendum. Fuerunt non pauci, quos lingua, quos animus & memoria defecit, quos tantæ nobilitatis majestas, mutos & elingues reddidit. Et nos temerè ad colloquium cum Deo irruimus; nulla præparatio, vix ulla mentis compositio, reverentia exigua, attentio nulla: inter mille miliones Angelorum stamus, & tamen nec ad illos respicimus, nec ad eum, quem adoramus; & modò cum Deo loquimur, modò cum homine garrimus, desultoriè animi levitate: sub oratione non tantùm non cogitationes, sed nec oculos cogitationibus minùs celeres continemus.

Quàm illi Oratorum optimi longè observantiores fuerunt tam Dei, quem adorabant, quàm Angelorum, quos ut Dei famulos spectabant. Solymæus rex David ad preces attentissimus: in conspectu Angelorum, inquit, psallam tibi, & confitebor nomini tuo. Sciens videri & observari me à tot centenis millibus vigilantissimorum oculorum. Idcirco cùm velut in theatro agam tot oculis expositus, attentè & circumspectè agam. Si hæc oraturi præmeditemur, à tot Angelis videri nos & audiri, & vel nostram attentionem laudari, vel osci-

K 3 . . . tantiam

a Psal. 137. v. 2.

## 200 RHETORICA CALESTIS.

tantiam nostram & mentem incompressam vituperari, longè attentius precaremur.

Ergo seipsum oraturus hortetur, & dicat: In conspectu Angelorum psallam tibi, Deus meus: Confitebor tibi, Domine, in toto corde meo. *a* Vires meas omnes intendam, ut hoc, quod agendum est, rectè agam.

Clarævallensis Abbas Bernardus, ad necessariam hanc attentionem provocans: Omnino, inquit, oportet nos orationis tempore curiam caelestem intrare, illam utique curiam, in quâ rex regum stellato sedet solio, circumdante innumerabili & ineffabili Beatorum spirituum exercitu. Quantâ ergo cum reverentiâ, quâto timore, quanta illuc humilitate accedere debet à palude suâ procedens & repens ranuncula vilis? Quàm tremebundus & supplex, quàm denique humilis & sollicitus, & toto intentus animo, majestati gloriæ in præsentia Angelorum, in concilio justorum & congregatione assistere poterit miser homuncio? In cunctis igitur actionibus nostris multâ opus est animi vigilantia, sed præcipuè in oratione. Nam licet horâ omni, & omni loco oculi Domini super nos speculentur, maximè tamen in oratione. *b* O verum Bernardi dictum, ô longè verissimum!

Moni-

*a* Ps. 137. v. 2.

*b* Ber. serm. de 4. modis orandi, mihi pag. 401.

## §. 3.

Monitum septimum. Doctrina & instructio Christi attendenda. Nulla est actio humana, in quâ nos tam distinctè, articulatim, & accuratè doctòr cælestis erudierit, atque in oratione. Docuit namque, quid orandum, & ubi orandum, & quomodo, & quo fine, quòve animo, quâ causâ orandum sit. Ut rectè dixerit Guilielmus Perardus: Noluit nos negligenter addiscere, quod voluit tam diligenter docere.

Monitum octavum. Rectè orare Christus non tantùm docuit verbo, sed monstravit exemplo. Nam forsitan quæras, cur Christus oraverit? Id factum asserimus ad institutionem nostram. Ludimagister, cùm inter puerulos, quos docet, litteras appellat, & colligit, non ex ignorantia id facit, sed ut instruat ignorantes. Ita fecisse Christum, aureus Ecclesiastes Chrysostomus affirmans: Sicut enim, inquit, cùm magistrum audis balbutientem, & singulas litteras dicentem, non eum dicis ignorare, cùm interrogat, ubi sit illa vel illa littera; scis, quia non ignorans interrogat, sed discipulû volens instituere: sic & Christus nô opus habens oratione orabat, sed te volens instituere, ut assiduus sis ad orationem, ut sine prætermissione, ut sobriè, ut multâ cum vigilantia ores. <sup>a</sup> Frequentissimam fuisse

K 4. Christi  
a Chrys. tom. 4. in epist. ad Hebr. hom. 27. mihi  
pag. 1626.

202 RHETORICA CAELESTIS.

Christi orationem liber Evangeliorum testatur. Matthæus: Dimissâ, inquit, turbâ ascendit in montem solus orare. <sup>a</sup> Et Marcus: Diluculo valde surgens, inquit egressus abiit in desertum locum, ibiq; orabat. <sup>b</sup> Lucas verò creberrimas Christi orationes his verbis describit: Exiit in montē orare, & erat pernoctans in oratione Dei. <sup>c</sup> Et facta est, dum oraret, species vultus ejus altera. Et factum est, cū esset in quodam loco orans, ut cessavit, dixit unus ex discipulis ejus ad eum: Domine, doce nos orare, sicut docuit & Ioannes discipulos suos. De oratione porrò inter oliveta: Factus, inquit, in agoniâ, prolixius orabat. Nec orare desit in ipsâ cruce Servator. Vix enim cruentam hanc trabem ascenderat, & statim auditus est dicere: Pater, dimitte illis, non enim sciunt, quid faciunt. Toto insuper tenebrarum tempore per tres horas, dum siluit, orâsse credendus est. En optimum ludimagistrum litteras colligentem, & preces adhibentem non sui, sed nostri causâ. Ideò nos compellans: Exemplum, ait, dedi vobis, ut, quemadmodum ego feci, ita & vos faciatis. <sup>d</sup>

Monitum nonum Christi præceptum observandum. Non instructionem solam, nec solum exemplum à Domino habemus, sed & præceptum: Petite, quærite, pulsate. Intra in cubiculum tuum. Quo jussu pro-

<sup>a</sup> *Matth. c. 14. v. 23.* <sup>b</sup> *Marci c. 1. v. 34.* <sup>c</sup> *Luc. c. 6. v. 12. & c. 9. v. 29. & c. 11. v. 1. & c. 22. v. 43. & c. 23. v. 39.* <sup>d</sup> *Ioan. c. 13. v. 15.*



prie cogitationum evagatione prohibuit. Sed & illud aperti imperii est : Quoniam oportet semper orare, & non deficere. *a* Idem vociferantur Apostoli. Petrus clamat: Vigilate in orationibus. *b* Clamat & Paulus: Orationi instate, vigilantes in ea. *c* Quocirca si nos aliud non impellat, hoc abunde satis est: Christus jubet, Præceptum Domini est. Ergo appropinquate Deo, & appropinquabit vobis. *d* Quod & David inclamans : Accedite, inquit, ad eum, & illuminamini. Diversi sunt modi, quibus ad Deum liceat accedere, optimus est per orationem. Hoc solum observemus probe, quod sermo hic omnis tendit, ne ritu Iudæorum Deo appropinquemus. Contra quos Isaias gravissime conquestus : Appropinquat populus iste ore suo, inquit, cor autem eorum longè est à me. *e* Appropinquemus non ore tantum, sed & corde. Nunc appropinquemus nos illi, & ille nobis appropinquabit in fine vitæ, cum omnes deserent.

*a* Luc. c. 18. v. 1.    *b* 1. Pet. c. 4. v. 7.  
*c* Coloss. c. 4. v. 2.    *d* Luc. c. 4. v. 8.  
*e* Is. c. 29. v. 13.

## CAPVT XV.

*Orationis exaudita signa.*

**B**asilii Macedo Imperator Orientis variè laudatus in priscâ historiâ, hominem in aulâ suâ perniciosissimum fovit, Theodorum Santaharenum assenta-

K 5.                    torem

torem & susurronem nequissimum. Persuaserat is Imperatori Basilio vitæ illius insidias strui à filio. Mox Pater, uti præceps est in nefas suspicio, filium in vincula rapi, & in carceré detrudi iussit. Solenniore die Senatores aliosque urbis Principes ad epulum vocavit. In triclinio non procul ab imperatoriâ mēsâ garrulus in cavēâ psittacus humanas voces imitabatur. Eo ipso tempore facunda hæc avis verba quædam crebrius ab aulico famulitio audita, hunc in modum efferebat: Heu domine Leo, heu domine Leo. Ingemuit non nemo ad has voces, & è Senatoribus præsertim aliqui dum tacitis suspiriis fortunæ vices expendere, cibo potuque abstinebant. Observavit Imperator quosdam suorum cōvivarum mœstiores altis cogitationibus attineri; Et amici, ait, quid silentio tam mœsto temeramus mensam? Cui è primariis unus: Augustissime Imperator, inquit, diserta hæc volucris ejus rei nos monet, quæ lacrymas etiâ excire possit. Submississimè rogamus, liceat cum veniâ precari quidpiam. Dicite, ait Imperator, quid petitionis est? Hic modestissimè Senator: Nos, inquit, mensam salialem ac regiam accumbimus, interim Majestatis tuæ filius procul omnibus gaudiis luget in carcere. Si quid peccati est, credimus jam expiatum. Vel hæc avis sorti Leonis indolet, quantò magis nos ejus miseratione tangi convenit. Quapropter, si licet, libertatem regio juveni rogamus. Motus pater oratione tam opportuna.

LIBER I. Cap. XIV. 105

portunâ: Eximatur, inquit, vinculis Leo, Mox aulici catervatim convolant ad carcerem. Leo filius vinculis exemptus, tonsus, lotus, in regium juvenem vestitus, ad Cæsaream mensam productus est. Magna utrimque gratulatio, magnum gaudium. Hoc convivis & Imperatori psittacus orator non expectatus persuasit: hunc captivum liberavit psittacus: à psittaco fuit hæc suada eloquentia.

Nos sæpe psittaci sumus, dies totos garimus, tanquam si nobilissimum linguæ artificium sit, quàm plurima loqui. An verò tales oratores simus, qui dictione possint persuadere, & Deum in preces flectere, id plurimum habet dubii. Quis enim verò id sciat, dixerit quispiam, Deum precibus ac votis annuisse? Eò igitur orationē deduximus, ut certis de oratione quæstionibus respondeamus. Sit igitur prima Quæstio, quæ signa sint orationis exauditiæ & ratæ. Ea igitur ordine subjungemus.

6. 1.

Signum primum: *Fiducia ingens in Deum.* Ad istam accendunt nos omnia divinorum voluminum oracula. Iure merito, Fiducia est fundamentum vitæ cum virtute agendæ. De Fiduciâ in oratione singulariter erigendâ Cassianus dilucidè: Pro certo, inquit, non exaudiendum se supplicans quisque non dubitet, cùm se dubitaverit exaudiri. Tantum quis exaudiri meretur,

K: 6

quand

quantū crediderit DEVM præstare posse. Promissum Domini stat irrevocabile: Propterea dico vobis, omnia, quæcunque orantes petitis, credite, quia accipietis, & fiet vobis. *a* Discipulus Domini Iacobus explicatissimè: Qui enim, inquit, hæsitat, non æstimet homo ille, quod accipiat aliquid à Domino. *b* Subjungit Cassianus: Retrahere nos convenit illā beati Iohannis Evangelistæ sententiā, quā ambiguitas huius quæstionis evidenter absolvitur. Hæc est, inquit, fiducia, quam habemus ad Deum, quia quidquid petierimus secundum voluntatem ejus, audit nos. Ergo super his plenam nos & indubitabilem iussit exauditionis habere fiduciam. *c*

Lacedæmonii vulgatissimo verbo dicere solebant; Armata manu invocanda est fortuna. Qui orat, sic Deo fidat, ut veluti cogat. Quod adstruens Gregorius: Vult, ait, Deus rogari, vult cogi, vult quādam importunitate vinci. *d* Adeamus ergo, quod Paulus hortatur, cum fiduciā ad thronum gratiæ; ut misericordiam consequamur, & gratiam inveniamus in auxilio opportuno. *e*

Signum alterum est, *Duorum aut plurium in oratione consensus*. Neque hic defunt pollicitationes Dominicæ, quæ orationem ex consensu comprecantium erigunt his verbis: Iterum dico vobis, quia si duo ex vobis

*a* Marc. c. II. v. 24. *b* Iac. c. I. v. 6.

*c* Cassian. collat. 6. c. 34. med.

*d* Greg. in 6. ps. panit. *e* Hebr. c. 4. v. 16.

vobis consenserint super terram, de omni re, quamcunque petierint, fiet illis à patre meo, qui in cœlis est. *a* Successu carere ac vanescere non potest hæc promissio. Terra prius cælumque in antiquum chaos revolvitur, quàm in nihilum recidant hæc verba: Domini voces novimus: Cælum & terra transibunt; verba autem mea non præteribunt. *b* Maximarum virium est oratio, cum idem petitur à pluribus, quemadmodum execratio plurium est valde pe- netrabile jaculum. *c*

Signum tertium, *Fidei plenitudo*. Quoties in sacris Evangeliiis illud ingeminatur. Fiat tibi secundum Fidem tuam? Marcus de Christo Salvatore verbum è verbo sic expressit: Et egressus inde abiit in patriam suam, & non poterat ibi virtutem ullam facere: nisi paucos infirmos impositis manibus curavit, & mirabatur. *d* Quid hoc rei, obsecro? An non Christus Dominus ubique rerum omnium præpotens est? quis rhaumaturgam ipsius dexteram repressit? Et quo tandem modo id ipsemet mirabatur? an non eventum hunc sequiorem præscit? imò verò maxime, Exemplo rem mōstramus. Chirurgus aut Medicus ab arte præcellentissimus in urbem vicinā evocatur. Hic ille paratissimus est artis suæ specimina edere, sed cum pænè nihil succedat, *K 6* ipse-

*a* Matth. c. 18. v. 19. *b* Matth. c. 24. v. 25.

*c* Das gmain Gebett / vnd der gmain Buech  
seynd mächtig stark.

*d* Marci c. 6. v. 1. & 5.

## 208 RHETORICA CAELESTIS.

ipsemet miratur, & ait: Num ego fascina-  
tus sum? Ita ferè Christus est miratus, quod  
nobis, inquit Augustinus, mirandum signi-  
ficavit. *a* Firmiter autem decreuerat, nulla  
illic signa facere, quod Nazianzenus asse-  
rit. *b* Hinc nostro loquendi more dicitur:  
*Non poterat.* Quod enim sanctè statuimus  
non facere, id rectè dicimur facere non  
posse. Horum autem omnium causa fuit  
incredulitas civiū in Christi patriā. Quod  
expresse dixit Marcus: Propter increduli-  
tatem eorum. *c* Credulitatis penuria non fi-  
nit Deum esse munificum. Vbi Fides defi-  
cit, illic oratio perit.

*a* Aug. l. x super Gen. *b* Greg. Nazianz. orat.  
4. de Theol. *c* Marci c. 6. v. 6.

## §. 2.

¶ Signum quartum: *Perseverans importuni-  
tas.* Sæpius monemur: Petite, quærite, pul-  
sate. *a* Ad instantissimam orationem, in-  
quit Augustinus, hæc omnia referuntur.  
Petite: Non conceditur, quod petitis? Quæ-  
rite: Negatur, quod quæritis? Pulsate: Deus  
vult cogi. Hæc piā importunitate pluri-  
mum delectatur Deus. Et ne quisquam  
crederet, frustra voces in aërem spargi pre-  
cando, illi exhortationi, quā petere, quære-  
re, pulsare, jubemur, additum est: Omnis,  
qui petit, accipit, & omnis, qui quærit, in-  
venit; & omni pulsanti aperitur. Pulsate  
igitur, pulsate, pulsate. Quamdiu tandem?

Num

*a* Matth. c. 7. v. 7.

Num tribus, num sex aut decem annis? Quis tamdiu pulset? ne, obsecro, molestum sit vel viginti, vel quinquaginta, vel centum annis pulsare, quoniam oportet semper orare, & non deficere. Petiit, quaesivit, pulsavit Chananæa. Hinc Christus subitò, uti Chrysostomus loquitur, in illius laudes erumpit: *ô mulier!* Propterea, inquit, laudo constantiam ejus, laudo fidem; quia injuriata permansit, & ratione extorsit. Si enim ab initio dimissem illam, nec illa paullatim erudita fuisset, nec tu virtutem animi ejus, nec latentem fidei thesaurum scisses: & idèd suspendi donationem, ut tu agnosceres fidem. O mulier, Deus dicit, *ô mulier!* Audiant hæc, inquit Chrysostomus, qui jactant, & orant, & fastidiosè precantur. Quando dico charissimi, roga Deum, obsecra eum, famulare illi, dicis: Rogavi semel, secundò, & tertio, & decies, & vigesies, & quidnam accepi? Ne recedas, quousque accipias, finis postulati acceptio deprecantis est. Tunc cessa, quando acceperis, imò magis nec tunc cesses, sed tunc persevera, agens gratias pro eo, quod accepisti, ut perseveret tibi, quod acceperis. *a*

Eandem hanc orandi desidiam Bernardus perstringens: Sed dicis, inquit, ego quotidie oro, & orationis meæ nullum fructum video, sed sicut accedo ad illam, sic & redeo: nemo mihi respondet, nemo loquitur, nemo

*a Chrys. tom. 2. de variis locis in Matth. hom. 17. ante finem mihi pag. 1038.*



nemo quippiam donat, sed incassum laborare videor. Sic loquitur humana stultitia, non attendens quid veritas promittat: Amē dico vobis, quia quidquid orantes petitis, credite, quia accipietis, & fiet vobis. Vnum ergo ē duobus indubitanter sperare debemus, quoniam aut dabit nobis, quod petimus, aut quod noverit esse utilius. <sup>a</sup> Beatus Aegidius dicere solebat: Arbor, cum plantata est, non protinus grandescit, aut fructus parit: Nec oratio supervacanea est, quia non illico fecunda. Nimiū deses est, qui orare incipit, & ante finem finit.

Quintum signum, *Eleemosyna*. Siracides clarissimè: Conclude, inquit, eleemosynam in sinu pauperis, & pro te exorabit ab omni malo. <sup>b</sup> Tam clarum & abundans hoc testimonium est, ut confirmatione ampliori non egeat. Siracides eleemosynam ita proponit spectandam: Stat illa ante Dei solium, quā primum autem viderit in angustiis te constitutum, mox accurrit, & ad Deum supplex accidit, orat & exorat, rogat & impetrat, suūque clientem ab omni tam culpæ quā pœnæ malo liberat. Nempe hoc Deo ingenium est, ut cum supplicem cernit eleemosynam, continuò in preces facilis, vinci sese patiatur. Vult autem Siracides eleemosynam in sinu & in corde pauperis abscondi. Tātò tutius erogamus stipem, quantò occultius. Ita sinu conditur eleemosyna. Tunc verò in corde

reponi.  
<sup>a</sup> Bern. l. de Anima c. 6. mihi pag. 1056.

<sup>b</sup> Eccles. c. 22. v. 15.



## LIBER I. Cap. XV. 215

reponitur, cum egeno grata & ad ferendam opem est opportuna. Nam subinde tale quid egenis damus, quo illi se nihil adiutos sentiunt. In corde igitur quod porrigis, repone; da ut prosis, da ut subleves egen-tem.

Hoc autem Siracidæ promisso non eum designari credimus, qui semel iterumque stipis aliquid projectat, sed qui, ut sacer Psaltes loquitur, intelligit super egenum & pauperem, qui pauperum clamores & auribus & animo admittit, qui miseratione tangitur, qui ærumnas illorum veluti sentit, qui facultatum suarum non supremam tantum superficiem radit, sed altius immergit manus, qui sese in eandem pauperum tribum posse redigi credit, qui fenoris amplissimi securus ac certus sua tribuit. En hominem, qui super egenum intelligit. Dixerit hic talis cum Psalte regio: In die tribulationis meæ Deum exquisivi manibus meis, a Deum invenire cupis? manibus quære argenteis. Sed argenteas manus has non mimis, non adulatoribus, non parasitis, non ludionibus, non combibonibus, non susurronibus, non nugivendis, non histrionibus injice, Deum iis exquire, Dei amicos pauperes his invade, & medius hostium tutissimus ibis, medius procellarum illæsus stabis. Efficacissime orat, qui argenteas manus, quibus pauperes erexit, cælo attollit.

a Ps. 76. v. 3.

Sex:

## §. 3.

Sextum signum, *Vehemens afflictio*. Ille ipse, qui afflictiones immittit, simul etiam præcipit atque promittit: Invoca me in die tribulationis, & eruam te. *a* Ad suppetias ferendas paratissimum se offert Deus, non auditurus solum preces, sed levaturus etiã calamitates nostras. Me, inquit, invoca, cum ægrè tibi est: tunc tu plures orandi, ego plures juvandi causas habeo. Tu modo me roga, exaudiêris; securum te reddo. Gratulatus sibi rex David: Ad Dominum, inquit, cū tribularer clamavi, & exaudivit me. Promissis Deus liberalissimè stetit. In die tribulationis invocavi eum, & eruit me.

Solent naturæ in naviculis piscatoriis, cum remi strident, & arctiùs se ligatos veluti queruntur, aquas affundere: ita Deus, qui ad clavum sedet, tenetque gubernaculum, cum nos sub manu ejus positi misérias nostras querimus, solatii & auxilii fontem affundit, prout est pollicitus: Et ego, reficiam vos. *b* Tunc plerumque vicinior est Deus, cum afflictior homo. Nulli se negat Deus vocanti se. Ne cadamus animo: Nobiscum est Deus, non inter rosas solum, sed etiam inter procillas & fluctus: Cum ipso sum, inquit, in tribulatione; eripiam eum, & glorificabo eum. *c*

Septimum signum, *Emendatio vite*. Hoc

Isaias

*a* Ps. 49. v. 15. *b* Matth. c. 11. v. 28.

*c* Ps. 90. v. 15.

Isaias vates affirmans : Tunc , inquit, clamabis, & Dominus exaudiet ; clamabis, & dicet: Ecce adsum. *a* Querere liceat ex Isaiâ: Nunc illud quando veniet? quando- quidem facta est stipulatio : Tunc invocabis, tunc exaudiet. Tunc illud quando sperandum? Respondet vates : Si abstuleris de medio tui catenam , & desieris extendere digitum, & loqui, quod non prodest. Tria hic Deus desiderat in his, à quibus rogatur. Primum est : Aufer de medio tui catenam. Heu quoties catenas nectimus non annulorum aureorum, sed criminum & delictorum, noxâ noxa excipit, scelus scelere finitur : his annulis novos quotidie annulos inserimus, nequitiam nequitis augemus, libido sequitur è libidine ; catenatum fabricamus scelus. Aufer catenam hanc, rumpe hos annulos, cessa tandè peccata cumulare peccatis, & aures Numinis habebit oratio tua faventissimas. Tunc invocabis, & Dominus exaudiet. Alterû est: Desine digitum extendere. Qui minantur & rixantur, extensis digitis loquuntur. Hæc discordiæ signa sunt, & animi ad vindictâ accessi. At scimus hos gestus non convenire supplici. Minas igitur rixasque tolle, & animû indulge paci; contine minaces digitos. Tunc invocabis, & Dominus exaudiet. Tertium: Desine loqui, quod non prodest. Vis, ut sermo tuus momenti sit, & ponderis apud Deum? sermones vanos, inutiles, impuros, obtruncatorios, lascivos tolle, moderare verbis,

linguæ

214 RHETORICA CÆLESTIS.

linguæ impera, desine quod non prodest loqui. Tunc invocabis, & Dominus exaudiet.

Hæc ad Cassiani mentē indicia sunt orationis à Deo exaudiendæ. Non omittendū hîc, ipsam orationem nostram esse mercedem & salutem nostram, præsensque prece-  
 rationis præmium, tametsi, quod poscit, non obtineat. Nam, ut Iansenius annotat, oratio amorem divinum auget. Quando carbonibus vivis thus injicitur, optimus odor spargitur: Eodem prorsus modo cum amoris primæ orationis thus accipiunt, Deo gratissimus odor incēditur. Et quemadmodum respiratio non solum est causa, sed & signum vitæ, ita etiam oratio vitalis & planè salutaris est, etiamsi non impetret, quod postulat. Proinde Psalter optime dixit: Os meum aperui, & attraxi spiritum. *a* Ad rem Clemens Alexandrinus: Plus, inquit, paratus esse debet homo petere, etiamsi non impetret, quàm impetrare non petendo, aded optimum bonum est ipsa petitio. *b* Hoc ipsum certè Dei donum est os aperire, spiritū attrahere, cor & pulmones recreare: Sic orare tantùm, est inter humanas misérias suaviter respirare. Quod tam egregiè quàm clarè Ambrosius exprimens: Petitio, inquit, Deo facta, magnus est fructus, & qui petit à DEO, dum petit, accipit, ipsum namque petere, est accipere. *c*  
*a* Psal. 118. v. 131.  
*b* Clemens Alex. l. 7. Strom.  
*c* Ambros. ep. 84. ad Demetrium.

## LIBER SECVNDVS.

## CAPVT I.

*Orationis assiduitas docetur.*

VREVS Orator Chrysostomus, ut orationis assiduitatem altius infigeret animo, & nusquam non orandum doceret: Non quæritur locus, inquit, sed devotio mentis. Hieremias in lacu cœni demersus erat, fideliter orans Deum promeruit. Daniel in lacum leonum missus ad se Dei misericordiam inclinavit. Tres pueri in camino ardenti erant, & Deo placuerunt. Latro in cruce erat, & exauditus est, fideliter postulando. Crux ei nihil obsuit, sed confessio fidei paradysum aperuit. Iob in sterquilinio erat, & per patientiam suam Deum propitiabatur. Quod si in iudiciis assistis, ora. Et cum irascitur rex, ora. Quod si & in balneis es. ora: ubicumque fueris, ora. Vbi que Deus præsens est, semper in proximo est; nõ clauditur loco, invocanti dicit, Adsum. Quod si hominem rogare volueris, interrogas, quid facit? Et dicitur tibi, prandet, cenat, dormit, cum amicis agit, non vacat; aut certè minister respondere tibi non dignabitur. Ad Deum autem nihil ho-

rum

## 216 RHETORICA CAELESTIS.

tum opus est, sed ubicunque fueris, aut invocaveris, audit te. *a*

Hæc Bernardus confirmans: Vbicunque fueris, inquit, intra te ipsum ora. Si longè fueris ab oratorio, noli querere locum, quoniam tu ipse locus es. Si fueris in lecto, aut in alio loco, ora : & ibi est templum. Igitur quocunque loco cõsistis, cogitationes tuas iacta in Deũ, & aliquid salutare in animo tuo versa. Omnis siquidem locus ad meditandũ congruus est. Addit quod anro & gemmis scribendum : Omne tempus, quod de Deo non cogitas, hoc te computes perdidisse. *b*

Vult Deus à cogitationibus nostris nunquam excludi, vult iis assiduè interessẽ. Eò spectat præceptum illud : Quoniam oportet semper orare. *c* Quã de re jam explicatiùs agendum.

*a* Chrys. tom. 2. Hom. 17. de muliere Chanaanã, mihi pag. 1039.

*b* Bern. l. 2. de Animã c. 6. mihi pag. 1056.

*c* Luc. c. 18. v. 1.

### §. 2.

Deum assiduè cogitare, vera filiorum Dei nota est. Aquilæ, quod mireris, pullos suos orare docent. Nam eos unguibus ad solẽ suspendunt, veluti monstrarent, quem vènerari deberent. Quod si. fixis immotisq; oculis solares radios admittunt, in nido servant, & alunt: sin autem lumine tremulo velut

velut  
cius  
Ag  
fed  
sci  
ren  
crede  
dem  
meo  
mim  
fixi  
filio  
imm  
Deu  
ia  
plus  
ama  
Vbi  
quid  
ter  
affi  
H  
stula  
fed  
est  
cogi  
pun  
simè  
ment  
Dei  
debet  
tem n

a Iude  
b Bern

velut oratione minùs attentâ palpitent, eji-  
ciunt nido, tanquam non suos: Perinde si  
Aquila parens dicat: Mei non degenerant,  
sed acie immotâ solem adorant. Hinc pri-  
sci, cùm istud Aquilarum examen pingere-  
rent, adscribere solebant hæc verba: *Sic  
credo.* Quasi mater pullo dicat: Video qui-  
dem rostrum & pennas, unges & colorem  
meo non dissimilem, sed tamen jam pri-  
mùm credo te Aquilæ filium esse, cùm acie  
fixâ salutas solem. Haud aliter & nos DEI  
filios esse illos judicamus, qui oculos pænè  
immos in æternum solem defigunt, qui  
Deum assiduè cogitant. Amans in re ama-  
tâ oculos tantò fixiùs collocat, quantò  
plus amat. Nil certius: quò Deum plus  
amamus, hoc Deum sapius cogitamus.  
Vbi thesaurus est, ibi & cor est. Vis scire,  
quid ames? Attende tantùm, quid frequen-  
ter cogites. Nota filiorum Dei est, Deum  
assiduè cogitare.

Hoc autem beneficiorum memoria po-  
stulat. Deus non omnibus tantùm horis,  
sed singulis horæ punctis in nos beneficus  
est, nos saltem semel benefactorem hunc  
cogitemus quavis horâ, quæ compluria  
punctorum millia comprehendit. *a* Veris-  
simè dixit Bernardus. Sicut nullum est mo-  
mentum, quo homo non utatur, vel fruatur  
Dei bonitate & misericordiâ, sic nullum  
debet esse momentum, quo cum præsen-  
tem non habeat in memoriâ. *b*

De

*a* Iudæi olim horâ dividerunt in 1080. minuta.  
*b* Bern. loco suprà laudato. *i*

## 218 RHETORICA CAESTIS.

De Aquilâ in altricem suam lōgè gratis.  
simâ hæc memorat naturæ encomiaſtes.\*

In urbe Thraciæ Seſto eximia fuit virgo,  
non avorum tantum & auri, ſed formæ ſi-  
mul ac pudici-*liæ* dives. Hæc fortè prædam  
ſequēbatur per nemora venatrix, curſu fe-  
ras agitans & arcu. His ſtudiis incenſa in  
montis præalti vertice geminas invenit A-  
quilas, ſed etiamnum implumes, & multâ  
ſiti languidas. Ex his alteram, quæ præſtâ-  
torem ſpondebat indolem, è nido ſubduxit,  
& in pedes ſe coniecit, hanc avem ſiliolâ  
inſtar educatura. Iamque ales regia ad do-  
minæ nutus adeo aſſueverat, ut captam  
ſubinde prædam ex unguibus dimitteret,  
& ad virginis manum blanda revolaret. Ac  
nutrix virgo cum alite ſuâ veluti verba  
miſcens, & attactu mulcens, quandoque diu  
colluſerat.

Sed tandem morbus ſuam aliti altricem  
eripuit. Febrile cœpit virgo, & affigi lecto.  
Omnem oris elegantiam viſ morbi abſtu-  
lit. Hic Aquila indiſtriâ incredibili velut  
ſamula lecto aſſidere, & tantum non po-  
ſcere quid vellet, quid imperaret. Subinde  
lecto exiliens in venatû evolavit, ſeu fortè  
perdix, ſeu turdus, ſeu cochurnix, ſeu pa-  
lumbus occurreret. Quidquid venatû aſſe-  
cuta eſt ad dominæ lectulum apportavit, &  
prædam unguibus tenens monſtravit, tan-  
quâ ſi quæreret, nû placeret quod attuliſ-  
ſet? Ita convictûs ſui pretiû & impenſam b  
fide.

<sup>a</sup> Plinius l. 10. Nat. hiſt. c. 5.

<sup>b</sup> Hat das Koſtgeſt redlich bezahlt.



fidelissimè rependit . Intereà febris hu-  
 morem omnem virgineis venis emulserat,  
 jamque mors vicina & avi & altrici diem  
 supremam indixerat. Hinc Avis poenè ma-  
 gis ægrota, non jam ampliùs evolare, domi  
 latere, & modò grabatò incubare, modò  
 gremio sedere, nunc dominæ caput cir-  
 cumvolare, nunc labris oscula propinare,  
 nunc alto silentio mœroris non obscura  
 signa edere, nunc questus ferali murmure  
 ingeminare, & mœrentibus amicis augere  
 luctum, jam etiam cibum rejicere, & som-  
 num spernere . Ut verò ales misera suam  
 altricem jam mortuam vidit, vitam pariter  
 exosa pectus rostro fodere, & vulneri un-  
 gues imprimere : perinde si mortis moras  
 increparet . Cùm verò funus prodiret do-  
 mo, Aquila quamvis vulnerata feretrum  
 altricis fidelissimo comitatu secuta est. Vix  
 autem cadaver in rogo ardere cœperat,  
 mox ales regia in medias se flammæ præci-  
 pitavit. Nitebatur quidem sacerdos fustem  
 objicere, & avem generosissimam aspellere,  
 sed frustrà . Nam ultrò vi omni neglectâ,  
 eodem altricis ac dominæ rogo, avis gra-  
 tissima conflagrare voluit.

## §. 2.

Paulemus hîc nonnihil Lector, & si quid  
 à priore libro tædii conceptum est, hilari  
 metro discutiamus . Quod de reginâ vo-  
 lucrum diximus prosâ, id etiam vorsâ can-  
 vicimus.

L

Littere

## 220 RHETORICA CAELESTIS.

Littore Threicio, rapidis qua barbara tellus  
 Fluctibus alluitur, quæis nomen & ossa reliquit  
 Occumbens tua Phryxæ soror, nec disita longè,  
 Vnde suo liquidas nudo monstrare Leandro  
 Dum parat Hero vias, turri sublimis ab altrâ  
 Funeream accendit cyprio pro lumine tadam:  
 Dives avum, dives formas, dives & auri  
 Virgo fuit, nullis laudum cessura tuarum  
 Hero, sed intacto longè victura pudore.  
 Namq; cupidineas invictæ corde sagittas  
 Arcebat, nullis Veneris penetrabilis armis.  
 Fortè sequebatur nemorosa per avia prædam  
 Venatrix, cursuq; feras agitabat, & arcu:  
 Cum super æræ saxoso culmine montis,  
 Vnde gravis longè spectantibus imminet horror,  
 In nido geminas Aquilas implumibus alis  
 Repperit adverso tentantes lumina Phæbo:  
 Horrebant teneris cervix & brachia pinnis,  
 Archant fauces jam dudum, & hiantia prædam  
 Cinctura poscebant, mater dum pabula ferret,  
 Aut saniem, aut laceri fibras & membra co-  
 lumbi.

Ex his præstantis qua visu est indolis unam  
 Accepit gremio, iuga mox & saxa reliquit  
 Virgo metu, celeres pedibus timor addidit alas.  
 Non aliter magnum qui clam pastore juven-

Occidit lupus, ac pavitans, humilisq; se-  
 quentes

Auscultat post terga canes, & consulit auras.  
 Iamq; adeo ad nutus assueverat ales heriles,  
 Ut prædam interdum pedibus dimitteret uncis,  
 Ambirétque manum domina revocantis, at  
 illa

Blandi-

Blanditias & verba refert, molliq; remulcens  
 Attactu, colludit avi qua charior una  
 Est oculis, est una genus, est una capillis.  
 Heu latis quàm vana fides, quibus aspera satè  
 Vis luctus pariter clavo confixit ahenò!  
 Ecce datura duas uno de vulnere mortes  
 Virginis egregios febris depascitur artus,  
 Et carptim nitidum forma populatur honorem:  
 Puniceum decus oris abit, natiuaq; languent  
 Lilia, vernantis frontis flos decolor aret:  
 Vnus utrique modus, geminoq; tumentibus  
 aslu

Horrescunt tremula circum precordia fibra,  
 Ac si parca ambas nescet de flamine vitas:  
 Sepe seram contra tabem luctata volucris  
 Exilit è thalamo, domina miserata dolores,  
 Et predam tenero qua fors placitura palato  
 Per calum venatur agens, seu fortè cothurnix  
 Occurrat, seu turdus edax, aut cerea perdix.  
 Apportat quodcumque datum est, alimenta  
 rependens

Altrici, dederat quæ pabula vesca priusquam  
 Eniti, & vacuo posset se credere calo,  
 Predatrixq; sequi valles, & montibus altis  
 Attonitas avium turmas agitare volando.  
 Iamque adeò humorem venis emulserat omni-

REM

Febri, & egelidis viduaverat ossa medullis,  
 Et jam virgineo sera mors in corpore regnans  
 Indicebat avi supreme fata dici.

Iam lepus impavidos Sesti prope mania  
 cursus

Exercet, jam falco rapax impunè propinquit  
 Turribus, accipiterq; metu securus ab omni

## 222 RHETORICA CALESTIS.

Errat, nec notos Aquila reminiscitur unguis:  
 Nam deses later illa domi, dominaq; grabato  
 Incubat, & lentas moriendo protrahit horas.  
 An anima post fata sua superesset, & auras  
 Duceret ereptâ crudeli funere vitâ?

Nunc corpus domine plausis circumvolat alis,  
 Nunc sedet in gremio, labris nunc oscula figit  
 Dulcia, nunc tristes ferali murmure questus  
 Integrat, & luctum moerentibus auget amicis.  
 Errabat virgo Stygiis jam frigida ripis,  
 Iamque ter Herculeas superâras Phœbe co-  
 lumnas,

Cum lacrymis humecta, cibos blandumq; so-  
 pore

Spernit aviu, tantum juvat indulgere dolori  
 Quarentem miseram moriendo abrumpere  
 curas.

Ut verò agnoscat nimum sua fata morari,  
 Iterum fluctus subito furiata dolore  
 Precipitat, pectusq; sero fodit impia rostro,  
 Atque iterans duos pulmonibus imprimit  
 unguis,

Increpitans seram tam crebro è vulnere mor-  
 tem.

Interea ante fores ingens in vestibus atrii  
 Agmen adest, manibusq; adas, luctumq; sub

IRATI

Corde ferens, largoq; humectans flumine vultu:  
 Supponunt humeros oneri, subeuntq; volentes  
 Exuvias animi, superum jam templa tenentis:  
 Fit clamor, longisq; tremunt ululatibus auras,  
 Imposuere rogo corpus, quod ponè sequuta est  
 Ales membra trahens rubro stillantia tabo, ut  
 Una eademq; duo cohonestet funera pompa.

Vix

*Vix bene virginium corpus libaverat igni  
 Mulciber, & piceum glomerârat in aëra fumū,  
 Cū subito ruit in medium, seseq; cruentam  
 Injecit moritura pyra, letumq; petivit:  
 Quamvis objecto nequidquam fuste sacerdos  
 Pelleret, ast ultro grato se miscuit igni,  
 Inq; sinu domina cantum meditata quievit.  
 Fœlices anima vestro sine fine sepulchro  
 Manna fluat, calumq; irroret hymettia mella,  
 Vos lauri virides, vos myrthea protegat umbra:  
 Eternū durate, meus durate camœnis. a  
 a Salustius hebdom. die 5.*

## §. 3.

Hic alitis in altricem suam tam gratus fuit animus. Mirabilis Deus in sanctis suis, sed non minùs mirabilis in volatilibus suis. Quid agimus, mortales, si beneficiorum divinatorum minùs memores, minùs grati ceteris animantibus sumus? Non est momentum, quo nobis non beneficiat Deus, non sit igitur momentum, quo nos non simus memores Dei. Illud Bernardi assiduè inculcandum: Omne tempus, quo de Deo non cogitas, hoc te computes perdidisse.

Ut autem tantò frequentius & magis assiduè Deum cogitemus, sciamus nil Deo jucundius esse (sic loquar) quàm suum cum humano corde permutare. Hanc facere argentariam solet Deus, a quodocumque aptum huic rei hominem habet. Ideò

L 3

ipse

a Den Wechsel treibe Gott.

ipse veluti ditissimus trepezita & argentarius: *a* Præbe, inquit, fili mi, cor tuum mihi. *b* Cui filius forsân dixerit: Mi amantissime Pater, sine corde non possum vivere, Et nōsti quāta seriō præceperis, Diliges Dominum Deum tuum ex toto corde tuo, & ex totā animā tuā. Qui hoc faciam, si cor non habeam? urget nihilominus divinus Pater: Præbe, fili mi, cor tuum mihi. Et ne corde careas, permutemus; ego tuum, tu meum accipe.

Reverā Deus nobiscum sic agit humanissime. Jusserat olim, quod Daniel testatur, in Rege Nabuchodonosore sic corda mutari: Cor ejus ab humano commutetur, & cor feræ detur ei. *c* Hoc ipsum in Saule factum testantur fasti regii: Immutavit ei DEVS cor aliud. *d*

Hæc autem divini & humani cordis permutatio, tunc reverā legitimè fit, cū homo suam omnem memoriam sic affigit Deo, ut pænè jugiter Deum cogitet. Ita homini cor aliud interitur, cor vanum auferitur. Dixerat psaltes: Cor eorum vanum est. *e* Hoc vano corde ablato, divinū substituitur.

Carolus IV. Imperator Moguntia cum Gerlaco Archiepiscopo egit presentibus Canonicis compluribus. Fuit ex horum numero, qui pretiosiore, quā par erat, pileo est usus. Id Imperator observans, & hominem suavi ore comiterque accedens: Elegan-

*a* Wechseherr.

*b* Prov. c. 23. v. 25. *c* Dan. c. 4. v. 13.  
*d* 1. Reg. c. 10. v. 9. *e* Psal. 5. v. 10.

Elegantem, inquit, habes pileum; mutemus. Et simul dum suum porrigit, alienum capiti suo imposuit. *a* Ita Deus, cuius deliciae sunt cum hominibus esse: O homo, inquit, mutemus corda; tu vanum habes & mundanum, ego tibi meum dabo, & divinum.

Ille Aquilarum pullus, Plutarcho teste, qui in nido ad latus materni cordis collocatur, robustissimus evadit, & genuinam Aquilarum indolem ostendit: Homo, qui Deum semper cogitat, divino cordi proximus, in adversa omnia fortissimus confurgit. Immutat ei Deus cor aliud.

*a Historiam hanc uberius narramus in Trismegisto l. 3. c. 9. §. 3.*

§. 4.

Notum est illud Plinii: Aquilarum pennae mistas reliquarum alitum pennas devorant. *a* Cogitationes nostrae pennae avium recte conferuntur. Et quia minimè unius generis sunt, recte dixeris aquilarum, vulturum, cygnorum, columbarum, passerum, plittacorum pennas misceri. Siquidem modò bonae, modò malae, modò pessimae sunt cogitationes nostrae; hinc nobis plurimum negotii facessunt. Quisquis cogitationibus suis vult moderari, hoc unum, quam potest, maximam diligentiam spectet, ut de deo quam sapientissime Deum cogitet. Hae cogitationes, Aquilinae pennae sunt, quae alitum aliarum pennas devorant. Sunt cogitationes superbae, sunt invida & avara,

L 4

sunt

*a Plin. l. 10. Nat. hist. c. 3. fine.*

226 RHETORICA CÆLESTIS.

sunt fordida & impura, pennas dixeris anterinas. Sed misce illas aquilinis, & ab iis devorabuntur. In seipso id quivis experitur, quod, quo sapius Deum cogitat, hoc cautior, hoc & sanctior, & etiam ausim dicere, in actionibus omnibus sit felicior. Rectissimè dixit Hieronymus: Una cogitatio felix est, cogitare de Domino. *a* Dominus scit cogitationes hominum, quoniam vana sunt: *b* Vanissimæ sunt.

Et videte ingentem earum vanitatem. Parentes filiolum summâ curâ educant. Ad scholas puer deducitur; discit formare litteras; paullatim altiora combibit, & proficit inter coævos; simul & musicæ dat studium, organis ludere, chelyn & testudinem tractare, fidibus & assâ voce canere perdiscit; ita musis mansuetioribus cognoscendis annos aliquot insumit: jamque è patriâ in Academias mittitur, ad Philosophiam se applicat, deinde jus civile cognoscit, Bartolum & Baldum tractat. Ab his studiis in exteris terras alio sole calentes amandatur, in Gallias, Italiam, Hispanias proficiscitur, hîc diversorum idiomatum disciplinam accipit; hîc saltare, equitare, palæstricis vacare inter studia habet; hîc homines sunt. Maxima quæque sperantur, vix evadet maximus, aptissimus ad omnia. Parentes longissimâ cogitationum serie disponunt, quod filio munus, quam sponsam deligere, quâ ratione nuptias, quâ tot alia placeat instituire. Ita demum filius in patriam

*a Hieron. in ps. 93, v. 11. b Psal. eod.*



etiam redit, cultu & moribus peregrinis, studiorum præbet specimen, magnam sui spem concitat, seriis negotiis sensim ad-movetur. Sed cum grande cogitationum suarum volumen jam pœnè absolverint, parentes, unica subrepat febricula, & tot vanissimas parentum cogitationes, unaquæ filium tollit, conditque tumulto. Verè scit Dominus cogitationes hominum, quoniam vanæ sunt. Una igitur cogitatio felix est, cogitare de Domino.

Pingebant prisci Aquilam cum dipsade, quæ volucris pectus admorderet. Picturæ inscriptionem apponebant hanc: SEMPER ARDENTIVS. Hominē designat hæc icon, qui quantò frequentius DEVM cogitat, tantò frequentius cogitare, tantò & ardentius amare desiderat, quò enim diutius divinam pulchritudinem ac bonitatem aspicit, eò plus diligit. Hoc ponit ob oculos illud genus serpentum Dipsas, quæ hominem ita pungit, ut quò plus bibit, plus sitiat, *Semper ardentius*. Hic idem fit. Æternæ Sapientiæ promissum est: Qui edunt me, adhuc esurient, & qui bibunt me, adhuc sitient. *a* Crebris de Deo susceptis cogitationibus id aſsequimur, ut Deum pænè assiduè cogitemus, & quod initio non adeò erat facile, usu non facile tantum, sed & suave fiat. Quocircà imitemur Aquilas, & ad præceptum Domini, in arduis ponamus nidum nostrum. *b* Sic infra nos erunt omnes tempestatum furæ: mugiar, toner,

L 5

fulgeat,

*a* Eccli. c. 24. v. 29. *b* Job c. 39. v. 30.

fulgeat, imò & ruat cælum, volent saxa,  
præcipitent fulmina, inter tot ruinas stabi-  
mus, modò animus per assiduas de Deo  
cogitationes Dei hospitium fiat. Illud Ber-  
nardi vel centies, vel millies repetendum  
ingemino: Omne tempus, quo de Deo non  
cogitas, te computes perdidisse.

## CAPV T II.

*Quâ ratione semper & assiduè orandum.*

**H**issæ Principis Jobi pronuntiatio  
est: Homo nascitur ad laborem, avis  
ad volatum. *a* Cùm autem longè  
diversissimi sint labores, in percontando  
ponitur, quinam sint difficillimi? Theolo-  
gorum non nemo ad rogatum responderet,  
quatuor videri difficillimos omnium labo-  
res. Laborantis in partu, Docentis in ludo,  
Imperantis in bello, Precantis in templo.  
De labore primo in divinis voluminibus  
crebra mentio. Cùm Rabfaces Assyrius  
optimum Regem Ezechiam in angustias  
adduxisset, Rex Isaia nuntiari jussit: Vene-  
runt filii usque ad partum, & vires non ha-  
bet parturiens. *b* Labor & dolor parturien-  
tium maximus.

De altero loquuntur scholæ. Quanti la-  
boris centum aut ducentos discipulos cùm  
in officio continere, tum liberalibus disci-  
plinis imbueret. Multi discipuli, multæ cu-  
ræ: hic garrir, iste dormit, ille pingit, hic  
circumspicit, pars magna dicentem non at-  
tendit.

*a* Job c. 5. v. 7. *b* 4. Reg. c. 19. v. 3.

tendit. E tanto numero subinde vix viceni dicta capiunt, ceteri fungi, sed insolentes & vagi sunt. Grandis labor tam vagis aut stupidis scientias instillare.

Tertium imperantis in bello laborem esse difficillimum nemo ambigit. Hic sana intelligentia, capax memoria, multa experientia, & ante omnia ingens animus, sed & corporis vires requiruntur. Subinde consilia manu firmanda sunt. Nonnunquam volandum potius quàm equitandum. Imperatorem inter tympana & tubas agere, vehemens labor.

De labore quarto precantis in templo Cassiodorus testis. Ipsi, inquit, est perfecta oratio, cujus & caussa clamat, & lingua, & actus, & vita, & sermo, & cogitatio. Hæc omnia conjungere, difficillimum. Ideo Abbas Agathon interrogatus, quis omnium optimus simul & gravissimus videretur labor? dixit: Rectè orare. Homo nascitur ad laborem. Hic quartus precandi labor nos omnes citat, præsertim cùm Christus dixerit: Quoniam oportet semper orare, & non deficere. *b* Joannes Maldonatus asserit, multos & graves auctores magno studio quæsisse, quâ ratione Dominicum hoc dictum sit interpretandum. Quando igitur nostrum omnium interest illam Domini cohortationem non verbis solùm explicare, sed & monstrare factis, complures ejus explicationes in medium dabimus.

*a* Cassiodor. in psal. 16. Exaudi Domine.

*b* Luc. c. 18. v. 1.

## §. 1.

Prima explicatio . Non iussit Christus assidue nos genibus niti, & indefessas calo manus attendere : sed aut orare, aut utile quid aliud agere. Bene orat, qui bene agit. Orationem veram, dixeris, esse actionem sed religiosam : actio bona, oratio est , sed operosa & practica.

Altera explicatio : Semper orat , qui statas orandi vices religiosè observat. Religiosissimus rex David hoc observans : Septies, inquit, in die laudem dixi tibi. « Atque hoc est Dominum in omni tempore benedicere , prastituta orandi tempora minimè negligere.

Tertia : Semper orat , qui orando perseverat, tametsi non impetret, quod flagitat. Hic nemo desperet, nemo annos numeret, nemo dicat : Jam septennium, jam decennium , jam annos plurimos precando explevi, & nihil impetravi; nemo talibus querelis calum surditatis accuset, quoniam oportet semper orare, & non deficere. Non deficit, qui orare non desinit.

Quarta : Miratur Augustinus, quomodo Christus multiloquium prohibeat, nihilominus semper orare jubeat . Sed ad institutum : Si, ait, non vis intermittere orare, noli intermittere desiderare. Continuum desiderium tuum, continua vox tua est. Tacebis, si amare destiteris : Frigus charitatis, silentium cordis est . Si semper manet chari-

LIBER II. Cap. II. 237

charitas, semper clamas, si semper clamas, semper desideras, si desideras, requiem recordaris. Semper orat, qui semper vitam beatam, æternam desiderat. *a*

Quinta: Joannes Chrysostomus breves sed crebras jaculatorias preces jure maximi æstimans: Breves, inquit, & frequentes orationes Christus & Paulus præceperunt, parvis ex intervallis. Si continuas & crebras orationes facias, totumque tempus interpolans frequentiam, facile poteris modestiam exhibere, & ipsas orationes cum multâ facies solertiâ. *b* Hoc & Cassianus adstruens: Utilius censet, inquit, breves quidem orationes, sed creberrimas fieri, ut frequentius Dominum deprecantes jugiter eidem coherere possimus. *c* De iisdem jaculatoriis precibus Augustinus ad Probam scribens: Dicuntur, inquit, fratres in Ægypto crebras quidem habere orationes, sed eas tamen brevissimas & raptim quodammodo jaculatas, ne illa vigilanter erecta intentio per productiores moras evanescat. *d* Anna Elcanæ uxor multiplicabat preces non cumulando verba, sed iterando, ut potius multum oraverit quàm multa. Unde fiebat, ut ejus animus non dissiparetur in plurima, sed ad unum colligeretur. Maximarum profectò virium sunt hæ breves & jaculatoriæ

*a* Aug. tom. 8. in ps. 36. mihi pag. 129. & tom.

2. epist. 121. ad Probam c. 9. *b* Chrys. tom. 5.

hom. 79. de Oratione, mihi pag. 394.

*c* Cassian. l. 2. de institut. Cænob. c. 10.

*d* August. dicto loco ad Probam c. 10.

toriae preces, quae Dei memoriam assidue refricant, animum evagari non facile sinunt, peccata plurima impediunt.

Sexta: Assiduam prae memoriam Deum colere. Ad hoc Cassianus instigans: Mens nostra, inquit, jugi omnipotentis Dei contemplatione pascatur. Hac ratione prae semper conditoris meminisse possumus. *a* Quod beatus Nilus confirmans: Qui amat Deum, inquit, semper cum hoc tanquam cum patre consuetudinem & sermonem habet, repudiens omnem notitiam turbidam. Sanctus Basilus, in eam rem vult etiam noctem dividi: Vide, ait, ne media pars vitae transeat inutilis: tribue partem somno, partem precationi, imò ipse etiam somnus pietatem exerceat. Et beato Hieronymo teste, Sanctis etiam ipse somnus est oratio. Sicut autem qui peccando in mortem obdormiunt, totam quasi aeternitate peccant; ita qui orando aut sancta cogitando in somnum decidunt, totam quasi nocte orant.

Septima: Assidue orat, qui omnia negotia & universas actiones suas, tam inchoare quam finire, medias etiam precibus distinguere; in his omnibus intentionem rectam restaurare consuevit. Ejus animi Siracides; Laudabo, inquit, nomen tuum assidue. *b* Solymæus rex David, quia utique actiones omnes precibus coepit, distinxit, finiit, hinc liberè pronuntiavit: Semper laus ejus in ore meo, *c*

Octava:

*a* Cass. collat. 9 c. 3. *sine omnino.*

*b* Eccli. c. 51, v. 15. *c* Psal. 33, v. 2.

Octava: Pauperes eleemosynis sibi conciliare, ut cum ipse precari desierit, illi incipiant, uti alternatim canitur in templis. Pelagius & Ruffinus dignum relatu memorant his ipsissimis verbis, quæ optimâ fide subjungam. Venerunt aliquando, inquit, ad Abbatem Lucium in Ennato monachi quidam, qui dicebantur Euchitæ, hoc est orantes: & interrogavit eos senex, dicens: Quod est opus manuum vestrarum? Et illi dixerunt: Nos non contingimus aliquod opus manuum, sed sicut dicit Apostolus, Sine intermissione oramus. *a* Dicit ei senex: Et non manducatis? illi autem dixerunt, etiam manducamus. Et dicit eis senex: Quando ergo comeditis, quis pro vobis orat? Et iterum interrogavit eos, dicens: non dormitis? Et illi dixerunt: Dormimus. Et dixit senex: Et cum dormitis, quis pro vobis orat? Et non invenerunt, quid ad hæc responderent ei. Et dixit eis: Ignoscite mihi, fratres, quia ecce non facitis, sicut dixistis: Ego autem ostendam vobis, quia operans manibus meis, sine intermissione oro. Sedeo enim, juvante Deo, infundens mihi paucas palmulas, & facio ex eis plectam, & dico: Miserere mei Deus secundum magnam misericordiam tuam, & secundum multitudinem miserationum tuarum dele iniquitatem meam. *b* Et dixit eis: Oratio est, an non? Et dixerunt ei: Etiam. Et ille dixit: Quando permanferototâ die laborans & orans corde vel ore, facio  
plus

234 RHETORICA CALESTIS.

plus minùs sedecim nummos, & pono ex  
eis ad ostium duos, & residuos manduco.  
Qui acceperit illos duos denarios, orat pro  
me, tempore quo ego manduco, vel dor-  
mio, atque ita per gratiam Dei impletur à  
me, quod scriptum est: Sine intermissione  
orate. *a* En optimum modum orationis,  
qui orationem panè assiduam facit, eam in  
alios atque alios partiendo.

6. 2.

Nona & omnium commodissima expli-  
catio Dominici dicti: Quoniam oportet  
semper orare. Reverà plus hìc mysterii tegi-  
tur, quàm explicationes hæ omnes ape-  
riant. Et reverà diversa sunt, semper orare,  
& semper bene agere. Alioqui dixisset Do-  
minus: Oportet semper bene operari. Atqui  
hoc nemini non perspectum: Nunquam  
licere malè operari. Ab isto igitur diversum  
Dominus jubet, Oportet semper orare. Quà  
in re Christus moraliter locutus est eo pla-  
nè modo, quo nos dicere consuevimus: Hi  
homines toto die comedunt, toto die bi-  
bunt, & ludunt. Sunt alicubi puerperæ, *b*  
quæ panè singulis horis comedant. De  
hominibus tam exercitatæ gulæ non malè  
dixeris: Hi homines semper comedunt. *c*

Hoc

*a* 1. *Theff.* 5. *Pelag.* l. 12. n. 9. mihi pag. 613.

*Ruffin.* l. 3. n. 212. pag. 531. apud Rosv.

*b* De his D. Guarinonius l. 4. de abominand.  
humana gentis c. 52.

*c* Die Leute essen alle weil; sie essen ein  
gantzen Tag.



LIBER II. Cap. II. 235

Hoc loquendi ritu Servator non Mathematicam orationis assiduitatem, sed moralem imperavit, ut saltem quot horis semel iterumque animum erigamus ad Deum jaculatoriâ prece. Hoc Augustini & Cassiani, hoc Chrysostomi præcipuè vult interpretatio, quæ docet non solum certa precandi intervalla observare, sed quàm fieri potest, creberrimè orare. Hoc Ecclesiastici monitum est: Non impediaris orare semper. *a* Hoc & Pauli præceptum: Sine intermissione orate. *b*

Orationem jugem, jugis postulat necessitas. Hostis perdius & pernox nos urget, haud aliter quàm oratione jugi vincendus. Ad exemplum urbis sanctæ id faciendum, monens Isaias: Super muros tuos Hierusalem, inquit, constitui custodes: totâ die & totâ nocte in perpetuum non tacebunt. *c*

Atque hoc est semper orare. De oratoribus tam assiduis dictum videtur illud regii psaltæ: Oculi Domini super justos, & aures ejus in preces eorum. *d* Cornelius centurio Romanus è gentibus oriundus, religiosus tamen ac timens Deum cum omni domo suâ, faciens eleemosynas multas plebi, deprecabatur Deum semper. *e* En virum orationis plurimæ. Non is erat è populo Dei, non circumcisis, non sacro fonte lustratus, miles fuit, alumnus Martis, inter arma educatus; sed quia Deum

timuit,

*a* Eccli. c. 18. v. 22. *b* 1. Thess. c. 5. v. 17.

*c* Isai. c. 62. v. 6. *d* Psal. 33. v. 16.

*e* Act. c. 10. v. 2.

## 236 RHETORICA CAELESTIS.

timuit, idè precationes & jejunia frequentavit, eleemolynas largas erogavit. Deum, quem nondum nôrat, deprecans semper. Hoc tantopere Deo placuit, ut Angelum miserit, qui virum suavissimè solatus: Orationes tuas, inquit, & eleemosynas tuas ascenderunt in memoriam in conspectu Dei. *a* Deus, mi Corneli, non potest oblivisci tui; fidiſſimi monitoris loco est, largiendi & orandi studium. Idcirco jube accersij Petrum, qui te tuamque familiam omnem baptismo sacro abluat, & Christo adjungat.

En pramium paratissimum semper orantis, Deumque semper deprecantis. Illius oblivisci non potest amantissimus Deus: Ecce, inquit, in manibus meis descripsi te. *b* Tu corde tuo, tuamque memoriâ me non excludere. Describere me in tabulis cordis tui. *c*

Ergo non impediamur semper orare. Benedicamus Dominum in omni tempore, semper laus ejus in ore nostro, quoniam oportet semper orare, & non deficere.

*a* Ibid. v. 4. *b* 1<sup>a</sup> c. 49. v. 16.

*c* Prov. c. 3. v. 3.

§. 3.

Sed multa hîc objicias: Quid opus tam crebrâ, imò tam assiduâ oratione? Deus omnia novit: Et num divina liberalitas orationes nostras expectat? Deinde cènes, inquis, rogavi Deum; quid impetro? cessabo igitur, cum videam, nolle Deum precibus meis annuere. Eadem, mi Christiane, tibi sapius inculcanda sunt, cum tu easdem etiam  
que-

querelas sæpius recantes. Hæc Dei dilatio, ut scias, non est invidiæ, sed curæ, non est ignorantia, sed providentia. Fidem tuam & constantiam tuam exerceri ac spectari vult Deus. Ita Christus mulierem Chananaeam vociferantem audire dissimulavit, imò veluti canem repulit, ut illa contentius rogaret, sibi majus præmium obtineret, aliis exemplum illustrius præberet. Sic Annæ petitio differtur, ut ejus devotio, clarior evulgetur. Neque verò multiloquium censendum, prolixa oratio, aut eorundem verborum in oratione repetitio. Anna sterilis multiplicabat preces coram Domino, & Franciscus Assisias noctem integram illud unicum ingeminavit: Deus meus, & omnia. Idem in Ecclesiâ more modoque veteri consuevit fieri. Productioribus colloquiis familiaritas cum Deo contrahenda est. Ideo Moyses in medio caliginis diebus septem detinebatur, inde in montem ad colloquium quadraginta dierum cum Deo ineundum evocatus est.

Dixerat Christus ad fontem confidens mulieri Samaritidæ: Qui biberit ex aquâ, quam ego dabo ei, non sitiet in æternû, sed aqua, quâ ego dabo ei, fiet in eo fons aquæ salientis in vitam æternam. *b* Femina ejus aquæ avidissima: Domine, inquit, da mihi hanc aquam, ut non sitiam, neque veniam huc haurire. Quid ais, mulier? vis divinum bene-

*a* 1. Reg. c. 1. v. 12. *Chrys. ho. 1. Assidue sonabat eadem, nec destitit iisdem verbis iterâus multû temporis absumere.* *b* Ioan. c. 4. v. 13. & seq.

beneficium ad superbiam & fastum, valetudinem ad oblectationem, divitias & gratiam ad DEI contumeliam derivare? Renuit Christus hanc aquam à se oblatam concedere; neque injuriâ. Non placuerunt verba illa: *Vt non sitiam, neque veniam huc haurire.* Vult Deus quotidie rogari; supplices, non superbos amat; fatuam pactionem, *semel pro semper*, non admittit Deus. Sic enim dona ejus vilescerent, ita tandem, quod donum est, velut debitum exigeretur.

Melius est igitur sitire, & ad hauriendum huc venire: Melius est, ad DVM assiduis precibus accurrere, quàm rebus omnibus abundare, ac suo pte nutu vivere. A catello, quem domi ad oblectationem alis, id discas. Hic cùm famelicus est, velut ad obsequium accurrit, blandus adest, & mulcet, petitque cibum eo, quo potest, sermone. Si ei frustillum nimis minutum objicias, mox redit, & subinde in pedes sese erigit: iterum buccellam projicis, iterum hiat, & oculis in dominum intentis adstat, dum plura recipiat: sin illi os grande aut multum pulpæ des, nec revocatus quidem redit, sed ad rodendum & glutiendum attentissimus abit. Vidisti aliquando canem, inquit Seneca, missa à domino frustra panis aut carnis aperto ore captantem? quidquid exceptit, protinus integrum devorat, & semper ad spem futuri hiat. a Hoc nostrum est ingenium. Hinc petentibus rogata vel non conceduntur vel minutatim, ut animum, oculos, spem

DEI

a Sen. epist. 72. fine.

omnem intendamus in Deum. Cum non esurimus, aut sitimus; ad pietatis & gratiæ fontem non recurrimus.

Diceret fortasse quispiam, inquit Chrysostomus, si habeo iustitiam, quid opus est oratione? Huic sanctissimus Pater respondens: Oratio, inquit, non est parvum vinculum dilectionis in Deum, quæ cum eo nos colloqui assuefacit, & ad sapientiæ studium deducit. Homines quidem nobis superiores allocuturi, & habitum, & incessum, & amictum, & omnia componimus. Ad Deum autem accedentes hiamus, fricamus, nos huc & illuc versamus, negligentes ac socordes sumus, humi genibus flexis per forum oberramus. <sup>a</sup> Quia igitur miri, si non faciat Deus, quod volumus, cum nos non faciamus, quod iubemur. Nihilominus oratio, tametsi nihil impetret, nos arctius conjungit Deo, qui sua etiam promissa vult nostris precibus honorari. Bernardi hoc asserentis verba sunt: Nemo orat, nisi quod credit & sperat. Vult autem à se requiri Deus, etiam quod pollicetur. Et ideo fortè multa, quæ dare disposuit, prius pollicetur, ut ex promissione devotio excitetur: sicque quod gratis daturus erat, devota oratio promereatur. Sic pius Dominus, qui omnes homines vult salvos fieri, merita nobis extorquet à nobis: & dum nos prævenit tribuendo, quod retribuatur gratis, agit, ne gratis tribuat. <sup>b</sup>

## CAPVT

<sup>a</sup> Chrysost. tom. 1. in psal. 4. mihi pag. 610.

<sup>b</sup> Bernard. homil. 4. super Missus, sine. Et in floribus, mihi pag. 3090.

## CAPVT III.

*Quid in oratione petendum.*

**M**Aximus Tyrius *a* è veteri Apologo narrat, Regē Phrygiæ Midam auri cupidissimum, aliquamdiu fontem è vino fluere iussisse. Ad hunc sitibundus venit Satyrus, qui promulside tam suavi liberalius sitim suam propitians, jam vino gravis facillimè se capi passus est. Rex huic captivo suo blādiens petiit ab eo, quod sibi charissimum acceptu, & Deo non difficile factu foret. Petiit ergo, ut quidquid in omni regno suo nasceretur è terrā, probatissimum aurum esset. Non difficulter votis annuit, temulentus Deus. Cumq; jam omnis terræ partus, omne pomorum, olerum, frumentorum genus succrevisset, purum pitum aurum fuit; sed ingens oborta fames stultissimum votum publicè damnavit. Midas suam suorumque infelicissimam felicitatem deplorans, fatuæ petitionis seipsum accusavit, jamque non unum, sed Deos Deasque omnes impensissimè rogavit, restituerent regno suo fructuosam paupertatem, hostibus darent tam infelicem opulentiam. Dii senatu coactō deliberarunt, quid ad Midæ libellum supplicem respondendum. Consensu demum decretum est: Habeat ut natus, & sciat, Deos non in omnem horam mutabiles esse; votis suis fruatur.

Hic

*a Tyrius dissert. 30. An orandus Deus.*

LIBER II. Cap. III. 241

Hic Tytius: Placet Apologus, inquit, & latens sub eo veritas. Quanti suum sibi exitium accersunt grandibus votis. Ut consequantur, petunt; damnant, cum consecuti sunt. Multi violenter impetrant, quod cupiunt, & id donum interpretantur. Errant fatui: supplicium est, non donum, sed quod suis ipsi tam improbis & importunis precibus extorserunt. Plurima sunt ejuscemodi bona, quæ non nisi iratus Deus potest concedere. Pars orationis præcipua est, scire quid petas. Hic ergo docebimus: Quid in oratione petendum.

§. I.

Fit nonnunquam, ut quis comparandæ vesti tabernam adeat, & pannum petat: Hic sedulus panni negotiator officinam excutiens, violaceum, prasinū, venetum, multicolorem pannum profert, ut delectus sit emptori. Sed enim emptor coloris negligens: Bonum, inquit, & durabilem volo pannum, sive atrii, sive cinerei, sive alterius coloris sit, pannum exhibe, qui ætatem ferat. Non aliter, agebat Socrates, orandum est: bonum aliquid & utile petendum. Quidnam sit illud, scit ille melius, qui dat, quam qui rogat. Nos sapissime petimus, quod longè salubrius non impetraremus. Facultates petis & opes? hæc multa millia hominum præcipitârunt Orco. Honores petis? scis ipse plurimos tantò gravius cecidisse, quantò altius ascenderunt. a Conjugium petis amplum ac nobile? Multis consul-

a Hoch gestigen / hoch gefallen.

242 RHETORICA CALESTIS.

consultius fuisset ignobilem, deformem, inopem sed honestam duxisse virginem. Petis valetudinem? quot millia damnati gregis caelo fuissent recepta, si annis aliquot ægrotassent. Ergo caelestium arbitrio te totum permitte: quia qui tribuere bona ex facili solent, etiam eligere aptissima possunt. Hoc idololatrias vel ratio docet. Hinc eruditus ille, sed nebulosus Satyricus, fatua & sæpe improba hominum vota sic irridet:

— Non tu prece poscis emaci —

*Quæ nisi seductis nequeas committere Divis. b*  
*At bona pars procerum tacitâ libabit acerrâ;*  
*Haud cuius promptum est murmurq; humi-*  
*lesque susurros*

*Tollere de templis, & aperta vivere voto.*  
*Addit, quæ clarè possint peti, quæ clam &*  
*tacitè soleant rogari:*

*Mens bona, fama, fides, hæc clarè & ut audiat*  
*hospes:*

*Ille sibi introrsum, & sub linguâ immurmura-*  
*rat: ò si.*

*Ebullet patrum præclarum funus, & ò si*  
*Sub raistro crepet argenti mihi seria dextro*  
*Hercule, pupillumve utinam, quem proximus*  
*hæres*

*Impello, expungam! c ———*

*His talibus votis ac petitionibus non mul-*

*tuus*

*a Hoch gestigen / hoch gefallen.*

*b Submissâ voce petis, quæ clarâ non auderes.*  
*Persius sat. 2. initio.*

*c Hæc stultissima hominum vota sunt: ò si hoc*  
*aut illo mortuo pinguem hereditatem obti-*  
*neam; ò si pecuniam inveniam! &c.*



## LIBER I. Cap. III. 243

tum ultra bestias sapimus. Taurus & Camelus, ut in fabulis est, petieruat à Iove cornua. Camelus non tantum non impetravit quod petiit, sed aures etiam perdidit, quas Iupiter præcisas esse voluit: Bovi data sunt quidè cornua, sed eum petitionis statim pœnituit. Nam cum inermis liber esset, & à nemine capi facile posset, enatis cornibus injectus est laqueus; ita miser ad carrum, ad aratrum, ad macellum tractus est.

Frequenter idem cum camelo & tauro petimus. Est, qui numen assiduè precibus eò fatiget, ut inimicis & adversariis possit resistere, ita cornua petit, & in malevolos arma. Ah in suam ipse perniciem hæc postulat; imò multi cornua, quæ petunt, non acquirunt, & aures insuper amittunt ut camelus. Rectè dixit Philosophus: Si Deus votis nostris omnibus annueret, brevè orbis periret. Dictum Tarsensis Pauli hoc confirmat: Quid oremus, sicut oportet, nescimus. <sup>a</sup> Exorari autem in perniciem rogantium sæva bonitas est. Quemadmodum pulcherrimum opus est, etiam invitòs nolentesque servare, ita rogantibus pestifera largiri, blandum & affabile odium est. Quid ni eum oderimus, à quo in damnum ac periculum nostrum adjuti sumus?

Insignissimè hic Romanus sapiens philosophatus: Sunt quædam, inquit, nocitura impetrantibus, quæ non dare sed negare beneficium est. Sæpe enim noxia concupiscimus, nec dispicere, quàm perniciofa sint, licet, quia iudicium interpellat affectus.

<sup>a</sup> Rom. c. 8. v. 26.

M

Sed

## 244 RHETORICA CÆLESTIS.

sed cū subfedit cupiditas, cū impetris ille flagrantis animi, qui consilium fugat, cecidit, detestamur perniciosos malorum munerum auctores. Ut frigidam ægris negamus, & lugentibus ac sibi iratis ferum: sic ea, quæ nocitura sunt, impensè ac submissè, nonnunquam etiam miserabiliter rogantibus, perseverabimus non dare. Si, qui dicant: Scio hoc illi non profuturum. Sed quid faciam? rogat, resistere precibus eius non possum. Ipse viderit. De se, non de me queretur. a Cum multis Deus sic agit. Israël's populus in solitudine importunis precibus carnes postulavit: valde displicuit Deo hæc postulari, sed tan è annuit iratus magis quam propitius. Idem populus anno iudicium Hebræorum, regem petiit. A què id Deo displicuit, sed tan en concessit, non ut beneficium, sed ut supplicium. Sciebat hoc illis non profuturum. Duo Zebedæi filii per matrem, quam subornarant, affectionem in regno Christi petierunt; responsum est: Nescitis, quid petatis. Petiit Paulus stimulum carnis à se auferri; responsum est: Sufficit tibi gratia mea. Quid ergo petendum?

a. *Sen. l. 2. de Beneficiis, c. 14.*

## §. 2.

Compendio res tradenda. Vnicum est, quod honestissimè ac iure petitur à Deo, *Gloria* aut *Gratia*. Vtrumque petit qui alterutrum. Explico. Gloriam petere dicendus est, qui petit aliquid æternum. In specimen

cimē has preces ponimus: *O mi Deus, hoc solum deprecor, aternitate totā inter diaboles & hostes tuos te maledicere. Cetera dā, & aufer quod vis; cade, seca, ure, prout vis, habebis obsequentem.* Aut hoc modo: *O Domine, ego quidem musicorū imperitissimus sum, & cum tuus illis in celo musicus heu neutiquam conferendus, sed ex gratiā in Angelorum societatem me recipe, ut aeternū te laudem.* Qui sic orant, gloriam petunt, sed modeste ac submissē, quod utique Deo plurimum placet. Neque displicet beatitudinem simplicissimē sic petere. *Domine, in celum me admitte.* Hæ tales preces aternitatis donum, gloriam cælestem ambiunt.

Gratiam verò *Primam*, ut eam Theologi vocant, petimus, cū læsæ conscientie veniam rogamus; aut certē gratiæ augmentum poscimus, cū in gratiā quidem sumus, sed eam augeri cupimus. Qui gratiam sic ambit, simul etiam gloriam expetit, nam passu pari hæc eunt. Cū enim augetur gratia, simul etiam gloria, quæ futuro seponitur, augmentum sumit.

Porro Gratia censetur petere, quicunq; spirituale quippiam, qui virtutes, qui cælestem sapientiam, qui vitiorū victoriam petit. Peculiariter crebrius petenda sunt: Venia peccatorū, Non peccandi propositum, Spiritus orationis & precum, Humilitas & Charitatis incrementum. Id denique, quod DEVS scit nomini maximē necessarium. Ita gratiam postulamus.

Quocirca hæc duo absolutē bonæ sine

246 RHETORICA CALESTIS

ambagibus, sine præfatione multâ, sine conditione peti possunt. Gratiâ aut Gloriam petere honestissimum ac laudatissimum. Orationis Dominicæ petitiones inspicite, Gloriam aut Gratiâ, ejusque augmentum omnes spectant. Quarta solum petitio, quæ panem postulat, periturum aliquid videtur poscere. Sed & hæc, si attendimus, verè spiritualis est, nam aut panem petimus *super substantialem* (ut Græcus contextus est) seu divinum & æternum, aut certè quotidianum, seu solam vitæ alimoniam, a quam Salomon modestissimè petens: Tribue, inquit, tantum victui meo necessaria: b si & nos pariter solum petamus victum, spirituale aliquid petisse censemur, quod eruditè Isidorus Pelusiota confirmans: Nil, inquit, præter panem requirere, spiritualis procul dubio ac præclaræ & philosophicæ mentis fuerit. c Qui quotidianum duntaxat panem mendicat, his quasi verbis Deum compellat: Amantissime Pater, quia mihi orandum & laborandum, & verò etiam luctandum est, ut cælum inter violentos rapiam, idè vitæ necessaria, victum ac vestitum peto; non superflua, non rerum abundantiam; non panem selectissimæ farinæ non vestem magni pretii, aut rari artificii posco: modò pascar & tegar; victui tantum necessaria tribue. Hæc solum expetere, inquit Pelusiota, mentis est spiritualis.

Itaque

a Die blossig nahrung vn auffenthaltung.

b Prov.c.30.v.8. c Isid.Pelus.l.5.epist.281.

## §. 3.

Itaque si leges orationis Dominicæ sequamur, non formam, non valetudinē, non opulentiam, non corporis vires, non vitam longiorem, non famæ celebritatem petemus; hæc enim, ait Christus, gentes inquirunt, & hæc Deus velut auctariū solet adjicere. Num igitur, dices, nil periturum, nil mortale aut fluxū petere licebit? Nihil sanē, nisi sub conditione, certisq; legibus & cautē. Si nimirum id, quod petimus, Dei honorem non imminuat, & nobis expediat.

Innumera petimus à Deo, cū ad ea singula responderi possit aptissimē. Non expedit tibi, quid hoc petis? non expedit tibi. En Solymorū rex David, posito diademate, projectis gemmis exutā purpurā, remotā regii splendoris dignitate omni, solitarius gemens, sacco clausus, squalidus, fletu madidus, cinere sordidatus, vitam parvuli sui tot lamentationum suffragiis petit, & benignissimum Deum tantā precum ambitione pulsat, sed nihil impetrat. Cū tamen, quod fortissimum petentibus adjumentum est, impetraturum se, quod sic à Deo peteret, credidisset. Ne miremur: non expediebat ei; rem temporis & non æternitatis petiit.

Ita Franciscus Borgias Dux Gandiæ, Deum impensissimē nec sine lacrymis rogārat, ut Leonoræ conjugī ægrotāti vitam produceret. Sed vocem audiit, quæ respon-

48 RHETORICA CALESTIS.

deret : *Fiat quod vis ; sed tibi non expedit.*  
Hic Borgias in largissimas lacrymas effusus : *Tua, inquit, voluntas fiat, mi Deus, non mea.* Quid mihi condneat, nemo te melius novit. Quod si tibi sic placeat, non uxorem tantum, sed & liberos, & meipsum tolle. En ego me tibi meaq; omnia in tuas configno manus, paratissimus facere ac pati quidquid volueris.

Quisquis aliter petit, quod non æternum est, malè petit. In petendâ re mortali, hæc conditio nunquam non miscenda; si honori divino non obsistat, si animi salutem non impediat.

2 Vide Helianopium meum l. 2. c. 3. §. 5.

§. 4.

Augustinus consignatissimè istud explicans : *Quid est, inquit, quod dicit multis locis scriptura? quia invocabunt, & non exaudiam eos.* Certè misericors omnibus invocantibus se. Invocant illi, sed non Deum. Invocas, quidquid amas: Invocas, quidquid in te vocas; invocas, quidquid vis, ut veniat ad te. Porro si Deum propterea invocas, ut veniat ad te pecunia, ut veniat ad te hæreditas, ut veniat ad te secularis dignitas, illa invocas, quæ vis, ut veniant ad te: sed Deum tibi adiutorem ponis cupiditatum, non exauditorem desideriorum. Deus bonus, si det, quod vis. Quid, si malè vis? Nonne erit tibi magis non dando misericors? Porro si non dederit, jam nihil tibi

tibi Deus est, & dicis : Quantum rogavi, quàm saepe rogavi, & non sum exauditus? Quid enim petebas? Fortè mortem inimici tui? Quid si & ille petebat tuam? Qui te creavit, ipse & illum : homo es, homo est & ille. Deus autem iudex est : audit ambos, sed non exaudit ambos. Tristis es, quia nō es exauditus contra illum : gaude, quia ille non est exauditus contra te. Ego, inquis, non hac petebam : non inimici mei petebam mortem, sed vitam petebam filii mei. Quid mali petebam? Nil mali petebas, sicut tu sentiebas. Nam quid si ille raptus est, ne malitia mutaret intellectum illius. Sed peccator, inquis, erat : & ideò volebam illum vivere, ut corrigeretur. Tu volebas eū vivere, ut melior esset. Quid si Deus noverat, si viveret, pejorem futurū? unde ergo nō si, quid illi prodesset, mori, an vivere? si ergo non nō si, redi ad cor tuum, dimitte Deo consilium suum. Quid ergo, inquis, faciam? quid orem? Quid ores? quod te docuit Dominus, quod te docuit celestis magister. Invoca Deum tanquam Deum. Illo melius nihil est, ipsum desidera, ipsum concupisce. *a*

Quocirca, quod idem Augustinus enucleatè docet, oremus pro corpore, sed sine ullā comparatione amplius pro animā supplicemus. *b* Quis enim Casarem accedens has preces precatur : Aug. ste Imperator, lacerum mihi pallium est, sex crucigeris

M 4. ego

*a* Aug. tom. 8. in psal. 85. mihi pag. 385.

*b* Idem tom. 10. serm. 60. de Tempore, sine,

250. RHETORICA CAELESTIS.

ageo ad illud sarcinandum : largire tres se-  
stertios. Quid ista, stolide, à tanto Principe  
petis? Pete digniora Casare.

Quando igitur Gratia & Gloria hone-  
stissimè petuntur ac securissimè, ideò quod  
rerum fluxarum est, non nisi sub conditio-  
ne, idque indicando tantùm & innuendo  
rectè petitur. Ita Domini mater in nuptiis  
Canæ, non vinum magnis precibus effla-  
gitavit, sed novorum conjugum tenuitatè  
exposuit : Ita leprosus, quid gratum esset,  
indicavit solùm, & innuit : Domine, si vis,  
potes me mundare. *a* Ita Lazari sorores  
non importunè fratri valetudinem expos-  
cunt, sed Christo solùm hoc nuntiari vo-  
lunt : Ecce, quem amas, infirmatur. *b* Hoc  
indicare est, non postulare; quã quidem le-  
ge petendum, quidquid extra Gratiam &  
Gloriam desideratur. Omnia namq; tem-  
poralia ita indifferentia sunt, ut tam obesse  
queant, quàm prodesse. Permissum est qui-  
dem sic orare: Domine, si vis, facultates au-  
ge, valetudinem instaura, vires suffice, no-  
men & bonam famam concilia, calamitates  
averte; Si tamen honori tuo nil derogetur,  
& ita fieri expediat. Nam forsan hæc magis  
quàm aperta pèrnicies, nocerent; hæc for-  
san plus prodesse negata quàm concessa.

Infans petit panem; dat pater: petit cul-  
trum, negat. Atqui opus est cultro, nec  
enim integrum panem glutiet. Ego fran-  
gam, ait pater. Ita nos sæpe cultrum peti-  
mus vulneris instrumentum. Quibus Pa-  
ter:

*a* Luc. x. 5. v. 12: *b* Ioan. c. II. v. 35



## LIBER II. Cap. III. 251

ter: Mei filij, ait, panem non nego, sed nego  
cultrum vestro bono.

## §. 5.

Istud Bernardus copiosius declarans: Ad  
hoc tende, inquit, ad hoc conare, ut in Do-  
mino delecteris, & dabit petitiones cordis  
tui. Sed considera, quodd petitiones cordis  
dixerit, quas approbat iudicium rationis.  
Nec habes, unde causeris, sed unde magis  
tâto affectu in gratiarum actione verferis.  
Quandoquidē tanta super te cura est Deo  
tuo, ut quoties ignorans quæris, quod tibi  
inutile est, non te audiat super hoc, sed mu-  
ret illud utiliori dono. Sic & pater carna-  
lis parvulo quærenti panem libenter porri-  
git: quærenti cultellum, quem non neces-  
sarium putat, non consentit, sed magis pa-  
nem ei, quem dederat, frangit, vel per ali-  
quem ministrorum frâgi præcipit, ut nihil  
ille habeat periculi, nihil laboris. Addit:  
Pro necessitatibus animæ orandum nobis  
est, & frequentius, & ferventiùs, id est, pro  
obtinendâ gratiâ Dei, animæque virtutibus.  
Sic & pro vitâ æternâ, totâ pietate & toto  
nobis orandum est desiderio, ubi nimirum  
corporis & animæ plena & perfectâ sit  
beatitudo. Sit ergo oratio, quæ pro tem-  
poralibus est, circa solas necessitates restri-  
ctâ; sit oratio, quæ pro virtutibus est ani-  
mæ, ab omni impuritate libera, & circa  
solum beneplacitum Dei intentâ; sit ea,  
quæ sit pro æternâ vitâ, in omni humili-  
tate,

## 252 RHETORICA CAELESTIS.

tate, præsumens de solâ (ut dignum est) mîseratione divinâ.<sup>4</sup>

Vult igitur Deus, quæ temporalia sunt sub conditione peti, non quòd velit nos parcè petere, sed quòd illa non digna Deo sint dona. Gratia & Gloria, hæc munera sunt regia. Neque metuendum ulli, ne Deus nobiscum agat, quemadmodum Antigonus rex egit cum Thrasylo Cynico. Petiit hic sibi drachmam *b* à rege donari. At rex eum repellens: Non petis, aiebat, munus regium. Ergo talentum argenti, seu sexcentos philippeos petiit. Rex illum iterum facessere iubens: Non petis, aiebat, munus Cynicum. Non ita Deus, qui multò & humanior & liberalior in nos est, hinc ei gratissimum, si & plurima petamus, & maxima. Optimè dixit Chrysostomus: Quemadmodum ad Imperatorem nemo pro veste discissâ, nec pro decem obolis ereptis audet accedere: ita etiam tu, atque adeò longè ampliùs, cave, ne ad Deum accedas pro rebus vilibus, contemptis, & nihilint verbi gratiâ, si quis in pecuniâ tibi fecerit injuriam, aut si quis affecerit te contumeliâ: *c* sed in iis, in quibus diabolus te injuriâ afficit, superno maximè auxilio opus est.<sup>d</sup>

Baltha-  
2 Bernard serm. 5. sine, in quadrages. de triplici  
modo orationis.

*b* 4. sesteritios. 2. Batzen.

*c* Hæc quidem etiâ licet petere, sed sic: Si  
vult, Domine, si ad tuam honorem, si utile sit,  
& Chrys. tom. 1. in ps. 142. mihi pag. 1049.

LIBER II. Cap. IV. 253

Balthasar Alvaresius a vir magnæ sancti-  
tatis, Deoque conjunctissimus, cùm in illa  
Domini verba *Petite, & accipietis*, altius  
animum defigeret, intellexit ex alto, nosse  
Deum nos esse parcos in petendis ab ipso  
donis & gratiis, talem namque parcitatem  
dæmonis esse tentationem. Et cùm semel  
aliquid pro indigente peteret, sibi audit  
dici: *cur tu in petendo parcus es, cùm Deus  
in dando tam liberalis?* Tanquam indicaretur  
illi, ut etiam pro aliis indigentibus pe-  
teret. Alio etiam tempore cùm, felicem ne-  
gotii successum peteret, audivit hæc verba:  
*Ego te tanquam Rex adjuvabo.* b

Nemo igitur petendo modicus sit: im-  
mortalia præcipuè petamus & summa.  
Quoniam, ut Ambrosius loquitur, non  
bonum tantum, sed & opulentum Domi-  
num habemus.

a *Hispanus Societatis IESV Sacerdos.*

b *In vitâ Balth. Alvar. Ludovicus de Ponte  
c. 15. §. 2.*

CAPVT IV.

*Quibus modis per orationem trahamur  
ad Deum.*

**N**ON vitio vertamus, si quis quærat:  
Cur obsecro, toties, & subinde  
prolixius cum Deo loquendum?  
cur tam attentè, tam seriò, tam sollicitè,  
tantâ animi præparatione, intentione tan-  
tâ cur orandum? Deus siquidem ali æterno  
M 6 cuncta

## 254 RHETORICA CAELESTIS.

cuncta nobis defutura, omniâque nobis adversatura prævidit. A Christo id discimus monente: Scit pater vester, quia his omnibus indigetis. *a* Deinde aliquem rogare nõ est aliud, quàm cum precibus vellemus flectere. Atqui Deus immutabilis, inflexibilis est. Sic Regum falsi loquuntur: Porro triumphator in Israël nõ parceret, nec pœnitundine flectetur. *b* Præterea multo majoris est liberalitatis ultro dare non petenti, quàm morosis auribus longas preces transmittere, atque tum demum exorabile dominum se præbere. Ex vero Cordubensis Philosophus dixit: Nulla res carius cõstat, quàm quæ precibus empta est. *c* Atqui Deus liberalissimus, imò ipsa est liberalitas.

Cur igitur toties, tamdiu, contentione tantâ orandum? quæstio non absurda, quam & doctissimi posuerunt.

Christus suavissimè pollicitus: Et ego, inquit, si exaltatus fuero à terrâ, omnia traham ad meipsum. *d* Quibus autem modis, per orationem præcipuè trahamur ad Deum nunc exponemus.

*a* Matth. c. 6. v. 32. *b* 1. Reg. c. 15. v. 29.

*c* Seneca l. 2. de Beneficiis c. 1. fine.

*d* Ioan. c. 12. v. 32.

### §. 1.

Triplex est Theologis trahendi genus, Morale, Naturale, Civile. Moraliter trahimur laudando, invitando, rogando, promittendo, comminando, donando. Cum  
David

LIBER II. Cap. IV. 255

David Saulem fugiens Odollam specum occupasset, convenerunt ad eum omnes, qui in angustia constituti, & oppressi a re alieno, & amaro animo. Ita quadringentos viros attraxit. Sed quibus tractoriis organis promittendo, quia dando non potuit. Sic moraliter trahendo, quod Regum fasti testantur, factus est eorum princeps.

Naturaliter verò trahimur diversis modis. Valde trahit similitudo, siquidem par pari facile sociatur; aves concolores unà volant, corvi cum corvis, columbæ cum columbis; sic congenere feræ, lupi cum lupis, cervi cum cervis pererrant silvas; sic inter homines similis gaudet simili. In humano corpore, calore plurima trahuntur: caput inflammatum stomachi vapores attrahit, manus aut pes malignè incensus, quidquid mali humoris alibi sparsum est, ad se corrivat, sic in ingenti hoc orbis corpore solaris calor expirationes & anhelitus terræ colligit; hinc omne genus tempestatum. Cum autem natura vacuum & inane plurimum horreat, metu vacui levissima quæque deorsum trahit, sursum gravissima. Idem hic vacui metus vel æneam ollam subinde rumpit, cum aqua in eâ congelavit; sic aquæ in fontibus subterraneis in altum educuntur. Quâ porro vi occultâ & mirabili sympathiâ paleas succinum, magnes ferrum, Cæcias nubes trahit?

Civile verò trahendi genus est, cum quis

a 1. Reg. c. 22. v. 2.

256 RHETORICA CALESTIS.

quis supplicii formidine, aut aliâ vi legitima compellitur ad faciendum officium. Beato Lucâ teste, cùm sese omnes, qui ad cenam magnam invitati fuerant, excusassent, dictum est servo: Compelle intrare. *a* Sic Absalon, cùm Ioabum semel iterumque vocâset, at ille venire recusâset, denique Ioabi segetes incendi iussit, ita eum ad se pe traxit. *b* His omnibus modis benignissimus Deus nos prius ad orationem, tum demum ad se trahit. Sed antè objectionibus respondeamus, quàm hunc triplicem trahendi modum dilertiùs explicemus.

Ad orationem, inquis, sæpiuscule me trahis sentio, sed advocant negotia; non vacat.

Itane inter postremissimas curas habendum mentis cum Deo colloquium? Negotia, ut scias, ab oratione pendent, non hæc ab illis. Insuavis est labor, & sæpe inanis ac inutilis, quem oratio non condit.

Objicias iterum: Nonnunquam oblitio preces sepelit; orationes præsertim breviores sæpius iterarem, si earum sæpius meminissem.

Hic ingenuè te ream fateris. Quàm enim facile meminimus, quod libenter agimus? Nemo oblivisci ejus potest, quod diligit. *c* Rarè & non libenter orare, pænè idem sunt. Sit Deus thesaurus cordis tui, & non solum frequenter, sed assiduè orab.

Et

*2 Luc. c. 14. v. 23. b 2, Reg. c. 14. v. 30. c 1am. vet.*

## §. 2.

Et primò quidem Deus nos moraliter trahit invitando, benefaciendo, rogando: Venite ad me omnes, qui laboratis, & onerati estis, & ego reficiam vos. *a* Ecce prandium meum paravi, tauri mei & altilia occisa, & omnia parata, venite ad nuptias. *b* Ita beatitudinem promittendo, gehennam comminando, singulis horis benefaciendo humanissimè vocat: Venite ad me omnes, venite, venite.

Sed & naturaliter nos trahit similitudine admirandâ, nam in similitudinem hominum factus, & habitu inventus ut homo, *c* sermonibus suavissimis nos delinens, ipso in orbem ingressu hæc nobis significavit: Igæ olim vestitus in Sinai montem inter fulgura, tubas & fulmina descendi; nunc autem, ne quisquam consortium meum horreret, en adsum vobis simillimus, vestram in me naturam cernitis, esurio, sitio, ploro perinde ut vos, comedo, bibo, dormio non aliter quàm vos, frater vester, simillimus vobis. Non solùm autem similitudine, sed & calore, & vacui timore, & sympathiâ incredibili nos trahit. Tanto amoris æstu flagrabat Dominus Iesus, ut aliqui eum furere putarent. Ita Marcus dilucidè: Cùm, inquit, audissent sui, exierunt tenere eum, dicebant enim, quoniam in furorem *a* *Math. c. 11. v. 28.* versus *b* *Ibid. c. 22. v. 4.* *c* *Philip. c. 2. v. 7.*

## 258 RHETORICA CAESTIS.

versus est. *a* Quantis caloribus ardebat, cum diceret : Desiderio desideravi, hoc pascha manducare vobiscum, antequam patiar. *b* Quantis ignibus exæstuabat, cum in cruce jam morti proximus clamaret, Sitio. Hanc in eo sitim ardentissimam gentis humanæ salus excitabat. Hic affixus sol cruci, vapores & halitus terræ, frigidissima corda in altum ad se pertraxit. Hic etiam vacui metus ruinam orbis minabatur. Nam sanctissimum Domini corpus jam sanguine & aquâ vacuum, ab ipso etiam animo desertum in trabe pependit, sol expalluit, terra movit & tremuit, mortis carcer referavit, & patuit, captivi non pauci evolârunt. *c* Orbis videbatur ruiturus. Ita calore trahebamur, sed & sympathiâ prorsus admirandâ trahimur. Eucharistia velut magnes potentissimus nos trahit vi latentissimâ. Nec enim aliud cernit oculi, quàm candidum panis orbiculum; corpus, sanguis, animus, Christus totus, homo Deus later. Inventio sanè obstupefenda!

Sed & civiliter nos trahit Deus, dum per orationem suavi necessitate adigit ad meliora. Iis, quæ principio capitis objecta sunt, responderi ille ipse, qui trahit. Quid vobis desit scio perfectissimè, & ab omni retro æternitate scivi. Ego Dominus, &

non

*a* Marci c. 3. v. 21.

*b* Luc. c. 22. v. 16.

*c* Multa corpora Sanctorum, qui dormierant, surrexerunt, Matth. c. 27. v. 42.



non mutor. *a* Ego amantissimus vestri, ego ditissimus, ego liberalissimus, dabo, quod petitis, victum & vestitum non subtraham, multò minùs negabo meam Gratiam. Hoc solùm à vobis exigo. Venite, pulsate, petite.

En, ut mitissimus Deus civiliter nos trahat, nam apud plurimos nec moralis nec naturalis proficit attractio; excitantur minis, alliciuntur beneficiis, invitantur promissis; non veniunt, tractorios funiculos omnes abruptunt. Christus eos ad præsepe in stabulum, ad conciones in templum, ad Eucharistiæ mensam in cenaculum, ad orationes in olivarum hortum, ad columnam purpuream in Pilati prætorium, ad vestem albam in Herodis palatium, ad crucis spectaculum in Golgothæ clivum, ad victoriæ triumphum in Iosephi viridarium vocat; non veniunt vocati. Ergo trahendi, ergo compellendi sunt. Ita Deus varias in nos calamitates immittit, rebus adversis premit, ærummis urget & impellit. Ita penè cogimur orare; vix aliud effugium, trahimur ad Deum.

Nos quidem sæpiuscule miramur: unde hæc afflictio, unde calamitas ista? Christus cum Absalone causam assignans: Misit, ait, ad te obsecrans, ut venires ad me, *b* & noluisti venire. Traxi te funiculis, sed molibus & byssinis, rogavi, & invitavi. Sed tu rupisti vincula mea, & dixisti: Non serviam. *c* Traxi te nascendo & docendo, traxi

*a* Malach. c. 3. v. 6. *b* 2. Reg. c. 14. v. 32.

*c* Hier. c. 2. v. 20.

## 260 RHETORICA CÆLESTIS.

traxi te pascendo & moriendo, traxi te resurgendo & in cælum ascendendo. At tu rupisti vincula mea. Validum mihi restat vinculum, trahendus es cladibus & arumnis, ad orationem compellendus es; ita denique jungemur, ita in amicitiam copulabimur.

## §. 3.

Hic, obsecro, te Lector, animum advertite, & serius audi, quâ ratione ab utrâque parte, sed prorsus inæquali vinculo trahamur. Trahit nos Deus, trahit & diabolus & velut trahendo certant, uter vincat, & hominem ad se pertrahat. Nos medii stamus, & in potestate nostrâ est, à quo attrahi velimus. Diabolus tenui filo, aut etiam fragili culmo nos non invitos ligat, vanitates & titulos, sterilissima nomina inculcat, pecuniam ostentat, libidinum voluptates monstrat, & hominem sine vi petrahit ad vetitum. Abit miser homo, & expressissimas Dei leges violat, ut vel libidini suæ, vel aliis cupiditatibus satisfaciat. Deus etsi quandoque nauticos funes, etsi catenas iniiciat ei, quem attractum cupit, etsi varias calamitates, iacturam gratiæ, cæli edium, etsi supplicium æternum & inferos minetur, Satanâs nihilominus trahendo, vincit, & deliberantem hominem in suam pertrahit partem. Ita reverâ efficit diabolus, ut homo injecta sibi à Deo vincula rumpat, Dei leges evertat, Deum conspuat.

Hoc

## LIBER II. Cap. IV. 261

Hoc indignitas maxima, hoc summa in Deum injuria est. Atqui hoc reipsa & verè fit in omni letali noxâ. Hæc tanta in Deum contumelia nullis inferorum ignibus, æternitate nullâ expiabilis est.

Etiannum semper quærimus, cur Deus peccatum letale unicuique, quod vel solâ sit cogitatione, suppliciis æternis puniat? En causam, en injuriam ipsi oculis aspectabilem. Huc animum, huc oculos; videte, obsecro, videte indignitatem criminis; unum eundemque hominem Deus trahit & diabolus. Funes Deus & catenas injicit, robusta vincula; pollicetur cælum, minatur inferos. Nil efficit; credendum est Deo; rumpit vincula homo, & audacissimè dicit, Non serviam. At verò diabolus, subtilibus superbiæ funiculis, vel aureo avaritiæ filo, vel pictis luxuriæ catenulis trahit hominem, quod vult. Ita Deum certando vincit, triumphat, imò etiam insultat Deo, & opprobrat: En ita tui te homines colunt, pro quibus in crucem actus, pro quibus mortuus es: hæc tibi pro tuis reddunt beneficiis. Quid à me præmii sine accepturi, non nesciunt, nihilominus me sequuntur, mihi serviunt. Tua vincula rumpunt, meis se vinciri sinunt, modò eis pecuniolam, modò voluptatulam, aut gloriolam, velut viridem ramum his oviculis ostendam, facillimè quod volo, pertrahi se permittunt. Ego nullos pro eis colaphos, non flagra, non spinas, non clavos,

non

## 262 RHETORICA CALESTIS.

non mortem pertuli, nihilominus tuis legibus calcatis, meas studiosissimè observant. Hoc Christo cacodæmon exprobrat.

Hoc, ô Christiani, hoc gehennis omnibus dignissimum est, hoc æternitate nullâ satis expiari potest. Quod in hac imagine Dei & diaboli pariter trahentium, vel oculis expositum est; nemo non videt, quàm indignum sit, malle hominem in cacodæmonis potiùs, quàm Conditoris partes transire, Diaboli leges multò accuratiùs, quàm Dei servare.

Ventus est, cui Cæcias nomen, de quo Plinius: Narrant, inquit, & in Ponto Cæciam in se trahere nubes. a Hinc adagio: Cæcias nubes trahit. Q. Sertorius vir strenuus & bellicosus, Plutarcho teste, cùm Characitanos oppugnaret, hujus venti naturam peritissimè in suam traxit fortunam: Nam cùm barbarus hostis in specus & antra sese abderet, ille grandes cinerum acervos è regione congeri jussit. Iamque Cæciâ hostibus adverso flante, aliquot turmas equitum emisit, qui & hostem ad conflictum elicerent, & unâ cineres turbarent. Felicissimè cessit stratagema. Nam Cæcias ita hostem cineribus involvit, & afflixit, ut mox sese dederet. Non multùm absimili ratione pugnat in nos Deus, quos ut sibi dediticiòs faciat, acervos cinerum, cumulos calamitatum adversùs nos aggerat, ut in suam redigat potestatem. Nimirum hoc Dei consilium est, tam copiosos oculis

a Plinius l. 2 Nat. Hist. c. 47. med.

lis cineres ingerere, tam variis ærumnis  
impellere, ut denique non aliud velimus,  
quàm ad Deum per orationem procurre-  
re, Deo nos dedere. Et quia cupit, ut in  
rebus omnibus & assiduè ad se confugia-  
mus orando, eam ob causam oculos no-  
stros perpetuo cinerum aggestu implet, &  
modò morbis, modò pauperie, modò curis  
& mœroribus nos oppugnat, ut ad preces  
fundendas pertrahat. Hoc per Oseam se  
facturum jam olim denuntiavit: In funi-  
culis Adam traham eos, in vinculis chari-  
tatis.

Væ homini, qui toties vincula divina  
rumpens, audet dicere: Non serviam. In-  
vitamur, urgemur, trahimur ad assiduas  
orationes. Sub vitæ finem tot sua vin-  
cula monstrabit Deus, & jure meritissimo  
exprobrans dicet: Volebam quidem te  
meum esse, sed noluisti: Traxi te *moraliter*  
pollicitis, minis, beneficiis, precibus, donis,  
sed tu rupisti vincula mea. Traxi te *natura-*  
*liter*, non solum pascendo te corpore meo,  
sed etiam moriendo pro te, at tu rupisti  
vincula mea. Traxi te, *civiliter*, miseriis &  
calamitatibus diversis. Voluisssem, ut per  
crebras orationes arctissimâ jungeremur  
amicitiâ, sed tu noluisti, & rupisti omnia  
vincula mea, dixisti, Non serviam. At verò  
diabolum tenui filo trahentem, quò vo-  
luit, secutus es. Quia igitur deseruisti me,  
nunc & ego te deseram, & projiciam à me  
in æternum.

Ita

264 RHETORICA CALESTIS.

Ita filii regni ejicientur in tenebras exteriores, ibi erit fletus & stridor dentium. <sup>4</sup>  
Nunc ergo deprecemur Dominum, & clamemus: Trahe nos post te. <sup>b</sup>  
<sup>a</sup> Matth. c. 8. v. 12. <sup>b</sup> Cantic. c. 1. v. 4.

CAPVT V.

*Quando prolixiùs & ardentius orandum.*

**A**gitabatur olim quæstio inter complures, num sapientia potius, an opulenta deligenda. Visum est non paucis, opulentiam præstare Sapientiæ. Nam opulenti aiebant, doctos non prestant, non ambiunt, sed docti opulentos. Contrà sentiebant alii, longè meliorem esse sapientiam omni opulentia. Vir enim eruditus & sapiens studiosissimè quærit, quidquid damnosè sibi deesse cognoscit: Opulentus facillè persuadetur omnium bonorum possessione se frui, cum abundet pecuniâ; ita bonum illud minimè quærit, cujus penuriâ maximè laborat.

Priori non abissimilis est quæstio: An humane genti non consultius foret, si Deus singulis, quod cuique scit deesse, liberali manu tribueret, quam multis precibus fatigari sustineret? Hic una omnium rectè sentientium vox est: Non fore consultius. Si enim Deus etiam non petentibus daret, quod cuiusque necessarium iudicaret, quàm rarus, quàm & frigidus orationis usus esset? Deus multiplici rerum indigen-

LIBER II. Cap. V. 265

tia nos ad se trahit, perinde ac si singillatim omnes monuisset: Cum tibi aliquid defuerit, ad me propera, quare, pulsa, pete. Impetrabis, si debita poposceris.

Explicavimus, qua ratione semper & assidue orandum. Quid in oratione petendum. Quibus modis per orationem trahamur ad Deum. Restat dicere, quando potissimum prolixius & ardentius sit orandum.

§§. I.

Primò; Tunc sanè attentius, prolixius, & ardentius orandum est, cum donorum aliquid à DEO accipimus. Consultissimum est, ita seipsum assuetacere, ut quotiescunque aliquid divini luminis & melioris celo radius allucet, cum aliquid à Deo impetratum est, cum prospero successu res eunt, cum qui bene sibi esse sentit, mox sese ad Deum vertat; Benedictus Deus in æternum; ni Dominè, hoc à te munus est, tibi gratias ago.

Alaudulas ferunt, quotiescunque aliquid in agro pabuli reperiunt, mox evolare in altum, suaviter cantare in laudem & præconium sui altoris. Homo nutritoris Dei alumnus, non se gratiorem exhibeat alaundæ: Quotiescunque igitur Deus beneficium se nobis ostendit, licet in re medicâ, toties nos illi gratissimos exhibeamus; mox sequatur oratio. In omnibus gratias agentes benedicamus Dominum in omni tempore.

Secundò

266 RHETORICA CAELESTIS.

Secundo: Orandum est, cum ardui quid aggredimur. Suis id Christus divinis exemplis nos docuit, qui discipulos sibi electurus totam noctem precibus pervigilavit. Res erat ardua duodecim concionatores eligere, qui orbem universum ad CHRISTI signa transferrent. Electionem hanc Dominus orando inchoavit.

Castissima vidua Iudith facinus summe arduum, & multo, quam sexus ferret, animosius aggressa est orando. Holoferni supremo duci caput amputare meditabatur. Quid agis mulier imbellis? virum femina, heroem, Ducem, Imperatorem bellicosissimum dextra ducendis filis assueta obtruncet? Ipsi subinde carnifices multorum suppliciiis celebres, in caede talium virorum trepidant, & Hebræa vidua tam strenuum Principem sola jugulet? Quid agis Iudith?

Illam nihilominus cogitatum facinus attentissimis precibus exorsa est, stetitque Iudith ante lectum, orans cum lacrymis, & labiorum motu in silentio dicens: Confirma me Domine Deus Israël, & respice in hac horâ ad opera manuum mearum, ut hoc quod credens per te posse fieri cogitavi, perficiam. Et sanè perfecit, Deus manum direxit, illa caput Holoferni abstulit, hostium exercitum in fugam conjecit, Bethuliam servavit, gloriosissimam victoriam quam sperarat, obtinuit, quia, quod moliebatur, precando inchoavit.

Obijcias hinc: Sunt, qui precibus pænè nihil

a Iudith, c. 13. v. 7.

nihil  
oratio  
plicib  
dexter  
succes  
Effe  
sic per  
lum.  
Mose  
armill  
a imo  
bricat  
precib  
jecit,  
lis ex  
id faci  
tant a  
lis tan  
quati  
procu  
in: a  
citò al  
& om  
cant,  
iectu  
matu  
jeci ill  
tulus  
multu  
men  
bus s  
muni  
a Jf  
b Exo



nihil temporis assignent, nec actiones suas oratione inchoent, nec Deum libellis supplicibus fatigent, nihilominus negotia sua dexterrimè perficiant, & rerum suarum successum ad votum habeant.

Esto. Nec invidemus: nam subinde Deo sic permittente adiutorem habent diabolum. Hoc videre est in Israelis populo, qui Mose absente & colloquente cum Deo, armillas & inaures aureas congeffit, eo animo, ut Aaron è metallo tam nobili fabricaret Deum. Aaron intemperantissimis precibus adactus, aurum in fornacem coniecit, & opus absolutum, vitulus conflabilis exivit. Sed, quæso, quâ tandem ratione id factum, num in solitudine mox adfuerunt aurifices; & adfuerint sanè, unde illis tam subito aurificinæ instrumenta? Et quæri potest, num opus malleatum & procusum, an verò fusile & conflatum ruerit? *a* Si primum, fieri non potuit, ut tam citò absolveretur; si alterum, unde forma & omnis supellex fusoria? Sunt, qui dicant, aurum ab Aarone in fornacem coniectum, vitulum à diabolo aurifice formatum. Sic enim Aaron testatur: Proieci illud in ignem, egressusque est hic vitulus. *b* Ut ut hæc sunt facta: quidam non multum laborant, & parùm orant, eis tamen ad votum fluunt omnia. Alii laboribus se frangunt, diligentia plurimum infumunt, frequenter & sollicitè orant, vix ul-

N

lo

*a* Istis ein tribne oder gossne Arbeit gewesen?

*b* Exod. 32, v. 24.

## 268 RHETORICA CALESTIS.

lo tamen successu, Quæso prioribus illis progressionibus tantas non invidemus; felices sunt suo damno. Isti verò, qui nihil sine precibus aggrediuntur, Deum faventem habent, qui sæpe non vult labori respondere processum, ex causâ ipsâ notâ. Quidquid igitur laboris sumimus, aut operæ, adorandus est Deus, ut actiones nostras omnes & aspirando præveniat, & adjuvando prosequatur.

## §. 2.

Tertiò: Orandum est, cum periculum peccandi est. Quoties contingit in salutis discrimine versari, aliquis vel in pudicitiam ac castitatem, vel in justitiam, aut temperantiam aliamve legem delinquat. Quid hic agat bonæ mentis homo, num quod unus aliquis Turcarum fecit, qui vinum Mahometi lege vetitum potaturus dixit: Vinum adest, ô anima, contrahe te ac necessitati cede.

Apagæ has conscientias cauterio inustas: cum periculum est lædendæ conscientiæ, mox ad Deum se vertat homo, & divinam imploret opem, uti Christus docuit: Et ne nos inducas in tentationem. Eam autem tentationem rectè deprecamur, quæ animo nocitura est. Et Theologi passim tradunt, non in periculo solum corporis, sed animi ac salutis, idque tanto magis orandum. Istud Franciscus Suarezius his omnino verbis asserens:

Primo,

a Duß dich Gott / es leymt ein Guff.

Primò, inquit, *a* ac præcipuè obligatur homo ad orandum pro se maximè in spiritualibus, quâ oratione prævenitur, ne incidat in tentationem, id est, non solum ut per tentationem non vincatur, sed etiam ut in illam incidere, aut eâ graviter vexari non sinatur. Tunc enim confidere de suâ libertate, esset magna superbia & præsumptio; confidere autem de solo auxilio ordinario sufficiente, esset stulta negligentia. Addo insuper in hujusmodi occasionibus, pro quibus hæc oritur obligatio, illam omittere, grave est peccatum, non solum contra illam virtutem, contra quam vexat tentatio, verbi gratiâ, contra castitatem, sed etiam speciali modo contra charitatem, vel ut probabile est etiam contra Religionem. Orandum igitur & precibus periculum amoliendum est.

Vix ullus in seipsum tam iniquus erit quin oret; Deoque se commendet, cum vitæ discrimen ob oculos versatur. Siccinne corpori suam propugnamus incolumitatem, & animi negligemus? Quid prodest homini centum annis vivere, & universum mundum lucrari, animæ verò detrimentum pati? *b* Ita princeps Theologus Thomas Aquinas docet, divino & naturali jure sub novi peccati poenâ nos obligari ad orandum, cùm in periculo

N 2 sumus

*a* Franciscus Suarez tomo 2. lib. 1. de oratione in communi, cap. 30. num. 17. & 18. mihi pag. 71.

*b* Matth. c. 16. v. 26.

## 270 RHETORICA CÆLESTIS.

sumus peccandi. Tunc enim utrimque trahimus, hinc à Deo divinisque legibus, illinc à diabolo pessimisque suggestionibus. Si cupimus à Deo attrahi, quamplurimum nos ad illum vertamus paratis his vocibus: Et ne nos inducas in tentationem. In hoc animi periculo ne finas nos interire: Domine salva nos.

Quartò: Orandum est, cùm adversa premunt. Pſalmes regius longâ calamitatum serie exercitatissimus: Beatus, inquit, cujus Deus Jacob adjutor ejus, spes ejus in Domino Deo ipſius. *a* Cur, obsecro, non Abrahamum, non Isaacum, sed Isaaci filium Jacob nominat? Hic erat de præliſio, quo Deus suos in adversis fidelissime tuetur, idcirco nominavit Deum Jacob, ut constaret, quid Deus eo tempore à suis exigeret. Jacob fraternâ intemperie pulsus è parentum domo, solum vertere pro asylo habuit. Sic è Chanaan in Mesopotamiam ad Labanum avunculum contendit, pauperissimus viator, bacillum pro omni suppellectile, proque omni telo secum asportavit. In itinere Deum impensissimè sibi conciliare insistent: Si, ait, fuerit Deus mecum, & custodierit me in viâ, per quam ego ambulo, & dederit mihi panem ad vescendum, & vestimentum ad induendum, reversusque fuero prosperè ad domum patris mei, erit mihi Dominus in Deum. *b* Impetravit, quæ voluit, & plura quàm voluit. Cùm verò reditum illius in patriam, Esau frater cum

qua-

*a* Psal. 145. v. 4    *b* Gen. 28. v. 30.

quadringētis viris hostiliter excepturus occurreret. quàm ardenter Jacob precatus: Deus patris mei Abraham, inquit, & Deus patris mei Isaac: Domine, qui dixisti mihi, revertere in terram tuam, & in locum nativitatis tuæ, & benefaciam tibi. Minor sum cunctis miserationibus tuis, &c. Erue me de manu fratris mei Esau, quia valde eum timeo. <sup>a</sup> His precibus & Deum sibi propitiavit, & immutavit fratris animum. Nam Esau, subito ferociam omnē exuens, mentem induit amicissimam, jamque iterum ex hoste frater, humanissimè fratrem complexus est.

Nos quandoque ad solam Mortis memoriam, velut ad terrificam larvam, aut colubrinam Medusæ peltam expallescimus. Hem meticulosi infantes! Ad orationem velut ad Matrem confugiamus, & vanus hic metus evanescet: sentiemus opitulante Deum Jacob, si oraverimus ut Jacob. Consilium Apostoli Jacobi sciinus: Tristatur aliquis in vobis? oret. <sup>b</sup>

Christus ipse, tamen si tristaretur ad mortem, confugit tamen ad orationem, & factus in agonia, prolixius orabat. <sup>c</sup> Tribus horis circiter, ut aliquorum fert sententia. Si in mœrore, aut in rebus adversis difficile sit orationem producere, brevior sit oratio, sed crebrior; sit frequenter repetita, si non possit esse longa. Doctissimus Jansenius Episcopus autumat Chri-

N 3

stum

<sup>a</sup> Gen. c. 32. v. 11. <sup>b</sup> Jacobi c. 5. v. 13.

<sup>c</sup> Luc. c. 22. v. 43.

stum non tantum in Olivarum hortu, & Calvaria clivo, sed ad omnem injuriam notabiliorem orasse, in exemplum nobis: perinde si dixisset, ita propulsanda sunt injuria, orationis clypeus est objiciendus. Quod religiosissime rex David executus: Pro eo, inquit, ut me diligerent, detrahebant mihi, ego autem orabam. Qui mihi debuissent referre gratias, intulerunt injurias. Ego autem optimam orandi occasionem nactus, ab oratione non destiti, certus fore, ut dum homines adversos habeo, Deum propitium inveniam. Ita est, qui in injuriis tacet, in oratione efficacius clamant; patientia provocat misericordiam.

2 Psal. 108. v. 4.

6. 3.

Beatus Hieronymus existimat Christum in cruce pendentem, tacite decem psalmos recitasse; initium fecisse à vigesimo primo, & ad psalmi trigesimi verba illa pervenisse: In manus tuas commendo spiritum meum. Quod confirmatur hymno ad cenam dicto. Quorsum enim hæc oratio Christi? Numquid non Deus erat? Nonne hoc institutioni fecerat, ut quando-cunque nobis male esset, orando vim mali retunderemus. Non aliter quam sicut gliscente incendio ad aquam properatur, ita ingruente turbamento properandum ad preces.

Apostoli periclitantes in aquis ob fluctuum in nauticam insultus, Dominum

in puppi dormientem suscitaverunt. Optimè factum. Vult suscitari, ideò dormit. Quid ergo in Apostolis deprehensum? Non quòd somnum turbârint, non quòd territi clamârint, nec etiam quòd illisus fluctuum defendi rogârint, sed quòd minorem, quàm par erat, fiduciam exhibuerint, & dormientem velut periculi ignarum excitaverint.

Tutissimum in adversis asylum, oratio. Quod etiam Christiani Iapones nos docebunt. Anno millesimo sexcentesimo duodecimo, Rex Iaponum Daifu quatuordecim Christianos ex urbe Sarungâ totoque regno, religionis causâ proscripsit. Inter hos Ioannes Faramundus domo nobilis, & facultatibus abundans. Hic à suomet famulo, quem à parvulis educavit, proditus est. Quare crux inusta fronti, & manuum ac pedum digiti omnes præcisi. Promulgatum insuper, ne quis totâ Japoniâ sub pœnâ capitis generosissimum hunc Athletam hospitio reciperet. Inspicite, oro, & considerate hoc mutilati hominis spectaculum, in fronte stigma ruber, manus pedesque truncati, ipse desertissimus ab omnibus & exclusissimus est. Sua tamen oculis, sua linguæ ac animo libertas etiamnum constat: Quis prohibeat cum Josaphato rege dicere: Deus noster, cum ignoremus, quid agere debeamus, hoc solum habemus residui, ut oculos nostros dirigamus ad te, &

N. 4.

En

a 2. Paral. c. 20. v. 12.

En specimen nobilissimum in adversis & tolerandi & orandi. Et quamvis nostrum singuli Faramundum Japonem Christianum non æquaremus solum, sed superaremus calamitatum copiam, nemo tamen animum despondeat: hoc habemus residui, ut oculos nostros precando ad illum dirigamus, in cuius manu sita sunt omnia: clamemus ad eum, & ipse salvabit nos in tempore afflictionis nostræ. *a*

Deus nos ideo adversis premi permittit, ideo in mare iratum ducit, ideo dormit, tanquam quid agatur, ignoret, ut orationibus vigilantissimis suscitemus ipsum. Videt equidem ille pervigil oculus nos fluctibus panè sepeliri, sed dissimulat videre; imò ipse ventos ac turbines in nos concitavit, ipse iussit eos furere, ipse maris iracundiam adversum nos commovit, interim dormienti similis, nostram in se fiduciam arbitratur, nostras ad se orationes auscultat. Suscitemus Dominum precatione attentissimâ, & imperabit ventis ac mari; Fiet tranquillitas magna. *b* In oculis portus est; enavigabimus.

*a* Hierem. c. 11. v. 12. *b* Matt. c. 8, v. 26.

§. 4.

Quam autem oratio hominis afflicti, Deo sit grata, vel inde potest liquere. Hebræus Psaltes tam sibi, quam afflictis omnibus applaudens: Respexit Dominus, inquit, in orationem humilium. *a* Vel, ut Pagnini est interpretatio, in orationem myri-

*a* Psal. 101. v. 18.



myricæ, a Vel, ut aliorum, in orationem cicadæ: Eorum scilicet qui miseriis involuti, ærumnis pressi, auxiliis destituti gemunt. Sed miramur, ô Domine, quid inamœnis stridoribus cicadæ potius quàm merulæ, vel achantidis, vel luscinix suavissimo cantu delecteris. Quàm dulcis est Musica tot avicularum, quæ primo vere silvas & viridaria exhilarant? Nihil ad illas cicadæ. Quidquid sit, has illis divinæ aures præferunt. Nam illæ cantatrices aviculæ ad oblectationem cantant; cùm turbantur, cessant. At cicada rose pascitur, & æstivis mensibus totos dies stridet, canitque incredibili constantiâ: sic animi submissi homo, tametsi vilis & abiectus sit adversis insuper exagitatus, sorte tamen suâ contentissimus est, & æquali constantiâ conditorem laudat. Alii tunc suaviter canunt orando, cùm omnia ad nutum fluunt, cùm annus fertilis, cùm proventus copiosi, cùm eventus fausti, cùm veris ridet amœnitas; Tolle ista, jam vox sepulta, oratio vix ulla, languent & tacent omnia. Idcirco Deus in humilium rationem respicit, cicadæ stridulum melos, aliarum avium concentui præfert.

Strabo memorat, Eunomium citharædum Locrensem, cum Aristone Musico Rhegino cantu & fidibus certasse. Cùm verò Eunomius ob chordam subitò ruptam, de victoriâ periclitaretur, cicadæ felici casu supervolitans in Eunomii citharâ

N 5 con-

a Humilis virgulti.

## 276 RHETORICA CAELESTIS.

confedit, & fractæ chordæ vocem stridore suo supplevit. Hinc Locris in Italiâ Eunomii statua visitur, quæ cicadam citharæ insidentem monstrat. *a*

Aspice Christum crucifixum in sublime elatum, in eo artus & nervi omnes veluti chordæ ad concentum tensæ ac temperatæ: Hic audire licet septemplex melos suavissimum. Quisquis te miserum, infelicem & cicadæ instar abjectum credis, in hanc citharam subsulta: hic vocem tuam expedi, hic ora, hic canta: non spernêris ab hac citharâ. Et en cicadam aliam. Tarsensis Paulus, qui se minimum Apostolorum, nec dignum vocari Apostolum, qui se abortivum nominat, is tamen velut cicada in citharâ crucis confidens. Ego, inquit, adimpleo ea, quæ desunt passionum Christi, in carne meâ. *b* En, obsecro, cicadam, quæ chordæ vicem obit, ne quid huic musicæ desit. Oratio afflictorum Deo longè gratissima.

Princeps Hussæus lob inter ruinas ere-  
ctissimus, pecore omni abactò, liberis rui-  
nâ unicâ sepultis, bonis omnibus ademp-  
tis, adhuc tamen cantabat hilaris: Sit  
nomen Domini benedictum. Hæc oratio  
in calamitatibus, hic cantus in adversis  
magis

*a* Strabo l. 6.

*b* Coloss. c. v. 24. NB. Christi passio in se  
plenissima & sufficientissima redimendis vel  
mille mundis; ei tamen in nobis deest commu-  
nicatio & participatio horum meritorum, vi-  
delicet ut Christus non tantum in se, sed etiam  
in suis membris, in Christianis similia patiatur.

magis placuit Deo, quàm decem millia precationum in prosperis. Hujus cicadę vocem Chrysostomus his verbis dilaudat: Universa Iob amisit, magis autem universa invenit. Cuncta enim Iob amittens, latitiaz radicem non amisit; amisit lyram, sed artifex remansit. Christus in cruce citharædus, imò & ipsa cithara, non ut ficta Orphei musica, ad se potentissimè traxit non amicos solùm, sed & inimicos; non solùm vivos, sed & mortuos; traxit rupes, traxit solem & omnem siderum comitatũ. Quid extinctum Apostoli lugetis? citharam perdidistis, sed artifex remansit. Orando perseverate. Oratio Christum è cælo traxit, oratio illum corpore vestivit, illius in solitudine cibus oratio, in morte pharmacum fuit. Oratio vobis & citharam amissam, & ipsum etiam artificem restituet redivivum. Oratio in luctu suavissima cælitibus est musica. a

a Chrys. to. 1. hom. 4 de pat. Iob. mihi p. 568.

6. 5.

Quocirca præclarissimum illud monitum Ioannis Avilæ sæpius inculcandum, Plus valet unicum Deo gratias in aduersis, quàm sex millia in prosperis. Orantis patientia incredibilem vim confert orationi. Homini verè patientis deprecatio repulsam non patitur. Propter miseriam inopũ, & gemitum pauperum, nunc exurgam, dicit Dominus. a Quæ Chrysostomus explicans:

N 6

a Psal 11. v. 16.

plicans: Timete, inquit, quicumque pauperes injuriâ afficitis. Habetis potetiam, opes, pecuniam, & judicium benevolentiam: Sed habent illi arma omnium validissima, luctus & ejulatus. *a* Hæc arma domos effodiunt, hæc fundamenta evertunt, hæc integras gentes submergunt. Bonum eorû animum Deus reveretur, quando mala patientes, nullum malum verbum proferunt, solum autem gemunt, & sua mala deplorant.

Si quam laudem meruit unquam Samuel, certè hoc uno facto meruit longè maximam; in afflictione admodum seriâ contentissimè oravit. Nam à suo populo tam graviter offensus, à de suo principatu tam turpiter dejectus, nec pusillanimis succubuit, nec iratus excanduit, nec elatus infremuit, sed prudens & patiens totum se contulit ad orandum. Samuelem totam noctem orando extraxisse credidit Iosephus. *b* Sic olim Moses à jurgante ac murmurante populo gravissimè provocatus, clamavit ad Dominum, dicens: Quid faciam populo huic? Adhuc paululum & lapidabit me. *c* Sic Ezechias regum optimus à rege Assyriorû litteris iniquissimè laceratus, Ascendit in domû Domini, & expandit eas coram Domino, & oravit in conspectu ejus. *d* Sic & David, vel sub ejus effigie Christus Dominus: Adversû me loquebatur, inquit, qui sedebant in portâ, & in me

psal-

*a* *Lugubres ad Deum orationes.*

*b* *Ioseph. l. 6. Antiquit. c. 4.*

*c* *Exodi c. 17. v. 4. d 4. Reg. c. 19. v. 14.*

psallebant, qui bibebant vinum; ego verò orationē meam ad te, Domine. *a* Sic & Sara Tobix uxor ab ancilla conviciis acerrimis lacerata, perrexit in superius cubiculum domūs suæ: & tribus diebus, & tribus noctibus non manducavit, neque bibit, sed in oratione persistens cum lacrymis deprecabatur Deum. *b* O Mulicam Superis jucundam! Oratio in adversis & in luctu suave organum cælo, dulcis Deo concentus.

*a* Psal. 68, v. 13. *b* Tob. c. 3. v. 10.

## CAPVT VI.

*Quomodo aliqui omnia, alii nihil impetrent orando.*

**V**Ir religiosus è divi Dominici familiā Ioannes Taulerus, rem miram commemorans: Duæ, inquit, virgines iisdem adibus habitabant. Alterarum difficultium ac sublimium non ignara, sermonem de iis miscere noverat, quæ auditorem in admirationem raperent. Altera horum negligens, laudabili simplicitate in Deum immersa, hoc unum sibi sumpsit studii, Deo divinæque voluntati in rebus planè omnibus seipsam quàm perfectissimè consignare ac tradere. Hoc solidissimæ devotionis studio id affecuta est, Deumque adeo habuit exorabilem, ut quidquid ferè petiisset, impetraret. Hinc plurimi se suaq; negotia illis enixè commendârunt, precibus ad optatum finem deducenda. Recepit illa

in

in suam fidem, quod sibi commissum fuerat, & verò etiam postulatus preces fundere destinavit, sed quod humanæ memoriæ pronum, id exequi subinde oblita est. Interim negotia aliorum ex animi sententiâ fluebant. Eapropter reversi plurimi uberrimas egerunt gratias, ob rerum suarum prosperos successus; abundè sibi satisfactum testati. Illa tacitè in ruborem versa mirabatur, quòd se nec orasse quidem meminisset. Ab his ad alloquendum Deum digressa: Mi amantissime Deus, inquebat, quid hoc fieri dicam? Ego segniter obliviosa, illas gratiarum actiones nequaquam merui, quia promissis non fleti, neque negotiis mihi commendatis preces impendi. Cui Deus: Tua mihi voluntas loquebatur, filia Psalmi responsum nostri: Desiderium pauperum exaudivit Dominus, præparationem cordis eorum audivit auris tua. Cum tu proponeres rogare, decrevi ego facere, quia tuam voluntate meâ commutasti.

Videte, obsecro, quàm celeres Deo sunt aures, ut non solum clamorem, lacrymas, orationem ipsam, sed etiam orationis præparationem & veluti primos ac tenuissimos animi susurros exaudiat. Quod Isaïas aperitissime testatur: Eritque, ait, antequam clament, ego exaudiam: adhuc illis loquentibus, ego audiam. b Adeò propensus est Deus aures propitias præbere.

Interim innumeras in cælum jacimus querelas, nos toties & tamdiu tamque ardenter

denter vociferari ad Deum, & non audiri. Quid ad hæc responsi est? Hic ille scopulus est, ad quem orbis pænè totus colliditur: ad hunc scopulum impeerunt viri etiam sanctissimi. Sic nos ratiocinamur: Evangelia promissis ingentibus abundant, si vel duo solùm conjunctis viribus rogent, impetraturos quidquid rogaverint: hîc neminem repudiari, modò quærant, modò pulsent ac petant, inventuros & accepturos quidquid petierint. Nos interim dies & annos precationibus implemus, quotidianis clamoribus fatigamus cælum, superos omnes in causæ patrocinium vocamus; nemo audit, nemo aperit, nemo votis annuit. En scopulum vel astris minantem, en montem vel Caucaſo magis horrificum. Sed hæc ipsam, Deo favente, tam formidabilem rupem in mare jam præcipitabimus. Stabit Domini promissum: Si monti huic dixeris; Tollere, & jacta te in mare, fiet.

Hoc igitur loco duo sunt exequenda: Primum est, integros sanctosque homines, quidquid petunt, impetrare. Alterum, exponendæ causæ, cur aliquorum preces aut non fiat, aut certè non videantur esse ratæ.

a *Matth. c. 21. v. 21.*

§. I.

Primum est; Amici Dei, quidquid rogant, impetrant. In promptu causa est. Nam & ipsi, quidquid Deus imperat, exequuntur. Una ipsorum & Dei voluntas est.

Hinc

Hinc quidquid illi voluerint rogare, hoc Deus ab aeterno voluit concedere. Promittit olim Moses: Abundare te faciet Dominus Deus tuus in cunctis operibus manuum tuarum, &c. in ubertate terræ tuæ, & in rerum omnium largitate. Revertetur enim Dominus, ut gaudeat super te in omnibus bonis: si tamen audieris vocem Domini Dei tui, & custodieris præcepta ejus. *a* Vis, ut Deus omnia tuo arbitratu faciat? tu prius fac omnia secundum Dei arbitrium: Vis, ut Deus veniat ad te? tu modò prodi obviam, ille mox in viâ erit. Vis, ut petenti tibi nihil neget, nec tu nega illi quidquam. Delectare in Domino, & dabit tibi petitiones cordis tui. *b*

Beatus Dominicus vir alioquin oris modestissimi, auditus tamen est dicere, se nihil unquam à D<sup>no</sup> petiisse, quod non impetrasset. Excepit has voces sociorum aliquis, & continuò subiungens: Mi pater, inquit, pete, obsecro, ut ille celeberrimus Doctorum Conradus, in tuam adscribi velit familiam. Cui Dominicus: Difficile hoc quidem est, inquit, si autem id petam, futurum confido, ut impetrem. Proximam noctem totam orando duxit. Sequenti mane Doctor Conradus ad cœnobium venit, & à Dominico in religiosam familiam admitti petit. Amici Dei, quidquid rogant, impetrant. Abundare facit illos Dominus in rerum omnium largitate.

Bernardus ille mellis fluvius, complures

*a* Deut, c. 30. v. 9. & 10. *b* Psal. 36. v. 4.



genere, divitiis, eruditione præstantes juvenes ac viros in suam familiam precibus & virtutum exemplis traxit. Inter ceteros fuit Gaufridus de Peronâ Flander, qui postmodum in Clarâvalle Antistitis officio functus est. Videbatur vir iste omnia alia malle, quàm monachum induere. Sed eas homini faces conscientia subdidit, ut tandem in sacrum Bernardi commilitium adscriptus sit. Cùmque jam iter faceret cum viro sancto, tentatione gravissimâ exagitari coepit. Multa recurabant animo, facultates, amici, voluptates, & omnia mundi gaudia jam deserta; hærebant infixi pectore vultus verbaque charorum olim hominum. Hinc luculenta mœstitiæ signa in Gaufridi fronte legebantur. Bernardi socius curiosiore oculo virum intuitus: Quid est, inquit, Domine Gaufride, quod vultum his tristitiæ nubibus obducat; quâ cogitationum mole mergeris? Nec amplius emergam, sat scio, inquit Gaufridus, extincta est in me omnis lætitia. Hoc qui audiit, ad Bernardum anxie retulit. At vir sanctus id suaviter dissimulans, cùm ad templum vicinum proximum pervenissent, ingressus est ad preces fundendas. Socii foris præstolabantur; inter hos Gaufridus tædii plenus in saxo residens obdormivit. Ubi Bernardus orationem, Gaufridus etiam somnum finit, sed jam longè alius, tantò hilarior ceteris omnibus, quantò antea tristior. Mirati socii tam subitam vultus animique mutationem, humaniter eam exprobrare coepe-

coeperunt. His ille: Dixi, ait, non nego, nunquam ampliùs futurum me latum. Nunc verto & canto; nunquam ampliùs tristis ero. Hoc Bernardi preces potuerunt. Sed idem ille Gautridus primo tirocinii sui tempore, ob parentem suum hominē opulentum sollicitus Bernardum adiit, & summè rogavit, patri suo emendatiorem vitam precibus obtinere non gravaretur: Cui Bernardus, Ne malè metuas, inquit, ego illum probatum monachum in hac Claravalle meis manibus sepeliam. Utrumque fuisse verissimum, eventus docuit. *a*

Ita nimirum suos amicos abundare facit Dominus in rerum omnium largitate. Ipsis promissum est: Quodcunque volueritis, petetis, & fiet vobis. *b* Ita vir integerrimus Franciscus de Paulā, ob nauti pēhūriam rejectus à nautā, pallium suum in undis explicuit, & in eo velut in navi mare Siculum unā cum socio trajecit. Ita beata Scholastica cū fratrem suum Benedictum non aliter retinere posset, repentinas pluvias impetravit. Sic innumeri alii volucibus, quadrupedibus, feris, piscibus, sideribus & astis, rebus creatis aliis, & ipsi creatori, ad cuius arbitrium se totos finxerant, vim gratam precibus fecerunt. Ita orante Josue, & imperante, sol cursum suum inhibuit, obediēte Domino voci hominis. *c* Quidquid rogant amici Dei, impetrant. Sancti, ait, Augustinus, ad salutem per omnia exaudiuntur.

*a* Guil. in vitā S. Bernardi l. 2 c. 3. mihi pag. 260. *b* loc. c. 15. v. 7. *c* loc. c. 10. v. 14.

diuntur. *a* Abundare facit illos Dominus in rerum omnium largitate: Quidquid petierint, fiet illis.

Hinc priscus ille Theologus & Ecclesiastes fidenter dicere ausus est: Credite mihi, quisquis ita se Deo omni tempore (*voluntatis conformatione*) captivum tradit, huic & Deum vicissim se captivum tradere oportet. Tum verò hominem supra omnē modum, omnemque captivitatem, in divinam quamdam transfert libertatem, imò & in seipsum, ita ut homo ejusmodi, jam quodammodo divinus potius quàm naturalis homo sit, & quisquis eum tangit, etiam Deum tangat. Hic jam cuncta sanantur vulnera, debita omnia relaxantur. Hic amoris ludus omnem superat intellectum. Hoc autem satius est experiri, quàm intelligere. Qui ejusmodi sunt in perpetuā stant resignatione voluntatis suæ, & omnium eorum, quæ Dominus vult relinqui ac resignari, & seipsos in omnibus diligentissimè observant. His Deus præsens est omni tempore, nec unquam illius præsentia frustrantur, quamdiu ipsum intendunt & inquirunt, omni propriâ quæstione calcata. Ajo igitur, quòd eorum, qui se Deo resignant, instituta & sensus, plus sine verbis orant, quàm alii extra hos in suis precibus ubertim lacrymantes. *b* Amici Dei, quidquid rogant, impetrant.

Sed

*a* Aug. tom. 9. tract. 6 in epist. 1. Ioan. c. 3. mihi pag. 253. *b* Taulerus in Circumcis. Dom. conc. 1. mihi pag. 32.

## 6. 2.

Sed dixeris : Sunt plurimi , qui se Dei amicos esse judicent , vix quidquam tamen eorum , quæ petunt , impetrent. Responso triplici rem omnem explico. Primum: Qui malè rogat, quid miri est, si nihil impetrat. Hanc causam . Iacobus Apostolus assignans : Petitis , inquit , & non accipitis, eò quòd malè petatis. <sup>a</sup> Filii Zebedæi, confesum in regno Christi petierunt ; non impetrarunt : Ignem de calo in Samaritanos præcipitari voluerunt ; nec istud obtinuerunt. Non simplici modo malè petimus. Nam aut bona sed malè, aut certè in se mala, aut ipsi malè petimus ; Singulis lucem adfero : Qui facultates suas augeri postulat, sed ideò ut ipse luxum augeat, rem non malam, sed malo fine postulat. Qui inimico interitum , qui hosti tartarū apprecatur, rem malam & nō petendam petit , Deo quæ injuriā facit. Frequenter non malū quid petimus , sed ipsi petitores mali, & gratiā divinā vacui sumus. Non rarò rem licitam, sed nullā aut vacillante fiduciā rogamus. Subinde bonum quid , & sine bono poscimus , quod tamen impetrare non expedit, ne bonum majus impediatur.

Disertissimus hīc Augustinus, ad orationis perseverantiam accedens , & providentissimam Dei largitatem exponens : Quando, inquit, non dat , ideò non dat, ne obfit quod

quod dat. Neque enim aliquid injustum petebat Apostolus. quando rogabat, ut auferretur ab eo stimulus carnis, Angelus Satanæ, & tamen rogavit, & non accepit, quia tempus adhuc erat exercendæ infirmitatis. Petiit Iob tentandum diabolus, & accepit. Attendite fratres mei, magnum mysterium discendum, repetendum, tenendum animo, nunquam obliviscendum propter abundantiam in isto sæculo. Quid dicam? Reverà comparandus Apostolus diabolo? Apostolus rogat, & non accipit, diabolus perit, & accipit. Sed non accepit Apostolus propter perfectionem suam, accepit diabolus ad damnationem suam. Denique ipse Iob accepit sanitatem in opportunitate: dilatus est enim, ut probaretur, & diu sedit in pulvere, & rogabat Deum, ut auferrentur ab eo ista, & Deus non auferabat. Citius diabolus exaudivit ad eum tentandum, quàm ipsum Iob ad sanandum. Ideò concessus est iste tentandus, ut eo probato esset ille cruciandus. Discite ergo non murmurare adversus Deum: & quādo non exaudimini, ne deficiat in vobis, quod scriptum est, Per singulos dies benedicam te. Quare ista dico, fratres? Ne quis, quando fortè non fuerit exauditus aliquid iustum petēs à Deo, non minuatur animo, non deficiat, expectent oculi ejus ad escam, quā ille dat in opportunitate. Quando non dat, ideò non dat, ne obsit, quod dat. Qui verò injustum aliquid petit, in poenam suam exauditur. *a*

Hec

*a Aug. tom. 8. in psal. 144. mihi p. 687.*

Hæc à se dicta luculentius confirmans Augustinus : Si verè Deum invocasti , ait, certus esto , quia id fortè , quod volebas temporaliter , idèò non dedit , quia non tibi proderat. *Ædificetur in hoc cor vestrum , fratres , cor christianum , cor fidele : ne incipiatis tristes facti , veluti fraudati desiderijs vestris , ire in indignationem contra Deum. Non expedit adversùs stimulum calcitrare. Recurrite ad scripturas. Exauditur diabolus , & non exauditur Apostolus. Exaudivit eum , quem disponebat damnare , & non exaudivit eum , quem volebat sanare. Nam ager petit multa à Medico , non dat Medicus : non exaudit ad voluntatem , ut exaudiat ad sanitatem. Ergo Medicum tuum pone Deum , pete ab illo salutem , & salus tua ipse erit. Vis , ut det se tibi ? Quod si quid vis habere , non vult ipse ut habeas , ut se tibi det. Impedimenta removet , ut intret ad te. Deus etsi voluntati nostræ non dat , saluti dat. Tu cum patientiâ salutem expecta. Quibus te medicamentis curet , ille novit : quibus sectionibus , quibus ustionibus , ille novit. Tu tibi agritudinem comparasti , peccando , ille venit non solùm fovere , sed & secare & urere. »*

Subinde queritur agrotus impositum cataplasma nimium urere , & chirurgum rogat , ut amoveat. Sed petit , quod profuturum non sit , idèò non auditur , & idèò etiam chirurgus sui muneris gnarus : Scio , inquit , quando amovendū sit cataplasma ;

III

tu mihi hanc curam relinque; si jam tollerem, nocerem. Tu vis auferri medicamentum, quo ureris, ego novi infirmitatem, quâ gravaris. Ita nos sæpissimè, *Quid oremus*, sicut oportet, nescimus. *a* Non autem, inquit Augustinus, petitur in nomine Salvatoris, quidquid petitur contra rationem salutis. *b* Ideò Deus subinde, quod petitur, concedit, sed iratus. Ita populus Israël manna suavissimum panem nauseans, carnes flagitavit: concessit Deus, sed iratus. Nam adhuc escæ illorum erant in ore ipsorum, & ira Dei ascendit super eos. *c* Idem populus pro ritu aliarum gentium regem petiit: & hunc Deus concessit, sed etiam iratus. Sic petit aliquis amplas facultates, & impetrat, sed suo malo: petit sanitatem, & accipit, sed ei utilius foret, ægrotare: quærit dignitates, & invenit, sed ei magis conducere in imo jacere. Multa Deus concedit iratus, quæ negat propitius. Est, qui mutuum à vicino equum petat, negat ille hunc clementer, quem concederet crudeliter, cum sciat, quàm furiosus & sternax sit equus.

Quod Hipponensis præsul uberrimè asseverans: Multi dati sunt, inquit, in manus suas malo suo: de quibus dicit Apostolus: Tradidit eos Deus in desideria cordis eorum. Petit aliquis magnam pecuniam: accipit malo suo. Quando illam nō habebat, patrum timebat: habere illam cœpit, præda

factus

*a* Rom. c. 8. v. 26. *b* Aug. tom. 9. tract. 102. in Ioan. *c* Psal. 77. v. 30.

factus est potentiori. Discite rogare Deum, ut Medico committatis, quod ipse nouit, faciat. Tu morbum confitearis, ille medicamentum adhibeat. Tu tantum charitatem tene. Nam ille secare vult, urere vult: tu si clamas, & non exaudiris in sectione, uisione, & tribulatione, novit ille, quousque putre est. Tu jam vis revocare manus, & ille vulneris sinum attendit; scit, quousque perveniat: non te exaudit ad voluntatem, sed exaudit ad sanitatem, quia contradicit voluntati. Non fit, quod vis, sed fit, quod tibi expedit. *a*

*a Aug. tom. 9. tract. 6. in epist. 1. c. 3. Ioan. mihi pag. 253.*

## §. 3.

Alterum ad objecta responsum est: Negat Deus minora, ut majora concedat: cunctatur annuere, ut orantis constantiam exerceat, ut fiduciam augeat. Non exaudit Deus, ut impensius & sepius petamus. Amat Deus importunitatem oratoris: vult crebrius rogari, ut tanto gratius sit concedentis donum. Est, qui corporis sanitatem petat; non abnuat Deus, sed quia gratiam hanc protrahit, preces alter merito extendit. Videte, quam lento molimine, suos arbor fructus porrigat. 1. Seritur arbor & plantatur. 2. Radices mittit in terram. 3. Paullatim teneram stirpem generat. 4. Frondibus & foliis velut capillis tegitur. 5. Diffundit ramos & brachia, 6. Vernat &

in



in florem sese induit. 7. Producit fructus sole ac pluviis excoquendos. 8. Hi sensim maturitatem assequuntur & dulcescent. 9. Jam maturati decerpuntur ac colliguntur. 10. Decerpti mensis inferuntur & ingeruntur ori. 11. Quod illatum est ori, ad stomachum transmittitur & digeritur. 12. E chylo digesto succus demum elicitur vitalis. En, quot moræ fiunt, dum enascatur fructus, & corpori accedat. Ita Deus è ligno vitæ fructum porrigit, sed aliquando cunctanter & cum morâ.

Nonnumquam non exaudit ut aut melius quid accipiamus, aut promeritum augeamus. Quod Augustinus asserit hoc brevi monito: Bonus autem Dominus, qui non tribuit sæpe, quod volumus, ut, quod malle-mus, tribuat. Exempli gratiâ: Petenti victum liberalem ac copiosum, negat, sed modicum ac parvum, sed simul valetudinem dat, alteri divitias poscenti, eas quidem negat, sed pro divitiis eruditionem impertitur, alius annis compluribus rogat, quod sibi necessarium judicat, & non auditur, post multos demum annos exaudiendus. Est, qui profusissimis precibus religionis augmentum perat; hoc quidem non obtinet, sed suum ipse promeritum auget. Cujus rei locuples testis Gregorius: Eo magis, inquit, sancti exaudiuntur ad meritum, quod minus exaudiuntur ad votum.

Sapissime Deus non aufert, quod rogatur, sed differt; obsecrationem aliquanto

O

rem-

## 292 RHETORICA CAELESTIS.

tempore repudiat, ut demum tantò fiat jucundius, quantò dilatum est diutius. Quod Augustinus observans: Cùm, inquit, aliquando tardiùs dat, commendat dona sua, non negat. Diu desiderata dulciùs obtinentur, citius data vilescunt. Ergo quære, pulsa, pete, obsecra & insta. Una dies dabit, quod mille negârunt.

Sed tertium responsum objectis damus: Semper exaudimur, modò vera sit senaue oratio. Hoc nihil dubitationis habet, in manibus tenetur: Omnis, qui petit, accipit. *a* Si non illud, quod petit, certe aliud quod ei magis prodeat. Clarissimè Augustinus: Et quando, inquit, non vobis datur, quod petitis, exaudimini, sed nescitis. Sit in vobis charitas, & tecum esto. *b* Hinc duplici nomine obstringimur Deo: quod non det noxia, & quòd det perutilia. Verissimum est vetus verbum: Frustrari noxiis exanuari est.

Beata Gertrudis iussu est, eligere quidquid vellet. At illa verecundè clausit oculos, dixitque: Ego providentiæ divinæ longè tutius fido, quàm meo iudicio: Deus eligat, velit, iubeat; divinis nutibus non integerimè solùm, sed & securissimè totam me trado: suos Deus antequam clament, exaudit; & nemo unquam clamavit frustra.

Sic sentiamus omnes, nec ullas unquam preces esse irritas credamus: Gemitus vel unicus ad Deum emissus, è caelo non redit vacuus. Habet suas & pium suspirium alas,  
quibus

*a* Matth. c. 7. v. 8.

*b* August. loco suprâ laudato.

quibus se cælo insinuat, & nunquam sine certo commodo. Inter superiores annos unus altèrve continuis verè pluviis planè lacrymosus fuit. Querelæ grandes ubivis obviæ. Non nemo in has voces erupit: Ergone nullus ex amicis Dei est, qui serenitatem cælo impetret? Erant utique, qui hoc impetrare potuissent, si cum Dei voluntate pugnare voluissent. Viderunt Deum non velle, ut aëris serenitas impetretur, ergo nec ipsi hoc voluerunt, qui divinam voluntatem agnoscunt pro suâ; hinc non possunt cum illâ non concordare. *a*

Hoc certum sit, orationem seriam semper admitti, semper exaudiri, nec unquam à Deo dimitti vacuam. Quod expressissimè Bernardus adstruens: Quæ fidelis, inquit, & humilis, & fervens oratio fuerit, cælum sine dubio penetrabit: unde certum est, quod vacua redire non poterit. *b* Nam, quod idem affirmat, unum è duobus indubitanter sperare debemus, quoniam aut dabit nobis, quod petimus, aut quod nobis noverit esse utilius. Noli ergo vilipendere orationem tuam, quoniam ille, ad quem oras, non vilipendit eam: sed antequam egrediatur de ore tuo, ipse scribi eam jubet in libro suo. *c*

Sed objicias: Quomodo exaudior, cum non accipiam, quod precor? Ne trepida,

O 2

mi

*a* Non tantum quoad specificationem, ut Theologi loquuntur, sed etiam quoad exercitium.

*b* Bern. serm. 4. in Quadrag. sine.

*c* Idem l. de Anima c. 6. mihi pag. 1056.

mi homo, aliud est exaudiri, aliud accipere. Exauditus est David, sed non accepit, quod petiit. Templi structuram, & Bethabea filio vitam rogavit; neutrum accepit, in utroque exauditus est. Nam templum non ipse, sed Salomon ædificavit, & infans vivere desiit. Ita Paulus, ita in cruce Christus exauditus est, non tamen à Paulo stimulus carnis, nec à Christo amarissimus calix mortis ablati est. En neuter accepit, tamen exauditus est uterque.

Sed istud nos homines nostri cerebri subinde difficulter capimus, & ad nostros affectus omnia metimur. Est, qui pecuniam petat, ut frumentum emat. Frumentum ei datur, negatur pecunia. At ille malè querulus vanissimè lamentatur se petisse pecuniam, & non impetrasse. Stolidissimè mortalium, quid quereris? Pecuniam, ais, non impetravi. Esto. Sed tamen illud impetrasti, cuius causà pecuniam petisti. Ne igitur tuas preces repudiatas dixeris; aliud pro alio accepisti.

Ita semper exaudimur, quotiescumque serio precamur. Quod Siracides confirmans: Quis, ait, invocavit eum, & despexit illum? *a* Quapropter Augustinus his omnino verbis hortatur: Ne deficias in oratione; Deus quod concessurus est, si differt, non aufert. *b* Nemo gratis orat. Omnis oratio modò seria sit, semper fructuosa erit.

*a* *Ecclesi. c. 2. v. 12*

*b* *August. in Psal. 65*

## CAPVT VII.

*Quid mentis oratio, seu Meditatio sit, & quàm ea utilis ac necessaria.*

**I**nterrogatus est olim Joannes Gerson Parisiis libellorum magister, quis status homini ad veræ sanctimonix leges vivere volenti sit eligendus? Num pictor, num cantor, num statuarius & fictor, num potius astronomus fiat? Tecta quæstio & verbis involuta. Apertior erit, si eam hoc modo ponamus: Quid ei, qui vitam spiritalem amat, conducibilius est, an ut pictor sit, & oculos occupet legendo, an ut cantor sit, & linguam exerceat orando, an verò statuarius ac fictor sit, & manus fatiget laborando, an verò sit astronomus, & mentem excolat meditando, & cælestia considerando? Quid igitur ad vitam piæ religiosequæ instituendam accommodatius & compendiosius, num actio, num lectio, num oratio; & quoniam ea duplex, num exterior & vocalis. an interior & mentalis, seu meditatio? Ad quæstionem positam ex mente doctissimi viri Gersonis respondemus, ad vitam ex virtute instituendam nil magis conducere, quàm attentam meditationem. Non vanè dixit Augustinus: Intellectus cogitabundus est principium omnis boni; Meditatio siquidem, Bernardo

O 3

teste,

a Gerson part. 2. Alphab. 34. lit. M. & de sollicitud. Eccles. part. 41. Alphab. 37. lit. A.

## 276 RHETORICA CÆLESTIS.

teste docet, quid desit, oratio ne desit, obtinet; illa viam ostendit, ista deducit; meditatione denique agnoscimus imminencia nobis pericula, oratione evadimus. *a* De meditatione ac methodo meditandi copiosè plurimi scripsère. Nos angusto hîc circumclusi duo dumtaxat docebimus; primum, quàm expediens ac utilis sit meditatio ad omnigenas virtutes facilè comparandas: alterum, quâ ratione meditatio possit institui. De primo loquemur hoc capite; de altero, sequenti.

*a Bern. serm. I. de S. Andréâ.*

### 6. I.

\* In fundamentum ponimus, quod beatissimus Paulus in exemplum statuit: Orabo spiritu, orabo & mente; psallam spiritu, psallam & mente. *a* Orationis interioris seu meditationis sanctissimus rex David sexcenties mentionem injiciens, sacra carmina sic exorditur: Beatus vir qui in lege Domini meditabitur. Hujus pronuntiati causam assignans: Et erit tamquam lignum, inquit, quod plantatum est secus decursus aquarum, quod fructum suum dabit in tempore suo, & folium ejus non defluet, & omnia, quaecunque faciet, semper prosperabuntur. *b* Liber hîc quærere.

Quid est Meditatio? Est attentæ divinorum cogitatio, seu mentis oratio, quæ varios voluntatis affectus miscet. Ad meditationem rectè peragendam Memoria, intellectus

*a 1. Cor. c. 14. v. 15. b Psal. I. v. 1. 2. 3.*

lectus & Voluntas suam operam necesse est conferant. Quod vel oculis subjiciat, modus formandi ac pinſendi panis. In piſtoris domo, quò labor ſit expeditior, hic ordo inter plures ſervari ſolet. Primus maſſam farinaceam jam ſubactam vel in panem oblongum, vel in rotundum, vel in ſpiram format. Alter maſſam jam formatam ad libram examinat: Tertius in fornū immittit, ubi animam farina accipit. Ita prorſus quæ meditanda ſunt, Memoria format, Intellectus ponderat, Voluntas animat.

Duo ſunt meditando genera, Primum eſt, quod alter alterum docere vix poteſt. Gloriatur cæleſtis ſponſa, & ipſa ſibi gratulatur: Introduxit me rex in cellam vinariam. & Introductam ſe dicit; quod vini genus guſtaverit, non dicit. Rex illi utique non vappam, non fugiens vinum, non acetum propinavit, ſed Creticum, ſed ſalernū, ſed vinum menſa regiâ dignum. Huic liquori generoſiſſimo regiâ manu propinato, primum illud & arcanum meditando genus conferimus, ſed quale ſit, dicere vix poſſumus. Guſtare & videre. Hanc ſua- vitatem rectius experientia quàm lingua commendat. At verò alterum meditando genus cujuſcumq; ſtatûs hominibus expoſitū eſt. Fini poteſ, quiſquis eſ, modò velis.

Nemo hîc dixerit: Ego litteras non didici; meditari meum non eſt. Imò verò eſt omnium, etiam ſimplicium. Hoſ Deus hinc neutiquam excludit: Cum ſimplicibus

O 4 ſermo.

fermocinatio ejus. *a* Rex David meditationis amantissimus non sibi aquilæ, sed columbæ alas expetiit.

Ægidius, quod prisce Annales commemorant, è divi Francisci sociis, Bonaventuram illius familiæ supremum magistratum adiit, sermonem in hæc ferè verba exorsus: Vobis litteratis plurimum gratiæ Deus præstitit, ob quam convenit, vos illi præ ceteris gratos existere: Nos verò illiterati & idiotæ, qui assequi poterimus tantum sublimè incedentes? Huic Bonaventura: Satis, inquit, satis abundè nobis omnibus per beneficium & gratiam Deus concessisset, tametsi nihil aliud beneficii præstitisset, quàm quòd omnibus facta est copia ipsium amandi. Ad quæ iterum Ægidius: Num, inquit, analphabetus & simplex tam ardentè Christum amare potest, atque vir intelligens & doctrinis instructus? Quid ais, frater, subjungit Bonaventura, quid hæc quæris? Una simplex vetula plus Deum amare potest, quàm profundissimus Theologiæ magister. Ægidius mox inde se propiciens, & uti festivè hilaris erat, excurrens in hortum vociferari cœpit: Vetula simplex paupercula, Christum ama, & major esse potes, quàm frater Bonaventura. *b*

Quid igitur hac in re trepidamus? Meditatio non est artificiosa, elegans, articulata mentis agitatio, non est erudita, & humani diviniq; juris scientiâ pollens ratiocinatio,

*a* *Prov. c. 3. v. 32.*

*b* *Chronicon S. Francisci parte 1. d. l. c. 14.*



einatio, sed fervens spiritus cum Deo colloquium, lingua & exterioribus sensibus modeste feriantibus. Et hic orandi modus amicis Dei semper commendatissimus, semper utilissimus fuit.

## f. 2.

Ludovicus Blosius rerum divinarum perquam intelligens, ausus est dicere: Precatio exterior, quæ ore tantum funditur, veluti palea est; nam interna oratio, quæ funditur mente, ipsum granum est. Si quæretur, quæ omnium optima sit oratio? Eodem loco Blosius responderet: Nulla præstantior oratio est, quàm ut quis petat gratissimam Dei voluntatem in se, & in aliis fieri. Hinc Isidorum rectissime dixisse judicamus: Omnis profectus ex lectione & meditatione procedit.

Dictum hoc mirifice confirmat vir eruditissimus Bartholomæus Torres Theologiae Doctor, Canariensis Episcopus, qui scriptis publicis, his omnino verbis professus liberrimè: Testis est Deus, inquit, quàm ex voluntate meâ ceciderit, ut de Societatis Jesu exercitiis seu sacris meditationibus sententia mea postularetur. Cupio enim simpliciter & christianè, quid hoc in re sentiam, palam facere toti orbi terrarum. Ac primum ne quis existimet ex privato me quopiam affectu loqui, ajo, me hominem de Societate Jesu non esse: quamquam si seriò esseni virtutis cupidus;

O 5

dudum.

a Blos. *Instit. spirit. c. 8. mihi pag. 366.*

dudum in eâ, vel in aliâ sanctorum Religionum versarer. Ajo deinde, me satis posse interrogationi propositæ respondere, cum & Societatem ab ejus exortu noverim, & pridem Salmantica cum Ignatio, deinde cum ejus disciplinæ alumnis perfamiliari-ter egerim. Ajo prætereâ, neminem verè ac perfectè meditationum sacrarum vim æstimare posse, nisi seipsum in iis exerceat. Etenim cum totæ referantur ad inserendas animo virtutes, & vitia extirpanda, nemo est, qui virtutis vim percipere, gustumque sentire possit, nisi in eâ prius elaboret. Nimirum longè aliud est litteras scire, & sensa spiritûs percipere, qui præter litteras, actionem, orationisque usum, ac ceterarum virtutum postulat. Me quidem profiteor Compluti ad eam formam meditationibus sacris exercitum, ac Deum testor, triginta annis, quibus versor in studiis sapientiæ, & permultis aliis annis, quibus Theologiam doceo, nunquam ad meam utilitatem didicisse tantum, quantum me sacra meditationes illæ diebus paucis docuerunt. Quod si cuiquam Doctorum id fortasse mirum accadat, experimentum appello: tentet idem, atque existimabit idem. Neque in obscuro est ratio, quod priora videlicet studia ad docendum, exercitia verò ad agendum referebam: valdeque interest scire, ut doceas, ac scire, ut facias. Addo cognitos mihi permultos, qui sacras exercitationes illas susceperint, nec tamen cognitum quemquam, qui non pietatis  
magnum

LIBER II. Cap. VII. 301

magnum inde profectum retulerit, palam-  
que prædicarit nihil omnino è mortalibus  
rebus se voluisse iis antelatum. Atque utri-  
usque quanti est ille thesaurus, tanti eum  
æstimare nossemus. Nam cum tanti sit mo-  
menti oratio ac meditatio propter ratio-  
nem ac viam, quæ hic commodissima tra-  
datur, multi meditando plus consequuntur  
brevi, quàm alii hoc præsidio destituti,  
multo tempore ac labore. In summâ qui  
cupiat nôsse, quid exercitia sint, pronuntio  
aliud nihil esse, quàm considerare attentò  
& quieto animo Capita Fidei, Beneficia,  
Leges & præcepta Dei, vitam & mortem  
Christi; vitam suam anteaquam recognosce-  
re, de futurâ statuere. a Luculentum viri  
sapientis ac planè pereruditi de meditandi  
fructu testimonium.

a *Historia Societatis parte 1. l. 13. n. 34. usque  
ad 38. mihi pag. 428.*

63 31

Hebræus vates Isaias hominem medita-  
tionis studiosum eleganter depingens: Qui  
ambulat in iustitiis, inquit, & loquitur ve-  
ritates, qui projicit avaritiam, &c. Iste in  
excelsis habitabit, munimenta saxorum  
sublimitas ejus: panis ei datus est, aquæ  
ejus fideles sunt. Regem in decore suo vi-  
debunt oculi ejus. cernent terram de longè.  
Cor tuum meditabitur timorem: ubi est  
litteratus? ubi legis verba ponderans? ubi  
doctor parvulorum? a Meditatio homi-

O. 6 nem

a *Is. c. 33. v. 15. & seqq.*

nem rēerā evehit in sublime, & inter astra collocat. Homo meditationi deditus, quotiescunque vult, cælum perambulat, in excelsis habitat, hic pascitur, hic inter Angelos epulatur, nullā spiritus inopiā laborat: Christum regem non jam in patibulo pendentem, sed in folio residentem interioribus oculis spectat, orbem terrarum veluti nidum fornicarum ex alto despicit, & omne aurum cum terrā suā ridet. Hic illi oritur inastimabile bonum, quies mentis in tuto collocata & sublimitas; expulsisque terroribus, è cognitione veri gaudium grande ac firmum, distinctioque animi, spesque certa nascitur ea omnia post obitum possidendi. Ubi ergo est in hunc modum litteratus, ubi Legis verba ponderans, qui cupiat cælo inhærare, in cælestia cogitationem defigere, inferorum supplicia speculari, ponderare voluptates æternas? *Iste in excelsis habitabit.*

Sic itaque qui salvus esse cupis & felix, animum tuum institue, ut timorem Dei eiusque observantiam, ut beatorum delicias pœnasque impiorum assidue commeditaris. Nam absque hoc meditationis studio cetera omnia, quæ amat & admigatur vulgus, non tam evehunt ad sublimia, quàm ad ima deprimunt. Meditatio, ut Gerson loquitur, soror lectionis, nutrix orationis, directrix operis, omniumque pariter perfectio & consuminatrix; meditatio liquidissimæ fons lætitiæ. Meditationi assuetus ubique locorum, & quovis tempore orare ac

cum.

cum Deo colloqui novit, veluti citharæ-  
 dus, qui parvulam chelyn aut testudinem  
 secum circumfert; ubicumque lubuerit, sibi  
 canit & Musis.

Claravallensis Apis Bernardus, qui tot  
 mellis amphoras calo detulit meditando:  
 Nil, inquit, in hac vitâ dulcius sentitur, nil  
 avidius sumitur, nil ita mentem ab amore  
 Mundi separat, nil sic animam contra ten-  
 tationes roborat, nil hominem ita excitat  
 & adjuvat ad omne opus bonum, & ad  
 omnem laborem, quàm gratia contempla-  
 tionis. 4

Nostra hæc minima Societas experi-  
 mentis jam creberrimis didicit, eos è suis  
 alumniis, qui Meditationis studium cœpe-  
 rint negligere, aut brevî religiosæ vitæ re-  
 nuntiuros, aut tales certè futuros, qui  
 meritò judicentur è ceterorum consortio  
 pellendi. Religiosa Meditatio, quotidie  
 cælesti succo animum irrorat, ut tam rebus  
 adversis, quàm omnibus vitiis audacter  
 resistere queat. Ergo intellectus cogita-  
 bundus principium omnis boni. Ergo bea-  
 tus vir, qui in Lege Domini meditatur die  
 ac nocte.

a Bern. l. de *Animâ* c. 7. *sine, mihi pag.* 1057.

§. 4.

Hæc autem interior mentis oratio seu  
 meditatio, non solum adeò fructuosa, sed  
 & necessaria est. Philosophorum stylo: Ni-  
 hil est volitum, quin sit præcognitum. Igno-  
 ta

ta namque non emimus. *a* Amare quidem possumus, quæ nunquam vidimus, sed amare non possumus, quæ nunquam cognovimus. Dilaudat quis generosum ac præstans vinum, auditotis dentes salivâ natant, *b* tamen si vinum illud nec viderit, unquam, nec gustaverit. Unde igitur illi hæc fictis? E laudatoris verbis, suavitatem illius nectaris cognovit. Hinc vinum non quidem gustatum, sed laudatum adeoque cognitum sirite incipit. Invisa diligî possunt, incognita non possunt. Hoc ipsum adstruens Gregorius: Nemo, inquit, diligere potest, quod prorsus ignorat. Etenim voluntas nequit appetere nisi bonum, aut certè speciem boni; quid autem in bonis numerandum, quid minus, hoc illi per considerationem suggerit intellectus. Hinc amamus, quod bonitate credimus commendabile: horremus illa omnia, quæ mali larvam ostendant. Hanc ob causam necessaria prorsus est meditatio; quomodo enim Deum, ut summum Bonum amplectar & diligam, quomodo peccatum, ut malorum omnium extremum malum, averser & fugiam, nisi utrumque cogitando ac meditando intimè cognoscam?

Hinc vates Jessæus David: Præveniant, inquit, oculi mei ad te diluculo ut meditarer eloquia tua. Et, Nisi quod lex tua meditatio mea est, tunc fortè perissem

*a* Kenn dich nie! kausß dich nie.

*b* Es wässern ihm die Zähne.

sem in humilitate mea. *a* Succubuissem utique inter tot tamq̃ se acerbis calamitates, nisi hoc compendii habuissem, quotidianis meditationibus fatiscentem animum reficere.

Neque huic Regi dies ad meditandum suffecerat, nam: Meditatus sum nocte, inquit, & exercitabar, & scopebam spiritum meum. *b*

Beatus Ludovicus Morbiolus staturæ mediocris, præstantis formæ à puero tenacitatis & libidinis sordibus indulgebat. Morbo graviore correptus pristinas sordes ejuravit, & totum se Deo tradidit. Receptâ valetudine assiduis rigoribus corpus exercuit, fame siquæ adeo confecit, ut vix ossibus hæreret, & Laterna Punica videretur. Plurimos nihilominus quotidianis exhortationibus ad virtutem mirificè accendit. Pro testimonio dicunt Bononia, Mutina, Rhegium, Mantua, Ferrara, quas urbes Ludovicus optimis monitis ad virtutis cultum provocans, cæleste præmium & humanæ gloriæ contemptum identidem ingerebat. Vir iste sanctus, ut nihil otio daret, icunculas ex oscillis interdii sculpsit; noctu totus fuit in meditandis Christi patientis cruciatibus. In his meditationibus ille ignis exarsit, quem lacrymarum aqua magis accendit. *c* In hoc homine post juventutem non admodum pudicè

*a* Psal. 118. v. 148. & v. 92.

*b* Psal. 76. v. 6.

*c* Sur. tem. 7. die 18. Octob.

## 306 RHETORICA CALESTIS.

pudicè actam, senectutem tam laudabilem subjunxit, oratio interior & assiduum meditando studium . Omnis sanctimonia vitæ ab hoc fonte profluit.

§. 5.

Et unde Claravallis Abbati Bernardo tam concinnus, tam uber & elegans stylus, quem in scholis nunquam didicit, unde illi tam numerosus virtutum chorus? quem à libris haud impetravit, eum certè à meditationibus sacris obtinuit . Unde beato Ignatio Lojola, unde matri Teresa sanctissimæ feminæ tam ardens & divinus spiritus, ad optimas leges condendas, ad alia præclarissima quæque conscribenda, nisi ex hoc ipso meditationum thesauro? Hinc rectissimè dixit beata Teresa: Mentalis oratio, seu meditatio convenit omnibus etiam virtute destitutis; Meditatio principium est omnium virtutum. Et unde hodieque tot religiosæ familiæ tantum pietatis, tantumque scientiarum hauriunt, nisi ex opulentissimo sacrarum meditationum gazophylacio? ubi solius in litteris profectus, aut ceremoniarum, aut cantus ratio habetur, parum solidæ virtutis deprehenderetur.

Beatus ergo vir, qui in lege Domini meditaratur die ac nocte. Ne verà sine meditando studio sanctionis vitæ fundamentum nullum est. Scribe sapientiam, inquit Syracides, in tempore vacuitatis: & qui minora-



tur actu, sapientiam percipiet, quia sapien-  
tiâ replebitur. *a* Scribe, inquit Et quid scri-  
bam? sapientiam scribe ac veritatis noti-  
tiam, scribe consiliorum copiam, quibus  
te munias in omnes eventus, scribe sapien-  
tiam in rerum creatarum usu, sapientiam  
medicam in vulneribus animi curandis.  
Hæc certè scribimus, cùm ea cogitatione  
attentâ perpendimus. Eruditio & sapien-  
tia, inquit Ecclesiastes, vitam tribuunt  
possessori suo. *b* Ut enim navis clavo, curia  
consilio, equus freno, sic homo regitur  
meditandi studio. Hoc ablato pleraque  
omnia violenter fiunt. Quoties vanissima  
quæque sedulò pertractamus, & quæ animi  
ac salutis sunt, vix obiter unquam cogita-  
mus. Quisquis considerat sua vitia, profectò  
non inspicit aliena.

Thales Milesius in contemplandis astris  
occupatissimus foveam non vidit, in quam  
corruit. Ita nos stellas examinamus, plu-  
rima non necessaria, sollicitâ mente volvi-  
mus, & inferorum foveam cæci transimus,  
leges divinas rarissimè consideramus; hinc  
earum observatio frigidissima.

Ægyptii hominem ad se non spectantia  
curiose indagantem sic depingebant: Ter-  
rarum orbem ante oculos, à tergo specu-  
lum, vultûs judicem sincerum statuebant,  
quod hic talis se neglecto cetera omnia  
solertè investigaret.

Heu quoties noxæ commissæ mentem  
quidem feriunt, sed non penetrant, solius  
medi-

*a Eccli. c. 38. v. 25. b Eccles. c. 7. v. 13.*

meditationis defectu. Peccata velut catapotia seu pillulas melle tinctas, vel crustulis involutas a glutimus, nec veram amaritudinem sentimus, quia peccati foeditatem meditando non expendimus.

Theologiae Phœbus Thomas Aquinas, qui scientiarum omnium capacissimo fuit ingenio, dicere solebat, unicum esse, quod nec intelligere, nec ullo modo posset capere, quâ tandem ratione fieri posset, ut homo in peccato letali constitutus ridere unquam latius, aut quancunque voluptatem ex ullâ re percipere in animum induceret. *b* Res certè difficilis captu, quando talis minimè fallaci fide credit, illum æternæ mortis, & flammarum fore nutrimentum, qui mortiferi peccati reus moritur, nec hominum quemquam ullo temporis momento à morte securum agere.

Cur oro, Damocles ad mensam regiam, ad epulas exquisitissimas tam moestus accubuit, ut nec hilatiorem quidem oculum erigeret, ubi alioquin ipsa viveret hilaritas? Viderat infelix parasitus fulgentem, & è serâ tenuissimâ pendentem gradum suis cervicibus innuere. Hinc delectarum omnium magnificentissimus apparatus navisæ fuit & horroni. Maluisset Damocles elurire, quàm in periculo è prandere. Tremuit miser; quia mortis vicini in consideravit: nescit, si gladium non vidisset. Ita homines noxis gravioribus implicati

more

a. In Obiit cingentietate Willsten.

b. *Hyjor. Ord. S. Dominici part. 1. l. 3. c. 37.*

more phreneticorum securissimè rident, quia propinqua supplicia non vident, non cogitant, non timent, meditando non contrectant. Hinc hilaris furor, hinc secura & suavis insania. Ita Nabal homo fatuus jam morti destinatus, post dies decem moriturus, inter epulas tamen tripudiabat ebrius; Cor Nabal jucundum. Pauculis post diebus funus, umbra, cinis. Cumque pertransissent decem dies, percussit Dominus Nabal, & mortuus est. *a* Beatus ergo vir qui in lege Domini meditatur die ac nocte: cor suum tradet ad vigilandum diluculo ad Dominum & Meditatio virtutis principium.

*a* 1. Reg. c. 25. v. 36. & 38.

*b* Eccli. c. 39. v. 6.

## CAPUT VIII.

*Quomodo mente orandum, seu meditandum sit.*

**O**Rator Græcus Demosthenes, eloquentia consultus, & ad dicendum paratissimus, firmitate tamen vocis ac vigore ita caruit, ut ob languentem ac puerilem vocem non semel explosus, in hæc denique verba proraperit: Histrionem è voce, oratorem è mente par est judicare: Minus aut joculator scenicus, Medicus circumforaneus, *a* Præco publicus sint Stentores; Orator, si polleat intelligentiâ, & ingenio, tametsi voce careat, non rejiciendus.

*In.*

*a* Zambrecher.

## 310 RHETORICA CÆLESTIS.

In nostrum ulum trahimus hæc Demosthenis verba, Oratorem è mente judicare par est. Eodem scilicet modo hominem Christianum tamquam orationis studiosum non laudabimus, quantumvis volubilem, promptam, celerem, facundam habeat linguam. Hominem cælestis Rhetoricæ gnarum è mente judicare par est. Nam mentis oratio longè nobilior ac præstantior, longè utilior & efficacior, quàm ea, quæ oris est & linguæ.

De oratione hac loqui cœpimus; dictum quid meditatio, & quàm utilis ac necessaria sit virtutibus comparandis. Nunc porò dicendum, quid & quomodo meditandum sit?

§. I.

Solymæus Rex David orando suaviter inflammatus: Concaluit cor meum, inquit, intra me, & in meditatione meâ exardescet ignis. <sup>a</sup> Homo parci sanguinis & frigidus, modò manus, modò pedes queritur gelu rigescere, nec unquam terè totum se incallescere, nisi cùm plumea lectuli fornax calorem aspirat. Ita pœnè potentissimus Regum locutus: Ego, ait, inter tot regni mei negotia, multum tædii ac fatigationis sentio, hinc circa Numinis cultum animi frigus sequitur ac languor, sed in meditatione meâ resumo vires, & mentem frigidam accendo. Hic pii spirant calores, hic ignes & flammæ cælestes vivunt. In meditatione seipsum recipit homo, quem alibi amiserat.

<sup>a</sup> *Psal.* 38. v. 4.

rat. Quid autem meditandum est?

Primum omnium, *Notitia sui*. Hic quaestioni locus: Quis es tu? licet enim vel centum annis è cathedrâ clamet Ecclesiastes: Nosce teipsum, ô homo, nosce; frustra tamen tot cohortationes sunt, nisi sequantur *Meditationes*. Qui seipsum nosse cupit, seipsum sibi proponat, cum omnibus naëvis ac viriis suis, dicatque ipse sibi: En talis es, tam inops virtutis, tam dives vitiorum, tam torpidus & frigidus in obsequiis divinis, tam alacer & agilis in Mundi servitiis; novum quotidie noxarum catalogum texis; & nulla emendatio. Ubi tua Humilitas, ubi Patientia, ubi Charitas, ubi tua est Temperantia, & ubi Castitas? si quid forsitan virtutis habes, id mille vitiositatibus corumpis. Interim tibi tam pretiosus es, ut ab omnibus honorari, & auctoritatis magnæ haberi cupias. In hac suimet contemplatione eò deducitur, qui seipsum scrutatur, ut tandem dicat, abyssus abyssum invocat. Ego abyssus malitiæ, abyssus inbonitatis Deum invoco. Hæc copiosissima in annos plures materia est meditandi. Consideratio sui, agebat mater Teresa, sit quotidianus panis noster.

Alterum quod meditandum, *Humana vita, Mundus, & innumera Mundi fallacia*. Hic intellectus expendat, quanta sit vitæ non solum brevitæ, sed & fragilitas, vanitas, inanitas, & quæ unico mortis afflatu, omnis dignitatum, divitiarum ac voluptatum vigor ac vita expiret, momento clau-

### 372 Rhetorica Cælestis.

claudantur omnia, & quæ diu itererunt, subito ruant; quomodo vanissimi conatus hominum in triste nihilum relabantur. Hic animum subibit, quàm verum sit regii vatis oraculum: Perit memoria eorum cum sonitu. & Æs campanum grandius ad duo miliaria sonum propagat incredibili vi ac celeritate. Quandoque viri duodecim eandem trahunt campanam, subito illorum unus campanæ linguam, seu clavam excipit, & repente silet æs loquacissimum, quod tanto fremitu imperabat aëri & nubibus. Hæc rerum vanitas est, hanc animo infigat meditatio. Juvabit etiam per exempla ire, & sibi ipsi dicere: En hunc dominum, & hunc etiam & illum, & tot alios novi, velut ara campana longè lateque sonantia, nunc ubi sunt, & ubi sonus illorum? Perit memoria illorum cum sonitu. En tot Luciferi repente præcipitati è mundi calo. Hæc mente accuratius reputanda.

Tertio loco meditationi subjicienda sunt capita Christianæ Fidei, Oratio Dominica, Angeli salutatio, Apostolorum symbolum, Decalogi præcepta, septem capitalia peccata, exteriores quinque sensus, septem insigniora misericordiæ paradigmata, & quæ hujus generis sunt. Hæc membratim & ordine consideranda, & aliud ex alio deducendum.

Quartum, quod in meditationem venit, est Dei gubernatio, & œconomia ab orbis incunabulis petita, qualia sunt creatio pri-

LIBER II. Cap. VIII. 313

primorum hominum, excidium orbis & diluvium, Pentapolis incendium, ita sensim ad ævum Abrahami eundum. Ab hoc ad Moïsi, & Israëlitis ex Ægypto egressum, inde ad Davidis Regis tempora, ab his ad Christi servatoris infantiam meditatione perveniendum. Et quanta in lege veteri miracula meditati ultro se offerunt?

Quintum est, tota Christi Domini vita: Exordium fiat à Nazarethanis mysteriis inter Virginem & Angelum tractatis, inde ad stabulum & gramineas cunas nascentis Christi veniendum. Subjungatur octava Sanguinis & sanctissimi Nominis dies. Hunc sequatur Regum adoratio, in templo infantis oblatio, repentina in Ægyptum fuga, Herodis furor totque puerorum cædes. Deinde Christi per annos triginta latentis summa Humilitas inspicienda. Ab his meditantis cogitatio Hierosolymam proficiscatur, & omnia Patientis Domini mysteria ordine consideret, usque ad obitum in cruce, & supremos funeris ac tumuli honores. Inde reditus ad vitam, & ingressus cæli commeditandus. Hæc omnia documentis & affectibus optimis plenissima.

Sextum, Quatuor hominum novissima, Mors, Judicium, Inferi, Cælum. Hic Oceanus immensus, cujus quidem initium videre, sed finem & extremos terminos conspicere non possis.

Septimum, Divina oracula, & sacra tam prisca quam novæ legis volumina. In his

# 314 RHETORICA CAELESTIS.

his non singula solum sententia, sed & verba singula, velut piperis aut sinapis granum, vim miram sensus reconditi tegunt. Hæc Dei effat, & dictata sunt. Ex his præcipuè considerationi admoventi possunt, Ecclesiastes, Ecclesiasticus, Liber Sapientia, Plalmorum carmina, Salomon's proverbialia, & potissimum quidquid ad novæ legis disciplinam pertinet. Hic abundè satis est, quod Meditatio complectatur. Accedunt insuper libri, qui ea, quæ diximus, pleraque omnia in certum ordinem digesta & explicata, veluti mansum cibum meditaturis ingerunt. 4

Diximus, quid meditandum sit. Progre- diamur, & quomodo meditandum sit, compendio porò dicamus.

a Quales sunt 6. partes meditationum Lud. de Ponte. Anton Sacq Via vita aterna, Vincent. Bruni, Petri Cottoni, Caroli Scriban, medi- tationes de omnib. Fidei, & Christi mysteriis.

## 6. 2.

Meditari discet, rudis etiam ac simplex, non ingeniosè multa percurrendo, sed pauca meditatè legendo, sumat aliquem è melioribus librum seu de Imitatione Chri- sti, sive de Contemptu Mundi, seu sacra Evangelia, sive Apostolorum scripta, in his duos trèsv, quatuorve, plures pauciores versus legat, & quod legit, exputare inci- piat in hunc modum: Quid hic præcipitur, quid vetatur? quos ista spectant? qui ego

hæc

LI  
ic servat  
ta pau  
estum  
bibere  
tas for  
tucunt  
nt, iter  
le est  
le affe  
tionem  
liat in  
tinuò  
reflitu  
medit  
e med  
imus  
n. Un  
gant se  
ne me  
mus, ut  
ta non  
m cam  
d efficit  
sit, & i  
alligat  
tionem  
itur.  
Breviss  
ps. Cū  
ò quat  
mplect  
medita  
Bern. ep  
pag. 10



hæc servavi, qui servabo in posterum?

Ita paulatim initiandus animus rerum  
caelestium gustulo, quemadmodum galli-  
na bibere solent; quæ ubi pauculas aquæ  
guttas forbuerunt, mox caput attollunt,  
reducunt, bibuntque denuò, iterum id eri-  
gunt, iterumque submitunt. Hauriendus  
sæpe est, inquit Bernardus, de lectionis  
serie affectus, & formanda oratio quæ  
lectionem interrumpat, & non tam im-  
pediat interrumpendo, quàm puriorem  
continuò animum ad intelligentiam lectio-  
nis restituat. Lectio sine meditatione arida  
est; meditatio sine lectione erronea; oratio  
sine meditatione est tepida. <sup>a</sup> Hinc rectè  
dicimus, lectionem orationis esse sorore-  
rem. Unde iis consultum credimus, qui  
negant se quidquam succi melioris ex ora-  
tione mentis elicere posse; his enim sua-  
demus, ut libellum pium arripiant, legant,  
lecta nonnihil expendant, atque ita lectio-  
nem cum oratione conjungant. Ex quo  
illud efficitur, ut nec meditandi materia  
desit, & intellectus verbis sententiisque li-  
bri alligatus, minùs evagandi habeat oc-  
casionem. Ita & legendo oratur, & orando  
legitur.

Brevissimum ejus rei paradigma subjici-  
mus. Cùm meditatio plerumque tria, non  
rarò quatuor, quinque, plura etiam capita  
complectatur, concionem Christi de semi-  
ne meditandam sumamus.

P

Caput

*a Bern. epist. ad fratres de Monte Dei, mihi  
pag. 1030. & de modo orandi pag. 1131.*

Caput primum meditationis est Seminor. Alterum, Semen. Tertium, Terra semini exposita. De primo Christus ita loquitur: *Exiit, qui seminat, seminare semen suum. Hæc dicens, clamabat: Qui habet aures audiendi, audiat. a* Quis seminator iste? Primus omnium Christus, ab hoc Apostoli, ab his Episcopi, ab istis Sacerdotes, alter ex alterius manu accipit, quod seminet.

De secundo dicitur: *Semen est verbum Dei. b* In Christianorum templis ad circumfusam concionem, non tantum Evangelium prælegitur, sed & explicatur: quod utrumque d vini verbi nomine censendum, tam Evangelii prælectio, quam prælectionis expositio. Quod dilucidè demonstramus. Christi assertio est: Omnia, quæcunque dixerint vobis, servate, & facite. *c* Id quæ probat Dominus his verbis: Super cathedram Moysi sedent. Ita prorsus qui in Catholicâ Ecclesiâ in Apostolorum cathedrâ sedent, ii genuinum semen, verbum divinum spargunt, servate, & facite, quæcunque dixerint vobis, quamvis ipsi seminatores mali, quamvis pessimi sint, & nec servent, nec faciant, quæ dicunt. Quia tamen Apostolorum suggestum, licet eo indigni, occupant, semen probatum, Dei verbum terræ commendant. Paulus non humanas voces, sed divinos iussus attendendos scribens: Cum, inquit, accepissetis à nobis verbum auditus Dei, accepistis illud,

*a* Luc. c. 8. v. 8. & 8. *b* Ibid. v. 14.  
*c* Matth. c. 23. v. 2.

LIBER II. Cap. VIII. 317

non ut verbum hominum, sed ( sicut est verè ) verbum Dei. 4

Tertium huiusce meditationis caput est Terra, quæ quadruplici discrimine noscenda proponitur. Nam quod spargitur in viam, transeuntium pedibus conculcatur, aut ab avibus devoratur: quod in petram cadit, exsiccatur & ardescit: quod in spinas jactur, jam ortu suffocatur: quod terra bona recipit, hoc crescit, & copioso fenore multiplicatur. En tria meditationis capita. Hic seipsum, qui hæc meditatur, interroget: Et qualis ego sum terra? Quoties, quàm attentè, quo fructu conciones audio? an ullus diabolo ad me accessus est? Tentationibus quì resisto? an nihil in corde meo pullulat spinarum? an sollicitudines, divitiar, voluptates, succrescens in me semen non suffocant? num ego in illorum numero sum, qui in corde bono & optimo verbum retinent, & fructum adferunt in patientiâ?

Quod si virtus, aut vitium, aut sententia meditatione sit perscrutanda, pari modo tria quatuorve, aut plura meditationis capita, sumantur. Exemplo erit dominicum dictum: Et fructum afferunt in patientiâ.

Primum hîc caput: Quæ vera est patientia: qui gradus illius contendendi, ut non patienter solum, sed & libenter, sed & hilariter adversa tolerantur.

Secundum, quid promissi habet patientia, quid acceptura est præmiu, à quo,

a 1. Thess. c. 2. v. 13.

quibus pactis, quàm certis conventis!

Tertium, quoniam hominum patientissimi fuerunt, quâ id arte affecti, qui sese ad toleranda quævis accommodarunt, quàm ego ab illis longè absum? & quomodo deinceps illos imitabor?

Ex eâdem Domini concione de faciendâ semente tertiam quoque meditationem sumimus, cujus hæc sint capita.

Primum, *Cum turba plurima conveniret, & de civitatibus properarent ad eum.* Habebat Christus Dominus circum se non quidem exercitus ferocium militum, sed ingentem turbam devoti populi, & perpetuum multorum millium comitatû. Tanta enim erat undique appropinquantium ad IESUM multitudo è totâ Iudæâ, Galilæâ, Idumæâ, è Tyri & Sidonis finibus, è regione ultra Jordanem, ex universa Syriâ, aliisque vicinis regnis, ut ubique multa hominum millia cernerentur; adeo ut credendum sit, nusquam non octo minimum vel decem millia hominum, plerumque aliquot myriades apud eum congregatas. Nimirum tam densa populorum agmina è singulis urbibus ad Dominum IESUM properant, ut subinde ad mare se recipere, & ne à conglobatis ac irruentibus turbis comprimeretur, de navi concionari cogeretur, unde multitudinem in littus velut in theatrum effusam commodius alloqueretur. Secun-

a Ita expressè Lucas c. 12. v. 1. ἐπισυναχθῶντων μυριάδων ὄχλων.

L I B E R II. Cap. VIII. 319

Secundum meditationis caput, Apostolorum quaestiones: *Interrogabant autem eum discipuli eius, quae esset haec parabola?*

Tertium est, Christi responsum: *Vobis datum est nosse mysterium regni, ceteris autem in parabolis; ut videntes non videant, & audientes non intelligant.*

En in meditationem triplicem, en novem capita meditationi proposita. Eadem ceterorum est ratio. Ita nascentis Christi praesepiolum distinctis meditationibus expendendum De quo, si vita suppetat, considerationes complures spondeo. Ita morientisoloris cantum, seu, Domini Jesu in cruce pendentis orationem septemplex promitto. Revera in considerandis his mysteriis nova semper cogitandi materia subjicitur. Ferri, argenti, & multo magis auri fodinae tot vulneribus sauciuntur, tot cuniculis suffodiuntur, toties eorum viscera diripiuntur, ut tandem penitus exhauriantur, & metallariis a nec auro, nec argento, neque ferro amplius respondeant: Non eadem hic egestas est; in his meditandi fodinis ad fundum nunquam penetratur: hic fossori semper respondent venter; in his alveariis mel semper redundat; ex hoc lecytho nunquam non fluit oleum. Et lecythus olei non imminuetur. <sup>b</sup> Verum hic documenta paucula subnectimus.

P 3

1. In

a Den Bergtnappen.

b 3. Reg. c. 17. v. 16.

1. In meditatione plurimum juvat imaginatio, si quis illius potens ab illâ ipsâ principium meditandi ducat. Exempli gratiâ: Christi nascentis mysterium tantò quis melius expendet, quantò illius imaginem potentius comprehenderit. Qui meditatur, in ipso divinissimi infantis antro se credat agere, cernat animo matrem Virginem, & Iosephum Nutricium, lectulum & pannos pueri tangat, thus stabuli olfaciat, pastores accurrentes salutet, Angelos praesentes existimet, vagitus & lacrymas infantuli observet, cum omnibus colloquatur. Ita prorsus sub meditationis exordium, imaginatio alliganda, ne huc illuc evolans orantem turbet. Siquidem tantò erit felicior meditatio, quantò ad rem praesentem collectior imaginatio. In hac loci situs, hominum affatus, & omnium quae illuc pertinent, imago & aspectus est constituendus. Haec antecepta in animo rei informatio, & utilis, & necessaria est. Haec visa cogitationes sequentur non invitat.

2. In promptu sint Meditationis capita seu tria, seu quinque, plura pauciora. Haec ordine & particulatim excutienda sunt. Neque opus hic multo artificio. Nam ejusdemodi cum Deo colloquia non convenit esse artificiosa. Beata Teresa, Quid sit Meditatio, interrogata: Meditationem esse

esse censeo, inquit, per intellectum circa rem aliquam discurrere. <sup>a</sup> Ut si Christum in Oliveto vinctum meditemur, singulæ hujus spectaculi partes intuendæ. Hostilis in hortum irruptio, Iudæ osculum & salutato, Christi mansuetissimus sermo, Cohortis trina prolapsio. Violentia militum & aggressus, Præservida Petri manus, Amputata Malchi auricula, Sindon adolescentis relicta, Apostolorum fuga, Christi jam vinculis onerati deductio. In singulis non-nihil cogitando insistere, nemini difficile. Et videte obsecro, quàm in commeditandis nequitiiis prompti & parati simus. Est, qui injurias persequi, & ex aliquo paret ultionem petere. Hic ita meditatur sicut aranea: Ego casses meos expendam solertissimè, incidet in eos inimicus meus, quo non putaverit die. Hæc tamen techna cautè instruenda est. Principiò eum, apud quos potero, exosum reddam; occasionem deinde subministrabo, quâ id loquatur, cujus ipsum pœniteat; ita suis eum verbis irretiam, & irretitum configam. Si actus hic minùs succedat, hoc illòve modo rem aggrediar, tantâque curâ exitus viarum omnes obsepia, ut non possit non incidere in manus meas; nam etsi unum alterumve artificium è meis eludat, non eludet omnia, ita urgebo hominem, sic insistam nutanti, sic impellam ruentem, ut prædam cassibus meis obvolutam certò nanciscar. En

ara-

a Parte 2. operum in Castello anima. Mans.  
6. c. 7. mihi pag. 268.

araneam, ut filum è filo ducit, ut meditationem meditationi neſcit, quàm promptè, quàm feliciter, quàm ingenioſè conſilia conſiliis conſuit. Itane tam prompti ſumus meditando in noſtram perniciem? tam expedite animum verſamus per omnia, cùm nocendum eſt? Et non poſſimus Chriſti Patientis & Morientis beneficia meditando expendere? Serve nequam, ex ore tuo, & ex conſiliis tuis te judico.

3. Ubi ergo Memoria & intellectus, quod partium ſuarum eſt, fecerint, tum Voluntas etiam officio ſuo debet fungi. Nam ubi aliquis meditando agnorit, quid ſibi faciendum, tunc voluntas concitanda & impellenda eſt, ut exequi velit, quod exequendum judicaverit Intellectus. Hic juvet ad Chriſtum ſe vertere, illum alloqui, illius opem implorare. Quod tantò rectius fiet, quantò ferventiùs varios in ſe Humilitatis, Patientiæ, Charitatis, grati ac devoti animi affectus excitaverit. Hos omnes poſſunt, ii etiam qui ſcitè ac ſubtiliter ratiocinari non poſſunt. Nam ut quis neat ac faciat, opus eſt acu, licet acus nihil conſuat, ſed filum. Fatuus certè ſit, & vel die integro fruſtrà ſe fatiget, qui ſolam acum filo non inmiſſo, iterum iterumque ac milles per telam traheret. Vix aliud facit, qui ſolum Intellectum per diverſa trahit, deſidem tamen & ignavam Voluntatem ad calida deſideria non impellit: Meditatio eſt acus, ſed filum eſt Voluntatis affectus; hoc filo conjungimur Deo.

Dixit.



Dixerat Christus : Orantes nolite multū loqui. *a* Quę verba dilucidans Augustinus : Aliud est, inquit, sermo multus, aliud diuturnus affectus : Absit ab oratione multa locutio, sed non desit multa precatio. *b*

4. Ad illud præcipuē collineandum in meditatione, quod quemvis maximè retardat, quò minùs in virtutibus proficiat. Hic rei scopus est. Cùm Christus Hierichuntinum cæcum interrogasset : Quid tibi vis faciam ? Ad ea mendicus non dixit : Vestibus indigeo, fami panem peto, paupertati pecuniam rogo. Sed unum illud petiit, quod sibi magis necessarium censuit : Domine, ut videam. *c* Ita prorsus quilibet in meditatione id potissimùm agiter, id à Deo impetrare contendat, quod sibi magis necessarium existimat, quod singulariter incremento virtutis obstat. Est, qui deprehendat in se pretium sui, ad alta nititur, ubique conspicuus esse, & magnæ haberi auctoritatis cupit; vota non assecutus turbatur & indignatur. Hoc illum à cælo revocat. Hoc igitur cogitandum sæpius sumat, huic malo remedia circumspiciat; Humilitatem dies noctesque animo volvat, Humilitatem precibus assiduis exposcat. Alius impatientiā plenus, vel verbulo latus, vel digitulo impulsus ignem & venenum vomit. Iste Patientiam jugi meditatione familiarem sibi reddat.

P 5

Alius

*a* Matth. c. 6. v. 7.

*b* Aug. epist. 121. ad Probam.

*c* Luca c. 18. v. 41.

## 324 RHETORICA CAELESTIS.

Alius iudicii sui tenacissimus est & se uno excepto neminem non falli credit. Et iste quidem huic nāvo abstergendo vacet meditatione quā creberrimā. Est, quem libido & carnis petulantia infestet? Hic omni studio puritatem animi & castimoniam meditationibus perpetuis condiscat, neque hic quidquam remittat, aut mali gravitate victus succumbat. His talibus malis nunquam cedendum est, etsi annis triginta, etsi quadraginta vel quinquaginta parū videatur meditatio promovisse. Is solum hic vincitur, qui recusat ampliū pugnare. Ita suū quisque ulcus Meditatione velut scalpro incidat, & eādē velut malagmate aptissimo persanet. Quemadmodum qui in pharmacopolio est, non ex obvia quāvis pyxide suo morbo pharmacum depromit; ita suo quisque vitio, quod infestius experitur, medicinam cōrit facere. Ille suam Superbiam, iste Libidinem ac Luxuriam suam, hic suam Iracundiam aut invidiam, hic verò Gulam & perpotationes suas sub jugum mittere nitatur; si quem avaritia, si quem desidia aut somnolentia in praviū trahat, has ipsas vitiositates expugnare contendat. Scientia Sanctorum actiosa & practica est, & quod Ambrosius dixit, Meditationis finis, operatio.

## §. 4.

Quia verò Memoriam, Intellectum, Voluntatem meditando diximus exerceri, eius rei.

LIBER II. Cap. VIII. 325

rei luculentum paradigma subijciemus.

Luctuosissimam Luciferi & apostatarum Angelorum tragœdiam expendamus. Memoria primis his laboribus fungatur, & supremum venustissimumque Angelum statuatur aspiciendum. Erat is spiritus multo nobilissimus, Deo proximus, tantum non Deus, omnium gemmarum pretio nitēbat, supra omnes felicissimus, suam si nōset felicitatem. Sed quia se cum suis homini Christo subijcere recusabat, cælo præcipitatus est in gehennæ barathrum, æternis ignibus cruciandus, Dei hominumque hostis capitalissimus, peccati & mortis auctor.

Hic igitur ruinam Angelorum miserandam, & exilium tristissimum, quia sempiternum, Memoriam complectere.

Memoria succedat *Intellectus* super re propositâ ratiocinando in hunc modum: Si Deus Angelorum Antesignanum & omnes criminis socios ob unicū superbū NOLLIT, suppliciiis immortalibus, plagâ incurabili, flammis sempiternis, sine ullâ spe gratiæ sic punit: quid tu vermicule, quid vilis homuncule tibi aliud polliceris? quibus es addicendus tormentis, ob commissâ in Deum tot flagitia? Pomi vetiti morsus parentes tuos paradiso expulit, Angelos cogitatio superbior cælo dejecit. Vix esse ac vivere cœperunt, & ad mortem damnati sunt. Tu sceleribus diversis oberatus quâ tandem poenâ multaberis? Non Angelis, non Proteplasticis parsum est vel semel delinquentibus,

& tibi tot leges innumerabili noxâ violanti parcendum somnias?

Intellectui succedat *Voluntas*. Hæc ubi à Memoriâ & Intellectu didicit, quæ peccati sit atrocitas, seipsam concitet, doleatque Deum tot suis flagitiis offensum, & hoc jam unice velit, irato Deo satisfacere. Hic quisquis es, cum Rege lacrymabundo vociferare, Miserere mei Deus, miserere. Cum suspirante Augustino clama: Recordari volo transactas foeditates meas, corruptiones animæ meæ, non quod eas amem, sed ut amem te Deus meus. Amore amoris tui facio istud, recolens vias meas nequissimas in amaritudine recogitationis meæ, ut tu dulcescas mihi dulcedo non fallax, dulcedo felix & secura. *a*

Hic is, qui meditatur, annales vitæ suæ relegat, historiam longam, sed prorsus foedam. Heu quot absurda, quot stulta, quot obscœna, non solum cogitata, sed dicta & facta? Hic opportunum erit ex Augustino quærere: Quid est peccatum? Rem istam sæpius suis momentis ponderans Augustinus: Quæsiui, ait, quid esset iniquitas? Et non inveni substantiam, sed à summâ substantiâ à Deo detortam in infimam voluntatis perversitatem. *b* Quid igitur est peccatum aut peccare? Æternæ rationi temerè obistere, divinæ providentiæ reluctari, & omnem turbare ac invertere rationem. Quid est peccatum? Audacia projectissima, quæ favores Dei spernit, & abjicit,

*a* Aug. l. 2. Conf. c. 1. *b* Idem l. 7. Conf. c. 7.

abjicit, quæ omnia auxilia divina negligit,  
 & repellit. Quid est peccatum? Margarita-  
 rum & unionum, gratiarum & donorum  
 cælestium, sanguinis à Christo tui & hau-  
 sti vomitus. Quid est peccatum? Omnis  
 ordinis inversio, orbis universi perturbatio,  
 rerum creatarum omnium luctus aut in-  
 teritus. Quid est peccatum? Belluarum o-  
 mnium immanissima, monstrorum omniū  
 monstruosissimum, quod litteras, quibus  
 homini jus cæli transcriptum, lacerat, &  
 Christo in os contumeliosissimè projicit.  
 Quid est peccatum? Avernale prodigium,  
 quod Christi promerita repudiare, Chri-  
 stum crucifigi, Christi sanguinem calca-  
 re audeat. Quid est peccatum? Summum &  
 unicum orbis malum. Tolle peccatum, &  
 nullum nobis malum nocebit. Sed quæ-  
 ramus ulterius: Et quis es tu, qui peccasti?  
 quantus es Angelo, quantus es toti cælo  
 comparatus? Heu cinis, umbra, nihil. Et  
 quantum est cælum cum Deo compo-  
 situm? Nihil. Tu igitur quis eris collatus  
 Deo? Heu longè minus nihilo. Exurgat hic  
 voluntas, & in seipsam excandescat. Hic  
 exclamandi locus: Pater, peccavi in cælum  
 & coram te; jam non sum dignus nomina-  
 ri filius tuus: *a* Minor sum cunctis misera-  
 tionibus tuis. *b* Sed statuo firmissimè, tuis  
 deinceps legibus parere.

Hoc modo Memoriam, Intellectū & Vo-  
 luntatem exercet Meditatio. Cæterum mo-  
 dus orandi optimus est, quem subjiciemus.

Refert

*a* Luc. c. 15. v. 21. *b* Gen. c. 32. v. 10.

Refert Ioannes Gerson, eximium Dei  
servum dicere contréſſe: Quadraginta jam  
anni decurrerunt, ex quo ſummis ſtudiis  
artem orandi condilcere conatus ſum, at-  
qui toto hoc tempore meliorem ac ſuccin-  
diorem, nervoſiorem, quæ orationis mo-  
dum non deprehendi, quàm eum, quem  
infantes & mendici me docent. Cùm pau-  
per ſchoolaſticus ante ædes, nescio quod tri-  
viale carmen decantavit, quantâ patientiâ,  
quo flexu oculorum, quâ ſubmiſſione ex-  
pectat, dum nummulus cupreus, aut panis  
frustillum per fenestras projiciatur, nec  
expoſtulat, cur non panem integrum; cur  
non gallinam aſſam, aut potiùs philippeum  
deſciant: gratias agit de obolo, de pane  
mucido. Ita mendiculi volantem rhedam  
pavido curſu ſequuntur, & panem adorant,  
dum interim ſcutellam ligneam exporri-  
gunt, ut vel infimæ monetæ aſſem ac-  
cipiant. Nonnunquam poſt expromptam  
omnem eloquentiam, poſt fatigationem  
ſteriliſſimam vacuâ redeunt ſcutellâ, nec  
tamen alios atque alios rogare deſinant. Ita  
ego, aiebat ille, inſtar infantis fari neſcien-  
tis, aut inſtar mendici centonibus operti,  
fame conſecti, ſcabie horridi, ope omnium  
deſtituti. Deo meo me ſiſtam, & cauſſam  
meam cùm verbis, tum gemitibus ac la-  
crymis perorabo.

Quam orandi formulam Monarchæ ſan-  
ctiſſimo

## LIBER II. Cap. VIII. 329

Altissimo Davidi perquam fauiss. familiarem,  
 è psalmis compluribus manifestum. Nam  
 modò pāuperis, modò agroii, modò vulne-  
 rari, modò mendici, modò spoliati perso-  
 nam induit. Oratio mendicorum optima.  
 Oratio humilitate vestita displicere non  
 potest Testis loquitur experientia non pau-  
 cos hāc orandi formulā ad insignem vitæ  
 sanctimoniam peruenisse. Ah imitemur.  
 Facillima erit hāc imitatio volenti.

Exstat de frequenti Communione liber  
 viri religiosi è D. Brunonis familiā manu-  
 scriptus. Hic de beato Ignatio eiusque so-  
 ciis copiosius narrantur, quæ in compen-  
 dium consero. Ibat Ignatius cum suis pe-  
 des Barcinonam, suas singuli sarcinulas ge-  
 stabant. Quibus vir nescio quis, occurrit,  
 impensè rogans, suā quisque sarcinam sibi  
 in eam rem satis robusto traderet. Negant  
 socii, urget alter & instat importunior, ne  
 cui videretur hoc onus minis seriò depo-  
 scere. Et verò abiturum se negat, dum an-  
 nuerent in hanc vitæ societatem. Tam ami-  
 cis precibus victi cesserunt tandem, quòd  
 hominē lacertolum ac validū viderent. Ita  
 iter institutum prosequuntur. E via digressi  
 ad hospitium, singulos sibi angulos delege-  
 runt singuli, ut tantò quietior esset oratio,  
 quantò remotior à turbā & colloquiis. Vi-  
 det hoc itineris comes, sarcinaram bajulus,  
 & sociorum factum æmulatus, fixis humi  
 genibus, ut potest, orat. Post orationē socii  
 quadrā minimè lautā refecti, eodem co-  
 mite resumunt iter, dumque diversa inter  
 se

## 330 RHETORICA CAELESTIS.

se ultrò citròque sermocinantur, quærent ex homine, quidnam in angulo illo latitans fecisset? Quibus ille candide: Hoc, inquit, solum habui dicere: Domine Deus, hi viri sancti sunt, & ego p. mentum ipsorum clientellarium, a quod ipsi dicunt & faciunt, hoc & ego. Subjungit verò scriptor, virum illum adeò profecisse ab hoc orandi proludivio, ut sublime ac rarum orationis donum sit consecutus. Et quis simili orationis formâ non possit uti?

Quisquis ad virtutis celsas ædes eniti cupit, hoc calle incedat, alioqui eò, quò destinavit, non perventurus. Absque meditatione animo nil satis infigitur. Gustate & videte, quoniam suavis est Dominus. b Gustamus & videmus meditando. Quoties è templorum cathedris illud intonat: Considerate quæ dicuntur, considerate. Considerate vehementer, clamat Hieremias, & videte, si est factum hujuscemodi. c Aspicite & considerate. Quoties Christus ipse hortatur: Considerate corvos, considerate lilia agri: Non considerat qui non meditat, & voluntatem impellit, ut quorum Intellectus notitiam accepit, eorum opus exhibeat voluntas. Divinorum Meditatio ad virtutem imò ad calum non fallax semita est.

a Camertosi.

b Psal. 32. v. 9.

c Hier., c. 2, v. 10. & c. 5. v. 1.



## CAPVT IX.

*Quàm utilis ac necessaria sit Orationis & mortificationis mixtura.*

**G**uilielmus Abbas Bernardi Clara-  
vallis sanctissimos mores descri-  
bens: Mirabatur, inquit Carthusia-  
norum Prior, quòd Dei famulus Bernardus  
totius oculos ita circumcidisset, intus ani-  
mum ita occupasset, ut quod ipse primo  
aspectu offenderat, hoc ille tanti itineris  
spatio non vidisset, quo nimirum equo, quo  
ephippιο uteretur. Sic etiam, ait, juxta La-  
cum Lemaunum à totius diei itinere profi-  
ciscens, eum penitus non vidit, aut certè  
se videre non advertit. Cùm enim vesperti  
de eodem lacu socii colloquerentur, inter-  
rogabat illos Bernardus, ubinam ille lacus  
esset? Quam interrogationem nemo non  
plurimum mirabatur. *b* Quòd si vir iste re-  
ligiosissimus, adeò in suà statione oculos  
continere, adeò sanctis cogitationibus  
mentem distingere potuit, indubiè cum Deo  
permanentè & attentè colloqui novit.

Bernardo hac in re jungendus Franci-  
scus Assisias, qui grande piaculum censuit,  
inter precandum aliena à precibus cogita-  
re: quòd si tale quid ipsi contigisset, mox  
sacra Confessione id studuit eluere: hinc  
ab ejuscemodi muscis rarò infestabatur.  
Sub vernum jejunium, vir sanctus vascu-  
la Iosanne Genffer Sec.

lum.

*b* Guil. in vità S. Bernardi l. 3. c. 1. fine.

### 332L RHETORICA CÆLESTIS.

lum concinnârat, otio vitando. Sed eo ipso tempore quo preces canonicas recitârat, arcula illa lignea diversis cogitationibus precantis animum laceſſivit; idcirco eam Franciscus mox in ignem abjiciens: Illi, aiebat, hoc vasculum sacrificio, cujus sacrificium turbavit. Nempe intellexerunt hi viri sanctissimi, quid oratio attentata, & quàm ea sit necessaria. Et idcirco nos istud laboris exhausimus, ut ostenderemus cælestem Rhetoricam, seu rectè orandi scientiam, & artem, & virtutem esse utilissimam. Est autem inter eruditos controversia, quis sit finis Rhetoricæ. Sunt, qui dicant, Persuadere ditione: Alii, bene dicere. Utroque putem non falli, eos minimè qui Rhetoricam sine suo insigniter potiri censent, si bene dicat. Nam uti medicinæ finis est, ex arte & bene mederi, licet ægrotorum aliqui non convaleſcant; ita prorsus Rhetorica cælestis præfixum scopum attingit, si bene dicat, si rectè peroret. Hoc sine obtento nunquam alter deesse solet, qui est, dicendo ac orando persuadere. Deus oratorem bonum nunquam non exaudit, ut supra demonstravimus. Nunc illud Angeli ad Tobiam ingerimus: Bona est oratio cum jejuniis & eleemosynâ, magis quàm thesauros auri recondere. <sup>a</sup> Hic explicandum, quàm non solum utilis sit, sed & necessaria orationis & mortificationis <sup>b</sup> mixtura.

<sup>a</sup> Tobia c. 12. v. 8.

<sup>b</sup> Sit venia voci *minimè Tulliana*.

Et

## 6. I.

Et libri docent, & experientia testatur, eos subinde, qui plurimum orationis fundunt, minimum habere patientiæ, atque ita nonnunquam precatore eximios esse homines impatientissimos. Hinc illud Ascetarum: Periculosum est habere donum Orationis, & non habere donum Mortificationis. Deus olim per Isaiam gravissimè questus. Ne, inquit, afferatis ultra sacrificium frustrà: incensum abominatio est mihi. Neomeniam & Sabbatum, & festivitates alias non feram; iniqui sunt cœtus vestri: Calendas vestras & solennitates vestras odivit anima mea: facta sunt mihi molesta, laboravi sustinens. Et cùm extenderitis manus vestras, avertam oculos meos à vobis, & cùm multiplicaveritis orationem, non exaudiam. *a*

Ubi, obsecro, defectus, ubi error, mi Deus? Nos equidem putabamus orationes & sacrificia nostra esse gratissima. His Deus per eundem suum interpretem Isaiam respondet: Lavamini, mundi estote, auferte malum cogitationum vestrarum ab oculis meis: quiescite agere perversè, discite benefacere: quærite iudicium, subvenite oppresso, iudicate pupillo, defendite viduam, Et venite, & arguite me, dicit Dominus. *b* Illius vos opinionis estis, modò prolixas orationes texatis, modò plurimū thuris afferatis, modò linguā & os fatigetis, omnia fore

*a* Isa. c. I. v. 13. 14. 15. *b* Ibid. v. 16. & seqq.

fore salva. At verò cum vestra tribunalia, cum curia, cum domus, cum corda vestra inspiciuntur, violentia, fraudes, iniustitia, simultates, odia & invidia illic regnare deprehenduntur.

Hoc est suspicere cælum, & scrobem incidere; multum orare, sed nihil imperare cupiditatibus; linguam exercere, sed seipsum non frangere; os habere facundum, sed animum indomitum. Itaque periculosum est habere donum orationis, & carere dono mortificationis; quid juverit tabernam selectissimis vitris influere, & subito arrepto fuisse omnia jugulare? Miser instructor, qui suis sese mercibus sic fraudat.

Atqui certum est, quemadmodum oratio hominem reddit promptum & agilem ad sui victoriam: & carnes honestas actiones, ita mortificatio sive sui victoria munificè disponit ad orationem. Ab exemplo res patebit: Ubi nullum est in gulam imperium, ubi decet temperantia, ubi corpus plerumque ferculis fartum, qui tandem serena & seria possit esse oratio, tot nebulis impedita, tam crebris tenebris immersa? Dictum vetus ac plebejum, sed non tallax est: Plenus venter, non studet libenter. Patina ac pocula sepeliunt libros. Ubi victus copiosus, ibi cogitationes & sensa nebulosa. Ita longè rectius dicemus: Plenus venter non orat libenter. Etenim operosius est orationi, quàm litteris vacare, cum rectè orare, quod supra docuimus, sit omnium difficillimus labor. Hinc more ab Apostolis

recepto

recepto, cūm prolixius vacandum est orationibus, plus etiam dandum est jejuniis quod Ecclesia verni jejunii tempore observat.

## §. 2.

Vita nostra non absimilis horologio, maxima rotularum varietate instruitur, quod si unica illarum hæreat, hærent omnes, & horologium aut otiatur, aut sine lege turbatoque cursu movetur: sic oratio humanę vitę primaria & directrix rotula, sed non sola: Nam & Prudentiã, & Temperantiã, & Misericordiã, nec non Patientiã ceterisque ejuscemodi virtutibus horologium illud regitur; hæ virtutes orationem juvent, & illas oratio. Altera alteram trahat; mutuis enim eunt impulsibus.

Veteri jactatur verbo: Amissã soleã cadit equus, equo cadente cadit & eques, cadente equite rota ruit equitatio. Nam hæc ita cohærent, ut si equus ferreum amittat calceum, cespitare incipiat, aut claudicare, cespitans equus ad lapsum pronissimus, equi lapsus periculum creat equiti, cūm periclitatur eques, periculi societas ad equum transit; sic ambo simul concidunt. Ita prorsus si oratio minùs attenta, si frigida, si neglecta sit, vix ullus mortificationi, vix alii honestę actioni locus erit; tolle orationis adminicula, & intermoriatur oratio. Itaque negligentia quandoque non summa plurimum malorum in vitam invehit.

Citha-

Cithara vel testudo compluribus gaudet fidibus; chorda unica non facit concentum musicum: sic & oratio, fidium primaria, sed non sola sit, opus est etiam temperantiâ & sensuum custodiâ, continua opus est patientiâ & sui victoriâ.

Sed indagemus causam, unde hæc labe oritur, ut quidam grandi studio in orationem incumbant, mortificatione ex toto negligant. In promptu causâ est. Habet aliquid suavitatis oratio, mortificationis indoles austera est & acerba: oratio velut dulcians panis, aut placenta ex amygdalis, quæ melle & saccharo inspergitur, facilem reperit emptorem, jam ante pronas invitat manus: at verò mortificatio velut lixum hordeum aut pulmentum avenaceum, a quod maioris apud Medicos laudis, quam apud alios usus est, commendatur largiter, sed parcè tangitur: ita reperias non paucos, quibus jucundum est horas complures in templis harere, sphæriculas precatórias decurrere, precatórios libellos evolvere, omnium Divorum genua incerare; *b* at ubi his ipsis non gravis molestia, ubi levis injuriola, ubi duriuscula aliquot verbula sunt cor coquenda, hem quantum luctantur & nauteant? hæret in faucibus asperissimum pulmentum: nec glutire quidem, ne dum digerere possunt, tam acerbos, ut putant bolos. Videte, oic, hos sanctulos,

a Gersten oder Haber in Mues.

b *Juvenal. satyr. 10. v. 55. genua incerare Deorum.* Den heyligen die, Zueß abbeissen.

Stultos, qui orationis plurimum, nihil habent mortificationis; dulciarias solum placentas esirant; apage avenam, apage hordeum, orare cupiunt, pati recusant, sed reverâ nec bene orabunt, qui mente iam iniquâ patiuntur. An non vel inde liquet, quàm sit necessaria orationis & mortificationis mixtura?

Ludovicus Granata vir religiosissimus, ejuscemodi homines, qui multæ quidem orationis, sed mortificationis sunt exiguæ, velut penicillo depingens: Habent, inquit, calendarium suæ devotionis suarumque precum; his omnia cedant negotia, necesse est; non dormiunt, dum has absolverint; quidquid jactant sit in aliis, modò suis illi precatunculas recitârint. Dixeris, esse homines orationis multæ. Sed arcas eorum inspicite veste plurimâ oneratas, horrea illorum ingredi, quæ plurium annorum segetes stipant, cistis & crumenas referta argento & auro refertas. At illi tam pii homines vident famelicos, malè vestitos, ære alieno pressos pauperes, nec obolo juvaret: vestes acervant pro tinearum pascuis, frumentum cariori servant annonæ, aurum captivum in carceres contrudant, casibus futuris grande solatium. Sed & horû corda per Momï fenestellam intueri, deprehendes atrocem iram, invidiam robustissimam, simultates multi temporis, odia in veterata & penitus insita, similesque animi pestes: subinde studio nomina à se contracta non expungere, æs alienum non dissolvere susti-

sustinent, aut avaritiâ, aut nimiâ negligentiâ inducti, aut certè ne aliis videantur divites. Subinde annis compluribus non gravi offensâ laxi, nec salutare quidè dignantur, quos oderunt. Quòd si eos vel aliena premat invidiola, aut levis despectus tangat, impatientissimi sunt. Arduum quid ac difficile aggrediendum? sunt timidissimi. Mox manus retrahunt; devotionem suam impediri ajunt. Quid hoc, oro, aliud est, quàm multis orationibus se fatigare, & nihil vitiositatis emendare, nemini quidquam indulgere, sibi omnia; omnibus aliis acriter velle imperare, sibi nihil? hoc equidem est languorem pedum curare, & faciem capitis porriginem a negligere.

- O sanctuli, ô precatores magni, mixtura, quam diximus, non fit oratione solâ, sed & mortificatione. Bona est oratio, sed cum jejuniis: optimè facitis, cum preces extenditis, sed pessimè agitis, cum cupiditates & libidines, cum vitiorum ex Adamo traduces *b* vigere ac florere finitis. Mortificationem orationi jungite, & magni nobis non Pharisei, sed Bartholomæi eritis. Dictum Domini nostis: Non omnis, qui dicit mihi, Domine, Domine, intrabit in regnum cælorum, sed qui facit voluntatem Patris mei. *c*

Ea, quæ non solida & vera est devotio, caret iustitiæ fundamento. Nam cum hu-

mane

a Ein Sähen halten / vnd den Schueppen  
gründet nit achten b Den alten Adam.

c Matth. c. 7. v. 21.



LIBER II. Cap. IX. 339

manæ vitæ sit finis observatio divinæ legis, oratio autem ad hunc finem sit modus & via, luculentus error est. viam pro viâ termino complecti. Finis ac scopus noster, lex Dei est, & sanctissima ejus voluntas, ad hanc autem Oratio & Mortificatio duces sunt, & separari nequeunt. Mortificatio calicem amariorem ingerit, & haurire persuadet; ut facilius perhauriatur, conditum oratio.

§. 3.

Geminæ visebantur aræ in Salomonis templo, una erat *Incensi, Victimarum* altera. Præclara Orationis & Mortificationis effigies. Neque enim satis est altare, in quo thura odoresque incenduntur, sed & aliud statuendum est, in quo pecudes & hostiæ cadantur. Qui preces fundit, optimos odores spargit; qui cupiditates suas exscindit, hostiam immolat, dum seipsum vincit.

Cælestis sponsa destinatum iter prosecutione: Vadam, inquit, ad montem myrrhæ & ad collem thuris. <sup>a</sup> En iterum Orationis & Mortificationis non obscuram imaginem. Sed cur, obsecro, in colle thura, in monte myrrham ait crescere? Profectò non gratis id dictum censeamus, cum sacri codices nullos nec quidem apices habeant supervacaneos.

Ita rectissime collem thuris, & montem myrrhæ nominat sponsa. Facilius collis quam mons conscenditur, imò collis ad

montem

<sup>a</sup> Cant. c. 4. v. 6.

montem via est: ita prorsus Oratio ad Mortificationem semita est; hinc & facilius est orare, quàm cupiditati ac libidini suæ imperare; suavius verba fundere, quàm animum frangere; illud colliculus, hoc mons est. Atque hoc oculis subpicere facillimum. Quisquis salutare tui odium non habet, & seipsum non audet despiciere, is certe jucundius horâ integrâ orat, quàm ut injuriosum verbulum vel unicum adiuvit. Ita collem horâ unâ superat, at verò per montem myrrhæ vix hebdomade unâ aut mense toto eluctatur. Mordacius dicitur, quod in se jactari audit, multo tempore concoquere nequit. Nimirum thus suavè fragrat, sed myrrha mordet. At nos mulceri cupimus, non morderi. Ita de pluribus cum S. Ignatio dici potest: Homines sunt multæ orationis, sed non multæ mortificationis; colliculum thuris non inviti adeunt, sed arduum myrrhæ jugum difficillimè transcendunt.

Quàm autem hoc verum sit, quivis explorare poterit, seipsum ita pervestigando: Dic, quantum in Submissionis ac Humilitatis studio promoveris? Si quid injuriæ tibi accidat, quàm æquo id animo verseris? quî alienæ debilitati concedere, quî necessitati succurrere, quî lædenti veniam dare, quî afflictorum commiserescere didicisti? Dic, quomodo linguam frenare, carnis petulantiam domare nōsti? quantum spei quantumquæ fiduciæ in Deum geris, præsertim cum tempestates ingruunt, cum volant

lant fulmina, cum adversa irruunt? quæso, num ambitionis, num philantix & proprii amoris in te aliquid expugnasti? An non affectus tui etiamnum in te vivunt integerrimi? En myrrhæ montem, en mortificationis arduum tramitem: Ascende: Sed sine sudore non penetrabis illuc: à colle thuris, ad clivum myrrhæ itur. Idcò oramus, ut cupiditatibus imperare possimus; alterum alterius subsidiiis gaudet.

Hanc Orationis & Mortificationis mixturam denotans Chrysostomus: Qui pulsat ostium, inquit, non tantum voce, sed & manu clamat. a Qui fores cæli ferire cupit, non tantum Orationis vocem, sed & mortificationis manum adhibet. Bona est oratio, sed bona est cum jejuniis & eleemolynâ. b At verò jejunare velle, sed nolle carnem macerare, est velle piscari, sed aquam refugere; Amare Orationem, sed odisse Mortificationem, labor irritus. Eamus, dum licet, ad thuris collem, & ad myrrhæ montem, dum perveniamus in amœnissimos, & pensiles cæli hortos.

a Chrys. tom. 2. hom. 17. in c. 7. Matth.

b Tob. c. 12. v. 8.

§. 4.

Quid causæ est, quod spiritus divinus, pictor excellentissimus, cum animæ formosissimæ simulacrum veramque effigiem in Canticorum Canticis expressisset, nulas ei manus appinxerit; at vero in Salomonis

Q 2

monis

## 342 RHETORICA CALESTIS.

monis proverbii manus ei plurimas pencillo adposuerit. Hinc illa crebrius ingemuntur: Operata est confitio manuum tuarum: De fructu manuum suarum plantavit vineam: Manum suam misit ad fortia: *Manu* suam aperuit inopi, & palmas suas extendit ad pauperem: Dare ei de fructu manuum suarum. *a* Cur hinc tot sese manus exerunt, alibi nullæ? Ratio non obscura est: In Canticis depingitur anima, quæ cum Deo miscet colloquium, & tota orationi vacat: quia tamen etiam prodeundum ad actionem, quia Mortificatio jungenda Orationi, numerosis sanè manibus est opus, ut non tantum docere possit, sed & facere, ut non solum verba fundere, sed & opera monstrare velit. Inanis est oratio, ubi nulla mortificatio, vel ubi prava est actio.

Hoc Augustinus clarissimè testatus: In jejuniis, inquit, & vigiliis, & omni castigatione corporis quamplurimum adjuvatur oratio. *b* His paria sunt, quæ Chrysostomus dixit: *Qui* orans jejunat, binas possidet alas, quibus ventos ipsos volando prætervehitur: Non enim oscitat, nec torpet orando, quæ multi patiuntur: sed igne ardentior & terrâ superior est, quare terribilis hostis dæmonibus redditur. Nihil est enim homine probè orante potentius. *c*

Vacuus autem intrat ante Deum, qui veniens ad orationem, nullam eleemosynam facit:

*a* Prov. c. 34. v. 13. & seqq. *b* August. tom. 2. epist. 121. ad Probam, fine. *c* Chrys. tom. 2. in e. 17. Matth. hom. 58. mihi pag. 428.

facit : Eleemosyna præparatio est orationis. Item ieiunium est adiutorium orationis, quia oratio sine ieiunio gracilis est & infirma. Nam oratio illa est fortis, quæ fit in spiritu humili, & corde tribulato. Spiritum autem humilem & cor contribulatum habere non potest, qui manducat & bibit, & deliciis fruitur. Ideò quancumque Sancti pro aliquâ necessitate voluerunt exorare Deum, ieiunium cum oratione conjunxerunt : sicut Daniel & ceteri. Unde quia virtus orationis ieiunium est, numquam separantur ab invicem, sed ubique simul ponuntur. Oratio & ieiunium à morte liberant. Sicut nec miles sine armis est aliquid, nec arma sine milite : sic nec oratio sine ieiunio, nec ieiunium sine oratione. <sup>a</sup> Nam virtus orationis est opus iustitiæ. Oratio autem quasi suavis odor est operis boni. Sicut ergo res aliqua sine odore potest esse, odor autem sine re aliquâ esse non potest : sic opus sine oratione aliquid est, oratio autem sine opere bono nihil est : & si oras, non ex fide oras. <sup>b</sup> Ita Chrysostomus verbum è verbo expressit. Mortificationis mixtura orationi planè necessaria.

In liquido est, plus illum obtinere gratiæ, qui ampliorem munierit viam ad obtinendam gratiam. Atqui nemo inficiari poterit, eum in hoc agendo totum esse, qui corpore simul & animo se gratiâ divinâ dignum finxerit. Multi Deum querunt, sed

Q 3

non

<sup>a</sup> Idem in c. 6. Matth. hom. 15. pag. 743.

<sup>b</sup> Et pag. 760.

## 344 RHETORICA CAELESTIS.

non quærunt toti. Verè, inquit Augustinus, tunc tibi Deus attendit, quando ipsum quæris, non quando per ipsum aliud quæris. *a* Quod Dei iussu Propheta Hieremias & Joël proclamant: Quæreris me, & invenietis, cum quæsieris me in toto corde vestro. *b* Convertimini ad me in toto corde vestro, in jejuniis, & in fletu, & in planctu. *c* Non solum hic orationem, sed & mortificationem, idque actioni mandato exigit. Hinc Danieli tam benevolunt è calo submissum est responsum: Quia posuisti cor tuum ad intelligendum, ut te affligeres in conspectu Dei tui, exaudita sunt verba tua. *d* Quotiescumque gemunt sacri codices Israël populum non solum orationibus, sed & jejniis afflictum, simul etiam exaudiri commonstrant. Cui confirmando ajunt matrem Christi secretis assaibus Hassæ principi Elisabethæ dixisse: Crede mihi filia, nulla ferè gratia in hominis animam nisi per orationem & corporis afflictionem descendit.

Ita nimirum Deus è fortunæ bonis elemosynam, è corporis bonis jejunium, è bonis animi orationem postulat. Hoc dignum Deo sacrificium est. Quocirca summè necessaria est Orationis & Mortificationis mixtura: Laudandus Deus non solum in choro, sed & in tympano.

*a* August. in psal. 76. mihi pag. 343.

*b* Hierem. c. 29. v. 13. *c* Joël. c. 2. v. 12.

*d* Daniel. c. 10. v. 12.

## CAPVT X.

*De orationis loco ac tempore; de situ corporis  
inter orandum.*

**L**Yſias cùm Socrati orationem, quam  
in ejus defenſionem compoſuerat, re-  
citaffet: Præclara, inquit Socrates, &  
elegans eſt oratio, ſed Socrati non conve-  
nit. Erat enim aptior foro, quàm Lyceo,  
cauſſidico convenientior quàm Philoſo-  
pho. Percunſtatus eſt ergo Lyſias, cur ſi  
bonam verſamque judicaret orationem,  
eam ſibi non convenire crederet? Cui Phi-  
loſophus: Nonne, inquit, fieri poteſt, ut  
calceus pulcher & elegans ſit, pedi tamen  
graciliori minùs conveniat: quo dicto ſi-  
gnificavit, tantò meliorem fore orationem,  
quantò eſſet tempori, perſonis, loco con-  
gruentior.

Ut Oratio, de quâ loquimur, re nullâ  
peccet, nunc etiam de Orationis Loco &  
Tempore, & de corporis compoſitione ad  
orandum accommodatiore diſſeremus.

## §. I.

Cùm Hebræus populus ſeditioſè regem  
petere iſiſteret, quod Regem faſti me-  
morant, audivit Samuel omnia verba po-  
puli, & locutus eſt ea in auribus Domini. 4  
Secretum amat oratio, cubiculum quaerit,

Q 4

oſtium

a 1. Reg. c. 8. v. 21.

## 346 RHETORICA CÆLESTIS.

ostium claudit, iactantiam excludit. Hypocritæ & variegato tergo stelliones amant in Synagogis, & in angulis platearum stantes orare, ut videantur ab hominibus. *a* Longè aliter viri sancti, quos Gregorius commendans: In auribus Domini loquuntur, inquit, ut, dum hominum testimonia orantes fugiunt, ab eo qui occulta respicit, celerius audiantur. Nam pervenire ad Deum oratio nequaquam potest, quæ ex intentione promitur, ut ab hominibus agnoscatur. *b* Idcirco Samuel ne suam cum Deo familiaritatem ostentaret, in auribus Domini, hoc est, loco secreto, arbitris remotis, forensi strepitu excluso, cum Deo locutus est.

Ita Moses pro Pharaone oraturus, à Pharaone abitum parans: Egressus à te, inquit, orabo Dominum. *c* Quod idem denuò asseverans: Cùm egressus fuero, ait, de urbe, extendam palmas meas ad Dominum. *d* Idcirco quamdiu tabernaculum medio castrorum stetit, Deus cum Mose parcius egit. At ubi Moses, tollens tabernaculum tetendit extra castra procul, tunc loquebatur Dominus ad Mosén facie ad faciem, sicut solet homo loqui ad amicum suum. *e* Ita Moses & Aarón oraturi Dominum, prius dimissâ multitudine ingressi sunt in tabernaculum fœderis. *f* Hinc est quòd Deus Abrahamo velut primæ admissionis amico

quid-

*a* Matth. c. 6. v. 5. *b* Greg. in dictum locum.*c* Exodi c. 8. v. 29. *d* Et c. 9. v. 29.*e* Exodi c. 33. v. 7. *f* Num. c. 20. v. 6.



quiddam arcani commissurus: Eduxit eum foras, & ait illi: Suspice cælum. *a*

Christus Dominus ipse, dimissâ turbâ ascendit in montem solus orare. *b* Chrysostomo teste in nostrum id exemplum fecit, ut tam à tempore quàm à loco tranquillitatem orandi quæramus. Tranquillitatis quippe mater eremus est, quietis portus, omnis perturbationis expultrix. *c* Propterea Servator hunc morem tenuit, ut oraturus fugeret humanos cœtus, & loca solitaria frequentaret. Quod Lucas & Joannes apertissimè testantur observatum à Domino, ut ab omnibus turbis oraret solus. Hinc cenâ ultimâ jam clausâ, Egressus ibat secundùm consuetudinem in montem Olivarum. *d* Sciebat autem & Judas, qui tradebat eum, locum, quia frequenter JESVS convenerat illuc cum Discipulis suis. *e* Sic autē orandi solitudinem amabat, ut non solum à turbis, sed ab ipsis etiam comitantibus Discipulis avulsus, cum Patre solo solus loqueretur.

Sed cur, mi Domine, in montes oraturus abis, cur Gethsemani eligis, cur olivetum noctu ingrederis? Placuit nimirum loca deserta divinâ præsentiâ sacrare, solitudinem in orationis portū convertere, placuit homines orationis amantes illuc evocare. Quod Oseas olim promittens: Ducā eam in solitudinem, inquit, & loquar ad cor ejus. *f*

Q 5. Quod

*a* Gen. c. 15. v. 5. *b* Matth. c. 14. v. 23.  
*c* Chrysost. 10m. 2. hom. 51. in cap. 14 Matth. pag. 376. *d* Luc. cap. 22 v. 39. *e* Iean. c. 18. v. 2. *f* Osee c. 2. v. 14.

Quod Hugo Victorinus dilucidans : Scrutemur, inquit, scripturas, & inueniemus vix aut numquam Deum locutum fuisse in multitudinibus; sed quotiescumque innotescere voluit aliquid hominibus, non gentibus & populis, sed vel singulis, vel admodum paucis, & à communi hominum frequentia segregatis, vel per nocturna silentia, vel in campis & solitudinibus, & montibus, & vallibus se manifestavit. Sic locutus est cum Noë, cum Abraham, cum Isaac, cum Jacob, & cum Moise & Samuele. Quid est quod semper loquitur in secreto Deus, nisi quod nos ad secretum vocat? Et quid quod cum paucis loquitur, nisi quod nos colligat & uniat? a

Atque hinc sacri secessus illi, hinc columnæ Stylitarum, hinc deserta Eremitarum, cellæ Anachoretarum, scalæ Alexiorum, sepulchra Hilarionum, antra Macariorum, latibula Arseniorum, cœnobîa Religiosorum, hinc oratoria domestica tot proborum hominum. Secessum & otia querit ardens precandi studium. Homines peccationis studiosi ut Deum adëant, à se abeunt; ut Deum quærant, se relinquunt; ut diuinis obsequiis contineantur, à profanis negotiis feriantur. Hieronymus secessu sacro exultans : Habeat Roma suos tumultus, inquit, arena sauiat, circus insaniat, theatra luxurient : nobis adhaerere Domino bonum est, & ponere in Domino spem nostram, ut cum tanta reperiamus in celo, parva & caduca

duca quæſiſſe nos doleamus in terrâ. <sup>a</sup> Imitemur Moſen, & in foraminibus petræ, in vulneribus Domini Jeſu abſconditi, tranſeuntis Domini majeſtatem & gloriam contemplemur.

Inter monita beatæ Teresæ & illud eſt: Solitudo imprimis orationi neceſſaria, quam ſectatum Redemptorem noſtrum conſtat, ut exemplo nobis præiret. Neque enim par eſt cum Deo ſimul & cum mundo colloqui, quemadmodum ii faciunt, qui dum orant cum aliis interim aut ſecum ipſi fabulantur.

<sup>a</sup> Hieron. epiſt. 18. ad Euſtoch.

6. 2.

Quamvis autem ſolitudo ſit orationi amiciffima, eſt tamen templum orationis domus propria. Quod Heliodorus vel inter plagas faſtus eſt: Eo quòd in loco (templi) ſit verè Dei quadam virtus. Nam ipſe qui habet in calis habitationem, viſitator & adjutor eſt loci illius, & venientes ad malefaciendum percutit ac perdit. <sup>a</sup> Ideò viri Deo amiciffimi Noëmus, Abraham, Iſaacus, Jacob Moſes, Salomon, altaria aut templa ſtruxerunt. Clemens Romanus aſſerit Petrum Apoſtolum Antiochiæ paucis diebus plus quam ſeptem milia hominum Chriſto adjunxiſſe, inter hos Theophilus è primatibus urbis palatium ſuum in templum obtulit. <sup>b</sup> Apoſtolus Jacobus Cæſarauguſtæ tem-

Q 6. . . . . plium

<sup>a</sup> 2. Machab. c. 3. v. 38. <sup>b</sup> Clemens Rom. l. 2.

6 10. Recognition ſub finem.

plum Virgini matri dicâsse fertur. Thomas Meliapore in Indiâ templum extruxit. Martha & Magdalena Massiliam profectæ, duo templa, Christo Servatori unum, Christi Parenti alterum dicârunt. Quot ædes sacras Constantinus Imperator Christo sacravit?

Atqui eò struuntur templa, ut in iis preces rationes tantò meliùs, quantò religiosiùs instruantur. Pro sexcentis millibus restitutum stat una Veritas, & ad templum atque orationem invitans: Domus mea, inquit, domus orationis est. *a* Hinc Antiochenus Præsul & Martyr Ignatius ad Magnesianos scribens: Omnes, inquit, ad orandum in idem loci convenite: sit una communis precatio, una mens, una spes, in charitate & fide inculpatâ in Christû JESUM, quo nihil præstantius est. Omnes velut unus quispiam ad templum Dei convenite, velut ad unum altare, ad unum Jesum Christum Sacerdotem.

In templo esse non frequens tantum, sed quotidianum erat Christo Domino: Quotidie, inquit, apud vos sedebam docens in templo. *b* Christianorum primi Hierosolymis, ut Lucas testatur, quotidie perdurantes unanimiter in templo erant. *c* Ita rex Josaphat templum à se constructum, & ipse creberrimè adibat, & alios ut adirent, compellebat. *d* Templum aptissimus oratio-

*a* Matth. cap. 21. v. 13. Marci c. 11. v. 18. Luc. cap. 19 v. 46. *b* Matth. c. 26. v. 55. *c* Actor. c. 2. v. 46. *d* Rossuvid. l. 1. c. 33. in hist. Josaph. & Barl.

LIBER II. Cap. X. 351

orationi locus est, *a* cū propter divina mysteria, & alia sanctitatis signa, quæ illic oculos incurrunt, tum etiam ob multorum illic adorantium concursum, qui preces plurium consensu multiplicatas Deo reddit commendatiores. Promissum Domini est: Ubi sunt duo vel tres congregati in nomine meo, ibi sum in medio eorum. *b* Quod explicatissimè tradens Chrysostomus: Domi quidem, ait, orari potest, sic autem, ut in Ecclesiâ non potest, ubi tanta Patrum multitudo, ubi clamor ad Deum, unanimiter emittitur. Non ita Dominum, per te solum orans audiēris, ut cum fratribus tuis. Hic enim majus aliquid est, puta, unanimitas & consonantia, charitatis vinculum, & Sacerdotum orationes. *c* Hinc Basilius de templorum usu differens: Hic magnæ nobis, inquit, sunt possessiones, hic omnis spes nostra sita est. *d*

Enimverò templum sic frequentandum est, ut cū opus, locus omnis sit templum. Oret igitur in suâ officinâ sartor, oret in suâ pergulâ mercator, in tabernâ sutor, in

ustrinâ  
a S. Thomæ parte 3. q. 83. artic. 3. ad 3. Vnde, inquit, quidam probabiliter dicunt, quod per ingressum ecclesiæ consecratæ homo consequitur remissionem peccatorum venialium, sicut & per asperersionem aquæ benedictæ ps 84. Benedixisti Domine terram tuam, remisisti iniquitatem plebi tuæ. *b* Matth. c. 18. v. 20. *c* Chrysostom. tom. 5. homil. 29. ad pop. Antioch. mihi pag. 397. *d* Basil. homil. 33. in c. 10. Matth.

ustrinâ faber, sub suo fornice aromatopola,  
 in curiâ tenator, inter chartas suas biblio-  
 pola, oret ad furnum pistor, ad focum  
 cocus, ad mensam argentarius, ad pluteum  
 litterarum studiosus. Nonne carcerem  
 Paulus in templum commutavit? Nonne  
 rex Ezechias lectum in confessionis sedem  
 convertit? Nonne latro crucem in altare  
 sacrauit? Nonne Jonas balana ventrem  
 sacellum & oratorium effecit? In ceno Hie-  
 remias, in leonum cavo Daniel, in flamma-  
 rum medio tres Hebraei juvenes, in mon-  
 tibus & eremo David, in medio campo  
 Chananâ, in catenis & tenebris cum Pau-  
 lo Barnabas, in sterquilinio Jobus, puras ad  
 Deum preces effuderunt. Quâ de re Chry-  
 sostomus eximie: Neque mihi, ait, quis-  
 piam dicat, quod nequit homo secularis  
 affixus foro continuè per diem orare, & ad  
 ecclesiam concurrere: Potest enim quàm  
 facillimè. Nam licet in ecclesiam non sic  
 facile concurrere, illic:ifixus tribunali po-  
 test orare. Et hoc multi fecere frequenter,  
 & intus clamante magistratu, comminan-  
 te, contendente, furente, pro foribus stan-  
 tes signo a muniti, & pauca verba per co-  
 gitationem orantes, ingressi mutaverunt  
 eum, atque mitigaverunt, & mitem ex fe-  
 ro reddidere, nec à loco, nec à tempore,  
 nec à clamore quidquam ad hanc oratio-  
 nem impediti sunt. Nam ubicumque sis  
 potes altare tuum constituere, nihil enim  
 locus prohibet, nec impedit tempus. Licet  
 enim

*a Crucis signum avo Chrysostomi in usu.*

enim & forum petentem, & ambulantiem per se prolixas facere orationes. Licet & in officinâ sedentem & pelles suentem animam Domino dedicare. Licet & servo ementi, & ascendentem, & descendentem, & aditanti coco, cum ad ecclesiam ire non poterit, orationem facere prolixam & solertem. Non enim locum Deus veretur, sed unum exquirat, fervidam mentem, & continentem animam. Non est quærendus locus, sed loci principium. Licet in balneo sis, ora. Si mentem namque mundam habeas ab immundis motibus, licet in foro sis, sive in viâ, sive in foro constitutus, sive in mari, sive in diversorio, sive in officinâ positus, sive sis ubicumque, Deo poteris invocato petitionem obtinere: ubicumque sis ora. 4

Ergo ut in compendium dictâ conferamus, solitudo seu cubiculum à turbis semotum orationi gratissimum, proprius tamen orationis locus est templum, imò & in templo struenda solitudo, & in mediis turbis turbæ sunt excludendæ. Ita denique, cum templum commodè adiri non potest, locus omnis templum est.

a Chrysost. tom. 5. hom. 79. medio serm.

¶ 3.

Quod ad corporis situm in oratione spectat, hoc asserimus. Cum supplex veniat qui orat, par est, ut supplicis habitum præ-

se ferat. Supplicem decet caput aperire, genua flectere, manus cælo attendere, omnem gestum ad reverentiam & submissionem componere. Chrysostomus feminam peiulantiùs comptam, ad templum tamen, & ad preces properantem alsatus : Quid dicis, inquit, Deum precatura pergis ? & ornamenta aurea circumfers, flavolque crines & ipsos auro compositos ? An verò saltatura ad Ecclesiam pergis : Num ut tui spectaculum præbeas advenisti ? Ut Deum pro peccatis suppliciter depreceris, ut tuis sceleribus veniam cum gemitu ac lacrymis petas, ut Dominum tibi propitium facias, accessisti, quid teipsam ornari improbo atque intempestivo studio contendis ? Non iste supplicis est habitus. Quo enim pacto ingemiscere potes ac lacrymas fundere, atque intentissimè, ut decet, orare, quæ ejusmodi ornatu compta procedis ? Nam etsi lacrymas fuderis, risum cernentibus hujusmodi lacrymæ movebunt. Non iste supplicis est habitus.

Ita sibi quisque dicat : En ades cum Deo locuturus, ergo genua submitte, deprime ocu os, attolle manus, tumoris alas contrahere, indue personam supplicis.

Apud Assyrios olim, & Hebræos, aliasque gentes consuetudinis fuit, ut supplices majorem sui miserationem ad tribumalia excitaturi, in terram sese prosternerent, cinere conspersi, & ad omnium pedes provoluti. Ita humi jacentes & pulvere

fordi-

a Chrysost. hom. 3. in 1. epist. ad Timoth.



sordidati supplicat Hebræi Alexandria incolæ Petronio Præfidi, ita Ulysses Alcinoō Regi, ita Martius Coriolanus Volscorum Principi. *a* Eò spectat Isaia vatis comminatio: Descende, sede in pulvere Virgo filia Babylon, sede in terrâ: *b* Supplicis gere habitum, in terram te abjice, luge, deprecare.

Principes, Reges, Cæsares, sanctissimi quique viri submissis genibus orârunt. De Salomone Regum fasti testantur his verbis: Factum est autem cùm compleisset Salomon orans Dominum omnem orationem, & deprecationem hanc, surrexit de conspectu altaris Domini, utrumque enim genu in terram fixerat, & manus expanderat in cælum. *c* Ita Petrus, ita Paulus, ita Stephanus positis genibus orârunt. Ita Lunatici Pater, ita leprosus, ita ipse Christus Dominus nō in genua solùm, sed in faciem quoque procidit & oravit. Hebræos flexis genibus orare consuevisse constat è pluribus. Optima inter orandum corporis compositio est, quæ orationem non impedit, sed promover, & accendit. Hinc oculos in cælum attollere, brachia expandere, totum corpus in terram prosternere, Cassianus præcis usitatissimum affirmat. Christus sublati in cælum oculis ut plurimum oravit. Martinus Turonensis præsul morti proximus, supino jacens corpore orabat. Cumque

*a* Homerus Odyss. 11. Dionysius Halicarnass.

Philo Hebr. de Legatione ad Caum.

*b* Isai. c. 47. v. 1. *c* 3. Reg. c. 8. v. 54.

que eum discipuli rogassent, ut converso corpore tantisper, dum remitteret vis morbi, pronus conquiesceret: Sinite, inquit, calum potius quam terram aspiciam, ut suo jam itinere profecturus ad Deum spiritus dirigatur.

Arelatensis Praeful Caesarius in eos, quibus sub oratione niti genibus grave est, non immerito excandescens: Vellem scire, inquit, qui nec genua flectunt, nec inclinare capita volunt, si aliquid sibi satis necessarium, aut à iudice, aut ab aliquâ potenti personâ expeterent, utrum stantes & recto capite negligerent, & tepide supplicarent? Rem terrenam ab homine terreno quarimus, & prope usque ad terram nos humiliter inclinantes: & à Deo remissionem peccatorum, & aeternam requiem inquirentes, nec capita inclinare, nec genua submittere dignamur? Et exemplo Christi Domini sub aspectum posito: Prostratus, inquit, in terram orat Medicus, & non inclinatur agrotus; orat iudex, & orare dissimulat iudicandus? <sup>a</sup>

Doctissimus Afer Tertullianus Christianorum in oratione mores explicans: Illic suspicientes Christiani, ait, manibus expansis, quia innocuis, capite nudo, quia non erubescimus, denique sine monitore, quia de pectore oramus, precantes sumus semper. <sup>b</sup> Cum Deum, inquit, precamur, in calum oculos mentemque convertimus,

<sup>a</sup> *Caesar. Arelat. hom. 30.*

<sup>b</sup> *Tertull. in Apologetico c. 30. mihi pag. 62.*

non tenentes manibus aras, aut adductam togam, sed passis brachiis ac manibus, ut quæ innocentiam explicent, nec velato capite, sed nudo; denique dictatas à sacrificulo preces non concipimus, sed ex ipsa sede animi spiritusque nostri cum suspiriis gemitibusque vota exponimus.

Idem Tertullianus illos, qui sedentes orant, gravius reprehendit, quod vel reverentiam negligant, vel idololatrias imitentur: Verba Tertulliani sunt: Porro cum perinde faciant nationes adoratis sigillariis a suis residendo, vel propterea in nobis reprehendi meretur, quod apud idola celebratur. Eò apponitur & reverentiæ crimen etiam ipsis nationibus, si quid saperent, intelligendum. Siquidem irreverens est assidere iuxta conspectu, contraque conspectum ejus, quem cum maximè reverearis ac venereris: quantò magis sub conspectu Dei vivi, angelo adhuc orationis adstante, factum istud irreligiosissimum est, nisi exprobramus Deo, quod nos oratio fatigaverit. Ita Tertulliano sub oratione sessio minime probatur. *b* Addit: Atqui cum modestiâ & humilitate adorantes magis commendamus Deo preces nostras, ne ipsis quidem manibus sublimiùs, sed temperatè ac probè elatis. Ne vultu quidem in audaciam erecto. Nam ille publicanus, qui non tantum prece, sed & vultu humiliatus atque de-

*a Sigillaria, imagines parvæ fictiles.*

*b Hic debiles & agrotos non perstringo; nec loci consuetudinem impugno.*

dejectus orabat, iustificatio Phariseo procacissimo discessit. *a*

Profectò & Augustinus cordis affectum, & corporis gestum in oratione coniungit, nam alterum ab altero mirificè iuvare & excitare asserens: Nescio, inquit, quomodo, cum hi motus corporis fieri, nisi motu animi præcedente non possint, eisdem rursus exterius visibiliter factis, ille interior invisibilis, qui eos fecit, augetur: ac per hos cordis affectus, qui ut fierent ista, præcessit; quia facta sunt, crescit. *b*

Clarissimè Hieronymus, ut doceret ad orationem submittanda esse genua: Fixo, inquit, in terram poplite, magis quod à Deo poscimus, impetramus. Legimus enim & Paulum in littore sic orasse, & geniculationes in oratione præceptas. *c*

Quamvis igitur cordis affectus imperet, ut exterior corporis gestus sit decens, tamen interior ille per hunc ipsum excitatur, eoque altior erigitur animus, quò majori submissione deprimitur corpus. Æquum igitur est, ut in oratione corpus etiam sui officii meminerit, & quantam poterit ei qui adoratur, reverentiam adhibeat. Addo de orationis tempore.

*a* Tertull. lib. de Oratione cap. 12. & 13. mihi pag. 182. *b* Aug. tom. 4. l. de curâ pro mortuis c. 5. *c* Hieron tom. 6. l. 2. in epist. ad Ephes. c. 3. mihi pag. 174.

Deus

De  
para  
lem  
Non  
sate  
acce  
flar  
etia  
tem  
cubi  
stra  
tar,  
rite  
inter  
que  
duca  
ribu  
ipse  
te au  
Su  
rim  
nabu  
Deu  
sus.  
tint  
voco  
irru  
nabu  
bat.  
& or  
a Chr

Deus quovis tempore ad audiendum paratissimus est. Chrysostomus tam facilem ad divinas aures accessum explicans: Non assistit miles, inquit, qui expellat, non satelles qui dicat: Non est nunc tempus accedendi, veni postea, sed quando veneris stat audiens; etiamsi tempore prandii, etiamsi tempore cenæ, etiamsi nocte intempestâ, etiamsi in foro, in viâ, etiamsi in cubili, etiamsi intus in iudicio apud magistratum fueris, & eum vocaveris, nihil vetat, quò minus tuam petitionem audiat, si rectè vocaveris. Semper & assidue potes eum interpellare, & nulla difficultas adest. Neque enim opus est janitoribus, qui te introducant, non dispensatoribus, procuratoribus, custodibus, aut amicis: sed quando ipse per te ipsum accesseris, & tunc maxime te audiet. a

Summus Hebræorum sacerdos sanctuarium ingressurus aureis cingebatur tintinnabulis. Vide, obsecro, quantò facilior ad Deum pateat, quàm ad hominem accessus. Solent viri principes habere ad manus tintinnabula, quibus famulos ad ingressum vocent; neque enim fas est ulli ad lubitum irruere. At verò Deus non sibi hæc tintinnabula retinebat, sed Sacerdoti committebat, ut ostenderet tempus ad se ingrediendi & orandi à famulo constituendum, cum

prompta

a Chrys. tom. I. in ps. 4. initio, mihi pag. 611,

prompta hominis voluntas, sit Dei alloquendi facultas.

Pharao à ranis pessimè habitus rogavit Moysen, ut Dominum sui causâ deprecaretur. Cui Moses: Constitue, inquit, mihi tempus quando deprecer pro te. *a* Cur, obsecro, Moses precandi tempus in Pharaonis arbitrio collocavit? ut sciret Pharao, inquit, Alphonsus Postatus, Deum ad audiendas preces quovis tempore promptissimum esse. Nihilominus stata orandi tempora minimè negligenda sunt.

Beatus Antoninus refert Anachoretam virum integerrimum ab Angelo quot diebus botrum uvarum accepisse in cibum, sed hoc discrimine. Quando vir ille religiosus statas orandi vices præproperè antevertit, botrus erat immaturus; cum preces diutiùs a quo distulit, siccus videbatur botrus ac rugosus; cum congruo tempore precandi pensum perolvit, suavis & maturus ferebatur botrus. *b* Res hinc loquitur quàm Deo placeat continuatum orandi tempus non temerè negligere. Omnia tempus habent. Tempus orandi, & tempus laborandi. *c*

Quapropter rectissimè is fecerit, qui stata orandi tempora sibi ipse præscripserit, & quantum fieri potest observavit. Ita Daniel fenestris apertis in cenaculo suo contra Hierusalem tribus temporibus in die *redec-*

*a* Exodi c. 8. v. 9.

*b* Antoninus parte 3. Tit. 17. cap. 4. §. 4.

*c* Eccles. c. 2. v. 1.

fleſtebargenua ſua, & adorabat *a* Ita rex David: Veſpere, inquit, & mane, & meridie narrabo & annuntiabo, & exaudiet vocem meam *b* Ajunt Caſſiam, licet diebus pœnè totis canillet, ſeſſo die, idque ante ſolis exortum manè, meridie ac veſperi ſingulare melos fundere, laudando conditori Vivum & inſigne horologium! modò hanc temporis diſiſionem non negligamus.

Sed præter ordinarium cuiuſque dici tempus, expedit certis etiam horis negotia ſemovere, & orationi ſeu meditationi ſetotum dedere. Hoc ille idem Solymæus Rex religioſiſſimè executus: Septies, inquit, in die laudem dixi tibi. *c* Numquid præter prandia, cenæſque ordinarias, ſympoſiola ſubinde ac conviviola celebramus, cur animo ſuas delicias negemus? Atque hoc commodè fiet ſolemnioribus ſeſtis diebus. Ita etiam poſt conſectum iter longius, poſt negotium intricatius tranſactum, aut cum magis premunt adverſa, prolixius orandum. Hoc ſciamus, orationem attētā & fervidā pius impetrare, quā remiſſā ac repidā annis compluribus. Ita Tobiz conjunx Sara triduo impranſa & incenata: ita Samuelis mater Anna, ita Eſther regina, ita viri ſeminaſque ſanctiores orarunt.

Alexander Conſtantinopolitanus præſul, ut ætus habet hiſtoria, cum Atſius Conſtantinopolim veniſſet, Conſtantini jūſſu,

*a* Dan. c. 6. v. 10.

*b* Pſal. 54. v. 18.

*c* Pſal. 118. v. 164.

jussu, in Ecclesiæ sinum recipiendus, grave certamen subiit. Neque enim fucatifsimas Arrii rationes ignorabant. Accedebant Eusebii Nicomediensis Antistitis minæ Arrio plurimum patrocinaæ. His angustiis Alexander pressus in templum Pacis se contulit, ubi terræ affusus, non sine magnâ vi lacrymarum, aliquot dies noctesque continuas orando duxit. Orationis summa hæc fuit: Si vera est, ô Deus, Arrii opinio, diem ego disceptationi cōstitutum non videam: sin Arrius tot malorum auctor religione falsâ nititur, luat impietatis pœnas. Præfinitâ die Arrio conscientia metum incussit, metus alvum laxavit. Miser ad latrinam in foro secedens, cum alvo & sanguinem & animam unâ dejecit, Hoc ei fatum Alexandri preces conciliârunt. *a*

*a* *Socrates hist. Eccles. l. 1. c. 2. Theodor. l. 2. c. 14. Alii.*

6. 5.

Verùm ut gratum orationi tempus præfiniamus, Bernardum censeo audiendum, qui silentium nocturnum orationi congruentissimum judicans: Nec modò locum, inquit, sed & tempus observare oportet eum, qui sibi orare voluerit. Tempus feriatum commodius aptiusque, maximè autem cùm profundum nocturnus sopor silentium indicit, tunc planè liberior exit puriorque oratio. Consurge, lauda in nocte, ait Propheta, in principio vigiliarum, effunde,



de sicut aquam cor tuum ante conspectum Domini. *a* Quàm secura ascendit de nocte oratio, solo arbitro Deo sanctoque Angelo, qui illam superno altari suscipit præsentandam. Quàm serena & placida, nullo inturbata clamore vel strepitu! Quàm denique munda atque sincera, nullo respersa pulvere terrenæ sollicitudinis, nullâ aspicientis laude seu adulatione tentata. *b*

Vates regius clamat: In noctibus extolite manus vestras in sancta, & benedicite Dominum. *c* Cur, inquit Chrysostomus, in noctibus extollendæ manus? Docens nos, non eam totam in somno consumere, & ostendens puriores tunc esse preces, quando & mens est levior, & nobis est plus otii. Propheta quidem te è lecto excitat, & deducit in templum, jubens totam illic noctem agere: at tu ne domi quidem manens hoc facis. *d*

Atque ut noverimus, quàm seriò Chrysostomus hoc omnibus persuasum cupiat. Hic mihi sermo, inquit, & ad viros & ad mulieres. Flecte genua, Dominum tuum ora tibi fieri propitium. Plus nocturnis placatur orationibus. Regis memento dicentis: Lavabo per singulas noctes lectum meum, lacrymis meis stratum meum rigabo. Quantumcunque sis delicatus, non es illo delicatior; quantumcunque sis dives, non es ditior Davide, qui rursus dicebat:

R

Mediâ

*a* Thren. c. 2. v. 19. *b* Bern. serm 86. seu ultimo in Cant. mihi pag. 828. *c* Ps. 133. v. 1. *d* Chrys. tom. 1. in ps. 133. mihi p. 1001.

Mediâ nocte surgebam ad confitendum tibi. Tunc inanis gloria non interruptit. Post tales pernoctationes somni suaves, & miræ revelationes. Hoc fac tu quoque vir, ne dum mulier. Ecclesia sit dominus ex viris & mulieribus constituta. Si tibi sunt & filii, per omnes in nocte fiat ecclesia: si verò molles sint, & vigiliam non ferant, usque ad unam orationem vel alteram excita & colloca. Nil illo melius penitus tales orationes suscipiente. At, inquires, laboravi per diem multum, & non possum. Prætextus & occasio sunt ista. Nam quantumcunque laboraveris, non laborabis quantum ararius malleum tam gravem ex tantâ demittens altitudine, scintillas & fumum toto suscipiens corpore, & tamen majorem noctis partem in hoc absument. Scitis & vos mulieres, quando in agrum vel ad pernoctationem a proceditis, quomodo per totam noctem vigilaris?

Nimis hoc verum, ô auree orator, quam enim suaviter totas noctes potando, ludendo, saltando, vel ad chartulas pictas, vel ad abacum lusorium, & coronatos calices consumimus? Hic pervigilare jucundum est; hic vigilantissimos capitolii custodes anseres superamus.

a In Haingarten; ins. jungelhaust; zum Nachtrag.

## §. 6.

Sed quod dicere cœperat pertexens

Chry.

Chrysostomus : Crede mihi, ait, non ita rubiginem ignis excoquere solet, sicut nocturna oratio nostrorum rubiginem peccatorum. Quare Christus ipse in monte pernoctabat? Nōne ut nobis forma fieret? Tunc plantæ respirant, in nocte dico, tunc & anima maximè rorem & plus illis suscipit; quæ per diem sol exussit, hæc nocte refrigerantur. *a*

Verissima sunt hæc Chrysostomi. Quàm enim potenter ad optima cogitata invitat nocturni silentii tempore innube & stellatū cælum suspicere, tot illic ardentes faculas numerare, tot noctis ignes ex disposito lucentes contemplari, infinita hæc aeris spatia imitari magis quàm metiri; occupandum in cælo locum sibi deligere, ita in cogitationes divinas emicare. Hæc vera libertas animi, hæc sancta ejus evagatio. Subducit ille interim se custodiæ, in quâ tenetur, & cælo reficitur. Hinc mortalis vitæ tædium, hinc amor & ingens desiderium beatoris. Hic animus nōsse incipit unde descenderit, hic explorat quò iturus sit, quæ sedes expectet miseræ servitutis legibus solutum. Et quis eum vetet tunc cælo interessè? Tanti est noctu ad preces cogitationesque sanctiores vigilare. Tunc enim cum vate divino vociferari licet: Anima mea desideravit te in nocte: sed & spiritu meo in præcordiis meis de mane vigilabo ad te. *b* Memor fui nocte nominis tui Domine. *c*

R 2

Am-

*a* Chrys. to. 5. hom. 42. ad pop. mihi pag 258.

*b* Isaiæ c. 26. v. 9. *c* Et Psal. 118. v. 55.

Ambrosius hinc documentum sumens, ne unquam ab hac meditatione feriemur, sed noctem somno subducamus, & Deo feneremur: Hoc nomen I e s u s, inquit, invocetur diebus ac noctibus, nullumque tempus prædicandi vacuum sinat sancta devotio præterire. Ad rem persuadendam hoc utitur argumento: Si, ait, studentes doctrinis secularibus perparum somno indulgēt, quantò magis qui Deum cupiunt cognoscere, non debent somno corporis impediri, nisi quantum naturæ satis est. *a*

Felices igitur eos, nō qui etiam dies dormiunt, sed qui etiam noctes vigilant. Hi enim planè vivunt: illi alii thalamo tanquā tumulto merfi moriuntur. Quod Petrus Chrysologus eruditè affirmans: Semper, inquit, & ad omnia vigilias esse salutare, nullus ignoret. Reverà plus vigilare, plus vivere est. Quid tam mortis simile, quàm dormientis aspectus? Quid tam vitæ plenum, quàm forma vigilantis? *b* Sed illo prior Clemens Alexandrinus: Nullus homo dormiens, inquit, ullius est pretii, magis quàm qui non vivit. Somnus enim non secus ac publicanus, dimidium vitæ tempus nobiscum dividit. *c*

Igitur somno detrahare quod orationi detur, partitio æquissima est, omniumque vocibus laudata. Quibus autem nimium grave est, noctis medio calentem nidum

dele-

*a* Ambrosius in psalm. 118. serm. 7.

*b* Chrysostomus serm. 24. initio.

*c* Clemens Alex. l. 2. pedag. c. 9.

deserere, ii saltem quoties ultrò evigilant, has breves vigilias oratione distinguant, & manè tantò citiùs strato consurgant. Aurora non Musis solùm, sed & beatis geniis & cælo amica est. Apollonii Thyanæ præceptio erat: Adveniente aurorâ cum Diis esse versandum. *a*

Æterna sapiëntia clamat: Quoniam oportet prævenire solem ad benedictionem tuâ, & ad orientem lucis te adorare. *b* Manè ab Israël's populo manna colligendam fuit, alioqui solaribus radiis incalescens tabescebat. Manè potentissimus rex Sionis David in preces effusus: Manè, inquit, astabo tibi, & videbo, quoniam non Deus volens iniquitatem tu es. *c* Exaltabo manè misericordiam tuam. *d* Et manè oratio mea præveniet te. *e* Nam quod Siracides ait: Iustus cor suum tradet ad vigilandum diluculo ad Dominum, qui fecit illum, & in conspectu altissimi deprecabitur. *f* Neque hoc priscis gentibus ignarum. Rex Æneas pietate insignis habitus:

*Vota Deum primo victor solvebat Eo. g*

Matutinum tempus divinis colloquiis aptissimum & convenientissimum est. Quod Salomon affirmans: Bene consurgit diluculo, inquit, qui quærit bona. *h* Manè corpus omne orationi habilis, caput defecatum

R. 3

catum

*a Philostrat. in ejus vitâ l. 1. c. 12.*

*b Sap. c. 16. v. 28. c Psal. 5. v. 5.*

*d Et Ps. 58. v. 17. e Et Ps. 87. v. 14.*

*f Eccli. c. 39. v. 6. g Virg. l. 11. Æneid. v. 4. h Prov. c. 11. v. 17.*

catum, stomachus exoneratus, tēpus quietum, animus à diurnis negotiis vacuus, vegetiores sunt omnes sensus. At ubi cena longa, cibis potusque copiosus, & mollis est lectus, ohei somnus etiam lōgus, oratio brevis, aut nulla erit. Hæc sibi coharēt, Vara Vibiam sequitur. Quod si manē decenter cogites orate, prius vesperi semen sparge, & post lustratam conscientiam, piā sanctāque cogitatione somnū incipe. Talem te manē posterum videbit, qualem te præcedens vesper somno tradidit. Quemadmodum is qui noctu prunas cineribus operit, ut tantò facilius manē proximo ignem eruere, paululum subjicere, focum struere possit.

## 6. 7.

Ad sacrum hunc orationis ignem melius fovendum, expedit omninò, ut quotiescunque noctu quis expergiscitur, mox animum in Deum erigat, hæc brevi aliāve simili orationunculā: Gloria Patri, & Filio, & Spiritui sancto: Aut: Dominus meus & Deus meus: Aut: Domine JESU, miserere mei, & dirige me: piorum certè Christianorum sancta consuetudo est, ut, ubi post absolutas preces cubitum concesserint, pii aliquid cogitare instituant, & cogitationi, aut ipsi etiam orationi huic indormiant: idēque faciant, cum noctu evigilant.

Incredibile dictu est, quàm diabolus ad semisopitum hominem sit attentus, quem impuris cogitationibus concipiendis esse

apertissi-

apertissi-  
sam in  
nemo  
dis m  
quom  
pit. Q  
finies  
malon  
Hæc  
ci, q  
chores  
tutina  
enim  
ceder  
qui.  
ta &  
nè ve  
viros  
Orati  
tradu  
tuum  
dium  
arder  
in  
Si tu  
Deu  
tus, t  
eugl  
culu  
mun  
inqu  
hoc  
a Ch  
P. 297

aptissimum nō nescit. Eam etiam ob causam manē prima omnium cogitatio sit Dei memoria; alioqui Satan suggestionibus foedis mentem preoccupat, & ita diem reliquum omnem matutino semine corrumpit. Qualis diem coeperis, talis plerumque finies; nec bonam diei seriem expecta, si malum fuerit illius principium.

Huc omninō spectat illud Iōānis Climaci, qui refert unum aliquem ē priscis Anachoretis dicere solitum: Se in oratione matutinā cursum totius diei consicere: quali enim tenore ac modo prima illa oratio preccederet, tali cetera omnia eo die solere sequi. Mala oratio, malus dies: oratio attentata & tranquilla, talis etiam dies. Quod planē verissimum videtur, & inter religiosos viros quotidianā experiētiā probatum. Orationem enim, ait Climacus, rectissimē tradunt Theologi, esse speculum. Statutum oratio tua manifestat tibi. <sup>a</sup> Dimidium diei aut totum habebit, qui manē ardentē & attentē oraverit.

In eam rem lobus apertissimē monens: Si tu, inquit, diluculo confurrexeris ad Deum, & Omnipotentem fueris deprecatus, si mundus & rectus incesseris, statim evigilabit ad te, & peccatum reddet habitaculum iustitiæ tuæ. <sup>b</sup> Ideo David tam matutinus ad orandū evigilans: Prævenerunt, inquit, oculi mei ad te diluculo. <sup>c</sup> Regium hoc exemplum Ambrosius aspiciens: Gra-

R 4

a Clim. gradu 18 de orat. virtutū matre, mihi p. 297. b Job c 8. v. 5. & 6. c Ps. 118. v. 148

ve est, inquit, si te otiosum in stratis radius solis orientis, invecundo pudore convniat, & lux clara feriat oculos somnolento adhuc torpore depressos. An nescis, ô homo, quòd primitias tui cordis ac vocis quotidie Deo debeas? *a*

Hoc reverà Salomon velut vestigal exigens: Honora Dominum, inquit, de tuâ substantiâ, & de primitiis omnium frugum tuarum. *b* Equilissimum prorsus est, ut Deo primordia rerum nostrarum omnium offeramus. Idcirco non solum manè, sed & interdiu actiones omnes à precibus auspiciandæ; semper in mente sit illud Domini: Sine me nihil potestis facere. Iugem hunc orationis usum Hieronymus plurimum commendans: Instantiam, inquit, & orationis perseverantiam nos habere Propheta docet. Qui ad cupita pervenire voluerit, reflectere mentem ab orationis studio non debet, sed magis perseverare illū in cœptâ intentione oportet. *c* Sic Anna precantis vultus non sunt amplius in diversa mutati. *d* Nunquam enim amplius orare desistit. Ita cæcus Hierichuntinā viam obsidens tantò magis clamabat, quantò magis tacere jubebatur. Quod illa & ille tam perseveranter petiit, liberaliter à Deo & illa & ille impetravit. Optimè dixit Gilebertus Abbas: Pertinax oratio pertingit ad finem. Et si tibi in initiis sicca & velut

saxea

*a* Ambr. serm. 19. in dictum psal.

*b* Prov. c. 3. v. 9. *c* Hier. in c. 3. Thren. v. 49.  
*d* 1. Reg. c. 1. v. 18.



LIBER II. Cap. XI. 271

saxea videatur, oleum tamen gratiarum elicies de durissimo hoc saxo, modò perseveres, modò te longior mora non dissolvat, modò tua vota dilatione non lentescant. Cave, ne illud tibi de Evangelio impropere-  
retur: Sic non potuisti unâ horâ vigilare mecum? Quòd si torpor abest, vide, ne dilationis radium te fatiget, & desiderium tuum infringat. Utrobique reatus est, si sit anima vel in postulatione remissa, vel deficiens in expectatione. Vigilate igitur & orate.

a Gillebertus serm. 6. in Cantica apud Bernardum, mihi pag. 1805.

CAPVT XI.

*Quanta sint efficacia orationes complurium,  
& publica.*

**N**itebatur Archidamus Agesilai regis filius persuadere Græcis, ut inita cum Antigono & Cratero pacta solverent, Illis abnuentibus: Ovis, inquit, eâdem semper voce utitur, homo multis & variis, dum id quod vult, conficiat, a

Nullum profectò animal vocem sic variare novit atque homo; leo eundem rugitum, ovis eundem balatum, eundem bos mugitum, eoldem serpens sibilos, eundem equus hinnitum retinet. Sturni variandis vocibus aptiores. At homo cum avibus

R s can-

a Plutarchus tom. 2. Moral. in Apophteg. mihi pag. 386.

cantillare, latrare cum canibus, cum lupis ululare discit, variandæ vocis mirissimus artifex. Hoc in homine miratur homo, sed Deus hac vocū varietate non flectitur. Hoc potius aures divinas mulcet, cum multi homines velut unā precantur voce. Quod in publicis orationibus fieri amat, ubi Credentium cor unum, & anima una, a Hæ orationes Deo gratissimæ, quæ unā ejusmodi voce, corde uno constant. Et de his nunc agendum.

a *Actor. c. 4. v. 32.*

6. 11

Incredibilem impetrandi vim habet publica complurium oratio. Hujus non ignara Judith vidua castissima, cum Bethulæ clades & vastatio immineret à Duce Holoferne, jam universo populo ad civitatis portam congregato, publicam orationem indicens: Stabitis vos, inquit, ad portam nocte istâ, & ego exeam cum Abrâ meâ: & orate, ut, sicut dixistis, in diebus quinque respiciat Dominus populum suum. Nihil aliud fiat, nisi oratio pro me ad Dominum Deum nostrum. Sed hoc tertium commendans: Orate, inquit, ut firmum faciat Deus consiliū meum. a Quàm miranda verò fuerit publicæ orationis illius efficacitas, eventus secundissimi felicitas probavit.

Ita olim Heliodoro Solymæis gazis inhiante, quod Machabæa historia recitat, nō modica per universam civitatem erat trepidatio. Sacerdotes autem ante altare cū stolis

a *Judith c. 8. v. 31. & seqq.*

lis fac  
bant  
posu  
confu  
crante  
Aus,  
nes,  
Onia  
manu  
tas o  
fusa,  
tē, u  
gator  
No  
Nini  
tione  
rarat  
ment  
tudine  
vina  
Chry  
loqui  
retur  
tiente  
Aus  
hum  
res hu  
Pet  
oper  
prolu  
Nec  
Hero

a 2. 2  
v. 8.

lis sacerdotalibus iactaverunt se, & invocabant de cælo eum, qui de depositis legem posuit. Alii etiam gregatim de domibus confluebant, publicâ supplicatione obsecrantes: accinctæque mulieres ciliciis pectus, per plateas confluebant. Sed & virgines; quæ conclusæ erant, procurrebant ad Oniam, &c. universæ autem protendentes manus in cælum deprecabantur. *a* Ita civitas omnis in publicam supplicationem effusa, tantam habuit impetrandi efficacitatē, ut ipsos è cælo Angelos Heliodori castigatores acerrimos, in sui præsidium evocarit.

Non minus Bethuliæ civibus sapuerunt Ninivitæ, jubente Rege in publicam orationem provoluti. Regium edictum imperârat: Operiantur saccis homines & jumenta, & clament ad Dominum in fortitudine. *b* Et reverà deferbuit indignatio divina: Deus ad opitulandum adfuit. Hinc Chrysostomus rem grandem & miram proloqui ausus: Deus, inquit, frequenter reveretur multitudinem unanimem & consentientem in precando; ut veluti pudore victus non audeat illis negare. *c* Nimirum humanissimus Deus, non rarò induit mores humanos.

Petrus & Jacobus in vinculis mortem, operiebantur. Herodes suo furori velut proluēs in Jacobum gladio animadvertit. Nec Petrum sors mitior manebat, Verùm Herodianæ sicæ præreptus Petrus: Nunc

R. 6:

scio

*a* 2. Machab. c. 3. v. 16. & seqq. *b* Iona c. 3. v. 8. *c* Chrysost. hom. 2. in ep. ad Cor.

scio verè, inquit, quia misit Dominus Angelum suum, & eripuit me de manu Herodis. *a* Cur Iacobus, quæso, regiâ securi cecidit? Cur Petrus evasit? Non pro Iacobo, sed pro Petro Ecclesia tota dicitur deprecata: Nam Lucâ teste, oratio fiebat sine intermissione ab Ecclesiâ ad Deum pro eo. *b*

Hanc publicæ orationis efficacitatem Chrysostomus expendens: Vis, inquit, discere, quanta sit orationis in Ecclesiâ factæ potentia? Vincit erat Petrus, multisque cætenis circumdatus: Oratio autem fiebat sine intermissione ab Ecclesiâ pro eo, & statim eum à carcere liberavit. Quid hæc igitur sit oratione potentius, quæ columnam & Ecclesiæ turrim adjuvit? *c* Ut intelligas plurimum eam pollere orationem, quæ cum consensu agitur, & jugi concordia plurimum hominum? *d*

Eam etiâ ob causam Samuel omni populo præsentem instituit orare in publico; Quatenus, ut Dionysius loquitur, ex multarum præsentia facierum exaudibilior esset sua oratio. Nec defuit optatissimus successus, Philistæis per unanimes preces potius quàm per militares vires expugnatis. *e* Hæc ratione Samuel eam urbem ita initiavit, ut in posterum locus orationis publicus haberetur. Unde multis post annis Hebræi bellicis cladibus attriti: Venerunt in Masphat contra

*a* Actor c. 12. v. 11. *b* Ibid. v. 5.

*c* Chrys. hom. 79. ad pop. mihi pag. 396.

*d* Idem de incomprehensib. Dei hom. 4. mil. pag. 1001. *e* 1. Reg. 9. 7. v. 5.

contra Hierusalem, quia locus orationis erat in Masphat antè in Israël. *a*

Sic complura loca obillustrem Patriarcharum memoriam conuèrunt frequentari. In montem Moria Abrahami sacrificio celebrem perrexit Rebecca, ut consuleret Dominum. *b* Iacob in Mesopotamiam contendens, in eundem montem religionis causâ subiit. *c* Sic Absalon religiosus nequam, se voti reum simulans, ut hostiam Deo gratiorem offerret, in Hebron iter adornavit. *d* Ita Bethel nocturno Iacobi viso illustris, Hiericho celebri Iosue triumpho memorabilis, Jordanis sacerdotum arcam ferentium transitu venerabilis. Has urbes Elias antequam in cælum raperetur, velut loca pietatem spirantia postremum voluit salutare. Sed ad rem.

*a* 1. Machab. c. 3. v. 46.

*b* Gen. c. 25. v. 22. Ita Augustinus quest. 72. in Genesim explicat.

*c* Gen. c. 28. v. 11. Vt Hebræi apud Liranum affirmant. *d* 2. Reg. c. 15. v. 7.

§. 2.

Multi deprecatores facilius ac citius exaudiuntur. Idèd Samuelem, quem dixi, Israël's populus rogabat. Ne cesses pro nobis elamare ad Dominum Deum nostrum: ut salvet nos de manu Philistinorum. *a* Cux non ipsi statim confugerunt ad Deum, sed Samuelem potius ad orandum exorârunt? Sciverunt utique Hebræi, multorum preces non facile repudiari. Nec illud nescire potue-

*a* 1. Reg. c. 7. v. 5.

potuerunt, eos qui aliquid à Deo impetrare satagunt, non suâ solùm auctoritate niti, sed quàm multos possunt, adsciscere sibi deprecatores. Ita Ægypti rex Pharaon Mo- sen & Aaronem sibi concilians: Orate, inquit, Dominum, ut auferat ranas à me, & à populo meo, *a* Ita Hebrai Hieremiam allo- cuti: Cadat, inquiunt, oratio nostra in con- spectu tuo, & ora pro nobis ad Dominum Deum tuum. *b* Idem Babylonicis vinculis attenti ad alios Hierosolymis agentes: Pro nobis ipsis, inquiunt, orate ad Dominum Deum nostrum, quia peccavimus Domino Deo nostro, & non est aversus furor eius à nobis utque in hanc diem. *c* Divinus Pau- lus, tametsi ad exorandum Deum poten- tissimus, aliorum tamen preces expetens: De cetero fratres, inquit, orate pro nobis, ut sermo Dei currat & clarificetur, sicut apud vos *d* Christus Dominus ipse disci- pulos suos, non ad orandum pro se (nec enim Filius apud Patrem, servorū precibus egebat) sed ad orandum secū invitans: Su- stinete hīc, inquit, & vigilate mecum: vigi- late & orate. *e* Multorū preces validissimæ.

Quān autem hæc orandi societas Deo placeat, Christus luculentè pronuntians: Dico vobis, inquit, quia si duo ex vobis consenserint super terram, de omni re, quācunque petierint, fiet illis à Patre meo, qui in cælis est. *f* Quòd si vel soli duo con-

cordibus

*a* Exodi c. 8. v. 8. *b* Hierem. c. 42. v. 2.*c* Barnab. c. 1. v. 13. *d* 2. Thess. c. 3. v. 1.*e* Matt. c. 26. v. 38. & 41. *f* Matt. c. 18. v. 19

cordibus animis votisque, rem quameunque a precibus postulaverint, certo certius impetrabunt, quânto magis si plures, aut Ecclesia universa quiddam rogaverit. Ita Deus publicas preces singulari promissione dignatur, quò nos acrius ad earum studium invitet, cùm plurimùm faciat ad impetrandum unanimis & concors plurium oratio. Et causam assignans Christus: Ubi enim, inquit, sunt duo vel tres congregati in nomine meo, ibi sum in medio eorum, *b* Si Deo largitori tam gratum est, aliquos in Christo conspirare, numero licet minimo; quânto gratius erit, si duo vel tria milia, si plurimi in ipso conspirent. Ibi, ait, in medio eorum non cunctabundus ero, sed jam sum, jam illic invenior, favore ac gratiâ singulari præsens, ut eorum conatus adjuvem, eorum preces accendam, consilio eos dirigam, illosque voti compotes reddam, & quidquid aggressi fuerint, ad successum prosperum deducam, ut denique tanquam supremus iudex inter eos confidens, quam meo nomine pronuntiaverint sententiam, confirmem. Et orationis inter plures sociatæ, et publicarum præmium inestimabile bonum. Nimirum quod Chrysostomus dixit, deprecatoribus multis non audet Deus negare. Hanc ob causam hortatur acriter Augustinus: Orate certatim concordi sanctoque certamine: Non enim adversus alterutrum certatis, se ad-

versus

*a* Modò non sit aliena à voluntate divinâ.

*b* Ibid. v. 20.

versus diabolum sanctis omnibus inimicum, a

a *August. tom. 2. epist. 121. ad Probam, sine, mihi pag. 240.*

6. 34

Hic forsan emergat quaestio, quæ inter infinitas orationes sit omnium excellentissima oratio? Verbo responderi potest, Orationem Dominicam omnibus aliis orandi formis antistare auctoritate, ordine, brevitate, perfectione, efficacitate, ac demum necessitate. 1. Auctoritate. Ipsa eam & Sapientia & Veritas præscripserunt. 2. Ordine, nam primò ea petuntur quæ Dei gloriam, deinde illa quæ animi salutem, tertio, quæ bonum corporis spectant. 3. Brevitate; Si rerum petendarum multitudinem & magnitudinem expendamus, brevior esse non poterat. 4. Perfectione; nam (ut Augustinus loquitur) etsi per omnia precationum sanctarum verba discurras, quantum existimo, nihil invenies, quod non ista Dominica contineat & concludat oratio. a 5. Efficacitate; Deum Patrem utique nil magis moverit quàm oratio Filii, nec quisquam melius noverit quàm filius, quæ apud Patrem sit efficacior oratio. 6. Necessitate; Nulla alia precandi formula est, quam conceptissimis verbis Christiani usurpare jubeantur, nisi ista. Ita nec melior, nec ordinatior, nec brevior, nec perfectior, nec utilior, sed nec sanctior aut efficacior

a *Aug. 10. 2. ep. 121, c. 18. mihi pag. 239.*



cacior est ulla oratio. In constitutionibus Apostolicis monentur omnes te eam quotidie iterare. Sacra insuper Concilia docent, non licere homini Christiano orationem Dominicam aut memoriâ non tenere, aut non intelligere, aut non frequentare. Petitionum ordo talis est. 1. Petimus bonum Dei. 2. Bonum nostrum summum. 3. Bonum nostrum medium, seu gratiam ad observandas Dei leges. 4. Bonum nostrum infimum, seu subsidia temporalia. 5. Amotionem mali præteriti. 6. Amotionem mali futuri. 7. Mali præsentis: Sic quatuor primis petitionibus precamur bona, tribus reliquis deprecamur mala. Hanc autem orationem probè intelligere, & quotidie sæpius dicere, cujusvis Christiani est: Et quando jam ante aliquot annos seriò rogatus sum, succinctam ejus orationis explicationem dare, hîc obsequi est animus, idque cum quantâ possum curâ, & loco, putem, commodissimo. Idcirco Domini verba ordine subjungo.

*Pater noster, qui es in calis.*

Hæc Orationis Præfatio est, quâ Deum bonitatem, tum potentiam laudamus. Bonitatem, *Pater noster*, Potentiam, *Qui es in calis*. Hîc oranti crescat ingens fiducia. Deus benignissimus est, ut velit largiri; potentissimus est, ut possit. Quid autem neget filiis æqua petentibus Pater? Hîc simul etiam tam adoptionis quàm peregrinationis

## 380 RHETORICA CÆLESTIS.

tionis nostræ monemur. Deus est *Pater noster*; qui nos adoptavit. Eramus paradisi exules; jam cæli hæredes, jam Dei filii sumus, sed interim & peregrini sumus. Pater cælum habitat, ubi suam pandit gloriam, nos in terrâ exulamus, dum ad patrem assumamur, illic ei futuri similes, si hic non fuerimus degeneres.

Non autem *Pater meus*, sed *Pater noster*, dicimus, reprimendæ superbiæ, promovendæ humilitati, mutuo amoris commendando. Unam & eandem omnibus nobilitatem donavit Deus Pater omnium. Ita pro mendico Rex locuples pro egeno, Dominus pro servo, Princeps pro subdito orat, quem & fratrem vocat. Cyprianus: Libenter audit Deus, inquit, quando Christianus non solum pro se, sed pro altero orat. Pro se orare natura est; pro altero gratia; pro se orare necessitas cogit, pro altero charitas. Hic autem nullum, quantumvis inimicum, nisi apud inferos sepultum excludimus. De nemine dum vivit, desperandum.

Cum autem Deum in cælis esse dicimus, non eum cælis circumscribimus, sed omnia illius imperio subesse, virtutem ejus quolibet diffundi, universa illius providentiâ gubernari profiteamur. Hac autem locutione usus est servator, ut orantium mentes erigeret à terrâ, & cælo affigeret, summâque in Deum reverentiâ instrueret, sub cuius conspectu se stare orans meminisset.

Porro Nescimus eos, qui noxæ letali voluntarie inhaerent, & tamen dicere audent,  
*Pater*

LIBER II. Cap. XI. 381

*Pater noster qui es in calis*, mendacii convin-  
cit, cū eorum pater diabolus non in cæ-  
lis, sed in inferorum flammis sit. a

a Greg. Nyss. orat. 2. de Orat. Dom.

*Sanctificetur nomen tuum.*

Prima petitio Vult ea primò, ut Deus &  
Dei potentia, majestas, sapientia, benigni-  
tas, providentia, justitia & misericordia co-  
gnoscantur ab omnibus. Secundò, ut Deus  
ab omnibus timeatur & ametur. Tertiò, ut  
dignè colatur & laudetur ab omnibus. Id  
porrò fiet, si Deo ut veraci credant omnes,  
in Deo ut potente & largo sperent, Deum  
ut iustum timeant, ut bonum diligant: si  
rectum & sanctum habeant, quidquid vult  
aut permittit, quidquid jubet aut ordinat  
Deus, de Deo nunquam loquantur aut  
cogitent sine summâ veneratione & offen-  
sionis metu. Sic in orbe toto Dei gloria  
re luceat, noscatur inter homines Deus qua-  
lis est, atque ita ut meretur, colatur & ho-  
noretur.

Cū autem Deo honorum omnium  
laudem tribui cupimus, ad gratiarum  
actionem etiam nos ipsos excitamus, dum  
eius beneficia grati agnoscimus, & omnia  
illi uni accepta referimus. Quia verò inge-  
nuus filius, pro nullâ re prius quàm pro  
gloriâ Patris supplicet, reliqua omnia infra  
eam numeret, & secundo loco ducat; tunc  
nos demū ad ritè precandū erimus compa-  
rati, si non de nobis tantū & commodis  
nostris

## 382 RHETORICA CÆLESTIS.

nostris solliciti, sed priorem gloriæ divinæ locum dederimus. Nec enim sat magno divini honoris studio feremur, nisi nostri quodammodo oblitī, ante omnia honorem Dei spectemus: Nimis præposterum est, quæ nostra sunt solum curare, Dei gloriam, quæ aliis omnibus curis merito suo longè præferenda, negligere.

*Adveniat regnum tuum.*

Triplex Dei regnum est, Naturæ, Gratiæ, Gloriæ. Naturæ regnum dicimus, quia Deus in omnes res conditas, in orbem universum dominatur, creans, destruens, ordinans, gubernans omnia singulaque pro nutu & arbitrio. Alterum, Gratiæ regnum est, quod Deus tenet in servis suis, & servi ejus in ipso adversus hostes primarios, Mundum, Carnem, Diabolum. Atque hoc Dei regnum per veram religionem & charitatem administratur. Tertium est regnum Gloriæ, beatitas immortalis. Pacatissimum est hoc regnum, absque ullius hostis infestatione. Atque hoc regnum ut adveniat, desideramus, ardentem autem desiderando digni reddimur, ut in illius regni societatem à Patre admittamur.

Impleatur igitur numerus Beatorum, & regnum illud longè beatissimum inchoetur. Hic pro se quisque cum Chrysologo dicere poterit: Veniat, oro, Christus, veniat perfectè regnaturus in me, in quo diabolus arcem, mors imperium, infernus tenuit potesta-

potestatem. Ut scias, Domine, fidelis tibi miles esse cupio. Ad tuam igitur, ô mi optime Dux, præsentiam anhelô, regnum exopto, expeto triumphos. Sic Christus semper suo regnet in milite, ut miles semper suo triumphet in rege. 4

a Chrysol. serm, 68. mihi pag, 183.

*Fiat voluntas tua, sicut in cælo & in terrâ.*

Tua, Domine, fiat, non nostra, non Mundi, non Carnis, non diaboli, sed tua, rectissima illa & sanctissima Voluntas, explosâ omni eâ, quæ huic adversatur. Duplicem Dei Voluntatem assignant Theologi; hanc *Signi*, illam *Beneplaciti*. Signi est, quâ Deus præcipiendo aut prohibendo significat, quid à nobis fieri velit. Beneplaciti est, quâ Deus, quod providentiæ suæ decretis ab omni ævo statuit, usquequaque vult fieri. Et hæc definita Dei voluntas semper perficitur. Huic nos subicere, nec adversus eam contendere aut murmurare, sed rectam in omnibus sanctamque agnoscere ac prædicare debemus. Quia verò hanc *Beneplaciti* voluntatem amplecti, & illam *signi* præcipientem aut prohibentem exequi sine Numinis ope singulari non possumus, ideò gratiam postulamus ad divinas leges omnes integerrimè observandas, ut Dei voluntas fiat in terrâ, sicut in cælo, ut quemadmodum Angeli & omnes Beati divinæ Voluntati perfectissimè parent: ita mortales omnes faciant quod vult Deus, ut omnes præceptis Dei pareamus, sequamur  
jussa

jussa & consilia, amplectamur omne quod ei gratum est, componamur denique ad Voluntatem ipsius & corpore & animo, ut si Deus velit nos ægrotos, pauperes, inglorios esse; si velit parentes, si uxorem, si liberos, si cognatos aut amicos eripere; si vivere, si mori velit, hoc ipsum & nos velimus, & in ejus sanctissimâ voluntate acquiescamus, illud lobi cantantes: Dominus dedit, Dominus abstulit; sicut Domino placuit, ita factum est; Sit nomen Domini benedictum. Fiat Dei voluntas, sicut in czlo & in terrâ.

Et quamvis ea sit hominum nequitia, ut nunquam omnes mortales Voluntati divinæ sint obsecuturi, id tamen rectè precamur ut fiat, tum quia id fieri debeat, etsi nunquam sit futurum, tum quia deceat his precibus nos testari, quàm ardentem cupiamus abolitum & extinctum, quidquid rebellionis est contra divinam Voluntatem. Sciat hoc Orbis, sciant hoc omnes Orbis incolæ, majoris esse momenti, minimam Dei voluntatem impleri, quàm omnium rerum conditarum, quàm orbis universi bonum stabiliri. Porro animæ sanctitas, est vera cum divina Voluntate conformitas.

*Panem nostrum quotidianum a  
da nobis hodie.*

Hactenus ea rogavimus, quæ gloriæ Patris sunt augendæ, nunc rogamus illa, quæ vitæ faciunt ducendæ. Uno autem Patri  
nomi-  
a *Matth. c. 6, v. 11, supersubstantialem.*

nomine, omnia ad tuendam vitam necessaria subsidia petimus, victum, amicum, habitationem, valetudinem, reliqua. Nam id oramus, ut quam Deus nobis in orbe hoc vitam dedit, tueatur, quamdiu ipsi placeat: & quia multis ea subsidiis indiget, subministret ipse, quidquid esse necessarium novit. Hic accuratè observandū quòd *nostrum*, quòd *quotidianum*, quòd *hodie* illum nobis dari petimus.

Quomodo autem *nostrum* panem, quem petimus mendicando? Illo dante, inquit, Augustinus, fit noster, nobis superbientibus fit alienus. Agnosce largitorem, confitere te accipere, ut libenter dignetur dare. An non mendicas, qui panem petis? *a* Mendicus es, & tamen superbus es? Quòd si divinitus pasci cupimus, alieno abstineamus. Panem rapinā vel furro comparatum, vocare nostrum non possumus, sed nec eum quem alienas mensas aut otium sectando comedimus. *Quotidianum* b petimus, cibarium, frugalem & moderatum, non curiosa, non delicata, non superflua quærendo, sed ea tantum sine quibus nullo modo licet vivere. Non verò solum panem è forno, sed tam Eucharistiæ, quàm æternum in cælo fruendū petimus. Panem autem *Hodie* nobis dari rogamus, tum ut significetur aviditatem

*a* Aug. tom. 19. hom. 14. c. 1. mihi pag. 163.

*b* NB. *Supersubstantialis & quotidianus panis* hic prorsus idem. Nam supersubstantiale hoc loco propriè dicitur omne alimentum substantiæ nostræ congruens.

tatem frenandam, sollicitudinem in crastinum cavendam, tum etiam quotidie hanc orationem fundendam esse, cum assidue à Dei beneficentiâ pendeamus, anxiiis curis procul abactis. Inanissimi sunt conatus nostri sine providentiâ & auxilio Dei; quotidie igitur ad Patrem recurrendum. *Da nobis*, dicimus. Quia cupimus cibum è manu Dei, velut ad dimensum accipere, ut corpori prosit & non obsit animo. Quotidianus autem & diurnus hic panis etiam ab opulentissimis petendus, cum quæ habent omnia vel eripi, vel retenta corrumpi possint. Hic autem quivis cum Apostolo, & satiari, & esurire noverit, prout Patri visum fuerit, qui solus scit, quid filiis suis sit utile.

*a Philip. c. 4. v. 12. & Rom, c. 8. v. 26.*

*Dimitte nobis debita nostra, sicut & nos dimittimus debitoribus nostris.*

Post bonum quadruplex postulatum, jam triplex malum deprecamur. Peccatum malorum omnium summum est, idecirco ante omnia liberari ab eo cupimus. Nemo autem quantumvis sanctus, sine quotidianis peccatis hanc vitam ducit. In quovis peccato tria sunt, actus peccati, qui transit; macula, quæ remanet; pœna, quæ debetur. Hinc peccatum nominari debitum, peccatores dici debitores solent. Tum etiâ quia satisfactionis debitorem se constituit, qui Deo injuriam facit. Deinde cum unicuique

com-



commiffa fint naturæ & gratiæ talenta, ii, qui ea negligunt, debitores fiunt lucri non acquifiti & cenfus non redditii. Hæc debita dimittit Deus, cùm peccati actum eo loco habet, ac fi non fuiffet, cùm maculam eluit, & pœnam remittit. Quando igitur folvendo non fumus miferi debitores, divinam mifericordiam imploramus, quæ debita condonet. Ita fragilitatis noftræ nobis confcii minimè efferamur, fed nec ob frequentia delicta desperemus. Semper patent mifericordiæ viscera rogantibus veniam. Nec enim præcepit quotidie à Deo petere, quod Deus nolit quotidie dare. *a*

Sed veniam, quam rogamus, fundamentum jacimus, *Sicut & nos dimittimus*, Hic Gregorius Nyffenus eleganter: Vide, inquit, quomodo verba orationis humanam naturam conditione divinâ quodammodo mutant, ut dii fiant, qui ad Deum accelfuri funt, dum faciunt ea, quæ folius eft Dei. Imò ordo quodammodo invertitur, cùm audeamus dicere, ut Deus noftra facta imitetur: *b* Dimitte, ficut & nos dimittimus. Hic certè, inquit Cyprianus, conditione ac fponfione nos Chriftus constringit, ut fi nobis indulgeri & culpæ gratiam fieri velimus, & nos aliis indulgeamus, & *S* injuriz

*a* NB. Leviores culpas & tēporariam pœnam à gravibus peccatis reftantem hæc tollit oratio. Ad gravia tollenda non fufficit, nifi accedente pœnitentiâ, & Chrifti fanguine per facramentum operante. Vide Auguft. Enchiridion c. 71.

*b* Greg. Nyffen. erat. 5. de Orat. Dominicâ.

388 RHETORICA CALESTIS.

injuriam gratiam faciamus, & quidem ex animo. Aequissima conditio, ut qui à maiore petit veniam offensionum graviorum, minorum ipse tribuat aequali: & tanto aequior, quod ille, qui ignoscit alteri, homo cum sit, subinde opus habeat, ut ipsi & alter ignoscat. Observa, quanta Dei sit humanitas, cui aded cura est nostra in nos mutua charitas; & quantum sit peccatum, odisse ullum hominem, quo fit, ut nulla nobis peccata remittantur. Non amat Deum, qui hominem odit, quem videt, & quem iubet Deus amari.

Porro is non se vindicat, qui delinquentem charitate aut iustitiâ distante corrigit, nec is qui damnum <sup>a</sup> aut pecuniam, vel qui honorem & famam restitutionem exigit, offensione seu injuriâ dimissâ.

Hic mihi considera, quantum eorum sit crimen, qui hac prece utuntur, nec tamen odium ponunt; proinde Deo mentiuntur, & in seipsos sententiam dicunt, ut sibi Deus non remittat peccata, qui recusant ab aliis in se commissâ remittere. Hoc prorsus est divinam in se ultionem vocare. Non solum autem condonanda est injuria, cum illata alter poenitentiam ductus veniam rogat, verum etiam dum pertinax persistit, & injuriam injuriâ cumulat. <sup>b</sup>

Ne igitur aliquando, assidue condonando, fatigaremur, hoc nobis in quotidiana

nam

*a Nisi qui offendit, damnum resarcire non possit, sine suo maximo detrimento. b Exterior condonatio non nisi rogantibus debetur.*

nam intexit orationem, ut cum Dei, in quem quotidie delinquimus, quotidie imploremus misericordiam, tamen eam non obtineamus. nisi & ipsi in alios misericordes ac benevoli perleveremus. Talem mereris veniam, qualem dederis.

*Et ne nos inducas in tentationem.*

Monemur imbecillitatis nostræ, quæ tanta est, ut sine Dei auxilio, nullis periculis superiores evadere possimus: proinde nostris viribus nequaquam fidendum est. Nihilominus Satanas formidandus non est, cum sine divinâ permissione nihil in nos possit. Quando igitur in continuis versamur periculis, cum omnis vita tentatio sit & militia, a necessarium est, ut omnis timor noster, omnis devotio & observatio nostra ad unum Deum convertatur.

Duplex tentationis genus est. Primum, cum experimentum nostri sumitur, ut ea quæ præditi sumus, innotescat virtus, & digna fiat ampliori præmio. De hoc Apostolus: Omne gaudium, inquit, existimare, cum in tentationes varias incideritis. *b* Istud hîc non refugimus. Alterum tentationis genus est, cum virtus nostra sic exploratur, ut ea labefacteretur, & nos ad peccandum pertrahamur. De hoc ille idem Apostolus: Deus, inquit, neminem tentat. *c* Priori tentationis genere nos tentat Deus; posteriori hostes Dei, & nostri.

S 2

Quâ

*a* Iob c. 7. v. 1. *b* Iacob, c. 1, v. 2.

*c* Idem c. 1, v. 13.

390 RHETORICA CAELESTIS.

Quâ ratione tentatio est ad peccatum sollicitatio, atque hanc deprecamur. Sollicitamur autem ad peccatum nunc prosperarum rerum dulcedine, nunc adversarum acerbitate. Extrinsecus veterator diabolus, & homines impii, intrinsecus nostræ nos cupiditates & libidines sollicitant. Ab exteriori hoste nihil metuendum, si domesticus non noceat. Rogamus igitur, ne DEVS permittat nos ullâ tentatione vinci, & sed ita nos semper dirigat, ut nûquam succumbamus. Ne autem à tentatione superemur, Deus duplici modo cavet, uno, dum fragilitati nostræ parcens tentationem nobis moveri non sinit; altero, dum vires suggerit, ut tentationem motam vincamus. Eum autem in tentationem inducit, cui suam æquo iudicio negat gratiam, quâ destitutus tentationi succumbit. Summa ergo petitionis est, ut suis Deus auxiliis nos confirmet, erigatque, ne ulli tentationi vel consentiamus decepti, vel cedamus afflicti.

a Hoc enim est induci, seu inferri in tentationem, ut contextus Græcus est.

*Sed libera nos à malo.*

Innumera sunt vitæ mala, tentationes, ærumnæ, afflictiones, calamitates & miserix perpetuæ; quia verò hæc modò ad peccatum sollicitant, modò virtutem oppugnant, non malè desideramus ab eis liberari. In primis à peccato, quod summum est malum, atque si res ad vivum reseretur,

AMICIA

unicum & solum est malum. Deinde cupimus diaboli & malorum hominū, qui eius membra sunt, insidiis subduci. A diabolo liberari petimus, non tantū ut non superet nos, sed etiam ut non infestet. Ut autem à tentatrice atque illice concupiscentiā liberemur, oramus, non solū ut non obediamus illi, sed ut illam non habeamus. Denique hīc rogamus, ut ab omnibus tam corporis quā animi, tam exterioribus quā interioribus malis reddamur liberi. Satis est autē post decursam mortālē hanc vitam istud consequi; in ipsā verō, quantum nobis expedit ad salutem. Quocirca hīc etiam divinæ se voluntati subjiciat oratio. Observa hīc cæleste artificium in Dominicā oratione, & quē ejusdem finis viam relegat ad principium. Inter expetenda primum est, à malo esse liberum: *Libera nos à malo*; Huic conjunctum est, ut statnamus superē peccata: *Ne nos inducas in tentationem*. His proximum est, ut Charitatis & Misericordiæ studiosi simus: *Dimitte, sicut & nos dimittimus*. His modis peccatorum veniam impetramus, datā veniā, tum demum panem supersubstantiali digni sumus: *Panem nostrum quotidianum da nobis*. Hic panis ed nos nutrit, ut Dei voluntatem in terrā faciamus: *Fiat voluntas tua*. Dum omnibus viribus conamur facere voluntatem Dei, meremur ut aliquando recipiamur in regnum Dei. *Adveniat regnum tuum*. In regno Dei hoc erit unicum & felicissimum munus nostrum, laudare Deum in omne ævum:

## 392 RHETORICA CALESTIS.

*Sanctificetur nomen tuum.* Hoc summum est nostrum bonum; huc spectant omnia.

Ergo, *Amen.* Hanc clausulam Hieronymus, orationis Dominicæ signaculum appellat. Nec est aliud quàm optantis votum, ut ita fiat: quo sinceritatem, ardorem què nostri desiderii exprimimus, perinde si dicamus: Tua bonitas, Pater, efficere dignetur, ut quod ardentibus votis petimus, impetremus. Prout etiam Psalter perit: *Benedictus Dominus Deus Israël à sæculo, & usque in sæculum, fiat, fiat: hoc est Amen, Amen.*

Vide, inquit Tertullianus, compendio paucorum verborum, quot simul expunguntur officia: *Dei honor in Patre, fidei testimonium in nomine, oblatio obsequii in voluntate, commemoratio spei in regno, petitio vite in pane, exomologesis debitorum in deprecatione, sollicitudo tentationum in postulatione tutelæ.* Quid mirum? Deus solus docere potuit, quomodo se vellet orari. *b*

Qui autem assuetis vitiis inhærentes hanc orationem Domini ore solo pronuntiant, hi orando noxas cumulant, cùm in singulis pœnè petitionibus mētiantur. Quā enim fronte dicat: *Pater noster*, qui reculat esse filius: *Sanctificetur nomen tuum*, qui toties nomen divinum verbo violat: *Adveniat regnum tuum*, qui adventum Domini malè sibi conscius formidat: *Fiat voluntas tua*, qui suæ voluntati tantò magis velificatur, quantò magis divinæ repugnat? Huic tali

*a Psal. 105. v. 48. b Tertull. de Orat. c. 9.*

LIBER II. Cap. XII. 393

tali Deus, Augustino teste, iure obijciat:  
Vis, figam orationem tuam in auribus  
meis: fige tu in corde tuo legem meam. <sup>a</sup>

Nimirum surdis Deus surdus est, nec  
audit illorum preces, qui fastidiunt divinas  
audire leges.

<sup>a</sup> *August. in psal. 35. mihi pag. 385.*

CAPVT XII.

EPILOGVS

ET

*Compendium dictorum omnium.*

**A**DOLESCENS quidam Anaximenis  
Rhetoris discipulus, orationem a  
præceptore scriptam coram rege  
Antigono recitavit. Rex inter audiendum  
quippiam exactius nosse desiderans, scisci-  
tatus est de illo. At adolescens pisce magis  
mutus obticuit. Mox Antigonus: Quid ais  
adolescens, inquit, num ista tuis tabulis  
non sunt inscripta? <sup>a</sup>

Diximus tam de oratione vagâ quàm  
attentâ. Eò etenim omnis nostra spectavit  
dictio. Sed quisnam tot præceptiones me-  
moriâ complectatur? Tabulis hic opus, sed  
brevibus, è quibus vacillanti memoriæ  
consultatur. Ita tabulas nunc dabimus, in  
quibus compendio perscribamus, quæ ge-  
minus hic liber explicatiùs tradidit. Non ei,

S 4

puto,

<sup>a</sup> *Plutarch. tom. 1. Moral. de sciēt dictu Regum  
& Imperatorum, mihi pag. 336.*

puto, habebit aqua, qui de Orandi modo rogabitur, si hanc epitomen studiosius expendit. Hoc igitur nunc agimus, & dicta cogimus in compendium.

## §. 1.

De orationis necessitate, de ejusdem utilitate ac efficacia multi volumina scripsere. Nos hic lacinias non extendimus. Quod in libros alii, id nos in verba conferimus. Ut summam rem complectamur: Oratio primum sanctitatis instrumentum, Evangelii totius brevium, corporum robur, animi humani anima & vita, domus abundantia, regni vires, belli trophæum, pacis securitas, viatorum scutum, Christianæ militiæ panoplia & armamentarium est. Oratio profanum hominem in Christianum, in Religiosum, in Angelum, in Deum denique docet migrare. Oratio homini subsidium, dæmoni flagellum, Deo sacrificium est gratissimum.

Joannes Climacus orationem eruditæ epitome commendans: Oratio, inquit, est ornatus Mundi, reconciliatio Dei, lacrymarum mater & filia, peccatorum propitiatio, tentationum pons, tribulationum interpositus paries, bellorum confractio, Angelorum opus, virtutum cibus, infinita operatio, gratiarum ministra, profectus invisibilis, nutrimentum animæ, mentis illuminatio, tristitiæ solutio, desperationis amputatio, speculum profectus, clementiæ significatio,

regina



regina & parens virtutum. <sup>a</sup> Huic unico bono & delectabilis, & honesti, & utilis inest ratio. Quod ceteræ virtutes præstare non possunt, id una orandi virtus, virtutum omnium decus & mater abundè præstat.

Orator aureus in hanc rem testis locupletissimus: Profitetur, inquit, deprecationem caput esse bonorum omnium, basim ac radicem vitæ frugiferæ. Neque enim sola temperantia potest homini salutem adferre, si cetera desint bona, neque cura pauperum, neque benignitas, neque quidquam aliorum, quæ cum virtutibus geruntur, sed oportet, ut omnia simul concurrant in animas nostras. Ceterum precatio ceu radix & basis omnibus ceteris subternitur, adeò ut absque hac nihil nobis boni possit contingere, neque quod ad salutem conducat. Quod igitur omnis boni caput sit deprecatio, quodque salutis ac vitæ æternæ conciliatrix, nullus est omnium qui ignoret. *b*

Homo Angelis cognatus est ratione, bestiis sensu, plantis & arboribus vitâ, elementis corpore. Quemadmodum autem studiosè tegimus & dissimulamur, quidquid sanguinis nobilitatem maculat, aut obseurat; ita prorsus bestiarum & plantarum cognationem non immeritò erubescimus, & propinquos Angelorum nos esse jactamus. Simus ergo; sed brutorum ingenium

<sup>a</sup> Climacus gradu 28. de orat. mihi pag. 291.

<sup>b</sup> Chrysost. tom. 5. l. 1. de orando Deo, fine, & initio tomi 2. mihi pag. 590. & seqq.

nium & mores rusticos exuamus, & Angelorum vitam orando æmulemur. Orare, inquit Chrysostomus, commune est opus Angelorum pariter & hominum, neque quidquam interest inter nostram naturam & illorum, dumtaxat quod attinet ad deprecationem, Hæc te separat à mutis animantibus, hæc te sociat Angelis. Quin facile fiet, ut quis in illorum civitatem transferatur, in illorum vitam & consortium, ad illorum honorem, nobilitatem, sapientiam & intelligentiam, qui per omnem vitam precibus ac divino cultui vacare studuerit. Proinde nequaquam aberrarit à vero, si quis affirmet, deprecationem esse causam omnis virtutis & iustitiæ, neque quidquam eorum, quæ conferunt ad pietatem, venire posse in animum, cui non adsit deprecatio & oratio. Nam verè toties cum Deo colloquimur, quoties vacamus deprecationi, per quam simul & Angelis copulamur, & societatem, quam cum brutis animantibus habebamus, procul effugere videmur. Homo qui cum Deo loqui didicit, ut par est, erit deinceps Angelus. a

Siquidem cum Deo colloqui, non hominem tantum, sed & Christianum, sed & religiosum hominem, imò Angelum, imò Deum efficit. Singula demonstramus.

Oratio igitur humanam pecudem, sic loquar, quæ ventri ac libidini se manciparat, in hominem reformat, jubetque vivere.

Eccle-

a Idem Chrysost. ibid. mihi pag. 587. & 591.

Et tom. 1. in ps. 4. pag. 610.

Ecclesiastes Græcus id affirmans: Quisquis, ait, non orat Deum, nec divino alloquio cupit assiduè frui, is mortuus est, & vitâ carens, expersq; sanæ mentis. Nam hoc ipsum evidentissimum est argumentum amentix, non intelligere magnitudinem hujus honoris, nec amare deprecandi studium, nec hoc habere persuasum, quòd animæ mors sit, non provolvi ad Dei genua. Ora igitur, ut vivas, & ut homo sis. *a*

Ora etiam, ut sis Christianus, talem te certè faciet oratio. Præclare Augustinus: Hæc est, inquit, Christiani pugna gloriosissima, non in suis viribus præsumere, sed semper Dei auxilium implorare. Ergo & tu, si vis vincere, audi Apostolum dicentem: Orationi insistentes, & vigilantes in eâ. *b* Christianus è fide noscitur; atqui fidei firmitatem impetrat oratio, quod idem Augustinus disertissimè confirmans: Si, ait, fides deficit, oratio perit. Quis enim orat, quod non credit? Ergo ut oremus, credamus; & ut ipsa non deficiat fides, quâ oramus, oremus. Fides fundit orationem, fusa oratio etiam ipsi fidei impetrat firmitatem. Etenim ne in tentationibus deficeret fides, propterea Dominus ait: Vigilate & orate, ne intretis in tentationem. Quid est in tentationem intrare, nisi à fide exire? In tantum enim tentatio proficit, in quantum fides deficit. *c*

S. 6.

Ter-

*a* Idem pag. 588. *b* Aug. tom. 10 serm. 93 de Temp. mihi pag. 285. *c* Idem eodem tom. serm. 36. de Verbis Dom. c. 1. mihi pag. 520.

Tertullianus rectè nominat Christianos caelestis regni candidatos. Atqui candidatorum est prensare, & obvium quemvis rogare, suæ causæ faveat. Hoc orando facimus, cælitè prensamus, & eorum nobis benevolentiam imploramus. Orando litteras ad Deum mittimus tantò crebriores, quantò sæpius oramus. His litteris divinos nobis favores conciliamus, ut quod millies iterumque millies petivimus, *Adveniat regnum tuum*, tandem impetremus. Ora igitur ut Christianus sis.

Sed ora etiam ut bonus ac religiosus sis Christianus, quem professò talem efficit oratio. Chrysostomus pro mille testibus assurgens: Quemadmodum, inquit, ubi regina quæpiam ingreditur civitatem, necesse est, ut omnis opulentia pariter consequatur: sic videlicet, posteaquam deprecatio venit in animam, omnes virtutes simul ingrediuntur. Nam quod in domo est fundamentum, hoc in animâ est deprecatio. Animam non munitam precibus, diabolus faciliè in suam redigit ditionem, nec multo negotio, omni genere scelerum implet. Ad animam precibus communitam, non audet propius accedere, metuens robur ac fortitudinem, quam illi deprecatio subministrat. Vides, quantam vim habeat precatio & obsecratio? Ex hominibus facit templa Christi. Et quemadmodum aurum, lapides pretiosi ac marmora constituunt domos regum, sic deprecatio templa Christi, ut inhabitet Christus in cordibus

dibus vestris. *a* Nulla profectò res est, quæ possit æquari deprecationi. Ora igitur ut non solum Christianus, sed ut probus ac pius Christianus fias.

Sed ora etiam ut fias Angelus. In Angeli naturam migrat, qui orat. Hoc Chrysostomo credemus, qui apertè: Moses, inquit, orando meruit Dei conspectu frui, aliæque innumera bona consecutus est, non aliâ re quàm orando. Nam deprecatio & hoc illi præstitit, ut vitam ageret adsimilem iis, qui cælum inhabitant. Angelorum primum ac princeps munus, & assiduus sine labore labor est, Deum numquam non laudare, & semper orare: ille hominum in Angelum transit, qui Angelos, quantum humana fert imbecillitas, imitatur assiduitate orandi.

Quid si ab Angelo in Deum transeat, homo qui orat? Oratio certè non solum ut homo sis, sed ut Christianus ex asse bonus, ut Angelus, imò, ut Deus sis, efficit. Exponimus hoc arcanum. In oratione homo & Deus arcanissimo commercio commutant corda; alter in alterius pectus se transfundit. Quod celestis sponsa in apertum proferens: Ego, inquit, dormio, & cor meum vigilat. *b* Perinde si dicat: Ego de me nihil sollicita sum, sed in oratione suaviter conquiesco; at interim Deus, qui cor meum est, in meam tutelam excubat, dum ego dormio,

*a* Chrys. I. lib. *suprà* cit. mihi pag. 592. & seqq.

& rom. 1. hom. de fide Anna. i. i. i. i.

*b* Cantic. 6, 5, v. 2.

400 RHETORICA CALESTIS.

mio. Est enim oratio, ut Bernardus loquitur, quādam dormitio, quæ tamen sensum non sopiat, sed abducit. *a*

Quod autem ille qui orat, in Dei pectore vicem cordis obtineat, Geneseos scriptor de Noëmi sacrificio differens: Odoratusque est Dominus, inquit, odorem suavitatis; & (ut Hebræa phrasis est) ait ad cor suum. Ita Noëmum Deus sacrificio & orationi operantem, cor suum appellat. Hæc Paulus confirmans: Nos omnes, inquit, revelatâ facie gloriam Domini speculantes, in eandem imaginem transformamur à claritate in claritatem, tamquam à Domini spiritu. *b* Ita Dei hominisque corda in oratione ultrò citroque commutant, & mutatis gaudent hospitibus; humanum Deus, homo cor divinum amplectitur: ex homine fit Deus.

*a* Bern. serm. 52. in Cant. *b* 2. Cor. c. 3. v. 18.

§. 2.

Hinc est quòd Deus toties in gentem humanam ob ejus scelera saviturus, sacris carminibus & oratione velut sopitus, & quodammodo excantatus, fulmina jam parata posuerit. Talis olim incantator Moyses, à Deo quasi rogatur: Dimitte me, ut irascatur furor meus. *a* Hanc orationis vim obstupefcens Bernardus: Feriendi, ait, licentiam quærit à Mose, qui Moysen fecit. *b*

Hinc

*a* Exodi c. 32. v. 10. *b* Bern. serm. de Magdalena, mihi pag. 246.

Hinc e  
plicia illa  
incantato  
sopiant &  
niturus, I  
stina, inq  
facere qu  
Punitur  
cem Josu  
ge, inquit  
niturus S  
orare pro  
Saul? e  
pnus ab  
prudente  
Judæ, pr  
populo  
& orati  
obsecro,  
timet ex  
effundi  
Quanta  
superi, q  
velut in  
Pugn  
mè. U  
pugnans  
orando  
festa vic  
Per ora  
phos  
  
a Gen.  
c 1. Re  
Isaia c.

Hinc est etiam, quod Deus merita supplicia illaturus, oratores ejuscemodi sive incantatores prævertat, ne suis se precibus sopiant & excantent. Sodomaeos cives puniturus, Lotho secessionem impetrans: Festina, inquit, salvare ibi: quia non potero facere quidquam, donec pervenias illuc. *a* Puniturus sacrilegium Achan, militiae ducem Josue precibus abstinere jubens: Surge, inquit, cur jaces pronus in terrâ? *b* Puniturus Saulis contumaciam, Samuelem orare prohibens: Usquequo, ait, tu luges Saul? *c* Puniturus Hierosolymam, aufert prius ab illâ *prudentem eloquii mystici*, seu; *prudentem incantatorem*. *d* Puniturus filios Judæ, præcepit Hieremiæ: Tu noli orare pro populo hoc, nec assumes pro eis laudem & orationem, & ne obsistas mihi. *e* Cur, obsecro, prohibet orari? Liceat dicere, quia timeret excantari. Hinc præmonet orationes effundi, ac si effusas repudiare non possit. Quanta efficacia, quantaque vis precum, superi, quando Deus se iis ad resistendum, velut imparem facitur?

Pugnat qui orat, & expugnat validissime. Ut enim Josue Amalecitas subigeret pugnando, prius Moses expugnavit Deum orando. Occulta hinc fuit pugna, sed manifesta victoria. Hinc illæ Chrysologi voces: Per orationem Moses fit Deus, & ad triumphos suos militare sibi omnia mandat eleo

*a* Gen. c. 19. v. 22. *b* Josue c. 7. v. 10.

*c* 1. Reg. c. 16. v. 1. *d* Vt legit Theodotion, *Isaia* c. 3. v. 3. *e* Hierem. c. 7. v. 16.

## 402 RHETORICA CALESTIS..

elementa. *a* Elifaus hostes suos, ut Ambrosius loquitur, non armis superabat, sed oratione vincebat. Oratio enim longius vulnerat, quàm sagitta. *b* Cùm Solymæus Rex David ob affectam senectutem suos milites juvare non posset pugnando, plus juvit absens precando. Pientissimus Rex Josaphat, adversus triplicem exercitum progressus, non tela jaculando, sed psalmos cantando, ita labefecit hostes, ut ad unum omnes caderentur, & ne cladis quidem nuntius superesset; ita suos servavit milites, ut ex omnibus nec unus quidem interiret. *c*

De Theodosio Augusto dixit Augustinus: Contra robustissimum exercitum, magis orando, quàm feriendo pugnavit. *d* Summus Hebræorum sacerdos Jaddus Alexandrum Macedonem precibus expugnavit. Basilius Valentem Imperatorem, sacrificiis terrefecit; Leo Pontifex Hunnorum regem, Dei flagellum Attilam, oratione solâ domuit; Marci Aurelii Cæsaris Christiana fulminatrix legio, non sibi solum largissimos imbres in siti, sed in hostes fulmina precando evocavit è cælo. *e* Franciscus Xaverius solus & inermis innumeram barbarorum multitudinem precationibus ac lacrymis in fugam avertit. Carolus

*a* Chrysol. *serm.* 43. *b* Ambros. *serm.* 86. *de barbaris non timendis.* *c* 2. *Par. c.* 20. *v.* 21. & *seqq.* *d* Aug. *tom.* 3. *lib.* 5. *de Civit. cap.* 26. *mibi pag.* 62. *e* Tertullian. *in Apologetico c.* 5. & *l. adversus Scapulam cap.* 4. *Enseeb. l.* 3. *hist. Eccles. c.* 5.

rolus  
tor, t  
v. & or  
rius q  
omne  
die in  
precib  
prece  
vix. A  
dit, i  
tus. I  
xit. E  
hinc  
insign  
culi, C  
Scipio  
gno  
Hann  
adver  
proli  
esse,  
sæpu  
In sin  
sibi  
manu  
poeni  
cenfe  
etian  
recen  
firme  
De  
debu  
ma e  
a lta



rolus V. immortalī gloriā dignus Imperator, tot praelia inivit, tot bella confecit, tot victorias obtinuit, cælestis Rhetoricæ potiùs quàm castrensis Bellonæ viribus. Per omnem namque vitam divinæ rei quotidie interfuit, quotidie duarum horarum precibus prius manè Deo consecravit; preces insuper Canonicas quotidie recitavit. A cenâ duas iterum horas orationi dedit, plerumque flexis genibus precari solitus. Ita meliorem diei partem orando duxit. Hinc illa in rebus gerendis felicitas, hinc tot bella tam feliciter gesta, hinc tam insignes partæ victoriæ, ut Galli eum Herculi, Carolo Magno Germani, Itali Davidi, Scipioni Africano Siculi, Alexandro Magno Hispani, Turcæ Julio Cæsari, Afri Hannibali æquiparârint. Multi cùm animadverterent eum tam domi quàm militiæ prolixum æquè ac continuum in precibus esse, dicere solebant: Carolus cum Deo sæpius quàm cum hominibus loquitur. In singulas bellorum expeditiones, novas sibi preces & componebat, & suâ ipse manu describebat, quæ prolixitate septem poenitentia psalmos æquabant. Has prius censendas dabat, approbatas quotidie vel etiam in acie recitabat. Hic addo, quod recentissimis testimoniis vim orationis affirmet.

Dum hæc scribo, Parthenopolis seu Magdeburgum urbs Saxonie longè munitissima est expugnata, Anno Christiano millesimo

*a Ita Laurent. Surius ad annum 1559.*

## 404 RHETORICA CALESTIS.

simo sexcentesimo trigesimo primo, die  
 Maii vigesimo: superioribus sæculis ter gra-  
 vi ac diuturnâ obsidione cinctâ, expugnari  
 numquam potuit. Inde urbs hæc ingens  
 animi, seipsam velut ab omni hoste tutam  
 & prorsus inexpugnabilem circumspicere,  
 se virginem jactare, pericula ridere, secura  
 sibi omnia polliceri. Venit demum fatalis  
 dies, quo Christianus Josue Joannes Til-  
 lius Comes, Serenissimi Bavariz Principis  
 & Electoris Maximiliani supremus in bello  
 dux, urbem illam post obsidionem non  
 omninò bimestrem, factâ undique impres-  
 sione cepit. Factum æternis annalibus di-  
 gnissimum. Sed victoriæ hujus principium  
 ab oratione ductum est auspiciatissimum.  
 Nam Tillius Catholici exercitûs caput,  
 proximâ priore nocte vix horulam, dum  
 incommodè sedit, somno concessit, mox  
 elapso noctis medio rei divinæ interfuit.  
 Hic submissis genibus, passis brachiis, ut  
 alter Moses, crebris suspiriis ardentissimè  
 oravit. Dein operi moliendo ipse omnia se-  
 dulò curare, animare milites, suam cuique  
 stationem & laboris partem assignare,  
 unaque providum Ducem & laboriosum  
 militem agere. Jamque septima diei hora  
 imminabat, cum Tillius subsidium è cælo  
 implorare, Deum poscere adiutorem, mox  
 undique impressionem facere. Post Ducis  
 preces tam serias, tam feliciter hic insultus  
 cessit, ut ante meridiem circa decimam  
 ejus diei horam, Magdeburgum omnibus  
 terrò sæculis inexpugnabile, incredibili suc-  
 cessu.

cessu fuerit expugnatum. Hic modestissimus Dux assidue illud volutare: Non nobis, Domine, sed nomini tuo da gloriam: Nos scalas applicavimus, & muros ascendimus, tu Deus expugnasti: Quidquid hoc operis est aut victoriæ, Tibi debetur. Tu triumpas solus; nec socium habes in gloriâ.

Et reverà plus possunt preces submissæ, quàm elatæ vires vel maximæ. Illæ Deum in vota facilem flectunt; Deus est orantium clypeus.

## §. 3.

Oratione quoties numerosissimi exercitus sunt profligati?

Oratione Jacobus Nisibites urbem Nisibin contra Saporem regem protegens, omnes illius molitiones irritas fecit.

Oratione Zachæus pestem Cæsareâ eiecit.

Oratione Macharius Ægyptius aliique plurimi, cacodæmones ex humanis corporibus expulerunt.

Oratione Simeon Stylites, & plures alii, salientes fontes impetrarunt.

Oratione Abbas Theonas latrones vinxit, & velut statuas immobiles consistere coëgit.

Oratione Abbas Besarion salissimæ maris aquæ dulcedinem impertivit.

Oratione Gregorius Neocæsariensis Thaumaturgus montem loco movit & transposuit, paludes siccavit, fluvium fixis terminis coercuit, scipionem aridissimum  
virere,

406 RHETORICA CÆLESTIS.

virere, & in arborem assurgere iussit.

Oratione quot morbi è vitariis corporibus pulsî? Oratione quot mortui ad vitam revocati?

Neque hanc tantam Orationis efficacitatem negare licet, cùm effectus illius magis admirandos è sacris paginis perspectissimos habeamus.

Natura suis constat legibus, quis illas evertat? Quis frigori persuadeat, ne frigidum faciat? Quis urendi vim igni adimat? Quis suam plumbo aut ferro gravitatem subtrahat? Quis lapidem contineat, ne infima petat? Verùm oratio rerum omnium potens, hæc facili negotio conficit. Paulus orationis amantissimus in frigore & nuditate astat. Tres Hebræi juvenes orantes in medio flammarum non uruntur. Eliæ preces ignem descendere, & aquam cogunt lambere. Elisæ oratio ferrum natate jubet. Ad orationis impetium non lapis solum, sed & mons volabit. a

Oratio rapidissimum solis cursum adversus Gabaonitas stitit, & soli frenum injecit. Oratio umbram in horologio Achaz decem lincis retroëgit. Oratio in Achab milites bis ignem de cælo devocavit. Oratio Samariam obsidione liberavit. Oratio Amalecitas totque alios hostiles exercitus delevit. Oratio ampullam oleariam, & fasinulæ cistulam insigni fenore, incremento mirabili ditavit. Oratio aquis amarissimis Mara dulcedinem communicavit. Oratio

Suna-

a *Marci cap. II. v. 23.*

Sunam  
tio Sara  
tio fam  
elurien  
jejunare  
fornace  
in inno  
centum  
Sennar  
co. Or  
cis int  
cum d  
& cur  
Rege  
Chro  
Domi  
apud  
auxilie  
noster  
benes  
tinudin  
praval  
rum  
milit  
ad in  
cadem  
sunt, i  
Ora  
sanQu  
catcer  
claud  
pedu  
no n

q 2.

## LIBER II. Cap. XII. 407

Sunamitidis filium ad vitam reduxit. Oratio Saræ domum à dæmone liberavit. Oratio famelicas Leonum fauces conclusit, & esurientes belluas ad objectum pabulum jejunare docuit. Oratio vim flammæ in fornace Babylonicâ compescuit, & ignem in innoxium rorem permutavit. Oratio centum & octoginta millia hominum in Sennacheribi castris extinxit. Sed majus dico. Oratio decies centena millia Zaræ Ducis interfecit. Zara Æthiops militiæ Dux, cum decies centenis millibus bellatorum & curribus trecentis in aciem descendit, Regem Asa oppugnaturus. Sed Rex (ut Chronicon Regum loquitur) invocavit Dominum Deum, & ait: Domine non est apud te ulla distantia, utrum in paucis auxiliaris, an in pluribus: adjuva nos Deus noster: in te enim, & in nomine tuo habentes fiduciam venimus contra hanc multitudinem. Domine Deus noster tu es, non prævaleat contra te homo. Tantarum virum fuit hæc oratio, ut tot centena millia militum non solum territa, sed & fugata, & ad internecionem cæsa sint, quia Domino cædente, ut testatur sacer codex, contriti sunt, & exercitu illius præliante. *a*

Oratio nihil non potest. Oratio spiritum sanctum compluribus impetravit. Oratio carcerem Petri reseravit. Oratio homini claudo ad portam speciosam mendicanti pedum usum concessit. Oratio Publicano noxarum veniam, Cornelio Centurioni fidem

*a* 2. Paral. c. 14. v. 9. & seqq.

408 RHETORICA CALESTIS.

fidem & gratiam, Aeneæ paralytico sanitatem reddidit. Oratio Tabithæ vitam restituit. Sed

*Ante diem clauso componet vesper Olympo, a* quàm ego orationis emolumenta & effectus percenseam. Verissimè dixit Gregorius Nyssenus: Oratio virginitatis sigillum est, matrimonii fides, viatoribus scutum, dormientium custos, agricolarum fertilitas, navigantium salus, pugnantium trophæum. *b* Oratio verè tranquillitatis portus est, laborum solatium, vigor spiritûs, voluptatis caelestis gustulus, miseriarum ac calamitatum omnium lenimen, tutela corporis, animi certissima salus, interioris hominis lumen noxarum balneum, mors vitiatorum, divinæ iræ mel soporiferum, virtutum omnium hospitium tutissimum, clavis cæli. Sed quid prodest clavis aurea, si aperire non potest? quid obest lignea, si potest? Eodem prorsus modo, quid suavis eloquentia juvat; quæ Deum non flectit? Cur oratio inculta & simplex spernenda, quæ cælum aperit, & Deum vincit?

*a* Virg. l. I. *Aneid.* *b* Greg. Nyss. l. de Oratione, sub initium.

§. 4.

Hæc Chrysostomus suo calculo confirmans: Nihil aequè facit in virtute crescere, ait, atque cum Deo assiduè versari & colloqui. *a* Hinc homo potiùs velit non vivere, quàm non orare. Hinc optimi quique

*a* Chrysost. in Psal. 7.

que hominum omni studio totoque animo in hanc curam incumbebant, ut assidue cum Deo versarentur continuatis poenè colloquiis. Ex omni numero unum hinc nomino.

Emericus juvenis regius, beati Stephani Ungarorum Regis filius, non dies tantum, sed quas juvenus somno aut voluptatibus dare solet noctes, precibus pius vigil consecravit, non prius ab aurora deprehensus, quam omnes Davidis psalmos, centum quinquaginta lestitasset, & ad singulos, augenda submissioni, osculum terræ fixisset, veniamque delictorum à Deo petisset. *a* Corpus sine animâ cadaver est, anima sine oratione mortua est. Daniel satius effecit censuit vitam perdere, quam statas preces omittere. Rex Persarum namque non iusserat idola colere, sed non orare. At Daniel gravius sibi duxit non orare, quam mori. Hinc leones oratione vicit, in leonum cavo Angelum auxiliatorem, Abacuc dapiferum habuit. Omnia potest oratio.

Sed oratio seria & attenta, & verè cælestis Rhetorica, quam utroque hoc libro descripsimus. Eos qui nec seriò nec attentè orant, Bernardus deslens: Vacantes, inquit, corpore, & vagantes ubique corde, nequaquam merentur videre, quam dulcis est Dominus. *b* Hic talis orator diabolis est irrisui.

*a* Ita Laurent. Surius, Zacharias Lippeleo, Franciscus Haraus die 4. Novembris. Veniam petere, propriâ phrasi prisci erat. terram seculari. *b* Bern. de inter. domo c. 70.

# ATO RHETORICA CÆLESTIS.

irrisui. De illo dicere licebit : Viderunt eum  
hostes, & deriserunt sabbara ejus. *a* Vident  
damones externo quidem orantis habitu  
corpus otari, at certis indiciis conjiciunt,  
animum huc illuc petulanter evagari, quod  
illis hostibus summè ridiculum est.

Huic malo graviter ingemiscens Augu-  
stinus : si movet dolor magnus, inquit, ad-  
versus fratres nostros movet, qui sic volunt  
intrare in ecclesiam, ut ibi corpus habeant,  
& alibi cor. Totū intus esse debet. Si intus  
est quod videt homo, quare foris est quod  
videt Deus. *b* Hęc cogitationum in oratione  
libertas, turpissima servitus est. Quod Cæsa-  
rius Arelatensis observans : Videte, inquit,  
quā sit dura ista captivitas, ut lingua quasi  
cum Deo loquatur, & tota animi intentio  
ad terram, & parietes dirigatur? *c*

Orationis studium non tam in ore quā  
in corde sedem figat. Quod Paulus docens:  
Implemini, ait, spiritu sancto, cantantes &  
psallentes in cordibus vestris Domino. *d*  
Cum intelligentiā orantes, inquit Chryso-  
stomus, ut non os quidem verbum loqua-  
tur, mens autem extra versetur; sed ut lin-  
gua ab animā audiatur. *e*

Non immeritò de iis queritur Deus, qui  
sibi tergum obvertunt in templo. Averte-  
runt, ait, facies suas à tabernaculo Domini,  
& præbuerunt dorsum. *f* Quo quid esse  
potest,

*a* Thren. c. 1. v. 7. *b* Aug. serm. 6. de verbis  
Dom. *c* Cæsar. Arelat. hom. 31. *d* Ephes.  
cap. 5. v. 18. & 19. *e* Chrysost. in psal. 41.  
*f* 2. Paral. cap. 29. v. 6.



LIBER II. Cap. XII. 411

potest, non dicam inurbanus, sed impudentius? Casarius Arelatensis, quem dixi, optimè: Orantes laboremus, inquit, ut nulla nobis extranea cogitatio subrepere possit; ne fortè aliud habeamus in corde, & aliud proferamus ex ore: ne fortè dum lingua Dominum rogat, cogitatio in rebus variis occupata, ab orationis sensu discedat, & inde acquirat peccatum, unde habere potuit remedium. <sup>a</sup>

Attende, ô homo, qui oras, ne frustra ores. Attende, alioqui perdis, quod dicis. Attende, ne forsitan quod orator magnus, fateri debeas. Creberrimè in oratione meâ, aut per porticus deambulo, aut de fenore computo, aut abductus turpi cogitatione, etiam quæ dictu erubescenda sunt, gero. Ubi est Fides? siccine putamus orâsse in ceto Jonam? sic tres in igne pueros? sic Daniele inter leones? sic in cruce latronem? <sup>b</sup>

Quòd si Oratores maximi nonnunquam hîc hallucinati titubârunt, quis stare se gloriatur? Si cum illis dormitamus, cum illis pariter evigilemus. Imò cum sanctissimi etiam viti fugacem in oratione animum subinde sint experti, nos tantò vigilantiores esse convenit, ut fugacissimum cor nostrum, câ sollicitudine custodiamus, quam Ecclesiastes desiderans: Custodi, ait, pedem tuum ingrediens domum Dei. <sup>c</sup> Non corporis pedem custodiendum docet, sed animi,

<sup>a</sup> *Casari. Arelat. loc. cit.*

<sup>b</sup> *Hieron. dial. adversus Luciferianos.*

<sup>c</sup> *Ecclesi. c. 4. v. 16.*

mi, ut oratio ad Deum veniat pura.

Ah quoties eâ cogitationum mole obrui-  
mur, ut potius in foro nundinari, quàm  
in cubiculo precari videamur! Quod Chry-  
sostomus dixit: Labia solummodò mo-  
ventur, & mens sine fructu est. *a* Multum  
loquimur, parum aut nihil oramus, grandis  
verborum strepitus, exiguus aut nullus  
mentis affectus. Hic Augustinus orationem  
prolixam & multiloquium exactissimè dis-  
criminans: Neque enim, inquit, ut nonnulli  
putant, hoc est orare in multiloquio, si  
diutius oreitur; aliud est, sermo multus,  
aliud diuturnus affectus: hoc autem nego-  
tium plus gemitibus quam sermonibus  
agitur, plus fletu quàm affatu. *b*

Cùm Heli Sacerdos Annam ardentissimè  
precantem suspicaretur remulentam, re-  
spondit illa: Ne reputes ancillam tuam,  
quasi unam de filiabus Belial, quia ex mul-  
titudine doloris & inqueroris mei locuta  
sum usq; in præsens; effudi animam meam  
in conspectu Domini. *c* Dum Anna omnem  
animam in Deum transfunderet orando,  
visa est non sanæ mentis velut ebria insani-  
re. Neque illa penitus se negavit ebriam, sed  
ebriam vino: uti Petrus ceteros Aposto-  
los non ex toto negavit ebrios, sed ebrios  
musto. Certè divini Spiritus fervor, quo  
pleni loquebantur, sobria fuit ebrietas. Sic  
ardor

*a* Chrysost. tom. 2. hom. 17. pag. 1038.

*b* August. tom. 10. epist. 121. ad Probam de  
orando Deo, mibi pag. 238.

*c* 1. Reg. c. 1. v. 15. & 16.

ardor animi, quo Anna in oratione astuabat, ebrietas quædam erat, quæ mentem illius non in dementiam laxabat, sed ad sapientiam veram conformabat: Effudi, ait, animam meam in conspectu Domini; toto animo, totoque affectu Dominum rogavi. Hoc fit, ait Augustinus, cum mens quodammodo se sibi furatur, imò rapitur atque elabitur à seipsâ, ut Deo fruatur. <sup>a</sup>

De oratione tam intentâ & vigili Laurentius Justinianus: Talis, inquit, oratio cordis est, non labiorum; nec enim precantis verba intendit Deus, sed orantis cor aspicit. Quid oratio prodest strepitu labiorum, si cor est mutum? Sicut enim vox sine modulatione humanis auribus onerosa, sic oratio absque devotione divinis est inexaudibilis. Illa est suavissima orationis harmonia, quando vox cognoscitur animo consonare. Nam si hæc duæ res discrepabili sibi varietate dissentiant, nequaquam possunt gratam Deo facere cantilenam.

<sup>a</sup> *August. in Manual. c. 20.*

6: 5.

Sapientissimus morum magister: Fili mi, ait, attende ad sapientiam meam, & prudentiæ meæ inclina aurem tuam, ut custodias cogitationes. <sup>a</sup> Et quænam hæc cogitationum custodia est? Difficilis & operosa, sed utilis & honorifica. Qui cogitationes custodire nescit, nec orare scit. Eruditè dixit Cassianus & verè: Perparum orat, quisquis

T 2

<sup>a</sup> *Prov. c. 5. v. 1. & 2.*

414 RHETORICA CALESTIS.

quisquis illo tantum tempore, quo genua  
flectuntur, orare consuevit. Nunquam orat,  
quisquis etiam flexis genibus evagatione  
cordis qualicumque distrahitur. *a* Suâ cul-  
pâ & desidiâ distractus, unâ manu suppli-  
cem libellum Deo porrigit, alterâ eundem  
retrahit, & velut facti poenitens conscindit.  
Quotiescumque oramus, plurimum impe-  
tramus, modo sibi conflet animus, & quod  
agit, hoc agat.

Plumbeus aqua tubus effracto foramine  
non transmittit aquam, sed effundit in viâ:  
Oratio gratiæ canalis est, hunc autem per-  
forat distractio, & omnem perdit gratiam.

Basilii Magni orationem vagam &  
attentione vacuam cibo comparat, qui nec  
sale, nec adipe, nec aromate ullo conditus,  
nil habet saporis, canibus potius quàm  
convivis apponendus. *b* Oratio attenta fer-  
culum est caelesti mensâ dignum. Et sanè  
melior multò est oratio brevis & attenta,  
quàm prolixior & vaga. Christus Birgittæ  
viduæ dixisse fertur: Dico tibi filia: Qui-  
cumque fide & voluntate perfectè dicit hæc  
verba: *J* E S V, misere mei; magis mihi  
acceptus est, quàm qui mille verba sine  
attentione pronuntiat. Addo in gratiam  
Sacerdotum.

Mechtildis virgo, quod Ludovicus Blo-  
sius narrat, crebrius precari solita est pro  
illo, qui horarias preces, minùs quàm vole-  
bat attentus, dicere consueverat. Mechtildi

*a* Cass. l. 10. sac. Coll. c. 14.

*b* Basil. in quæst. brevior. q. 279.

vox arcana respondit: Ille pro quo rogas, post solitas preces hæc verba subjungat: *Deus propitius esto mihi peccatori.* Si publicano veniam, cur non & aliis hæc voces impetrent? Misericordia divina nihilo quàm olim contractior est.

Neque verò est, quòd hîc cacodæmonis insidiosos impetus formidemus: Suadere potest, cogere non potest. Gravis nobis est, inquit Bernardus, inimici tentatio, sed longè gravior illi nostra oratio. *a*

Franciscum Borgiam Gandiæ Ducem orantem interpellare, dæmoni sæpe studium fuit; nunc simii, nunc gigantis specie, nunc terrificis spectris, nunc formâ supra humanam majore. Pintia cubiculo digressus, salubri signo se muniens: Vidésne, inquit, Marce frater, formidandum visu dæmonem passim obambulantem? Quo dicto acquievit Franciscus, animoque nonnihil sedato erubuit, quòd metum præ se tulisset ejus spiritus, qui homini ne capillum quidem queat subducere, Deo non annuente. Interrogatus quandoque à socio, num timuisset viso dæmone per conclave obambulante? Ille submissis modestè oculis. Hoc, inquit, satis constat, Deo permittente diabolos sub aspectum se dare improbis quidem, ut à flagitiis absterreantur; probis, ut ad pietatem magis exerceantur. *b*

T 3

Hila-

*a Bernard. serm. 3. de Dedicat. Eccles. mihi pag. 342.*

*b Pet. Ribaden. & Andr. Schottus, in ejus vitâ l. 4. c. 4.*

Hilarionem Hieronymus diu noctuque gravissimè cum laborantem, tum orantem, à diabolis tamen vexatum memoràs: Quoties, inquit, jacenti feminæ, quoties elu-  
 rienti dapes lautissimæ apparuere? Non-  
 nunquam orantem lupus ululans, aut vul-  
 pes ganniens transiliit. Psallenti spectacu-  
 lum præbuit gladiatorum pugna, & unus  
 veluti jugulatus, ad pedes ejus corrucens  
 rogavit sepulturam. Die quodam vir san-  
 ctus fixo in terram capite oravit, mens in-  
 terim, ut natura hominum fert, abducta ab  
 oratione nescio quid aliud volvebat. Mox  
 ejus tergo gladiator infiliens, & latera cal-  
 cibus, cervicem flagello verberans, nec sine  
 cachinnis: Eja, clamat, cur dormitas masti-  
 gia? Vis hordeum reparandis viribus? a Ita  
 nemini parcit veterator. Quocirca Christi  
 voces identidem ingeminandæ nos exper-  
 gefaciant: Vigilate & orate. Oratio vigi-  
 lans adversus hunc hostem tutissima Pan-  
 oplia est. Omnem cacodæmon lapidem  
 movet, ut orationem turber. Hinc inter  
 orandum illatas injurias refricat, calumnias  
 objectas ingerit, tedium parit, impatien-  
 tiam provocat, iracundiam extimulat, ab-  
 surdis somniis fatigat, strepitus importu-  
 nos excitat, corporis molestias sic aggravat,  
 ut stomachus ructet, caput doleat, rursus  
 vexet, lassitudo avocet, debilitas deiciat.  
 Hac omnia eò dirigit vaferrimè, ut oratio-  
 nem impediatur, aut interrurbet. Hinc Aga-  
 thon

a Hieron. in vitâ Hilarion, c. 4.

thon Abbas dicere solebat : Oratio illa est excellentior , quæ difficilior , nam omnes eam dæmones impugnant.

Non tamen ideò abrumpenda , aut non incipienda oratio . Vigilemus & oremus . Beatus Agidius interrogatus , cui similem existimaret eum , qui distractionibus irruentibus oratione desisteret : *Fugienti è pralio*, respondit . Addidit : Si gratiam in precibus sentis , ut augeatur , ora : Si non sentis , non ideò cessa . Gratos habuit Deus etiam caprarum pilos , qui ad priscae legis præceptum offerebantur .

Hieronymus de seipso : Solus , inquit , deserta penetrabam : sicubi concava vallium , aspera montium , rupium prærupta cernebam ; ibi meæ orationis locus , ibi illud miserrimæ carnis ergastulum : & ut ipse mihi testis est Dominus , post multas lacrymas , post calo inhærentes oculos , nonnumquam videbar mihi interesse agminibus Angelorum : & lætus gaudensque cantabam : Post te in odorem tuorum unguentorum curram . *a* Vigilemus & oremus .

Querimus subinde , nobis orandi gratiam necesse ; ah quantò iustius quereremur , nos deesse gratiæ !

Frequentissimè malè oramus , quia mentem ad orationem non disponimus . Eius rei fidelis monitor Gregorius : Semper , inquit , ante orationis tempora debet sollicitè conspici , quidquid potest in oratione reprobari . *b*

*a Hieron. epist. 22. ad Eustoch.*

*Claræ,*

*b Gregor. I. 10. moral. c. 16.*

418 RHETORICA CALESTIS.

Claravallensis Abbas Bernardus templum ingressurus, primam januam sic alloqui solebat : Ceteras meas curas tibi committo, donec orandi curâ me liberavero, *a* Christus discipulis : Sedete hic, inquit, donec vadam illuc & orem. *b* Ita quilibet suarum cogitationum Euripo imperet : Usque huc venies, & non procedes ampliùs : & hic confringes tumentes fluctus tuos. *c*

Harpyjas aves rapacissimas Trojani ad mensam gramineam comessantes, non flabro sed ferro abigere conati,

— *Nova prelia tentant,*

*Obscanas pelagi ferro sadare volucres. d*

Cogitationes inter orandum tam importunæ, sunt Harpyjæ voraces & immundæ, quæ suave cum Deo convivium interturbant, dapes pollunt, omniaque contactu foedant. Has non abigere solùm, sed & interficere conemur. Vigilandum & orandum. *a* Ex Navarro de Orat. Ican. Myraus Antwerp. Episc. in orat. anno 1608 habitâ feriâ 2. majoru hebdom. *b* Matth. c. 26. v. 36. *c* Job c. 38. v. 11. *d* Virgil. l. 3. *e* *Æneid.* post iunt.

§. 7.

Cùm olim omnis Hebræorum exercitus ad pedem montis ululatu castrensi baccharetur, Moses in rupis cacumine cum Deo collocutus nihil audit, in descensu montis audire cœpit. *a* Nec mirum, totam animam suam in illud cum Deo colloquium

*effundit.*

*a* Exodi c. 32. v. 18;



effundebat. Non satis est orare, nisi attentè, nisi seriò & intentè oremus. Quid mihi cum gladio, si acies ejus hebescat? Quid mihi cum arcu, si nervo careat? Quid mihi cum libro, quem nemo intelligat? Aliquid armorum olim Hebræis permittebant Philisti, sed quorum acies retusa erat, ab his enim nihil periculi sibi metuebant. Ita planè dæmones non formidant orationis arma, si ea sint retusa: orans, sed sub oratione aut dormitans, aut garriens, aut circumspiciens, aut aliena cogitans; stygias larvas non terret; illæ gladios tam hebetes, preces tam frigidas & exarmatas non fugiunt, Hoc Chrysostomus planissimè affirmans: Magna, inquit, sunt arma preces; modò sobrii, & undequaque mente nostrâ collectâ Dominum adeamus, totique nitamur ita loqui, ut non solum verba, sed & mens verborum comes ad Deum accedat. *a*

Veteris metri non quidem adeò venusti, sed certè pii & quod nostri nos officii ingenuè monet, nunquam non memores simus:

*Ante Deum stantes ne sitis corde vagantes;*

*Si cor non orat, incassum lingua laborat.*

Ita prout est. Etiam si mille verborum plaustra in calum os mittat, labor est irritus, si cordis desit comitatus. Orandum spiritu, orandum & mente; psallendum spiritu, psallendum & mente. *b* Solius linguæ strepitus, labor inanis & vanus. Si cor obmutescit, nemo cælitum soli linguæ credit.

Quid igitur nos ipsos pueriliter circumspicimus,

*a Chrys. hom. 30. in Gen. b 1. Cor. c. 14. v. 15.*

spicimus, quid inanissimè gloriamur tot aut tot orationes è libro recitasse? Inspice, quid dixeris, & vix quidquam specioso orationis nomine dignum reperiēs. Quid enim? Oratio tam incustodita & inambulans, tam vaga & tumultuans, tam mixta & impura, tam præceps & cursim festina, tam impos sui; garruli potius & inanima declamatio censenda, quàm oratio?

Romanus Orator Tullius olim ad Judicem subfelicitate concitatiùs exclamans: Ubi, ait, peregrinantur aures vestræ? <sup>a</sup> In homines tam vagæ orationis hoc usurpandum: O Christiani, ubi peregrinatur mentes vestræ?

O Deus, quàm nec te, quem adoraturi accedimus, nec tuos principes tibi adstantes attendimus! quando enim nec te, nec illos cernimus, nec tuâ, nec illorum præfentiâ movemur. Angelos attentè orantibus adesse, luculenter tradens Chrysostomus: Tunc adstant Angeli, ait, magno audientes cum silentio, & postquam cessaverit, ei applaudentes, laudantes, admirantes. Addit: Quando ad Deum accedimus, id esse existimemus theatrum, sed ex universo orbe terrarum, vel potius ex supernis populis cælestibus collectum, & regem in medio sedere, qui vult nostram audire orationem. Nullus sit citharædus, nullus lyricen, qui ita se exerceat scenam ingressurus, timens, ne quid insuave & inconcinnum canat, ut nos ingressuri theatrum Angelorum. *b*

Hinc

*a* Cic. pro Milone. *b* Chrysost. tom. 1. in psal. 4. mihi pag. 614.

Hinc illa cælestis sponsi exhortatio: Quæ habitas in hortis, amici auscultant te; fac me audire vocem tuam. *a* Attende quid dicas, quid canas; adsunt Angeli tuæ orationis arbitri, adsunt & auscultant. Tu igitur orationem dignam, quæ à me audiat, prome: Innumeros habes auditores, qui omnes auscultant attentissimè, quomodo tuam ipse causam coram me acturus sis. Usurpemus igitur officium, inquit Bernardus, quorum sortimur consortium. *b* Cave, quisquis oras, ne velut temulentus rusticus voce inconcinnâ & absonâ cantes; amici auscultant, audiunt Angeli, & de tuâ oratione judicant. Tu ergo attentione quantâ potes maximâ precare: ante Deum Angelorum medius consistis.

Sed ut orandi norma & exemplum quàm absolutissimum semper in oculis sit, videte Christiani Christum Dominum, ideam precandi & formam exactissimam intuemini. En Dominus Jesus in horto Gethsemani hac vocis, hac gestuum, hac totius corporis compositione oravit: Positis genibus, procidit super terram in faciem suam, & orabat, ut, si fieri posset, transiret ab eo hora; & dixit: Abba Pater, omnia tibi possible sunt; transfer calicem hunc à me, sed non quod ego volo, sed quod tu. Et oravit tertio eundem sermonem, dicens. *c*

De Rhetoricâ cælesti, de attentâ & seriâ oratione huc usque egimus; hîc summam

*a* Cantic. c. 8. v. 13. *b* Bern. serm. 17. in Cant.  
*c* Ita Matthæus, Marcus, Lucas.

422 RHET. CÆL. LIB. II. CAP. XII.

rem complectimur. Docuit nos antehac Servator, quibus verbis orādum, hīc autem docet, quo sensu, quibus gestibus, quanto affectu instituenda oratio. Videte & audite, quibuscūque animus est orandi artem discere. Oravit Dominus JESVS:

1. *Positu genibus*: Prono & supplici gestu, ad instar rei.

2. *Procidit in terram*: Reverentiā in Patrem maximā.

3. *In faciem suam*: Submissione ac humilitate summā.

4. *Orabat, ut si fieri posset*: Oblatione sui, & resignatione paratissimā.

5. *Abba Pater*: Affectu in eum, quem orabat, ardentissimo.

6. *Omnia tibi possibilia sunt*: Ingenti in divinam potentiam fiduciā.

7. *Non quod ego volo, sed quod tu*: Conformatione ad Patris voluntatem integerrimā.

Demum, Oravit tertio eundem sermonem dicens: En perseverantiam in orando perfectissimam. Quapropter optimè dixit Climacus: Ad omnem quidem virtutem præcipuè tamen ad orationem, summo cordis sensu & affectu semper exerceri debemus, a Climac. grad. 28. prope finem, mihi pag. 397.

F I N I S.

Vidit & approbavit G. ESTRIX,  
Plebanus & lib. Censor.

XII.

tebac  
ntem  
uanto  
oudi-  
ntem

gestu,

n Pa.

c hu.

e (ii)

ent

ei in

on-

ger-

nem

entē-

Ca-


pr-

ordis

as, 2

197.


IX.



Biblioteka Jagiellońska



stdr0027425





Rhetoric  
eclesiastic  
Oration  
Drexelii